






Ex Bibliotheca
majori Coll. Rom.
Societ. Jesu

34.6.18

1
6
D





V I T A
P. BALTHAS-
SARIS ALVAREZ,
SOCIETATIS IESV

RELIGIOSI,
 MVLTIS AC PRAECLARIS DOCV-
 mentis referta, Superioribus, Tyronum Magistris,
 & Operarijs in salutem proximorum incum-
 bentibus apprimè utilis.

P E R

P. LVDOVICVM DE PONTE VALLIS-
*Oletanur. Aisdem Societatu Hispanicè edita, &
 pulchris Digressionibus ad eadem documen-
 ta accommodatis exornata.*

P. MELCHIOR TREVINNIVS
 eiusdem Societatis Latinè reddidit.

Coll. Rom.




BIBLIOTHECA NAZ.
 ROMA
 VITTORIO EMANUELE
Soc. Rom.

COLONIAE AGRIPPINAE,
 Apud Ioannem Kinchium, sub Monocerote.
 ANNO M. DC. XVI.

Permissu Superiorum & cum grat. Privil. S. C. Maiest.

B. S.





A D M O D V M
R. P A T R I I N
C H R I S T O, P. N O S T R O
M V T I O V I T E L L E S C O
S O C I E T A T I S I E S V
*Præposito Genera-
li, &c.*



LIQVOT virorum Societa-
tis nostræ res gestæ P. adm.
R. in lucem prodierunt, tum
seorsim, tum simul in nouis-
sima Societatis IESV histo-
ria, à P. Nicolao Orlandino
edita, in quibus præclara virtutum exempla,
spiritualia documenta, & monita ob oculos
nobis proposita sunt, quæ ad Instituti nostri
perfectionem sectandam nos impellunt: sed
nescio, an vlla sit tot virtutibus, exemplis, va-
rijsque monitis, ac spiritualis vitæ documen-
tis referta, atque hæc P. Balthassaris Aluarez:
cui cum Societatis Institutum maximè cordi
esset, omnia sua eò conferebat; vt, quod mu-
nere diuino acceperat, (erat autem omnino
eximium magnique momenti) ad nostri or-
dinis hominum commoda, per quos proximi-
* 2 morum

morum bonum & salus promoueretur, totum dirigeret. Nullus est in Societate gradus, siue Superioris, siue Operariorum spiritualium, & Coadiutorum temporalium, qui non inueniet in hac historia, magna ad suum quisque munus adiumenta: præcipuè cum P. Ludouicus de Ponte, eiusdem aliquando filius, & intertiji anni Probatione discipulus, qui historiam conscripsit, multa addiderit, aliorum eiusdem in spiritu discipulorum, aut subditorum exempla virtutum; & digressiones, quæ ad eiusdem P. Balthassaris exempla & documenta illustranda plurimum conferunt. Eam historiam ex Hispanico in latinum sermonem cum Superiorum approbatione verti, ut pluribus esset vsui. Nam huiusmodi exempla recentia, tum antiquorum Patrum perfectionis studium reddunt credibilis; tum magnam semper vim habent ad legentium animos permouendos; cum videant quasi præfentes viros Instituti nostri adeò studiosos: nam ut præfentis alicuius virtus, quem oculis ipsis cernimus, magnam vim habet ad viam perfectionis nobis faciliorem reddendam: ita etiam absentium gesta magnæ perfectionis plurimum iuuant, ut naturæ nostræ imbecillitas, ab eadem aggredienda non solum non terreatur; sed magnos spiritus & animos summat ad eandem amplectendam, & in ea progressus magnos faciendos. Hic finis historiam
 con-

DEDICATORIA.

conscribentis fuit, & meus. Faxit Deus, vt tantum Lectores fructum hauriant, vt & ipsorum exempla præsentes quibuscum versabuntur, permouere; & successores ædificare possint: plura, quæ in hunc finem adferri possent, ipse R. P. Ludouicus de Ponte in sua ad Lectorem præfatione fusè differit: hic mentem meam tantum V.P. insinuare volui, vt: & hoc nomine, quod P.V. interpretatio hæc dicata sit, aliquid momenti historiæ, eiusque lectioni adferat. Deus P.V. Diutissimè Societati nostræ, totiçue Ecclesiæ sanctæ incolumem seruet, sanctissimisque donis locupletet, ad felicissimam totius huius corporis (quod haud ita pridem singulari quodam, & quasi diuino omnium, qui electioni legitimè aderant consensu, atque omnium nostrum plausu & congratulatione regendum à Deo suscepit) gubernationem, profectum, amplificationem, ornamentum. Cuius paterno amori & sanctissimis precibus humiliter ac reuerenter me commendo.

Adm. R. P. V. rz

minimus in Christo seruus

Melchior Treuinnius.

C O P I A P R I V I L E G I I
S O C I E T A T I S I E S V.

CV M ex mandato Sacræ Cæsar. Maiestatis, omnibus & singulis Typographis, Bibliopolis, ac alijs quacunque librariam negotiationem exercentibus, seriò firmiterque inhibeatur, ne quisquam libros ullos à Societatis Nostræ Patribus hætenùs editos aut impofterum edendos, intra S. Rom. Imperij Regnorum. & Dominiorum suæ Cæs. Maiest. hæreditariorum fines, simili, aliove charactere aut forma, siue in toto, siue in parte recudere, vel aliò recudendos mittere, aut alio etiam impressos adducere, vendere, & distrahere clàm seu palàm citra supradictorum Patrum consensum ac testimonium audeat, vel præsumat: Ego HENRICVS SCHERENVVS Societatis I E S V per Rheni Prouinciam Prouincialis concedo IOANNI KINCKHIO facultatem excudendi Vitam R. P. Balthassaris Aluarez conscriptam à R. P. Ludouico de Ponte Vallis-Oletano è Societate I E S V, à R. P. Melchiore Treuinnio latinè conuersam. In quorum fidem hoc ei testimonium manu nostra subscriptum, & Sigillo nostro munitum dare volumus Colon. 21. Februarij, Anno M. D C. XV.

HENRICVS SCHERENVVS.

AUTHOR

AUTHOR PIO

LECTORI.



OSTQVAM Ecclesiasticus populum suum Israel, & in eo homines vniuersos, diuina legis præcepta, multa consilia, magnaquæ perfectionis documenta docuisset, voluit statim ante oculos eius ponere heroica Maiorum

suorum exempla: qui, quòd eadem præcepta, & consilia exactissimè seruassent, digni facti essent coram Deo & hominibus laude & gloria æterna; vt sic, qui librum ipsum legerent, quem ipse scribebat, ad eorum imitationem exstimularentur, & accenderentur: vt eadem viâ gloriam & honorem consequerentur, quem illi fuerant consecuti. Eadem quoque operâ muneri suo & obligationi satisfecit, quâ tenebatur renouare, ac perpetuam reddere eiusmodi virorum memoriam, qui egregijs suis facinoribus genus & nationem suam illustrarant, laudans nominatim, & ampliùs extollens Magistros suos, à quibus ipse, quam docebat alios, sapientiam didicerat: vt sic bonum, quod ab eis acceperat, redderet, ac retribueret. a Laudemus, inquit, viros gloriosos, & parentes nostros in generatione^{1.} sua. Multam gloriam fecit Dominus magnificentia sua à sæculo. Dominantes in potestatibus suis, homines magni virtute & prudentia sua

tia sua præditi, nunciantes in prophetis dignitatem prophetarum, & imperantes in præfenti populo, & virtute prudentiæ populis sanctissima verba. In peritia sua requirentes modos musicos, & narrantes carmina Scripturarum. Homines diuites in virtute, pulchritudinis studium habentes: pacificantes in domibus suis. Omnes isti in generationibus gentis suæ gloriam adepti sunt, & in diebus suis habentur in laudibus. Qui de illis nati sunt, reliquerunt nomen narrandi laudes eorum. *Hæc Ecclesiasticus, cuius consiliū, ab ipso Deo sicut reliqua, quæ in illo libro scripsit, inspiratum cupio in hoc meo sequi.* Cum enim libros aliquos ediderim de Oratione & Meditatione; ac de Perfectione Christiana in omni vitæ genere, quibus ad eam consequendam lectorem quasi manu-ducerem, optabam etiam scribere heroica nostrorum: *Antecessorum Exempla, qui nos eam docuerunt.* Non dico, valde antiquorum: quia, qui illis fuerunt viciniore ab hoc labore nos liberarunt; sed eorum, quos ipsemet noui, & cum quibus versatus sum, quorum sanctitate ac doctrina sum usus, & quibus Deus Dominus noster virtutes, ac veritates sculpsit, quas in libris meis proposui & exposui. Horum vnus fuit Pater Balthassar Aluarez, insignis nostræ Societatis I E S V Religiosus, verè Pater & Magister in spiritu, non mous tantū, sed omnium serè Seniorum qui in Prouincia hac Castellæ versantur; & plurimorum Ecclesiasticorum, ac Sæcularium huius regni:

PROLOGVS.

regni: vir in quo Deus magnam suam benignitatem ostendit, caelestibus suis donis cum ditans, per quem magnam inter fideles gloriam obtinuit: vir verè in virtute magnus, insigni prudentia pradi-
tus, in aperiendis scientia mysticæ arcibus; in gu-
bernandis, & promouendis animabus; in collo-
quijs de Deo sanctissimis, quibus audientium cor-
dâ penetrabat, & accendebat: vir valde diues
in diuitijs caelestibus: cuius studium continuum
fuit in virtutis pulchritudine, & in familiarita-
te cum Deo; conuersans inter suos cum ingenti pa-
ce, quam inter omnes promouebat: quamobrem
magnum obtinuit sanctitatis nomen, tam apud ho-
mines Societatis nostræ, quàm apud alios, quibus-
cum versabatur, & in diebus suis ab omnibus fuit
in laudibus habitus. Mihi autem eius filio, ac
discipulo hæc sors obtigit, vt insignes eius virtutes
scriberem, quibus omnes ad earum imitationem ani-
memur. Nam (vt ait sanctus Gregorius) vita Iusto- Lib. 24.
rum est viua quadam lectio virtutum, ac medio- moral.c.
rum ad eas consequendas; est splendidissimum quod-
dam speculum in quo nostros defectus & imper-
fectiones expressas cernimus, vt eas deponamus, &
nos ipsos purificemus: est viuum exemplar per-
fectionis Euangelicæ, omniumque graduum, per
quos ad eandem liceat conscendere: est perfectum
memoriale mirabilem Dei, qui est admirabilis in
sanctis suis: dum eos perducit ad culmen sanctita-
tis; nunc per vias extraordinarias & prodigiosas,
admirandas potiùs, quàm imitandas; nunc per ordi-
nariam

P R O L O G V S.

nariam & tritam, modo tamen quodam heroico & perfectissimo; ac propterea & admirabili, & imitabili: hac igitur via insignem hunc patrem deduxit: in cuius vita plurima inuenient, quæ imitentur, quicunque ad perfectiorem contendunt, donumque obtinere desiderant, orationis & familiaritatis cum Deo Domino nostro; scireque rectè, magnoque cum fructu cum proximis agere: & hoc præcipuè nomine eius vita est viua quadam eius imago, quam illi Religiosi amplecti debent, qui actiuam cum contemplatiua ex suo Instituto profitentur, attendentes scilicet exercitijs orationis & contemplationis, & simul occupationibus & munijs animas iuuandi. & quoniam talis est professio Religiosorum Societatis I E S V, ideo illis nominatim exemplar hoc ob oculos pono: vt ad eam perfectionem contendant, quæ exactè pleneque suum seruent Institutum. Et vniuersim qui valde spirituales ac perfecti esse desiderant in vtraque vita, si scire velint, quæ via voti compotes euadere possint, coniiciant oculos in eos gradus, per quos sanctum hunc virum Deus deduxit, & per eosdem ipsi ambulare studeant, quantum ipsis concessum fuerit à Deo: à cuius gratia & misericordia omnis noster profectus dependet: modò eius diuinis inspirationibus obediamus; industriaque nostra ac diligentia illis cooperemur. P R I M V M enim dedit illi Deus donum O R A T I O N I S, per ordinariam rationationum, ac meditationum viam, nominatim circa vitam, passionem ac mortem Christi Redemptoris

P R O L O G V S.

prioris nostri. Sed quia donum hoc, nudum ac so-
 lum esse non potest, SECUNDUM addidit,
 SPIRITUM scilicet POENITENTIAE ac
 MORTIFICATIONIS in rebus omni-
 bus, Et ut altiores in utroque dono radices mitte-
 ret, adiecit TERTIUM, excellentissimam scili-
 cet trium VOTORUM custodiam, CASTI-
 TATIS, PAUPER TATIS, & OBE-
 DIENTIAE; ceterorumque consiliorum per-
 fectionis quae in sua Religionis regulis sunt expres-
 sa. Ad id autem multum Deus illuminuit pio san-
 ctissimi Sacramenti usu & frequentia, faciens eum
 Sacerdotem, ut absque impedimento frequentius
 posset communionem suscipere. Et quoniam Pa-
 tronis indigemus, qui sua intercessione nos iu-
 uent ad coeptum aded excelsum & arduum obti-
 nendum: insigne ei indidit pietatem ac deuotio-
 nem ad sacratissimam Virginem matrem suam,
 ad Angelos, & Sanctos multos Patronos nostros,
 Addidit etiam illi feruentem salutis animarum
 ZELUM, magnasque dotes, ac talenta ad eas
 iuuandas; promouens eum ad varia munia, qui-
 bus copiosam ex eis messem colligeret. Iniunxit et-
 iam illi gubernationis munus, ut subditos suos ma-
 gis adhuc iuaret, pasceretque oves Christi, ad bo- Ioan. 21.
 ni sui Pastoris imitationem; dans illi donum con-
 fidentiae ac fiducia de infinita ipsius bonitate, ac
 suauissima prouidentia, ad res magnas seruitij
 eius aggrediendas; in quibus faelices illi dedit exi-
 tus: quem tamen simul fecit, profunda humi-
 litate

P R O L O G V S.

tatis fundamenta iacere, ne ex foelicibus illis euentis euanesceret.

SED quoniam humilitas, patientia, & reliqua virtutes nec perfecta sunt nec firma nisi contemptus, morborum, & aliarum calamitatum aduersitate probentur, voluit Deus horum illum participem facere: vt eius virtutes magis eminerent, & persicerentur. Quem iam bene dolatum ac mortificatum ad altiorem Orationis & Contemplationis gradum euexit: vt maiorem quietem sentiens, ac refrigerium, munia sua maiori cum fructu persiceret. Denique supremum amoris Dei culmen perfectamque cum diuina voluntate in rebus omnibus prosperis & aduersis conformitatem ei communicauit. Cumque iam fructus esset maturus illum decerpfit, vt sua caelesti mensa adhiberet: deditque illi foelicem mortem in medio feruentis sui cursus & stadij. Nec tamen existimandum est, sanctum hunc virum per hos gradus ordine, quo sunt positi, ab vno ad alterum ascendisse: nam huiusmodi Electorum vita, actionis & contemplationis, consolationum & desolationum, officiorum sublimiorum & inferiorum, prosperorum & aduersorum euentuum varietate ac vicissitudine permixta esse solet, his alijs semel & saepius inuicem succedentibus. Hac eius vita disponenda fuit ratio; eritque huius libri in eius factis referendus: vt sic historia ipsa prolegatur, vt simul appareat ratio & dispositio inserendi virtutes, & ad earum culmen perueniendi. Eadem etiam causa & ratione dum heroica virtutum

tum

P R O L O G V S.

um eius exercitia indicabimus, simul referemus altissima sensa, sententiasque à Domino ipsi in eorum singulis communicatas.

QVONIAM verò certitudo veritatis eorum, qua adferemus, veluti fundamentum quoddam est, voluptatis & utilitatis, qua ex ipsa lectione oriuntur: nihil hic referam, quod non verum, ac certum habeam. Frater enim ea, qua ipsemet vidi, & in viro hoc Sancto observavi: reliqua innotuerunt ex relatione, ac testimonio virorum fide dignissimorum nostræ Societatis, aut aliorum etiam secularium: qui ea in eodem observarunt, & ipsis cum eodem agentibus euenierunt, ac postea retulerunt; aut excerpta fuerunt ex paruo quodam libello apud ipsum reperto, in quo ille notabat ea sensa, qua ipsi Deus in oratione communicabat: quemadmodum Pater noster S. IGNATIVS, eiusque socius ex primis Pater Petrus Faber magni spiritus vir, multique alij viri sancti fecerunt: ne veritates, & fauores Dei erga se obliuioni traderent; sed eadem relegentes recentis profectus occasionem caperent. Alia ipsemet occultè aperuit ijs, quibuscum agebat: imò interdum etiam publice in exhortationibus insinuabat, zelo charitatis permotus, ad pusillanimes ac debiles exstimulandos, & ob sanctos alios fines: sicut constat S. Iob. virtutes suas, & sanctum Apostolum multas ex suis revelationibus sanctè retulisse, vt fideles excitarent, & in fide confirarent. *MVLTA* ex ijs qua adferentur, collegit inuicem Pater Franciscus Salcedius eiusdem Patriæ ex so-

P R O L O G V S.

ex sorore nepos, qui eandem Societatem est ingressus paulò post obitum sui auunculi. cuius vestigia tanto fervore ac spiritu sequi cœpit, tam in propria perfectione, quàm in zelo adiuuandi animas: ut speraretur insignis vir futurus, nisi in ætatis suæ flore, cùm esset Collegij nostri Numantini Rector, morte sublitus fuisset: qui tamen prius fuerat etiam Abulensis Collegij Rector: (à quo etiam inceperat sanctus ipse Pater Baltheassar Alvarez) & tunc omnem diligentiam, quam potuit adhibuit, ut maiorem huius historiae partem colligeret. Et hic alter est titulus, qui me ad eam perficiendam impulit: quia idem pater, meus fuit discipulus tam in literis, cùm per trietinium Philosophiam in Collegio nostro Legionensi docerem; quàm in Spiritu, cùm egi Tyronum Societatis nostræ Magistrum Villa-gartiæ. Qui cum tanquam discipulus vitam & acta collegerit sancti mei Magistri, ita decet, ut ego tanquam eius Magister, perficiam opus boni mei discipuli: cuius frater Doctor Didacus Lopetz Salcedius, qui prius fuit insignis Collegij sanctæ Crucis Vallis-Oletani Collegialis, & postea Regij Ordinum Consilij, & nunc est supremi Consilij Castiliæ: hic, inquam, tertium addidit titulum, valde instanter apud me agens, ut hanc historiam perficerem, ne heroica adeò talis auunculi gesta oblivioni traderentur, nec pji fratris sui prædicti labores perirent: quod ipsum etiam peregit apud Patrem nostrum Generalem Claudium Aquaviva, cuius in-

*ius instinctu & voluntate (vt simul etiam mul-
 torum nostræ Societatis hominum desiderio satisfac-
 cerem) hanc historiam scribo ad gloriam Dei
 Domini nostri, & Catholica Ecclesiæ edificatio-
 nem ; & nominatim minimè nostræ Societatis
 I E S V , qui redemptionis suæ diuitias in hoc
 suo fideli socio manifestavit fidelibus, quibus par
 est eum esse notum, magnique fieri in terra, quem-
 admodum mihi persuadeo ab omnibus Angelis ce-
 terisque sanctis fieri in calo. Et quamvis in hac
 historia ordinem sequemur annorum, ac loco-
 rum, in quibus sanctus hic vir versatus fuit, re-
 ferentes res insigniores, quæ tunc illi euenerunt:
 eisdem tamen similes alias inseremus, licet alio
 loco & tempore euenerint: vt omnes hac ratio-
 ne facilius vtiliusque intelligantur. Et quoniam
 arbor bona ex bonis fructibus cognoscitur; sapiens-
 que ac sanctus Magister ex discipulis sapientibus
 ac sanctis: & ipse Pater Balihassar multos huius-
 modi habuit æterna memoria dignos, faciemus
 quoque in hac historia mentionem insigniorum
 tam secularium, quàm Religiosorum Societa-
 tis nostræ & aliarum Religionum, non solum
 vt ex eis agnoscatur eorum Magistri sanctitas,
 sed vt perpetua sit memoria insignium aded vi-
 rorum, quorum Heroica exempla id in lectori-
 bus efficiant, quod in ijs, qui eos viderunt, esse-
 cerunt: Eadem quoque opera desiderio & obli-
 gationi meæ satisfaciam, afficiendo, qua ratio-
 ne licebit, honore eos, quos noui, & cum qui-
 bus fa-*

PROLOGVS.

*bus familiarissimè egi; & de quibus scio, quod
omnibus suis viribus honorauerint in hac morta-
li vita Deum Dominum nostrum, ac propterea
id mihi certò persuadeo, quòd diuina
maiestas valde eos hono-
ret in aeterna.*



11
117
3

BAL.



BALTHASSARIS
ALVAREZ RELIGIOSI
SOCIETATIS IESV

VITA.

CAPVT I.

ORTVS ET EDVCATIO

P. Balthassar: & eius in Societatem
IESV Ingressus, Tyrocinium,
& studia literaria.



ACTVS est P. Balthassar Alua-
rez in Oppido Ceruera Dioce-
cesis Calagurritanæ, anno à
Christo nato millesimo quin-
gentesimo trigesimo tertio
parentibus nobilibus: Patri
nomen fuit Antonius Alua-
rez; matri Catharina Manrique: ab ipsa infan-
tia ita in bonum propensus, vt in ea ætatula ma-
gnâ dederit eius pietatis ac deuotionis indicia,
quam adultus erat habiturus. Ordinariè enim, &
libenter occupabatur in conficiendis crucibus,
erigendis altaribus, & instituendis supplicationi-
bus. Educarunt illum parentes piè valde, & Chri-
stianè: curaruntque vt in ipso Oppido prima li-
terarum rudimenta, & latinam linguam addisce-

A

ret:

ret : cumque in ijs humanioribus benè profecisset , miserunt ad Cómplutensem Academiam : vbi post Philosophiæ curriculum emensum Magister creatus est : suæque studia prosequens , duos annos in Scholastica Theologia cum magno suo profectu posuit. Hoc ipso tempore D E V S hominem ad virtutem alliciebat ac disponebat ad id , in quo eius opera , & obsequio vti volebat : & , cum ad devotionem ac recollectionem propenderet , tales ei prospexit socios , qui & ipsi eidem recollectioni studentes , eum iuarent . nam , ut Sapiens dixit : *a qui cum sapientibus graditur , sapiens erit* : ac similiter qui recollectis ac deuotis coniungitur , similis erit illis : quod multò magis experiuntur adolescentes , quibus ob teneram ætatem , & verba , & mores amicorum , cum quibus versantur , faciliè adherescunt ; & , si ipsi sunt aliàs ad bonum propensi , alijsque bonis coniungantur , multum proficiunt in suis bonis propensionibus . Quare pius hic noster Adolescens ab Anno præcipuè millesimo quingentesimo quinquagesimo primo ex familiaritate cum quodam Teruo D E I coepit assuescere , vt bis in die , mane scilicet , statim atque surgeret ; & vesperi , cum esset intumbendus , conscientiam suam lustraret , & aliqua meditaretur , quæ Deus illi delibanda offerret . cumque hæc cum afficerent ac delectarent , adiecit postea alia tempora interdiu , in quibus oraret : qua ratione , & delectatio , & profectus augebatur ; & idem eueniebat ex lectione bonorum librorum , & pijs sanctisque conuersationibus .

DE ORTV ET EDUCATIONE EIVS. 3

P E R hæc exercitia dedit ei Dominus quatuor annis, priusquam Societatem ingrederetur, feruens quoddam & inflammatum desiderium deferendi mundum, & CHRISRI Domini nostri consilia sequendi: nam respiciens, quàm misera (vt ipse aiebat) vita sua præterita fuisset; & quàm ingratus ipse erga eum, qui tot beneficia in ipsum contulisset: indicabat ad serid D E O seruiendum, & animæ suæ saluti consulendum expedire sibi religiosum statum amplecti, in quo id maiori cum securitate, & perfectione obtineretur. Sed bonas hæc cogitationes animique desideria cogitatio quædam continuè oppugnabat ac remittebat: quod scilicet parentes multa cum eo exponerent, vt studijs vacaret: non decere autem, eos in senectute deferere, præcipuè cum in litteris ad ipsum datis iuberent, eum recipere curam duarum sororum paruularum, quæ post ipsorum mortem non alium patrem nisi ipsum haberent. Cumque ipse parentes suos valdè reuereretur: hæc cogitationes ac rationes magnam in eius corde vim habebant, hominemque reddebant valde perplexum. Nec mirum: siquidem (vt sanctus Gregorius perpendit) *b neri Behemot perple-* b Iob 40.12.
xi appellantur: nam cum Sathanas aduer- Lib.32.c.17.
tit, vocari aliquem à D E O ad religionem, aggreditur illum; conaturque rationibus, pietatis speciem præferentibus; ita illum offuscare, & irretire: vt non sciat, cui debeat Spiritui obedire; vocanti ne, an retrahenti. Sed lux celestis Iunem hunc iustum non deseruit; sed

ex ea perplexitate eduxit, Deiq; rationes & vocatio vicerunt, ac dissoluerunt eas, quæ pro carnalibus parentibus suggererantur, data illi magna fiducia de bonitate diuina, quod tanquam orphanorum parens, esset eius sororibus prospectura: id quod postea præstitit cum omnium gratulatione. Necdum tamen constituerat ipse: quamnam vellet Religionem amplecti. quamvis valde ad Carthusianam propenderet: quod eam iudicaret propensione suæ, quæ ad recollectionem & poenitentiam inclinabat, esse maxime aptam. Hæc sua desideria nouem menses, antequam Societatem nostram amplecteretur contulit cum quibusdam viris doctis, quibus erat familiaris; præcipue verò cum quodam cognato suo valde fideli DEI seruo, qui Canonicus postea fuit in sancta Magistrali Ecclesia Calagurritana. Is, cum negotium diligenter DEO commendasset, ei respondit; si desiderio teneretur mundo renunciandi, ingrederetur Societatem IESU, quæ tanquam recens instituta magna sanctitate, ac spiritus feruore emineret. Quæ ratio adeò illi arrisit, vt statim constituerit apud se, ingredi Societatem: totaq; vita suâ gratissimum semper animum gessit erga eum, qui rectum adeò sanumque consilium suggestisset: ita vt post multos elapsos annos, in quadam professione decem milliaria circumiuerit, vt virum illum accederet, gratiasq; illi ageret, qui DEI fuisset aptum instrumentum in hoc beneficio sibi collato.

SED non decet, aliam causam huius vocationis silentio præterire, quæ mea quidem sententia fuit magis præcipua, licet tunc esset occulta.

Cupic.

Cupiebat feruens iste Iuuenis Cârthusianum Institutum amplecti, vt, quod Ieremias dixit: *se- c Thren. 2. 28.*
deret solitarius & taceret, quia sic leuaret super se,
 eligens scilicet partem Mariæ, vtpote meliorem, quàm Marthæ; & omninò se tradens vitæ Contemplatiuæ, vtpote excellentiori Actiuâ. Sed
 DEVS (cuius prouidentia est admirabilis in distribuendis vocationibus ad diuersas Religiones, variaque in eisdem munia) hominem hûc ad eam vitam elegerat, quæ vtramque complecteretur; & melior est quauis eius parte seorsim accepta: *Vide Caiet. in 2. 2. q. 182. 4. 1.*
 quæ, ad imitationem supremi nostri Magistri, ac Redemptoris, eiusque sanctorum Apostolorum, ita occupatur in contemplatione diuinorum Mysteriorum, vt lucem, facultatem, animique robur ex ea hauriat ad id, quod in Actiua est optimum, attendere scilicet salutem animarum, exeundo (vt sanctus Bernardus ait) à Contemplatione *Ser. 57. 58 in Cant.*
 ad Actionem; & ab Actione redeundo ad Contemplationem. Et hoc existimo fuisse præcipuum motuum maiestatis diuinæ, vt hunc Iuuenem vocaret & alliceret ad Societatem IBSV: quæ ex proprio Instituto habet, non solum salutem & perfectionem propriarum animarum vacare: sed etiam in salutem & perfectionem proximorum incumbere, adhibitis ad vtramque oratione; & contemplatione, ac reliquis spiritualibus exercitijs. Cùm igitur hoc secum decreuisset, statim absque vlla mora petijt in Societatem ipsam admitti: *non enim* (vt sanctus Ambrosius ait) *noxit Lib. 2. in Lucam.*
arda molimina Spiritus sancti gratia. Et quando vocatio agnoscitur esse DEI, meritò est illi obtemperandum adeò exactè ac velociter, vt (quem-

Hom. 14. in admodum ait sanctus Chrysostomus) nec ad v-
Maib nicum momentum hæreamus : quemadmodum
d Maib. 4. sancti d Petrus & Andreas, duos filij Zebedai
22. continuo & statim atque à Christo sunt vocati
relictis retibus, & patre secuti sunt eum. Hac igitur
 celeritate pius hic iuuenis dedit operam, ut
 in Societatem admitteretur : quod factum fuit in
 Collegio nostro Complutensi, vno ex præcipuis
 nostræ Religionis in Hispania, ex quo plurimi
 valdeque præstantes Religiosi prodierunt, qui
 Spiritu suo, virtute, & eruditione valde eam illu-
 strarunt. Ingressus est autem Anno millesimo
 quingentesimo quinquagesimo quinto, cum esset
 ætatis viginti duorum annorum, decimoquinto à
 Confirmatione ipsius Societatis, quemadmodum
 sanctus Bernardus, cum eiusdem esset ætatis, no-
 uum Ordinem Cisterciensem ingressus est, post
 annos quindecim ab eius institutione. Neque ac-
 cidit absque aliquo diuinæ prouidentiae myste-
 rio, ut admitteretur tertio die Maij, Inuentioni
 sanctæ Crucis dedicato, quasi Prognosticum esset
 eius affectus & amoris, quo ipsam crucem am-
 plecteretur ; plurimisque proximis ditissimos
 thesauros manifestaret in ea latentes. Receptum
 mox superiores miserunt Senticam (vulgò Siman-
 cas) vbi Nouitiatus, siue Tyrocinium erat totius
 Prouinciæ, quæ tunc complectebatur vtranque,
 quas nunc Castellanam & Toletanam vocamus.
 Erat singularis, valdeque extraordinarius feruor
 Tyronum, ex varijs locis eò conuenientium : Spi-
 ritus enim sanctus replebat eos musto, & nouo
 Spiritus vini, recentis huius Religionis proprio,
 quam idem in sua Ecclesia recens plantauerat.

Exper-

Expertus est noster hic Tyro, re ipsa veram esse rationem, quam eius cognatus ei proposuerat; cuius benè semper memor, operam dedit, ut feruentem priorum eius Patrum spiritum promoueret, qui aded recens ac viuax in eorum filijs permanebat, ne ipsius culpa veterasceret aut tepesceret. Sociorum igitur aded feruentium exemplo permotus & animatus coepit ipse inter eos eminere, omni suo conatu contendendo ad excellentem sui mortificationem, poenitentiam, orationem, & insignes alias virtutes, quæ in ipso toto vitæ eius decursu eluxerunt: ut mox apparebit. Ex eo enim tempore coepit angustam perfectionis semitam propero, ac feruenti gressu ambulare, quem ad mortem usque continuò tenuit. Et ita ipse solebat postea Tyronibus dicere: (quemadmodum ego ipsius nouitius in quadam exhortatione audiui) *Attendite, quomodo nunc in via spirituali progrediamini. nam de lege ordinaria, quo passu tempore Probationis, & Tyrocinij vestri progrediemini, eodem reliquo vita tempore pergetis. Si hoc Nouitiatus vestri tempore tepidi fueritis, & in vestro spirituali profectu desides, tales semper & immortificati manebitis: si autem nunc magno spiritus feruore incedatis, assuescetis vos benè ad eodem modo progrediendum. Quæ veritas quamuis ex antiquissimo prouerbio ab Spiritu sancto approbata intelligatur, qui ait: *Adolescens c* *Prov. 22. 6.* *iuxta viam suam, etiam cum senuerit non recedet ab ea*: eandem tamen ipse protulit, sicut multas alias, ex propriæ experientię libro,*

Gradu 4.

memor feruoris illius, quem Dominus noster tempore Nouitiatus ipsi communicauerat: Quo tempore valde illum iuuit Pater Bartholomæus Bustamantius, qui tunc Magistrum agebat Nouitiorum: Nam vt subiecti huius talenta & facultates cognouit: eum probabat ac cælabat, iuxta consilium S. Ioannis Climaci, varijs mortificationibus, ac poenitentijs: vt magis quotidie in virtutibus proficiendi occasionem ei præberet: maximè cum is Magistri sui manibus se totum cum magna humilitate traderet, instar ferri ex camino extracti, & fabri arbitrio relict, vt ipsum flecteret; & pro sua voluntate poliret, donec eius cordi forma Euangelicæ perfectionis imprimeretur. Quare sæpè dicebat: Patrem Bustamantium, magnum ipsius animæ bonum præstitisse. Non enim credi potest, quantum sancti ac periti Magistri attentio ac diligentia valeat, vt nouitius insignis euadat. Et quoniam Deus Dominus noster Nouitium hunc instruebat ac poliebat, vt & ipse Tyronum Magister, & multarum animarum dux, ac director fieret. voluit, ipsum experientia discere, quantum eis bonum ex eo proueniret, quod bonum ac peritum ducem sortirentur.

EODEM tempore ventitabant Senticam Patres Franciscus de Borgia, & Antonius de Araoz, duo illi Societatis oculi in Hispania. Iubebant autem superiores, fratrem hunc Balthasarem eisdem Patribus ministrare, vt modestiæ, feruorisque sui odore eos ædificaret, ipseque ex luce illa proficeret, quam ab eiusmodi luminaribus acciperet; & nominatim à Patre Francisco, qui obseruans eum adedò feruentem ac deuotum, magnum

magnum in eum concepit affectum. Sed non fuit valdè diuturnum tempus Sentitiane recollectionis. Nam, cum in vicino quoddam Collegio co-
cus deesset, eò fuit missus, vt cocum ageret, vt qui multis indiciis suum ad officia vilia affectum proderet. Adeoque seridè per menses aliquot officium illud egit, atque si tota vita in eo fuisset occupandus, negligens omninò sui, ac rerum suarum; solumque attendens, quomodo soli DEO placeret, in cuius dono (vt ipse aiebat) nullum inuenitur officium vile, aut occupatio, quæ non sit in magno honore habenda, relinquendo eius durationis tempus providentiæ DEI, qui per ipsos Superiores id totum constituit. Hi autem, cum eum tam foeliciter profecisse viderunt, ad finem eiusdem anni ex Tyrocinio ad sua studia prosequenda dimiserunt. Et si enim in Societate duo sint anni Probationis pro Tyronibus constituti: eo tamen tempore, quòd in suis initijs esset; paucaque haberet subiecta, illud tempus minuebatur: & DEVS gratiâ suâ defectum illum supplebat, perficiens in eis magno Spiritus feruore in paucis mensibus, quod nunc in duobus annis obtinetur. Maxime quod in medijs studijs, Tyrones feruorem ac deuotionem obseruabant, ita orationibus & laboribus attendentes, atque si studiosi non essent; & ita studentes, atque si non essent Tyrones. Et hac ratione ex particulari DEI auxilio eo tempore prodierunt aliqui viri non minus in Spiritu & Sanctitate, quàm in diuinis & humanis scientijs eminentes.


MISVS itaque est Burgos, vt in Philosophia, quam Compluti auiderat, perficeretur: sed

breui illic mansit: eò quòd exactè aliàs studuisset, quare post paucos dies Anno 1556, missus est ad Collegium Abulense, vt annos duos Scholasticæ Theologiæ, qui illi deerant, perficeret in Monasterio S. Thomæ Patrum Dominicanorum. Cùm enim eo tempore nondum haberet Societas professores constitutos, mittebantur nostri fratres studiosi ad Vniuersitates Salmantinam, & Complutensem, aut ad Collegia siue Conuentus sacræ Religionis sancti Dominici Vallis Oleti & Atulæ: in quibus excellenter, & exactè, vt toti mundo constat, prælegitur. Studuit igitur ibi per duos annos sacræ Theologiæ non sine varijs occupationibus, eò quòd Collegium illud Societatis esset recens fundatum, ac propterea necessarium multis rebus attendere, quæ in tali occasione deesse solent, domibus præcipuè adeò pauperibus, & indigentibus: nihilominus tamen ipse in studijs ita profecit, vt inter peritiores sui temporis studiosos numeraretur. Et quamuis nõ valde emineret in ipsa Scholastica Theologia, quòd in ea defuit, suppleuit in Mystica: obtinuit enim à Domino Deo nostro, vt postea videbimus, per Orationem, quod alij magno labore studiorum assequuntur: ita vt aptissimus esset ad ea Officiâ & Ministeria, quæcunq; ipsi iniungebantur, Confessarij, Magistri Nouitiorum, Rectoris, Prouincialis, ac Visitatoris; gubernauit enim direxitque omne genus hominum, Sæcularium, ac Religiosorum Societatis nostræ, & externorum adeò excellenter, colloquendo & exhortando, tam in communi, quàm in particulari de rebus Spiritualibus, vt exemplar quoddam esse possit perfectionis

tionis ijs omnibus, qui eiusmodi Officijs funguntur. Nam sanctus hic vir ab initio primæ suæ vocationis sculptum semper habuit in corde suo consilium illud à S. Bernardo Monachis de Monte Dei datum, dicente illis, ab omnibus cuiuscunque gradus & status in Religione meritò exigi, ut sint perfecti : à Tyrcne & Nouitio, ut sit perfectus Nouitius; ab Studio, ut Studiosus sit perfectus; ab Operario, ut sit Operarius perfectus; ab Incipiente, ut sit perfectus Incipiens; à Proficiente, ut in Profectu sit perfectus; & ab eo, qui est iam in gradu Perfecti, ne hæreat, sed (ut Apostolus suadet) *ea quæ retro sunt obliuiscens, ad ea, quæ sunt priora seipsum extendat, ad destinatum persequens, ad brauium supernæ vocationis Dei: ut semper studeat esse perfectior.* Ita ut, qui Nouitiusest, perfectè habeat illas virtutes, & in eo gradu, quem Nouitij status meritò habere debet: atque prout crescit, perfectiorem in ijsdem gradum acquirat. Et quoniam Pater hic Balthassar hoc modo est progressus, ita constitui, historiæ ordinem per annos prosequi, ut dum eius virtutes referam, simul indicem augmentum, & perfectionem earum, quamuis id diuersis acciderit temporibus.

*Traff. de
vita solitaria.*

Philip. 3. 14



CAPVT II.

*INGENS EIVS AB IPSO
Tyrocinio propensio ad Orationem & fa-
miliaritatem cum DEO: ac diligen-
tia ab eo adhibita, ad eam
perfectè consequen-
dam.*



INTER multa indicia, quæ
in hac vita habentur, quod
DEVS aliquem elegerit ad
altissimos Sanctitatis gradus,
& egregia valdeque præclara
seruitij sui facinora, vnum ex
præcipuis est, quod ei oratio-

nis donum eminenter communicet, & ad suam
familiaritatem admittat. Nam Oratio (teste S.
Gregorio) est valde vniuersale & efficax mediū
ad ea exequenda, quæ in æterna sua prædestinatio-
ne disposuit: vt propterea, quando tale medium
cum excellentia adhibet, signum sit, quod insignē
aliquem finem diuinæ suæ gloriæ per illud quæ-
rat. Deinde Oratio (vt S. Chrysostomus docet)
mille vijs & admirandis modis vitam quandam
efficit puram & sanctam, DEO cui seruit di-
gnam: non enim ferre potest domum pauperem,
vacantem, & malè compositam: Nam statim eam
componit, & gloriosis plurimorum meritorum,
ac supernorum donorum exercitijs eam replet.
Alit generosum quandam animum, pectusque nobilif-

*Lib. 2. Dial.
c. 8.*

*Lib. 5. de o-
ran. Deum.*

Lib. 2.

bilissimum, quod non se abijciat ad culpas etiam leuiiores, nec ad mundi nugas, & inanes sæcularium hominum conuersationes, ne Dæmonibus det aditum: ex familiaritate enim cum DEO tanta animi, & cordis magnitudo prouenit ijs, qui cum eo versantur: vt quidquid est in mundo, sordes & stercora reputent, magnamque vililitatem, si eò se demittant, vt malignorum Spirituum suasionibus dent aditum; aut aliquid faciant Dei sui præsentia indignum. Et similiter animum quendam communicat, laboribus, ac tribulationibus huius vitæ, etiam ipsa morte superiorē: ita vt nihil horum auferre illis possit sanctam libertatem Spiritus, & cordis puritatem, quam hauriunt ex familiaritate cum suo creatore: ex cuius virtute fortes ac potentes se reputant ad hostes suos superandos, & insignia facinora perficienda. Hæc S. Chrysostomus. Ex quibus infert, curam & studium Orationis indicium esse virtutis & profectus interni. Si videam, (inquit) Christianum aliquem, aut Religiosum in orando tepidum, idque paruifacientem: mox conijcio, exigua ipsum virtute præditum esse, & pauca Dei dona in animo habere; quem tamen valde attentum, sollicitum, ac propensum ad orationem video; statim intelligo, donis eum cœlestibus redundare. Si enim cum sapientibus agens sapiens efficitur: qui familiariter cum DEO agit, quam Sapientiam habebit? Et quas spirituales diuitias consequetur? denique Sancto Bonauentura teste, oratio est omnipotens quoddam medium, quo liberamur ab omnibus malis; & bona omnia consequimur, diuinam sollicitantes omnipotentiam

Lib. i.

In Medit. vi.
te Christi.

tiam, ut nobis semper sit auxilio. Hæc omnia volui insinuare, ut aperire incipiam sanctitatem, & stupenda opera Patris BALTHASSARIS ALVAREZ, cui DEVS cum singulari excellentia donum hoc orationis communicavit, singularibus eum præueniens auxilijs ab ipso Tyrocinio, imò multò antè, ut statim in hac virtute, ac proinde in reliquis inciperet Splendere, ^a *quasi lux matutina, quæ procedit & crescit usque ad perfectam diem.* Et cum duplex sit modus orationis mentalis, alter ordinarius, quem tenent communiter Iusti: alter magis extraordinarius, qui paucis conceditur: quamvis servus hic DEI in utroque excelluerit, nunc tamen de prior tantum agemus; qui ad posteriorem disponit, multumque dependet ab industria nostra, præuenta, & adiuta in divina gratia: sine qua ^b *non sumus sufficientes vel cogitare aliquid à nobis*, nec ^c *quidem dicere: Dominus Iesus:* cum ea tamen facile mens nostra applicat sese ad fidei mysteria consideranda; & ratiocinatione ac meditatione varios excitat in voluntate devotionis affectus, petitiones instituens & colloquia cum ipso Deo Domino nostro; quemadmodum S. Pater noster Ignatius docuit in libello Exercitiorum; & nos in aliis nostris libris fusiùs explicuimus. Incepit itaque Pater hic Balthassar magno fervore ab hoc modo orandi, in quo, ut postea dicemus, per sexdecim annos hæsit; Dæo ipsi rationes & industrias suggerente, quas ad progressum & excellentiam in eo obtinendam adhiberet: ut fieret dignus, qui ad alium magis intimum, & excellentiorem modum admitteretur, si Dominus ipsi

cum

^a Prov. 4.
18.

^b 2. Cor. 3. 5.
^c 1. Cor. 12. 3.

In lib. Meditation. & in Duce Spiritu.

eum communicare dignaretur. Harum industriarum, ac diligentiarum summam quandam hic ponemus, ad decem eas reducendo, utpote præcipuas; ut qui in hac virtute proficere, & progredi cupiunt, earum usum habere possint.

§. I.

PRIIMUM igitur Deus Dominus noster huic adhuc Tyroni magna desideria vota quæ communicavit, continuam & ferventem orationem habendi: huiusmodi enim aded accensa desideria, velut prænuncijs esse solent insignium gratiarum ac fauorum è cœlo venturorum: exstimulant enim ad petendum, & valde instanter procurandum apud D E V M, quod ipse providentia sua dare constituit. hoc enim insinuavit Salomon, cum dixit: *a Optavi, & datus est mihi sensus: & inuocaui, &* *a Sap. 7.7.*
venit in me Spiritus sapientia, & David dixit: *b Desiderium pauperum exaudiuit Dominus: b Psal. 9. 33.*
preparationem cordis eorum audiuit auris eius. Quæ desideria magnæ illi opinioni inhiiebantur; quam de Supremo hoc exercitiò habebat: non ex eo solum quod ingentia, quæ secum adfert bona, legisset, & audiuiisset; sed multò amplius ex eo quod ipse sensim in se experiebatur. Est enim Oratio manna quoddam absconditum, non satis cognitum, ac proinde nec, ut par est, satis rectè æstimatum est, nisi ab illud delibante ac recipiente: nam statim atque suauitas eius degustatur, desideria crescunt, amplius illud degu-

c Eccl. 24.
29.

degustandi : prælibatio enim nouam gignit famem, iuxta illud diuinæ Sapientiæ : *c qui edunt me, adhuc esurient, & qui bibunt me, adhuc sitient.* Ex quo fiebat, vt huiusmodi desideria adeo in pectore huius serui DEI feruerent, vt omne tempus videretur illi exiguum & breue, quo se sancto huic exercitio traderet. Quare statim atque necessarijs alijs obligationibus satisfaciebat, conuertebat se ad hanc, in qua expendebat, quidquid temporis illi supererat, dicens : bonum Religiosum sum in huius mundi exilio constitutum, toto tempore, quo cū Deo suo non versaretur, debere esse, tanquam ingens aliquod saxum vi quadam extra suum locum detentum, & suo modo gemens, quamdiu ita detinetur, & impeditur: ideoq; sicut illud impedimento sublato, magna vi ad suū tēdit centrū, ita hic statim atque à tali impedimento se videt expeditum, mox ad suū creatorem tanquam ad centrum pergere incipit. Et quicumque talem habet spiritum ac desiderium, plura negocia spatio vnus horæ expedit, quam alij in multis: eò quòd in ijs non amplius hæreat, quam sit necessarium: quare ab eis liberatus statim pergit ad suam requiem, hoc est ad agendum & conuersandum cum DEO suo. Verum quidē est, quòd Tyronum feruor, etiam cū est à bono Spiritu, facile admittit aliquid de proprio: quare hæc orationi incumbendi desideria eo vsq; perueniunt, vt essent nimia: ita vt aliquando inquietum ipsum reddiderint, vt quodammodo de superioribus conquereretur, quòd nimium alijs rebus ipsum occuparent, nec locum relinquerēt ad tantam sui recollectionem, quantam ipse cupiebat.

Quam

Quam imperfectionem dum in se aduertit, dedit operam, vt eam exueret; suaque feruentia desideria perfecta quadam resignatione temperaret, ac diuinæ voluntati subijceret in omnibus, quæ ad ipsam orationem spectabant: huiusmodi enim resignatio valde est necessaria magnique momenti dispositio ad progressum & profectum in ipsa oratione, iuxta illud Davidis: *Subditus esto Domino & ora eum*, quia tunc magno cum fructu orare poteris. Quare maturiori consilio constituit, nolle se plus temporis recollectæ orationi impendere, quam obedientia ipsa præscriberet, & necessariæ occupationes illi permitterent: amplectens pro regula suæ orationis consilium Tobie de Eleemosyna filio datum: *Quomodo poteris, inquit, ita esto misericors. Si multum tibi fuerit, abundanter tribue: si exiguum tibi fuerit, etiam exiguum libenter impertiri stude*. Ita ipse aiebat orationi recollectæ trade te prout tempus suppetet. Si multum suppetet, multum in ea expende; si exiguum, hoc ipsum tribue illi libenter: præstat enim, obseruata Dei lege, diuidere cum ipso, quod ille dederit: quam furari, vt possis multum offerre. Scriptum est enim, *quod ipse Deus odio habeat rapinam in holocausto*: ac proinde etiam odio habebit, si tempus obedientiæ subtrahas, etiam ad orandum, & sacrificandum. Et multò magis cum ipsum orare sit esse cum Deo. quod si quo tempore ille opera tua vult in alijs vri, ipsum hoc tempore defraudes: iam non erit ipse tecum: & si ille tecum non sit: quomodo tua solitudo poterit esse oratio. Seruus faciens quidquid Dominus iubet, tempusque in eo expendens, quod ipse præ-

21. Septemb. 1569
 „ scribit paratus ad omnia, quæ eius sunt obsequijs,
 „ non gratis comedit panem; potestque omnem de-
 ponere scrupulum. Ad cuius rei confirmationem
 refert ipse in suo libello: quòd cùm in festo san-
 cti Matthæi amanter apud ipsum Deum conquie-
 „ reretur, de defectu temporis ad manendum cum
 „ ipso seorsim & solum. Factum (inquit) est ad me
 „ verbum D O M I N I : conquesce ; & satis
 „ tibi esse existima, quòd vtar operatua, etiamsi
 „ non sis mecum, ex quo ipse quietus tunc man-
 fit, ac iucundus. His rationibus, quas ipsa docebat
 oratio, temperavit Pater B A L T H A S S A R
 nimia sua desideria illam habendi, retinens in-
 terim moderata, quæ Domini Spiritus sem-
 per illi communicavit; ac per totam vitam con-
 servauit.

H I N C verò oriebatur, quòd semper fue-
 rit valde exactus in explendo ad minus toto illo
 tempore, quod Societatis nostræ leges ad oratio-
 nem habendam, lectionem, & conscientiæ exa-
 mina, aliæque spiritualia exercitia peragenda
 præscribunt, nullo vnquam prætermisso eo-
 dem quo præscribitur, aut altero ei æqua-
 li, etiamsi plurimæ adessent occupationes.
 Et cùm præuidebat fore multas, surgebat
 citius ac præueniebat, vt temporis pensum
 in his omnibus exercitiis maiori cum quiete
 expenderet, imò tunc semihoram vltra præ-
 scriptum, illis tribuebat; ad reparanda (vt
 ipse aiebat) detrimenta, quæ aliàs pati co-
 gebatur, potiùs volens præscriptum tempus
 excedere; quàm aliquid illi detrudere: &
 hac ratione supererat illi sufficiens tempus
 pro

pro reliquis negotijs & occupationibus.

N B C contentus erat solo tempore à regula præscripto : nam cum Superior erat (fuit autem ferè semper) multò plus temporis orationi tribuebat. Nam post pulsum ad incumbendum ipse ad Chorum se conferebat, & duas, aut tres etiam horas in oratione expendebat, vigilans tanquam bonus Pastor, quando grex eius quiescebat. Et præter hoc, iubebat etiam Excitorem, ipsum media hora ante alios excitare: & adhuc quando ille veniebat ad excitandum, iam illum orationi vacantem inveniebat. Et aliàs integras noctes consumebat orando in suo cubiculo (quod sæpè advertebant, qui proximè habitabant) ut imitaretur Dominum, de quo sanctus Lucas ait, quod *g ex-* g *Luc. 6. 12*
iret in montem orare, essetque pernoctans in oratione Dei : cui dicebat illud Isaïæ : *h anima mea* h *Isa. 26. 9*
desideravit te in nocte : sed & spiritus meo in precordijs meis de mane vigilabo ad te. Id tamen præcipuè faciebat, quâdo necessitate aliquâ propria, aut alterius, aut negotio magni alicuius momenti premebatur: cuius rei plura exempla subiiciemus inferius.

Et præter hæc, singulis annis minimùm semel colligebat se per octo aut quindecim dies plus minus, prout occupationes patiebantur: ut exercitia pro more Societatis perageret, totum illud tempus familiaritati cum D E O omninò tribuens. Quod si ita occupationes non paterentur, ut tantum temporis simul in hoc expenderet, studebat saltem singulis mensibus diem vnum; & singulis septimanis vnus diei totum tempus

i Exod. 24.
16.

matutinū soli Deo consecrare: aduertebat enim & ipsa experientia deprehendebat, huiusmodi longioribus temporis spatijs feruescere spiritum, gratiamque deuotionis, & familiaritatem cum Deo obtineri; & augeri vires ad pia opera exercenda, & iuuandas animas. Ac propterea D E V S cōtinuit Moysen *septem diebus in medio caliginis*, vnde *vocauit eum ad montem*, vbi fuit *quadraginta diebus*; post quos dedit ei tabulas legis, quas ipse descendens ex monte portauit in manibus; vt eam populo promulgaret. Et quamuis potuisset Deus vna hora perficere; quod fecit quadraginta diebus: voluit tamen ipse hac ratione significare: eos, qui familiaritatem cum sua Maiestate habere cupiunt, debere longa, collectaque communitatione cum ipso eam obtinere; in qua docentur, & roborantur ad fortiter præstanda quaecunque ad eius diuinum obsequium spectant.

Ex quo licet intelligere, quanta attentione, reuerentia, deuotione, & feruore Spiritus seruus hic Dei habere consueuerit collectam suam orationem: cum nullus tot horas, ac toties in ea expendat, nisi magnam nobilissimi & vtilissimi huius exercitij opinionem habeat, ipsaque experientia didicerit suauitatem & fructum ex ea prouenientem. Eadem etiam desideria & studium, quo tantum temporis orationi impendere cupiebat, ipsum etiam exstimulabat, vt maximam diligentiam adhiberet ad eam cum omni perfectione habendam. Quamobrem toto sexdecim annorum tempore, quo primum Orationis modum tenuit, fuit singularis in obseruandis plenè omnibus consilijs, & circumstantijs, quas S. Pater noster

ster Ignatius in libello Exercitiorum obseruandas præscribit (quas Additiones vocat) ad rectè habendam orationem; nulla, etiã minima, neglecta: obseruauerat enim diligenter, plurimum placere Deo, quod quis diuinam eius voluntatem plenè, etiã in rebus minimis, exequatur: vt nos ad suum conspectum, & familiaritatem admittat: cui vt verè obediẽtes sunt charissimi: ita propria sua consilia sequentes odit: & quemadmodum ait S. Bernardus; cœlestis sponsus non requiescet per contemplationem in lectulo cordis non producentis obedientiæ flores, sed propriæ voluntatis vrticis seminati; nec se ipsum in oratione communicabit inobediẽti is, qui ad eò obedientiam dilexit, tantiq; illam fecit, vt mori voluerit potiùs, quàm non obedire.

*Serm. 46.
in Cant.*

6. II.

HINC etiã ortù est, vt hanc orationis viam cum magna humilitate ambularet: nec voluerit vnq; quasi volatu ad eius culmen ascendere, sed per certos gradus ab infimo incipiendo; donec Deus ad altiore m ascendere ipsum iuberet. Vt enim idem S. Bernardus ait, non est tutam repentè ad summum ascendere, ac diuini oris osculum petere; nisi qui priùs pedes, & postea manus cœlestis Sponsi fuerit osculatus. Quam rationem Pater hic Balthassar tenuit in progressu meditationum, & in operibus triplicis vitæ Purgatiuæ, Illuminatiuæ, & Vnitiuæ: incipiens à primis, vt se ipsum à culpis omnibus purificaret, & passiones ac reliquas res, quæ familiaritatem cū Deo impedirent, reprimeret, ac mortificaret.

*Serm. 3. in
Cant.*

quare magnam semper rationem habuit duplicis conscientiae examinis quotidiani, quo vititur Societas: generalis scilicet omnium culparum ac defectuum; & particularis circa particularem aliquem ad illum exuendum & euellendum: adnotans, quoties mane, & quoties vesperi in illum incidisset: & hos cum illis conferens: sicut & quos vno die aut vna septimana, cum alterius diei aut septimanae praecedentis: ut intelligeret, an verè proficeret, nec ne. Cuius exercitationis magnam ducebat rationem, dicens, illud esse genus quoddam practicae orationis, qua propria cognitio obtinetur, quae radix est humilitatis; & cordis puritas, quae dispositio maximi momenti est ad familiaritatem cum D B O habendam.

H v i c diligentiae aliam magni momenti addebat ad proficiendum in ipsa oratione. Reflectebat enim se, & ad eius finem, examen instituebat de omnibus, quae in ipsa oratione acciderant, siue benè, siue malè: ut incuriam suam desleret, ac emendaret, gratias verò D B O ageret ob sensa bona, quae ipsi communicasset. Ne autem hæc ipsa obliuioni traderet, adnotabat in libello quodam, (cuius in praefatione meminimus) apposito die, mense, & anno; imò & occasione, qua talia sentiebat: & in eodem scriptum reliquit, huiusmodi veritates tanquam prunas fuisse coelestes in suo pectore, quae ipsius torporem excitarent, cum tepidum & ignaum sentiret: & ita memoriam eorum refricabat, & cum mora ruminabat: ut nouum ex eis fructum hauriret.

EX quo aliusquoque valdè magnus illi fructus proueniebat ad continuè perseuerandum in oratione. Amplectens enim illud Saluatoris cōsiliū : *a oportet semper orare & non deficere,* ^{a Luc. 18. 1.} tota die occupabatur, ac ruminabat bonos motus ac sensa, quæ in matutina oratione habuisset : vnde fiebat, vt noua alia Deus illi communicaret. Ita ipse in prædicto libello factus est : in quo hanc proponit interrogationem : quid debet quis interdiu cogitare ? & respondet in hunc modum : si apertos habeat oculos, oratio coelestis, & *b reliquæ cogitationis diem festum agent ei.* ^{b Psal 75. u.} Quemadmodum enim, ait, in aula principis, fideliter seruienti datur quotidie constituta portio : ita Deus fideliter sibi obsequentibus ex reliquijs ferculi proprii noua sensa communicat veritatum, quibus anima iucundè alitur & occupatur. Ego, inquit, experior in mea, quòd non possit tot bolos digerere, quot ei offeruntur. Ex quo apparet, quàm profusus DEVS Dominus noster in seruum suum hunc fuerit : Siquidem tanta erat spiritualium sensuum copia, & magnitudo, vt non sufficeret ei tempus ad eos ritè digerendos, quamuis toto die se in eis ruminandis occuparet. Hinc autem oriebatur vt semper in DEI præsentia versaretur; ac sese frequentissimè intra seipsum colligeret, vt eundem maiori attentione & viuacitate aspiceret; contendendo, vt in ipso foro non minus esset collectus, quàm si maneret in suo cubiculo : & obseruarunt aliqui, quòd non posset impedire, quin frequenter ita eius oculi clauderentur, atque si reuera dormitaret : idque ex

B 4


contra-

contracta iam consuetudine illos spontè claudendi, vt facilius posset interiores aperire. Et similiter, cùm Nouitius & Studiosus esset, Patremque aliquem comitaretur, toto illo tempore & quamdiu Pater negotia sua peragebat, semper ipse orationi attendebat. Et similiter, cùm faciebat iter semper orabat: ac propterea dicere solebat, esse bonum, quòd quis alium comitetur, aut iter faciat: quia tam diu licet semper orare. Et hac ratione coniungebat Pater Balthassar duas res illas, quæ hominem reddunt spirituales ac dediti orationi. Neq; enim satis ad id est prolixa & re-collecta oratio, si interdum effunditur cor, & illam continuare obliuiscitur, ruminando quod ex ea hausit; aut alias iaculatorias breues ac frequentes addendo: nam, vt ait Cassianus, valde parum orat, qui solum orat quando flectit genua, nisi conetur explere illud Apostoli *« sine intermissione orate*. Neque sufficit breuium orationum frequentia, nisi accedat interdum oratio re-collecta, in qua accenditur cor ad præsentiam Dei, & internam recollectionem conseruandam: ita vt nec frigescat, nec euanescat ex occupationibus interdum occurrentibus, & hoc nomine sæpius repetebat, quod Magister Ioannes de Auilla author libri, cui Titulus Audi Filia, respondit cuidam interroganti: an sufficeret Dei præsentiam interdum habere, & interius esse collectum sicut ipse erat? cui ille respondit: nisi vltra id aliquid habeat, euanescet: & interrogatus quid illud vltra esset, respondit: frequentiam prolixæ orationis.

OMNES hæc diligentias obsignauit Pater
Bal-

Balthassar magna constantia & perseverantia in rebus omnibus prædictis. Nam licet in sexdecim annis, quibus hunc orationis modum tenuit, magnas nebulas, & spiritus ariditates, durities, distractiones, animi defectiones, aliasque afflictiones, & probationes, quas experiuntur, qui hanc viam ambulant, sustinuerit: nunquam tamen desideria orationis deposuit; nec exactam in ea habenda executionem: sed tanta diligentia & constantia in ea perseveravit, atque si iucundum semper & facile aditum inueniret, collocabat nimirum præcipuam suam fiduciam in infinita misericordia ac liberalitate DEI, in cuius conspectu sese constituebat, quemadmodum Cananæa illa dicebat: *tanquam d. castellum expectantem micas cadentes de mensa Domini sui: & sicut e. amicus ille* d. Matt. 15. 27.
 Evangelicus, etiam repulsus non destitit ad portas DEI pulsare per multos annos, donec tandem exauditus fuit, & ad familiaritatem eius admissus, cum ingenti cœlestium donorum copia, ut apparebit ex capite duodecimo, in quo ponentur & fructus & magna præmia, quæ accepit ob hæc diligentias, & perseverantiam in eisdem. e. Luc. 11. 8.

(* *)



CAPVT III.

*MEDITATIONES SVAS A
mysterijs Humanitatis Christi cœpit: sin-
gulari ad eam deuotione semper af-
fectus: & fructus inde
perceptus.*



VI DEO seruire incipiunt,
& cum diuina eius maiestate
in oratione agere, post exitum
ex miserando, in quo fuerant,
peccati statu, & post exercita-
tionem in eundem finem, in
meditationibus de peccatorum

grauitate, Mortis, Iudicij, & Inferni terribilita-
te, aliorumque suppliciorum, quæ diuina Iusti-
tia contra ea est minata: transire solent ad medi-
tanda mysteria sacratissimæ Humanitatis Christi
Seruatoris nostri, veri Dei & hominis, qui est ve-

a Ioan 14.6. ra a via, veritas, & vita; principium, finis, & me-
dium perfectionis ac saluationis nostræ: ita enim

b Ioan 10.9. ipse dixit: b ego sum ostium, per me, si quis introie-
rit, saluabitur: & ingredietur, & egredietur, &
pascua inueniet. Per ostium hoc ingredi oportet
& iustos & Peccatores; Incipientes, Proficientes,
& Perfectos: qui omnes pascua inueniunt ani-
mabus suis, iuxta necessitatem & capacitatem
suam accommodata; & ad finem, ac scopum, ad
quem, cum meditantur eius mysteria, tendunt.
Peccatores enim considerantes, quàm multa ipse
fecerit, ac pertulerit pro ipsorum peccatis: inue-
niunt

QVOMODO MEDITARI INCEPERIT. 27

inunt pascua Contritionis, Poenitentiae & Lachrymarum: vt ab eis mudentur: Incipientes inueniunt pascua virtutum, quæ passiones ac vitia mortificant; & efficiunt, vt Caro Spiritui subijciatur; & sensualitas rationi: Proficientes pascua inueniunt veritatum, & virtutum altiorum, quæ illos illustrant, & crescere faciunt, tanquam *lucem maturinam vsque ad perfectam diem.* c Prom. 4. 12
 Perfecti autem sublimiora inueniunt pascua, ingredienti scilicet per hoc sacratissimæ humanitatis ostium ad altissima diuinitatis mysteria contemplanda: & egredientes ad præstanda erga proximos opera & ministeria inflammatae charitatis. Per hoc ostium ingressus noster Pater Balthassar, à principio non destitit, sed per totam vitam prædicto modo ingressus & egressus est. ingressus, inquam, primùm in occulta cordis DEI humanitate induti, & sensim ascendens & immergens se in mysteria DEI trini & vnius: & inde exiens primùm ad se ipsum mortificandum, variisque virtutum exercitijs perficiendum, & exornandum: & postea ad subueniendum magno feruore suis proximis.

f. I.

P R I M V M itaque omnium Christum Dominum nostrum tanquam præcipuum suum Magistrum accepit, iuxta ipsius Domini verbum dicentis: *Magister vester vnus est C H R I S T V S.* a Matt. 23. 10. Qui, quæ homo, officium hoc visibiliter egit docens omnes factis & verbis Euan-
 arcana diuinitatis &
 Trini-

Trinitatis mysteria, quæ prius erant abscondita; quæ verò est Deus, idem præstat quotidie inuisibiliter, docens animas huiusmodi veritates, præbensque lucem ad eas intelligendas; & affectum ad virtutes desiderandas & procurandas: & utroque modo illum accipiebat in oratione, tanquam magistrum: nunc tanquam hominem, formans in sua imaginatione figuram huius Domini: quæ postea multò perfectius est illi communicata; nunc eundem aspiciendo tanquam Deum, ad cor seruorum suorum in solitudine interna loquentem. Eratque stupenda eius compositio, reuerentia, deuotio, ac teneritas; quam in hoc seruabat. Constituebat enim se in oratione ad pedes Christi Domini nostri, tanquam discipulum talis Magistri, dicens ei: Domine mi, vterque nostrum suum habet Officium ab æterno Patre iniunctum, cum dixit: *b Hic est filius meus dilectus, ipsum audite.* Officium tuum est Magistri; meum, discipuli. si itaque cedit in tuam gloriam, exerceamus nunc illa. Quoniam verò Magistri est loqui; discipuli autem tacere: ego silentium seruabo: *c loquere tu Domine, quia audit seruus tuus:* & ut magis sim attentus; claudam oculos meos, & quoniam non solum tu es Magister, sed etiam Dominus: audiam te genibus flexis. Et quia non tantum es homo, sed etiam Deus, coniunctas manus in altum leuabo, tum ut audiam te, tum ut simul te adorem: hinc doctrinam tuam accipiendo, inde venerationem ostendendo, qua illam suspicio, in Religioso hoc situ immobilis manens, etiam si plurima eueniant, quæ me interturbare conentur: ne vel vnicum doctrinæ adeò salutaris verbum mihi pereat.

bMatt. 17.,

5.

c 1. Reg. 3.,

10.

pereat. Ideoque inquietudinem quacunque hic mihi occurrentem, Martyrium reputabo, & ut talem fortiter sustinebo: præbens in hoc modico experimentum multorum, quæ in aliis orationibus obtuli, sustinendi & tolerandi amore tui, deo itaque deliberato animo eum tanquam Magistrum in silentio; tanquam Dominum genibus flexis; & tanquam D E V M iunctis & elevatis manibus audire: & immobilis permanere: ne ullum verbum mihi prætereat; & ut appareat, quanti anima mea eius doctrinam faciat, & veneretur.

H O C dicebat faciebatque pius hic Pater, qui loquens ad Tyrones, non intelligit per *audire in silentio* sublimem illum orationis modum, qui dicitur Quietis & Unionis, in quibus, cessantibus ratiocinationibus mentis, suscipiuntur diuinæ illustrationes: qui modus resplenduit postea in ipsomet Patre, ut suo loco videbimus; sed ordinarium quendam & necessarium modum, ad attentè & utiliter orandum, cessantibus distractionibus ac diuagationibus garrulæ ac vagabundæ imaginationis; intellectu verò in quiete attendente, ut ratiocinetur ac meditetur mysteria Saluatoris, & verba, quæ in suo Evangelio est locutus, & quæ internè loquitur ad cor aptè meditantis, quæ sunt inspirationes diuinæ.

C V M hoc meditationis exercitio tribuit Deus Patri Balthassari singularem æstimationem ac deuotionem omnium verborum coelestis huius Magistri: nam quamuis omnia verba, quæ Deus est locutus ab initio mundi, & in Scripturâ sacra referuntur, eadem fide sint credenda; cum sint

sint eiusdem supremæ veritatis, quæ nec decipere potest, nec decipi: sed singulari quodam respectu & cura utebatur sacratissimis æterni verbi incarnati verbis: in quibus singulare quoddam Antidotum, & potentem efficacitatem inueniebat ad omnia, quæ animæ bonum concernebant. Propterea enim ipsemet Dominus dixit:

d Ioan. 6. 64 d *verba, quæ ego locutus sum vobis, spiritus & vitæ sunt.* Et sanctus Petrus ea audiens, dixit:
c 68. e *Domine ad quem ibimus? verba vitæ æternæ habes.*

Hoc autem proueniebat illi ex valde singulari deuotione, & æstimatione, quàm de cœlesti hoc Magistro habebat: cuius sacratissimam humanitatem tanquam fontem spiritualium diuitiarum perennem aspiciebat: & hoc spiritu ad orationem accedebat, vt earum particeps fieret. Hunc sensum consecutus est dum verba illa sancti Lucæ meditaretur. f *Descendenti Iesu de monte occurrit illi turba multa,* descendit, inquit, e cœlo frater natus maior, Dominus diues & accedens
g cap. 19. 6. ,, tibus hominibus ad eum, g *virtus de illo exibat, & sanabat,* ac dicebat *omnes.* Id enim est, quod æterni patris cum iustis viris colloquia eò tendant,
,, vt CHRISTVM Dominum magni æstiment:
,, per quem iuxta sui consilij decreta, illos dicit:
h Psal. 17. ,, h *magnificans* (vt dixit David) *salutes Regis eius:*
51. ,, hoc est efficiens, vt in suis cordibus magni faciant & æstiment salutem & bonorum plenitudinem, quæ per hunc Regem mundi quæ Saluatorem ipsis aduenit. i *Per quem,* (vt sanctus
i 2. Pet. 1. ,, Petrus dixit) *maxima & preciosa nobis promissa donauit,* de quo etiam verificatur illud Iobi
4. k *si com-*

QVOMODO MEDITARI INCERPERIT. 31

*si comedi buccellam meam solus, & non com- k Tob 31.17
edit pupillus ex ea. Ipse est filius D E I I de- "Ioan. 1.12
ditque nobis potestatem, filios eius fieri. In eo
sibi complacuit æternus pater, & in eodem
nos illi complacemus. Ipse Sacerdos est, fe-
citque nos Sacerdotes: ille in se res omnes
continet, nosque fecit earum participes. Ita
Pater BALTHASSAR sentiebat de CHRIS-
TO; & magno cum doloris sensu addebat:
ex ignorantijs, quæ Christiano populo no-
cent, hanc de CHRIS T I Domini per-
sona, ac diuitiarum, quas in ipso habemus,
esse maximam: vtpotè ex qua ingentestristitiæ,
animæ defectiones, ac diffidentia illis proueni-
ant, quasi non habentibus remedium: eum
in modum, quo Iosephi fratres magna fame
ac desolatione premebantur, eò quòd ignora-
rent, ipsum Iosephum fratrem suum in Aegy-
pto regnare, & in eius potestate esse copiam &
abundantiam illius regni, ad quod m D E V S m Gen. 45.5.
ipsum miserat pro ipserum salute: vt ipsemet eis
postea dixit.*

H I S & similibus alijs considerationi-
bus acquisiuit etiam magnam opinionem & æ-
stimationem accensissimi ipsius CHRIS T I
D O M I N I nostri in nos amoris, ex quo
beneficia in nos ab eo collata processerunt.
Hoc ipse hac comparatione, deuotisque &
feruentibus verbis declarabat: quòd solis ra-
dij sunt vehementiores, eò splendor ex eo-
rum reuerberatione: vrit magis. Radij a-
moris ipsius CHRIS T I D O M I-
N I rectè tendebant ad cor æterni sui
Patris,

,, Patris, vnius amore & obedientia nos amauit:
 ,, quod si illi radij adeo erunt vehementes, eò quòd
 ,, amor in patrem suum adeo esset intensus: quàm
 ,, eorum splendor vehementer aduret? nulla est
 ,, lingua aut virtus quæ hoc valeat explicare. Hæc
 ,, illa vis est, quam insinuauit Propheta, cum de eo
 in Psal. 18. 6. dixit: *n Exultauit vt gigas ad currendam viam,
 à summo cælo egressio eius: & occursum eius vsq. ad
 summum eius: nec est, qui se abscondat à calore eius.*
 ,, O amor diuine, qui à Deo existi, ac descendisti ad
 ,, hominem; & iterum ad Deum redisti: non enim
 ,, hominem propter ipsum dilexisti, sed propter
 ,, Deum: adeoque illum dilexisti, vt, qui amorem
 ,, hunc bene consideret, nò possit à iucunda & ami-
 ,, cæ violentia, quàm infert cordi, se defendere.
 ,, Quis illum intuebitur, & in primo suo in mun-
 ,, dum ingressu tenerum, ac præ frigore sui causa
 ,, tremementem agnoscet, qui tali ipsius amore non in-
 ,, flāmetur? quis eum in toto vitæ suæ decursu abie-
 ,, ctum, & honoris sui causa adeo malè à suis habi-
 ,, tum consideret, qui eum non maximi faciat? quis
 ,, eum in extremo vitæ constitutum; permittentem
 ,, in se à suis creaturis manus iniici, defœdari, li-
 ,, gno crucis configi, & in altum proprio sanguine
 ,, tinctum suæ salutis causa eleuari, qui non eum in-
 ,, de extractum secum exportet? si beneficia colla-
 ,, ta, cēsantur catenæ, bonæque opera impensa, prun-
 ,, næ; & torres accensi: anima que mea tot ab isto
 ,, Domino accepit: quomodo non tota accendatur,
 ,, & eius amore inflammetur? quod si amor vehe-
 ,, mentius impellit ad redamandum, quàm ipsa be-
 ,, neficia: (nam qui beneficium alicui facit, dat ei
 ,, partem aliquam eius, quod habet; at qui illum
 amat,

QUOMODO MEDITARI INCEPERIT. 33

amat, seipsum illi tradit cum omnibus quæ habet, nihil sibi retinendo) quomodo anima mea Deum non diligis? quomodo non eo saturaris, tibi quæ ille satis est, qui Angelis cœlestibus est satis? si mihi sero cœcoque mundi amore frigida aliàs corda in aliorum amorem accenduntur, cum vident, se ab aliorum amore præueniri: & amantes ipsi accenduntur, & quodammodo vruntur, cum se mutuo vident: quæ tua est durities anima mea, ut, cum hunc Dominum amando non præuenieris, saltem non reddas amorem ei, quem vides tot amoris sui erga te indicia dedisse? ei qui cor suum alteri obstrictum non habet, hæc dicta sufficient. His rationibus inflammabat P. Balthassar cor suum amore sui Redemptoris, qui prius ipsum dilexerat: dabatque operam, nè cor suum alicui creaturæ alligaret: ut diuinus eius amor feruentius in ipso arderet. Ob eandem causam studebat, profundius adhuc penetrare, ut reliquos titulos cognosceret, ob quos Christus Dominus noster dignus est, qui ametur, & æstimetur. Et ita dicebat illi; O Domine, quantum te diligant, qui te nouerunt! Pater tuus te diligit; Spiritus sanctus te diligit; Mater tua, Angeli tui, filij, & amici omnes amore tui exardescunt, flagrant & tenerescunt; omnes creaturæ tuæ profundam tibi exhibent reuerentiam: & ego solus te non diligam? ego solus ita ero in amore tuo frigidus, & in tua præsentia inurbanus?

§. II.

EX hac æstimatione, & amore erga Christum Dominum nostrum oriebatur, ut singulari quadam animi præparatione sese disponderet
C ad præ-

ad præcipua illa festa, in quibus sacræ eius humanitatis mysteria celebrantur: diutius in hærens orationi, ac meditationi circa eadem: in quibus singulares accipiebât visitationes: vt apparet ex illis motibus, internisq; animi sensis, quæ in suo libello ipse refert, se in illis diebus habuisse. Quorum duo hic proponam, in quibus apparebit, quam ipse diligentiam faceret, & quas consolationes ab ipso Domino reciperet. In nocte Natiuitatis ad eò erat immerfus præsentia Saluatoris, quem adorarunt Pastores, vt cùm sumpta Collatione, conferret se ad communem cum alijs socijs recreationem: cogitauit, inquit, me ire ad gregem, cuius præcipuus Pastor est CHRISTVS: & occurrit menti meæ, quòd cùm ipse esset bonus Pastor, non dereliquisset gregem solum; sed adesset illi: cum qua cogitatione valdè consolatus ad recreationem accessi, vbi illum eram inuenturus. Deinde feruentia desideria sua insinuat, & resignationem, qua se præparabat ad amplectendum & carendum solatio & consolatione, quæ sese insinuare incipiebat, dicens: Si illa nocte mihi euenisset iuxta votum meum, sicut hæc fuisset magna consolatio, & iucunditas: ita contrarium fuisset ingens desolatio: sed ad eum finem, cuius causa alterutrum Deus mittit, eò est efficacius, quò est purius. Et sic fui valdè consolatus.

SIMILIS aliud sensum habuit in die Epiphaniæ: in quo, ait, cùm optarem valde pios habere animi motus de ipso festo, hoc quasi verbum

QVOMODO MEDITARI INCEPERIT. 35

bum audiui : quid si DEVS nolit, te eos senti-
 re ? respondi, libentissimè ignorare volo,
 quod DEVS non vult mihi declarare. Quod
 si DEO placere cupias : nulla te afficit iniu-
 ria : cum hac ratione magis illi placeas. Et
 sic mansi consolatus, atque si plenè mihi fuisset
 satisfactum. Sed non reliquit eum Deus a-
 ridum, neque deuotione, quam cum tanta re-
 signatione cupiebat, eum defraudauit. Nam
 statim pia hac consideratione valde illum est
 consolatus, perpendentem Magorum lætiti-
 am, ex aspectu Stellæ : si enim in hoc exi-
 lio, & mœroris ac miseræ loco lux, quam
 DEVS communicat, ita implet, ac satiat,
 vt Reges illi Magi statim atque Stellam viderunt,
 gâuisi sunt a gaudio magno valde : quid is fa-
 ciet, cui DEVS per hanc lucem sese com-
 municat ? Sine dubio ipse DEVS se tunc il-
 li fruendum communicauit, vt ex alijs dul-
 cibus ac teneris motibus, ac sensis ibi addi-
 tis appareret, quæ sexto capite infra indicabi-
 mus. aMatth.2,10

INTER omnia tamen Saluatoris mysteria
 singulari afficiebatur deuotione ad eius sanctis-
 simam passionem, & mortem in cruce, quam
 valde suæ memoriæ fixam habebat, valdeque
 recreabatur de eadem meditari. Quare rogatus
 eotempore de modo, quem in orando tenebat,
 respondit : sibi statim in ipso ingressu offerri san-
 ctissimos Christi crucifixi pedes, quos ipse pri-
 mum adorabat : & ad eos constitutum, se me-
 ditari altissimam omnium virtutum lectionem,

C , quam

quam ex crucis cathedra supremus ille Magister docuit: ex quo valde accendebatur ad se mortificandum, crucique affigendum; ad amandos adiuuandosque proximos, pro quorum amore tantus Magister, tot labores sustinuit. Adeoque ex hoc proficiebat, ut omnes Incipientes tradere se orationi, hortaretur ad meditandam CHRISTI Passionem, tanquam spiritualis eorum profectus fontem: & in ordinarijs suis exhortationibus hoc frequenter repetebat: Ne existimemus, nos aliquid fecisse, donec eò perueniamus, ut semper CHRISTVM ipsum crucifixum in corde nostro gestemus. Ipsum verò, ita CHRISTVM gestasse, licet colligere ex corporali ipsius praesentia, quam scripsit sibi communicatam in relatione, quam postea reddemus: licet existimem, praecipue illum hoc intellexisse de viua CHRISTI crucifixi imagine, quam eiusdem Domini amor cordi nostro imprimit, transformans nos in figuram, quam pro nobis in cruce accepit: ut ex omnibus nostris visceribus cupiamus viuere cruci cum ipso, & pro ipso affixos, dicentes cum Apostolo:

Gal. 2. 19. *b* CHRISTO confixus sum cruci. *Viuo autem iam non ego: viuit verò in me Christus.* Proficiebat praeterea ex eo, quòd haberet semper in cubiculo Crucifixum, in quem frequenter aspiciebat, & hac ratione insignia accipiebat beneficia, & multarum veritatum lumen, quas ijs aperiebat, cum quibus agebat: & interdum in Ecstasim rapiebatur, ingrediens mente per sacratissima CHRISTI vulnera; ut in abyssum infinitae ipsius charitatis ac diuinitatis sese immergeret. Denique singulari quo-


QVOMODO MEDITARI INCEPERIT. 37

quodam sensu, ac feruore in ipso CHRISTO crucifixo meditabatur, tres illos comites ipsius indiuiduos, qui illum ab ipso præsepio per totum eius vitæ tempus, & adhuc in ipsa passione ac morte exactiùs sunt comitati, Paupertatem, scilicet, Contemptum, & Dolorem; perpendendo, minutimque ruminando, cuiusque illorum proprietates & circumstantias. Cernebat illū in cruce adeo pauperem, vt esset omninò nudus, nec aquæ guttam haberet, qua sitim suam mitigaret, adeo contemptum, vt improbissimi alicuius instar medius duorum latronum poneretur: & ab omnibus blasphemaretur: tot denique doloribus affectum, vt ab ipsis pedibus vsque ad verticem capitis nulla esset corporis pars, quæ horrendis doloribus nō cruciaretur. Qua cōsideratione non solum emolliebatur ipse, sed se ipsum excitabat, ad quærendam & amplectendam paupertatem; ad amandum contemptum; ac dolores amplectendos: quemadmodum toto vitæ suæ decursu ostendit, magnificiens semper spiritualem crucem: ex his rebus confectam, vtpote in qua consistat perfecta Christi crucifixi imitatio; &

*In capit. 48.
hæc fusiùs.*

(quod Apost. ait) *c mortificationem IESV
in corpore circumferre, eiusq; d sti-
gmata: vt in proximo cap.
apparebit.*

*c 2. Cor. 4.
10.
d Gal. 6. 18;*



CAPUT IV.

*AB IPSO TYROCINIO SVI-
ipſus mortificationem in rebus omnibus
magno ſtudio exercuit; totoꝝ vi-
ta curſu cum multis pœni-
tentia operibus eſt
proſecutus.*



PIRITVS perfectæ oratio-
nis, quæ ad familiaritatem
cum Deo Domino noſtro per-
uenit, non eſt abſque Spiritu
veræ & integræ ſuiipſius mor-
tificationis: quæ ordinariè
tanquam diſpoſitio præcedit

ipſam orationem, vt cum vtilitate fiat; & ean-
dem comitatur tanquam armatura fortis ad vin-
cendas difficultates inter orandum occurrentes;
ſequitur verò eandem tanquam fructus, quem i-
pſamet oratio profert, ad exequendum, quæ in i-
pſa intelleximus, & optauimus. Si ad a *collem
thuris*, hoc eſt, ad orationem ſpiritu ſuauem &
iucundam aſcendere velis, neceſſe eſt prius tranſ-
ire per *montem myrrhæ*, hoc eſt, mortificationem
carni amaram & ingratham. Et quoniam in hoc

bl. Reg. 10.5 DE I colle eſt b *ſtatio Philiſthinorum*, & exer-
citus hoſtium oppugnantium, eos qui in illo
habitant: neceſſe eſt arma in promptu habere
ad pugnandum contra eos: mortificando ſcilicet
ac diſſoluendo impedimenta omnia, ac difficul-

c Matt. 17.2. tates ab hoſtibus noſtris iniectas. Quod ſi in mon-
t. Luc 9.28. tẽm c *Thabor aſcendiſti*, teque per orationem in
Chri-

Christi glorificati imaginem transformasti: non id fit, ut ibi sis; sed ut descendas ad explendos, & exequendos amoris excessus, quos ibi hausisti: etiam si multas mortificationes laboresq; subire oporteat, amplectendo ipsius Christi paupertatē, contemptum, ac dolores, crucemq; ipsam ex eisdem confectam tollendo.

Quare cum Christus Dominus noster vellet seruum, hunc suum facere perfectum, simul cum affectu, ac desiderio orationis impertiuit ei ab ipso initio sui Tyrocinij generosam quandam & firmam seipsum in rebus omnibus mortificandi voluntatem, animiq; decretum, ut simul & semel sibi ipsi omnibusq; rebus creatis mori, soli; Deo vivere, & in eo requiem & solatium inuenire desideraret. Cum enim caro magnam sentiat repugnātiā, timeatq; ac tremat, cum agitur de mortificatione, quia eam sibi, tanquam grauissimam iudicat crucem; & quod magis eam refugit, eò illa horribilior apparet: ideo magnæ prudentiæ est, ad eam ab ipso initio, & quidem maximo fere uore ferendam sese offerre: nam ut ipse Saluator dixit: *d Regnum cælorum vim patitur, & violenti rapiunt illud: non alios vincendo, sed seipso*, proprium scilicet amorem iugulando: hac enim spontanea & foelici morte euadunt mille mortes, quas sui ipsorum amatores immortalitati subeunt, & e. *gaudium* obtinent ac *pacem*, quæ est *e Rom. 14. 17* *regnum DEI.* Quare Pater hic BALTHAS-
SAR dicere solebat, quod quemadmodam
Martyres (ut canit Ecclesia) mortis sacræ com-
pendio, vitam beatam possident: ita Iusti benè
mortificati breui quadam alia propriæ abnega-
tionis

,, tionis morte consequuntur quietem illam, quæ in
 ,, hac exilij regione potest obtineri. Sed quoniam
 ,, non statim & vno tractu seriam nostram abnega-
 ,, tionem amplectimur, fit vt semper gementes cru-
 ,, cem feramus, nec moriamur in ea: quod est Hypo-
 ,, critarum proprium.

§. I.

HOC itaque animi decreto coepit hic vir
 arduum hoc exercitium; aggressusque est
 magno animo & spiritu mortificationem
 eius, quod solet esse maximè in homine profundè
 radicatum, improbam scilicet naturalem corpo-
 ris constitutionem; quæ in initio arida erat, & a-
 spera, secum, & cum alijs; de qua, ab alijs, qui illū
 nouerant, monitus, eam ita correxit ac mortifica-
 uit, vt erga se quidem asperitatem retinuerit; erga
 alios verò magnam induerit facilitatem & suauitatem, eū in modum, quo de S. Patre nostro Ignatio scribitur, quod naturalis eius constitutio esset valde cholericæ: quam tamen mortificatione ita permutauit, vt omnibus appareret phlegmatica: ad cuius imitationem adeò Pater hic naturalem suam constitutionem mutauit, vt ex rigido ac se- uero valde effecerit mitem, ac mollem.

A F F E C T V M etiam carnis & sanguinis erga consanguineos, qui aliàs adeò est naturalis, & in multorum cordibus infixus, adeò ipse mortificatum ac subiectum habuit, atque si nec patrem, nec matrem, nec cognatos vllos haberet. nunquam ab eo audiebatur vnde esset, aut quos haberet cognatos; nec in eorum se negotia ingerebat. Et cum Romam profectus est; quamuis eundo, ac redeundo tribus tantum miliaribus à patria sua transi-

transiret; noluit tamen aut eò diuertere, aut vllò indicio ad se accersere. Et cùm eò profectus est, id fecit ab obedientia Patrum Prouincialium coactus; & postquam ipse multas rationes attulisset ad id impediendum: Ob quam etiam causam, nihil vnquam voluit ab eis accipere, ne si id faceret, nouo aliquo vinculo ad eos inuifendos obstringeretur. dicebat enim, Religiosum virum debere tota sua vita in id contendere, ne cuiquam homini super terram cognato, amico aut consanguineo sese obstringeret, sed potius esse, sicut *a Heb. 7. 2.*
⁂ Melchisedech sine patre, sine matre, aut aliquo consanguineo, qui quocunque modo religionem eius libertatem lædat aut impediat.

VALDE etiam studuit sensus suos mortificare, ita, vt in nulla re eorum propensioni acquiesceret. Videndi curiositatem mirum in modum vici: dum enim Romam esset profectus, vbi tot sunt res visu dignæ, abstinuit tamen: ac dum alij ad eas videndas excurrerent, ipse ad corpora sanctorum in oratione manebat, quorum reliquias magno affectu venerabatur. Cùm esset Collegij Metinensis Rector, ac die corporis Christi iret in processione, aduerterunt multi, eū toto tempore, quo processio illa durauit, oculos ita sanctissimo Sacramento infixos habuisse, vt nunquam eos inde auerterit ad saltationes & alia, quæ ad celebritatem illam exornandam fiebant, magnamque illi occasionem ea aspiciendi dabant. Et quadam opportuna occasione ipsemet retulit, quòd, cùm Vallis-Oleti esset, in solenni & publico quodam sanctæ Inquisitionis Actu, contigisset sibi locus, ex quo non poterat theatrum, in quo ipsi Inquisitores &

publicè poenitentes erant, aspicere; quin prius multas feminas, quæ in altero theatro ante ipsum erant, aspiceret. Quod cum sibi videretur valde indecens, & incommodum, extraxerit quandam beatissimæ Virginis imaginem, quam secum portare consueverat, in quam ita oculos & cor suum infixit, ut cum actio illa publica per septem integras horas durasset, nunquàm oculos suos ab imagine ipsa diuertisset; neque magis fuit conscius eorum, quæ ibi gesta essent, quàm si præsens non fuisset.

Nec minori cura, ac diligentia gustatus sensum mortificauit: nam, quando cibus aliquis benè illi sapiebat, statim à se remouebat: & minimum optimum bolum relinquebat, dicens: decere, Deo illum relinquere. Nec permittebat aliquid particulare sibi in mensa apponi. quod si quando aliquid tale apponeretur: illud sibi proximis dabat. Imò si ordinaria portio, melior illi contingebat, quàm sibi assidenti; eam cum illo commutabat, ac deteriolem pro se accipiebat. Quod si quando dissimulanter, deteriolem panem, ac duriolem sibi accipere poterat: id faciebat, apponens meliolem, & molliorem sibi assidenti. In cubiculo suo nunquam voluit aliquid retinere ad indulgendum palato, etiamsi illi aliàs multa mitterentur: sed curabat, ut infirmis darentur.

Cum ægrotalet, quò maiori in appetentia & fastidio laborabat: eò maiorem sibi vim infere-

ferebat, ut quod apponebatur, comederet: quia ipsa cibi sumptio tunc erat gustatus mortificatio, & cruciatus. Potiones, & purgationes ex Pharmacopæo, etiamsi amarissimas, sumebat cum mora, & paulatim usque ad ultimam guttam: imò in ipso ore ultimam partem retinebat quasi illud abluens: ut sic potionis acerbitatem diutius gustaret. Aegrotanti semel apposuerunt pullum non apertum, sed plumis tantum ablatis coctum: & quamvis ingratisimum haberet saporem, comedit tamen ex eo, ut se mortificaret: donec idem ille, qui apposuerat, id aduertens, ex mensa abstulit. Sed has omnes mortificationes ita facere studebat, ut nullus aduerteret, ut sic honorem & opinionem fugeret, quam homines de sese mortificante concipiant: Sed non poterat illas occultare: quia omnes attentè obseruantes id deprehendebant.

Cum semel in hospitio quodam vix aliud ad comedendum haberet, quam vnum ouum, studio permisit cadere in terram, cum aliquo indicio, quasi inaduertenter cecidisset: quod tamen socius, studio factum aduertit, ut se etiam in illo exiguo cibo, qui aderat, mortificaret. Hostis erat rerum boni odoris extra Ecclesiam, & locum alicuius ægroti, quando id erat necessarium. Et eodem mortificandi se spiritu, etiam cum esset superior, immunda loca purgabat. In proprio cubiculo incommoditates quærebat, ut essent mortificationis materiæ. Abulæ elegit
sibi

sibi aliquando cubicellum, in quo vix posset se mouere; nec vlla esset mensa: sed in quodam asserculo Breuiarium, & quosdam alios libellos collocabat. Nunquam in coriacea sede sedebat; aut in alia, quæ retro haberet reclinatorium, etiam cum esset conualescens, & corpus aliqua requie indigeret; ac propterea nunquam in cubiculo suo habuit nisi sellam ligneam plicatilem sine reclinatorio.

S V E R I O R fuit, ac valdè rigidus in aspera corporis sui tractatione, dicens: animam quæ amore Christi Domini nostri vulnerata est, non esse contentam, nisi vt ipsum corpus vulneretur: nam tunc quemadmodum in ipsis cordibus est similitudo, quando vtrunque est vulneratum: ita inter eius corpus & sacratissimam Domini sui humanitatem, quam læsam videt, & vulneratam. Quare, cum eius Dominus non mittit corpori dolores & morbos, ipsemet hoc sibi assumit, vt proprium corpus affligat & vulneret. Ita ergò sanctus hic vir faciebat. cum enim S. Pater noster Ignatius in libello exercitiorum ad eò commendat ijs, qui se dedunt orationi, vsum poenitentiarum & afflictionum corporis, magnus erat inter nostros simul cum oratione spiritus & vsus Poenitentiae: vt quotidie cilicium gestarent, bis in die, mane scilicet, ac vesperi disciplinas facerent; & vnāquamque vltra horæ quadrantem: dormirent super asserem; semel tantum in die comederent; extensis brachijs in modum crucis per horas aliquot starent; in triclinio per vnum, aut etiam duo Miserere disciplinas facerent; & sancta alia exercitia, quæ ignis diuini amoris in illo-

illorum cordibus ardens adinueniebat, vt seipſos perſequerentur, dureque traſcerent: conantes ſancta quadam æmulatione alij alios excellere, Et qui ſanctum hunc Patrem nouerunt, affirmant, cum hac in re alios excelluiſſe. Qui cum ſere ſemper eſſet Superior, maiorem habebat ad magnas poenitentias præſtandas authoritatem & libertatem. Adeò ſeueras quotidie in toto corpore à pedibus uſque ad caput diſciplinæ faciebat, vt Tyrones Metinæ, per modum exaggerationis dicerent, quod faceret tremere totum illud larus domus in quo illas faciebat. Fuitque opus, vt Prouincialis terminû illi præſcriberet ac limitè: & Cõfeſſarij aduertentes, quòd ex mala corporis tractatione ſenſim imminueretur, & cõsumeretur cilicijs, abſtinentijs, & in aſſere cubationibus, illum iuſſerûnt omnia hæc moderari, ne ſalus, & ipſa eius vita consumeretur, ſicut multis alijs ex noſtris eadem ex cauſa euenit.

ſ. II.

NEC ſatis ſibi exiſtimabat eſſe hanc exte-
nam corporis & ſenſuum mortificationem; ſed maiori adhuc cura ac diligencia ſtudebat propriæ voluntatis mortificationi, utpote præſtantiore, maiorisque momenti, ad proſectum in ſpiritu, & in omni virtute; & ad maiorem cum diuina voluntate in rebus omnibus conformitatem: quod eſt ſupremum perfectionis culmen. Et hoc nomine hunc ei ſenſum dedit Dominus, quem in ſuo refert libello, ſermonem de ſeipſo tanquam de tertia perſona faciens: intellexit, inquit, Deum Dominum noſtrum

„strum nolle, nos rebus huius mundi oblecta-
 „ri: quia facile voluntas eas sequitur; nec vult,
 „nos id sequi quod voluntas propria suggerit;
 „sed contrarium amplecti; nec vlla re nos ob-
 „lectari, nisi è cælo & à manu sua veniente; sic-
 „ut Figulus lutum comminuit, calcatur, & huc il-
 „luc vertit, donec mollescat: ita Dominus noster
 „in suis operibus adeò exactus, vult nostram vo-
 „luntatem ipsius voluntati subiectam valde ac re-
 „signatam, ideoque eam terit, & inuertit, do-
 „nec sit valde mollis, ac facilis, & ad nutum
 „ipsius prompta & subiecta, quemadmodum e-
 „quus fessori suo: quamuis si quod opus rude aut
 „crassum sit conficiendum, necesse non sit lu-
 „tum esse adeò facile & tractabile. Quod myste-
 „rium adeò magnum, ait, cum prædicta illa per-
 „sona intellexisset, valde fuit admirata; ac per il-
 „lud magna Dei experta in se beneficia: hæc ille in
 „suo libello. quibus verbis apertè satis ostendit,
 „se re ipsa executum hoc documentum, & copio-
 „sum ex eo fructum collegisse. Et ita verè suam
 „voluntatem valde mortificabat, etiam in re-
 „bus aliàs bonis, si illum à melioribus retarda-
 „bant, quemadmodum superiùs aduertimus, cum
 „diceremus de eius anxietate, ut posset tempus
 „habere pro oratione: quia hoc nomine desere-
 „bat, & abstinebat ab agendo cum proximis: &
 „cum diuina inspiratione cognouisset, anxietate-
 „rem illam ab amore proprio procedere, quo pro-
 „priam quietem, & solatium potiùs quæreret,
 „quàm purum Dei obsequium: ita anxietatem il-
 „lam mortificauit, ac vicit, ut cum magna de-
 „lecta-

lectatione occasiones amplecteretur agendi cum proximis, existimans, se ibi maius Dei obsequium, quod quærebat, inuenturum. Quare perpendens illam quam Apostolus flens dixit sententiam, *a quod multi essent inimici crucis Christi*, a Phil 3. 18. loquens cum ipso Christo dicebat: ex nunc Domine protestor, meam animi quietem nolle in eo ponere, vt plus temporis conquiram ad mea desideria etiam bona explenda; sed in mei ipsius iactura propter te; non in eo, vt plus mihi tribuas, quàm habeam, nec in sanitate, aut commoditate alia habenda: sed in eo, quod tibi placet. & quò tu fueris in hoc liberalior, eò maius studium fauoremque tuum erga me interpretabor: eò quòd sim tuæ crucis amicus, & cupiam Apostoli tui lachrymas temperare. non iam igitur consolationem meam in eo ponam, vt faciam quod ego volo; sed in eo, quod tu vis. malo non offerre tibi aliquid, quàm tempus furari, vt id faciam. Hac animi fortitudine priuabat se hic vir Dei suis solatijs & spiritualibus delicijs: vt magis Deo placeret. quod fit, cum sancta eius voluntas executioni mandatur, Eadem quoque animi fortitudine proprium iudicium, honorem, & opinionem mortificabat; & vniuersim quamcunque haberet ad creaturas propensionem & affectum, qui quocunque modo posset feruentem suum in Christum amorem imminuere. Pater quidã illi familiaris retulit: quòd cum aduerteret eum per dies aliquot continuè cogitabundum, quasi aliquid sibi deesset, aut aliquid pateretur: causam interrogauerit, qui respondit: cõtendo in me ipso efficere, vt ita viuam, quasi

quasi essem in Africæ desertis; & vt cor meum
ita sit ab omnibus huius vitæ rebus, & humanis
personis expeditum, sitque aded solum, & à crea-
turis separatum, atque si re ipsa in desertis locis
habitarem. Et ita reuera id à seipso obtinuit, vt
inferius apparebit: quod est indicium continuæ
ac feruentis internæ, & externæ mortificationis
eius. Ex quo oriebatur vt continuè se ipsum quasi
persequeretur, sibi quæ negaret quidquid naturæ
appeteret, non solum in rebus maioribus, sed et-
iam in minutissimis: dicebat enim, substantiam
mortificationis in eo consistere, vt in rebus omni-
bus etiam minimis adhibeatur; vt non solum re-
ctus ac perfectus in ipso statu suo esset, sed et-
iam eius minutijs, sponsam æmulando, cuius
b Cant. 5. 5. *b manus stillabant myrrham, & digiti vsque ad ex-*
c Ioan. 19. *tremitatem pleni erant myrrha probatissima. Et*
30. *qui eo vsque peruenerit, dicere poterit: c consum-*
matum est, quidquid scilicet Dei voluntati repu-
gnabat; ventumque ad extremum, quod ex parte
nostrâ potest perueniri. Et ita euenit ipsimet Pa-
tri Balthasari: qui continua sua hac mortifica-
tione abstulit omnia sui profectus impedimenta;
vicit passiones suas, & obtinuit magnam spiritus
libertatem, sui quæ ipsius, & affectuum omnium
tam exactum dominium: vt nemo illum turba-
tum, aut iratum videret. Quando autem alium
reprehendere opus erat, ita hominis irati larvam
induebat, vt statim totus compositus, quietus quæ
maneret, quasi nihil tale egisset: passiones enim,
quæ antea ipsum impediabant, nunc non solum
non nocebant; sed rationi ipsi obtemperabant in
ijs, quæ illa iubebat: quod aiebat esse grande mi-
racu-

raculum gratiæ Dei: cuius virtute, qui antè nos oppugnabant, ac lædebant, iam profunt, & adiuvant.

Ex eadem mortificatione procedebat exterior eius compositio aded iucunda & religiosa, vt ex se efflaret odorem quendam sanctitatis, ipsumque aspicientes, etiam componeret: eius modestia, erat magna; vultus hominis poenitentis; & in Deo suo existentis; oculi non nihil sublachrymantes; & grauitas quædam neminem offendens, sed omnibus amabilis, eò quòd vultum gereret lætum, absque tristitiæ indicijs, etiamsi multæ eius causæ adessent. Multi viri graues affirmabant, non solum se illius verbis iuuari, sed vel sola eius præsentia; Et quòd talis esset modestia, & sanctitas quæ in eo elucebat, vt in eo rectè videretur habere locum quod S. Iob de se dixit: *lux vultus mei non cadebat in terram*, nihil enim dIob 29.24. faciebat, quod pudorem illi adferret; aut à sua grauitate & authoritate degeneraret: qui est perfectæ mortificationis effectus, tenentis affectus omnes interioris hominis motusque exterioris intra certos limites.

DENIQUE vehemens studium ac desiderium, quo Sanctus hic vir cupiebat habere semper spiritum suum cum Deo coniunctum per continuatum amorem, & familiaritatem, cum eius maiestate, prodit, quantam vim & affectum adhiberet in mortificatione sui ipsius: quia *e fortis est*, vt e Cant. 8.6. mors dilectio, ac dura sicut infernus siue sepulchrum ipsa *emulatio*, ad extinguendum planeque destruendum quidquid hanc cum suo dilecto vnionem impedit: adeoq; est profusa ad dandum quidquid

D

peti-

petitur, quò possit assequi, quod diligit, ut nihil omninò neget, quamvis pretiosum, aut poenale, aut insipidum, & ingrátum sit. Hoc ipsum explicabat ipse Pater, exemplo Sichem cupientis Dinam ducere vxorem, nam ex vehementi amore

f Gen 34.11. *erga illam, Fdixit ad Patrem, & fratres eius; quaecunque statueritis, dabo: augete dotem, & munera postulate, & libenter tribuam quod petieritis: tantum date mihi puellam hanc vxorem: & quidem opere ipso prætstitit, quod obtulerat. nam petentibus, ut ipse, & totus eius populus circumcideretur, amor tantam ei dedit eloquentiam, ut persuaderet toti populo, ut omnes annuerent, & circumciderentur: ita qui seriò vnitionem cum diuina Maiestate desiderat, ingenuè & liberaliter offert, quaecunque hoc nomine ab ipso petantur: modicum reputans, quidquid peti possit. Et quoniam Deus pro pretio doteque principali petit spirituales cordis circumcisionem, & perfectam amoris proprii totiusque populi, appetitionum scilicet, & passionum mortificationem, ad omnia hæc præstanda meritò se offerre debet: tantamque adhibere in persuadendo efficaciam, ut omnes animæ facultates, ac sensus libenter circumcidant, ac remoueant quaecunque superflua, & hoc sibi ducere debet honori & authoritati; gloriarique, quod in se valde exprimat ac referat Christum Dominum nostrum, eiusque Sanctos Apostolos ac discipulos. Et cum aliquando meditaretur verba*

f Ioan. 19.25 *illa S. Ioannis: g Stabant iuxta cruce[m] Iesu mater eius, & soror matris eius &c. hunc sensit internum motum: existente Christo Domino nostro in cruce, duxerunt sibi honori qui ipsius erant, ut starent prope*

DE IPSIUS MORTIFICATIONE. 51

prope crucem: eoq; maiori honori & commodo proprio tribuebāt, quò magis propè illam essent, id quod illis prouenit ab Spiritu Christi operante in ipsis, quod in eodem ipso Christo. Ipse pendet in cruce, eiusque mater ac iusti sunt prope: ac mater ipsa propior: peccatores autem remoti manent ab ea: ac propterea dixit Dauid: *h longe à peccatoribus salus.* h Psal. 118
155.

C A P V T V.

*EMISIT TRIA VOTA, CASTI-
tatis, Paupertatis, & Obedientia:
qua perfecte semper cu-
stodiuit.*



VONIAM Societatis Institu- A N N O
1557.
tum obligat suos ad agendum cum omni genere proximorū, etiam perditorum, hæreticorum; aut infidelium, vt eos ad Deum suum reducāt; eorumq; animas saluent; constituit, sedesq; Apostolica & S. Concilium Tridentinum approbavit; vt Nouitij exactè probentur, non solum per vnū annū, vt in reliquis Religionibus fit; sed per duos etiam integros: quibus finitis edant tria vota, Paupertatis, Castitatis, & Obedientiæ: quæ, licet sollennia non sint, sufficiunt tamen ad hoc; vt tales verè sint Religiosi; quemadmodum expressè definiuit ac declarauit Gregorius XIII: ac proinde obstricti manent, quod in ipsis est; ad vitam in ipsa Societate perpetuū
D 2 ducen=

ducendam, & observanda prædicta vota eo modo, quo in eius Constitutionibus & Regulis declaratur. Iuxta quæm constitutionem Pater Balthassar duobus Tyrocinij sui annis expletis, hoc est, Anno 1557. cum Abulæ studijs vacaret, tria prædicta vota magna animi sui consolatione & spiritus fervore spontè, ac liberè emisit: seipsum offerens ad perpetuum Dei Domini nostri obsequium in eo statu, ad quem vocatus erat: in quo adeò erat contentus, ipsique ita plenè satisfiebat, ut quemadmodum chirotheca manui, & vagina gladio accommodatur, ita Religio Societatis illi aptaretur, & eius spiritum animumq; expleret. Sed quoniam perfectionis excellentia non consistit in permittendo Deo res grandes, sed in explendis cum magna excellètia: videamus, cum quantà vir hic sanctus per totam vitam tria prædicta vota custodierit. Quam excellentiam conijcere licet ex ijs, quæ proximo capite de insigni eius mortificatione sunt dicta: siquidem (teste S. Thoma) horum votorum finis est removere tria maxima impedimenta Evangelicæ perfectionis: amorem scilicet voluptatum sensuum: divitiarum, & temporalium commoditatum cupiditatem; & superbiam propriæ voluntatis libertatem ac iudicium in directione & gubernatione sui ipsius. Et quoniam talia impedimenta non eo solo ex corde evelli possunt, quod rebus externis renuncietur: necessaria est insignis valde mortificatio, qua omninò ex corde eradicentur; & virtutes Castitatis, Paupertatis spiritus, & Obedientiæ (quæ sunt illorum destructio & interitus) perfectè obtineantur.

S. I. EIVS

2.2. *Quest.*
186. *art. 6.*

S. I.

EIVS CASTITAS.

P R I M V M Pater hic Balthassar tota vita sua studuit in virtute **CASTITATIS** excellere, in eaque perfectione eam coluit, quam Regula nostra exigit, imitando scilicet Angelicam puritatem in mentis & corporis nostri munditiam. Ad quod præstandum omnia illa media, quibus ea defenditur, conseruatur, ac perficitur, adhibebat. Quomodo enim non censeatur Angelicam Castitatem coluisse eum, qui adeò seuerè corpus suum, vt dictum est, castigabat, vt spiritui esset subiectum, & ne sensualitas contra rationem rebellaret? quomodo non haberet magnam cogitationum puritatem, qui ita suū visum mortificabat, vt, ne foeminas aspiceret ante se existentes in publico sanctæ Inquisitionis Actu, (vt diximus) oculos suos per septem horas in sacratissimæ Virginis imaginem, quam secum ferebat, confixos habuerit? & quomodo non esset purissimus, qui adeò erat Virgini, & puritatis matri addictus? de qua vel cogitando adeò delectabatur? & quomodo non vinceret tentationes castitatem oppugnantes, qui adeò in promptu habebat potentissima contra illas arma, continuam scilicet ac feruentem orationem? ipsemet passus est aliquando, se hoc beneficium & gratiam à Deo accepisse, vt nec motus, nec sensuales inclinationes in se sentiret, ob continuatam deuotionem & recollectionem internam, qua semper se gerebat in præsentia diuina. Qui enim semper attendit, se à **D E O** aspiçi in omni loco, etiam

D 3

secre-

secretissimo: operam certè dat, ne quid admittat eius præsentia & conspectu indignum. Quare religiosissimus hic vir tres illos virtutis huius gradus est assecutus, quos iuxta Seraphici Doctoris sancti Bonaventuræ doctrinam in hac virtute constituebat. *Primus* est, certissimum animi decretum non offendendi DEVM Dominum nostrum in hac materia, nec lethaliter, nec leuiter; sed resistendi cum omni diligentia cogitationibus ac motibus sensuum. *Secundus*, in quo caro adeò est Spiritui subiecta, vt raro idque leuiter istentetur: facileque victoriam obtineat, nisi culpa sua se vinci patiatur. *Tertius*, in quo adeò sunt sensuum passiones domitæ, ac debilitatæ, vt vix percipiãtur; tantusque est rerum huiusmodi contemptus, vt cum eas audire, aut sermonem de eisdem miscere sit necesse: non magis moueri se sentiat, quàm si de lapidibus aut luto sermo esset: qui gradus non nisi ex Dei speciali gratia obtinetur, quem tamen ipse aliquibus suis Electis largitur, & huic seruo suo communicauit: quamuis priusquam illam obtineret, strenuè contra tentationes pugnauerit. Cum semel Iuuenis quædam nec ineligans foemina, aliquò proficisceretur, aggressa est castissimum hunc virum, tanquam alterum Ioseph: ipse verò ad consuetum Orationis refugium recurrens, non solum ab eo periculo se liberauit; sed ipsam quoque foeminam Deus lucratus est: effecitque, vt sui peccati poeniteret, & confiteretur. Nec tamen hæc victoria securum ipsum reddidit: nam potius cum humili suæ debilitatis timore, conseruabat Castita-

fitatis thesaurum, fugiens omnes occasiones
 etiã minimas, labendi in rem aliquam con-
 tra illam. Hunc suum timorem explicans dice-
 bat: non esse in tanto periculo eum, qui ex subti-
 li stamine in turri aliqua alta penderet; atque
 is, qui positus est in occasione puritatem suã
 amittendi. Idem autem Dominus, qui Castita-
 tis donum ei fuerat largitus, eundem docuit
 cautelam, quanti deberet ad eandem conseruan-
 dam: suggerens ei hanc de humanæ miseræ co-
 gitationem, & sensum: Cùm Dævs Dominus
 noster ante paucos dies fontes tui Nihili tibi o-
 stenderit, teq; talem sis expertus: quomodo scan-
 dalizari potes ex alienis lapsibus; aut non es-
 se valdè cautus de proprijs? hinc didicit sum-
 mam adhibere cautelam, ne vnquam solus esset
 cum foemina: & cùm aliquam visitabat, nun-
 quam prius sedebat, quàm etiam socio sedes ad-
 ferretur. Et quoniam ipse cum multis spiritua-
 libus foeminis agebat; cum ijs dicebat maiorem
 esse cautelam adhibendam, eò quòd spiritualis
 amor soleat transgredi limites suos, & fieri
 carnalis; & optimum vinum conuerti in fortis-
 simum acetum: quod tamen non ita aduertitur,
 donec mutux volùtates ita coniunctæ & aggluti-
 natæ, vt quamuis illibenter & cum aliquo dolo-
 ris sensu, potiùs à Deo, quàm à se inuicem disce-
 dant, & separentur, ne se contristent; iudicantes,
 non decere, sibi in illo amore teneroque affectu
 deesse, & tunc Dæmon accedit, & ignem accen-
 dens, illos excæcat, & illaqueat. Imò etiam cùm
 solus esset, valde erat cautus, dum se exueret, &
 surgeret: vtrumque enim faciebat magna cum

II. Augusti

1575.

honestate, vt nullam corporis sui partem videret. addebatque: valde esse attendendum circa modum iacendi in lecto, vt semper compositiore religiosa sit, & honesta; nam, si Religiosi non habent omninò extinctum patiendi desiderium, quid leuius eis euenire potest, quàm non se discooperire in æstate, cùm sani sunt, & tegumenta moderata habeant? & quomodo hanc decentiam seruabunt, cùm febre aliqua grauitèr incalescunt, & nemo illos videt: nisi ad eam seruandam sensim assuescant?

§. II.

PAUPER TAS.

SANCTAE PAUPER TATI fuit valde addictus, vt Saluatorem nostrum imitaretur, de quo excelsas habuit cogitationes, vt postea dicemus; & valde persuasus: in ea consistere substantiam Religionis solebat dicere: nemo sibi puluerem in oculos iniiciat; nec sibi de sensibus, illuminationibus & spiritualibus consolationibus blandiatur, nisi hilari vultu bolum hunc Paupertatis Euangelicæ adedò amarum deglutiat. Tunc autem deprehendet, an illam amet, si eius etiam comites diligit, famem, sitim, frigus & contemptum. Qui enim in vestibis quærit honorem, ne vilis habeatur, non diligit paupertatem; qui, dum sitit, non potest sitim aliquamdiu tolerare, sed animalis alicuius instar proijcit se ad aquam: is non studet paupertati: qui nihil vult sibi deesse, & tamen vult Religiosus haberi, decipitur. Iuxta hunc sensum practica-

dicabat ipse paupertatem, eligens sibi, quod deterius erat, tam in cibo, quam vestitus, & habitationis commoditate. Imò etiam in ipsa sacristia notabatur, quòd studiosè acciperet pauperiora ornamenta ad Sacrum faciendum, dicens, quod etiam in ea re sese insinuaret vanitas & curiositas.

OPTABAT deesse sibi aliquid etiam in rebus necessarijs: ideoque non solum nunquam aliquid petijt, sed neque accipere voluit quidquam sibi à multis dominabus, quibuscum agebat, oblatum; tum vt paupertatem custodirer; tum ne suam amitteret libertatem, mancipium se constituens eorum, qui aliquid ipsi darent. Et quamuis (vt ait S. Hieronymus) sæculares homines ostendant, se indignari, cum non accipitur, quod ipsi donant: iidem nihilominus pluris faciunt non acceptantem: magna enim est vis ac veritas sanctæ paupertatis. Nunquam induit vestem nouam, sed prius curabat, vt iam facta alius aliquamdiu vteretur; & tunc demum ipse illam induebat. Imò nec novos calceos, donec aliquis alius per diès aliquot eis vsus, iam splendorem recentium amisissent. Exhortationes, quas faciebat, etiam si magni essent momenti: eas tamen non in munda charta, sed in operculis litterarum scribebat, vt & in hoc paupertatem exerceret. In cubiculo suo aliqua etiam necessaria deerant. Nam cum Concordantijs indigeret, dicebat, se malle aliquot passus impendere eundo ad Bibliothecam comunem, quàm apud se illas habere; vt sic magis coleret paupertatem. Nec aliam sedem apud se habebat, quàm scabellum, aut sedem sine Reclinatorio: &

cum aliquis insignistituli, aut dignitatis vir ipsum visitabat, valde lepidè illi dicebat: Dominatio vestra sedeat nunc in hoc scamno, tanquam in domo Pauperum; etiamsi in vestra domo plures sint ac superfluae sedes, in quibus licebit postea commodius sedere: & ipsi Domini plus hac ratione ædificabantur, quàm si cubiculum vidissent etiam Imperialibus sedibus plenum. Metinæ donarunt ei semel eleemosynæ nomine sedem quandam holoserico opertam: & tunc dixit, velle se eam in loco totius domus nobilissimo collocare: Quare illam misit ad culinam; ubi tam diu mansit, donec consumeretur, ac dissolueretur: ut novitij ad iuvandum cocum ingredientiæ cogitarent, debere se vitam suam contrario modo instituere, quàm suadeat mūdus; & nihili facere, quod ille facit magni. Horrebat res curiosas, etiā pias, secum gestare, quales sunt Imagines, Reliquiaria, Agnus, Grana & similia, eò quod huiusmodi rebus nimium cor Religiosi adhærescat: quod prodit impatientia, qua mouentur, cùm tale quid eis aufertur. Et quamvis id fieret prætextu alijs ea donandi, expedire dicebat, laborem hunc & onus deponere, ut cor in solo Deo suam cōsolationem poneret. quare aiebat, Paupertatis cultores, qui se suis commoditatibus priuarent, experiri illud Davidis: *2 Renuit consolari anima mea, memor fui Dei, & delectatus sum*: qui autem suas commoditates quærunt non habere hoc excitatorium, ut meminerint Dei, eiusque solatium accipiant. Et hinc inferebat ipse amorè Dei, & fiduciã de eius diuina Prouidentia esse compendiosa, at Sufficientia remedia Paupertatis: verè enim diligenti Deum

Ironice.

a Psal. 76.

4.

Deum nihil deesse; non quod bonorum abundan-
tiam domi suæ habeat; sed quod in eius anima
desit illorum cupiditas: nam nihil desideranti eo-
rum, quæ in foro veneunt, quidquid in eo est, su-
perfluum illi esse. Qui Deum in veritate amat, a-
morem suum à rebus alijs retrahit; & in hoc vno
illum collocat, vt hanc solam obtineat, cuius
causa reliqua omnia vili æstimat. Et nunquid ne-
gabit Deus frustum panis, non esurienti aliud,
quàm ipsummet Deum, cùm ipse dixerit: *b quæ-
te primum Regnum Dei, & reliqua omnia adiicien-
tur vobis?* aut aliud poterit sibi persuadere, qui no-
uerit ipsius Dei viscera, & consilia, ac media, quæ
ipse adhibet, vt quos ad gratum sibi obsequium
elegit, à terrenis curis expediat? timeamus igitur
& amemus Deum, quia, vt Dauid dixit: *c Non est
inopia timentibus eum.*

*S Augustin.
ep. 109. me-
lius est mi-
nus egere,
quàm plus
habere.
b Matth 7.
c Psal. 33. 10.*

§. III.

O B E D I E N T I A.

OBEDIENTIAM magni semper facie-
bat, dicens: eam esse rectam Dei viam; qua
anima deponit omnia dubia, & perplexi-
tatem; siquidem eam Deus tanquam certam re-
gulam constituit in rebus omnibus, in quibus pec-
catû nō cernitur: amplectendo & sequendo quod
sentit & ordinat vnus homo, qui nobiscum versa-
tur, cui se anima integrè tradit, confidens Deo,
quod per tale medium sit ipsam gubernaturus. Et
quamuis sæpe eueniat, talem hominē inferiorem
esse in literis, virtute, & experientia: non pro-
pterea vacillat securitas, si ei obediatur: nā quod
Obedientia sit recta no consistit in sapientia, bo-
nitate, & prudentia Superioris; sed in ordinatio-
ne ac

ne ac directione Christi Domini nostri: quemadmodum, quod idem Christus in sacra hostia contineatur, non dependet à bonitate, ac pietate Sacerdotis consecrantis, sed ipsiusmet Christi id volentis, & constituendis. Et quando ipse cor tuum permouit, vt ipsius amore subijceres te Superioribus Religionis, praeuidit ipse benè, te nonnunquam habiturum superiorem aliquem, rerum ignarum, & exiguae virtutis: & nihilominus voluit te illi subijci: quia nouit eius ignorantiam, & exigua virtutē ita dirigere, vt tibi nō noceant, sed profint potius: eiusque ordinatio sit profectus, & exaltationis tuae causa. Quare superiorum acceptator, vt huic se subijciat, alteri non: suspectus est de inobedientia: quemadmodum in fide censeretur suspectus, qui prostratus adoraret aureum vel argenteum crucifixum, nollet verò ligneum: cū ratio adorationis in omnibus sit eadem, scilicet Christus. Ex quo ille deducebat, vnum ex maximis beneficijs, quæ in Religione habemus, esse Obedientiam, & hanc Dei in rebus omnibus etiam minutis directionem, neque est a *via à Samaria, vsque Iordanem adeò plena vestibus & vasis preciosis*, atq; est Obedientia Religiosa excellentibus virtutibus referta. Quare cū anima incipit sentire, quid sit gubernatio Dei, statim etiam incipit Obedientiam magni facere, ex qua tantum videt boni sibi accedere, sentiens quantum in ea honoris, diuitiarum & profectus accipiat ab ipso Domino, qui ipsam ad se vocauit, & conuertit, iuxta illud Dauidis: *b Dominus regit me, & nihil mihi deerit: in loco pascuae ibi me collocauit, super aquam refectionis educauit me: animam meam conuertit,*

a 4. Reg. 7.

15.

b Psal. 22.1

uertit, ac deduxit super semitas iustitiae.

HAE VERITATES fulciebant eius obedientiam, consolationem, & vtilitatem. Nam ab ipso Tyrocinio excelluit in Obedientia ad nutum, æmulans sanctos Patres, qui etiam litteram inchoatam relinquebant, vt ad id, quò vocarentur, se conferrent: & totius vitæ decursu honori sibi tribuit, ita exactè obedire: magnam ducens inurbanitatem, quòd vel ad momentum hæreret in Obedientia præstândâ, & respondendo vocanti Domino. Et cùm esset Superior erat omnium primus ad communes Obedientiæ actiones: & cùm ad aliud Collegium diuerteret, erat valde subiectus illius loci Superiori. Et cùm semel in quodâ Collegio vellet extra illud celebrare, diceretur autem illi ex parte Superioris, ne id faceret: in momento, & nullo verbo prolato, voluntatem illam deposuit; cùm tamen nihil nocere aliàs iudicaretur, nisi quòd ita visum esset Superiori. Et prouinciæ suæ Visitatori ad nutum etiam obediuit in duabus rebus grauissimis, in quibus honor eius & solatium periculo exponebantur: vt suo loco videbimus. Eos, qui sub Obedientia viuerent, aiebat ipse, posse, si vellent, magno quodam priuilegio gaudere: hoc est nec aliquid aggredi, neque à cepto desistere suâ, sed Dei ipsius voluntate: qui ingens est thesaurus. Qui autem sibi ipsi grauis est, & occupat se cogitatione rerum agendarum ac temporis & horæ, qua illæ sunt agendæ: is hoc remedio vtatur, vt animæ suæ dicat: iam non est tibi solatio, quòd scias, quâ horâ velit Deus, te surgere? quomodo indui? quomodo alii? magna certè iucunditas, & suauitas conuersa

c *Tbren.* 4.¹ uersa est in magnum cruciatum. c *Quomodo obscuratum est aurū, mutatus est color eius optimus? Quis te coëgit, vt cūm esses liber, te ipsum ligares? idē spiritus, qui fraudes, dolosque latentes tibi retexit, idem ad hoc mediū, tanquam ad ingenrē thesaurū reduxit, & iam parui eum facis? Ad S. Paulum misit Deus Ananiam, & hoc tu non aduertis?*
 d *Isaia* 14.¹² d *Quomodo cecidisti Lucifer, qui mane oriebaris?*

AD Hoc ipsum propositū perpendebat valde verba Angeli Raphaëlis ad Tobiam: cū obstupescerēt, quòd Angelus Domini talia erga ipsos officia & obsequia præstitisset: e *cūm essem vobiscū, per voluntatem Dei eram.* Et iuxta hanc sententiam dicebat: in Dei domo nullum esse officium
 ,, vile. & de se ipso in libello, in quo notabat inter-
 ,, na sua sensa, sic ait: In hoc ego meam foelicitatem pono, quòd Deus velit opera mea vt in vilissimis totius meæ Religionis officijs. Nam quando hoc ego sum promeritus, vt ipse velit obsequio meo vtī, & me in rebus obsequij sui occupare, etiam in conficiendis lateribus? tanti ego hoc facio, vt nullum sit adedò abiectum officium, cui si me ille velit addicere, non priuer ego quocunque meo solatio, vt illud præstem. qui alicuius obsequium habere vult, etiam vult se ipsi obligari. Quæ igitur tanta celsitudo animabus nostris offerri potest, quæ ita nos impleat, ac satiet, atque quòd audiamus, Deum velle, & requirere nostrum obsequium, vt se ipsum nobis obstringat, & obliget? Et in alio loco dicit: Quam excellentiam habet concionandi munus, si Deus illud non vult, aut quam vilitatem habet ollas, aut scutellas lavare, si idem Dominus id à nobis vult? quam præ-
 sta-

stantiam habet, quod quis in aliquo angulo se contineat, si Deo id non placet? aut, quæ vilitas est inde exire, si hoc ipsum illi placet?

• EVM, qui sub Obedientia esset, non volebat cogitare, quid esset cras de se futurum; aut quid ipse acturus? responsio enim est in promptu: faciam, quod iubebor; erit quod volet Deus. Et ita, ait: hoc totum meum lucrum est, ut te Deum meum contentum habeam, tibi quæ satisfaciam: esto tu contentus, & pone me etiã in tortura: iube, verte, & inverte me: quia nihil ego aliud expecto, quàm ut iubeas. Si opus est tota vita cursitare, id meum est solatium. quod dicebat, quia tunc sentiebat difficultatē & repugnantiam ad profectiões, tū ob valetudinis defectū: tū quod vereretur aliquam suæ recollectionis iacturā. In omnibus tamen sese resignavit, & Obedientiæ subiecit, cōtemnens suas repugnantias, magnamque gloriam iudicās, quod eas vinceret. Hinc etiã quies illa oriebatur, qua in loco & Officio manebat à Superiorib⁹ sibi iniuncto. Ex Rector Salmantinus missus Villagartiam Oppidū parvū, libentissimè est profectus, ut se ibi includeret, optans in illo loco vitam suā, si Deo ita placeret, finire. Dicebat enim: Religiosos horrere debere mutatiōes Officiorū, occupationū, aut locorū, in quibus à sancta Obedientia collocantur, memores verborū Angeli ad S. Ioseph, cum mitteretur in Aegyptū: *esto, inquit, ibi, vsq; dum dicā tibi, cuius rationem reddebat: quia nemo posset ad altiorē locū ascendere, quā ut ab ipso Deo in re aliqua constitutur, & nō à se ipso. Rectificet igitur is voluntatē suam, & ita erunt omnia feliciter expedita; ac dicetur de eo: foelices aut es, quibus obedientiæ vox dulcescit.* *f Matt. 2. 13.*

N V N

NVNQVAM animum abijciebat in rebus ar-
 duis, ac difficilibus, in quibus obedientia illum
 collocabat, etiam si aduerteret, se talentis destitu-
 tum ad eas sustinendas : dicebat enim : ex quo
 Deus religiosum posuerit, ipse eundem deducet,
 etiam cum profectu : quod si plus illum oneret,
 quam ferre possit, se ipsum onerat, quia in se re-
 cepit supplere, quod illi deest : & si iusserit ali-
 quem loqui, nescientem loqui : se ipsum obligat
 ad eum docendum. Id igitur ego vellem, ut ipse
 manu sua aliquid mihi iniungeret, quod meas fa-
 cultates excederet : nam hoc ipso teneretur id
 mihi dare. Et si quidem tu Domine iubes per san-
 ctam Obedientiam me tali hora loqui : ex nunc
 exspecto tuum subsidium per hoc vel illud medi-
 um, iuxta tuum beneplacitum. Quare qui ab Ob-
 edientia in aliquo officio, aut ministerio consti-
 tuetur, ad quod præstandum existimat sibi Erudi-
 tionem, Prudentiam, Authoritatem, & animi
 Fortitudinem deesse : postquam hanc suam ine-
 ptitudinem Superioribus proposuerit, ne animo
 deficiat ; sed *de reuelet Domino viam suam, & spe-*
ret in eo : quia *ipse faciet* : ad vnius veritatis ac cer-
 titudinis firmitatem, attendat h *prudentiam*, quã
 dedit Dauidi *super suos inimicos* ; *scientiam super*
omnes docentes eum, & *intelligentiam*, ac experien-
 tiam *super senes*, & *expertos* ; authoritatem ;
 quam dedit Iosue, cum eum constituit populo
 Israel loco insignis adeo illius Ducis Moysis ; cor
 in Saule ita mutatum, ut & sentire & loqui cum
 Regia Maiestate posset ; opinionem, quam dedit
 Pharaoni de Iosepho ; & æstimationem doctri-
 næ eius, ut eum sibi, totiusque Regni Magnatibus
 Magi-

g Psal. 63. 5.

h Psal. 118.

97.

Magistrum, ac Doctorem præficeret; cælestem lucem, ac sapientiam, quam Danieli dedit super omnes, quos Nabuchodonosor ex filijs Israel eligere voluit, vt in suo conspectu stare possent; & media quæ adhibuit, vt ille eiusque socij adeò sapientes euaderent, atque eorum assistentia requireret.

Et consequenter aiebat, securitatem in agendo cum proximis, cum ex Obedientia id fiebat, esse valde magnam. Adeò, vt si quis obediendi causa infames scæminas accederet, vt illas Christo lucraretur, cum eis agens, mundissimas haberet cogitationes, quasi esset aliquis Angelus: & si ex propria voluntate in cubiculo suo maneret, foedis ibi cogitationibus vreretur. Nescio, inquit, quomodo possit quis tutum reputare, quod à Domini voluntate recedat. Quænam, quæso, securitas esse potest, vbi Deus non est? hoc enim est, quod Sanctus Bernardus dicebat: *quando benè erit sine illo? aut quando malè cum illo?* Expertus erat, quòd, quamuis interdum illi occurreret, contrarium eius, quod Obedientia iniungebat, esse meliùs; parendo tamen deprehendebat, rectius fuisse, quod Obedientia præscripserat: ac propterea illà appellabat **CONSILIUM**, ac dispositionem **DEI**. & ideò ei subdito, cui aliquid eius videretur non esse ad rem, dici posset illud Scripturæ diuinæ: *iustus ex fide viuit:* & secretum quod ipse non assequitur, esse *k mysterium fidei*: Ex quo optimi proueniunt exitus ei, qui cum fide, & humilitate opere illam exequetur, etiamsi media ipsi disparata & contraria esse videantur. Ac propterea valde delectabatur narra-

tione

tione cuiusdā P. Prouincialis huius Prouinciæ, dicētis: quod quando ex Vrbe ad aliquam obedientiæ ordinationē mittēbatur, vt hoc, aut illud determinatē faceret, videbatur sibi cælum aperiri, & cor suum exultare: quando autem sibi dicebatur, vt, quid agendum esset, cogitaret, eligeretq; quod videretur: tunc se in magnis angustijs fuisse.

DE NIQVE occultam quandam Dei manum aduertebat mouentem, ac dirigentem eius negotia & actiones per ipsam obedientiam: & hoc illum quietum valde, ac pacatum reddebat, quidquid sibi tandem ex ea eueniret. Ad quam rem habebat aliqua sensa, ac sententias admirandas. Deo Domino nostro dicebat: nulla, Domine, alia via, ad
 „ eò possum esse tuus, atque cū desino esse meus,
 „ Iuramento obstrinxit se ipse Dominus, quod faciet crescere eum, qui ipsi erit in obediendo fidelis, nam de obediēte Abraham dicitur: *Non est
 I Eccl. 44. 20. inuentus similis illi, qui conseruaret legem excelsi: ideo iureiurando fecit illum Dominus crescere in plebem suam.* Quid nobis nocebit, si obedientiæ intuitu ea relinquamus, quæ nos delectant; & agrediamur quæ nos cruciant, & vexant: nisi quòd meritum nostrum augebit? obedientia est crux perpetua, gladius propriarum oblectationum, venæ vitæ, fons aureus: non est autem exiguum bonum, aut malum censendum, quòd rectē attingamus id, quod præscribit Obedientia, aut ab eo declinemus: Est enim materia, quæ semper in manibus versatur. Quemadmodum enim Moyse erat Pharaonis Deus: ita Superior est Deus obediētris, dicentis: *Sonet vox tua in auribus meis: vox enim obedientiæ dulcissima mihi est, & iucundissima.*

suma. Hæc & alia valde excelsa sentiebat ipse, ac loquebatur de hac virtute, vt apparebit, quando de magna conformitate agetur, quam ipse cum voluntate diuina in rebus omnibus habebat.

C A P V T VI.

SACERDOS FACTVS, PIE
*diuinum Officiam orat, & quotidie Sa-
crum Missæ celebrat.*



VM Pater Balthassar, adeò accelera- A N N O
ret in feruore virtutum, magnasque 1558.
ostenderet dotes ad inuandos proxi-
mos: statim atque studijs suis finem
imposuit, tertio scilicet anno à suo
in Societate ingressu, curarunt superiores, vt fieret
Sacerdos: quo nouo titulo cœpit ipse magis ad-
huc in deuotione crescere, & in familiari cū ipso
Deo cōgressu: ad cuius mensam quotidie admit-
tebatur. Cumque sacri Ordines obligationem ad-
ferant diuinum Officium legendi: dedit ipse dili-
gētem operam, vt ei obligationi magna cum per-
fectione satisfaceret, nec à magnis occupationi-
bus impediretur, quæ interdum simul, & quasi ag-
mine factò illi occurrebāt, quib⁹ ipse hanc magnā
studio præponebat. Et quāuis Societas non profi-
teatur vsū cātus, & chori: ipse tñ septē suas horas
Canonicas diu cū magna quiete, suis tēporib⁹, &
in separato, ac recollecto loco orabat, vt cordis
effundēdi occasiones effugeret: nūquā est visus in
aliquo trāsitu orare; nec de ābulās: sed per multos
annos orauit in medio sui cubiculi flexis genib⁹:
q̃ si aliquo morbo à flectēdo impediretur, sedebat
quidē; sed aperto capite, nec alicui parti innixus

orabat: exterior enim reuerentia multum iuuat
 deuotionem internam. Ad quam ut se prouoca-
 ret, sibi ipsi dicebat: cogitabo sapius quomodo
 Angeli in Dei conspectu versentur, cum consci-
 entia scilicet valde pura, & intima reuerentia: &
 me aspiciens pudore suffundar, quod cum illa pu-
 ritas mihi desit, deficiam quoque in exhibenda
 reuerentia. Memor quoque ero eius, quod dixit

a Iob. 413

Deus apud Iob: *a Non parcam ei, & verbis poten-
 tibus, & ad deprecandum compositis:* nam quod be-
 nè ores, (ut exponit Sanctus Gregorius) non in
 eo consistit, ut composita verba proferas: sed ut
 in amaros gemitus orando prorumpas. Ordina-
 riè orabat solus absque socio adiuuante, ut diu-
 tius oraret, possetque in sensis, quæ Deus commu-
 nicaret, hære, ac frui: quorum etiam testes non
 habere cupiebat. Ex frequenti etiam vsu Psalmo-
 rum in suis exhortationibus; & Spiritu, quem ex
 eis hauriebat, aduertebatur horum internorum
 eius sensuum magnitudo. perpendebat enim val-
 de quodlibet eorum verbum. Imò etiam, cum
 se cruce sancta signaret, valde erat exactus, singu-
 lari quadam deuotione sanctam hanc crucis ce-
 remoniam formans: dedit enim illi Deus, ut sen-
 tiret, cum se cruce signaret. ac diceret: In nomine
 Patris, & Filij, & Spiritus sancti, tres diuinas per-
 sonas benedictionem suam illi impartiri, cum ip-
 se earum nomine id faceret.

§. I.

MVLTO tamen magis eius deuotio appa-
 rebat in sacro Missæ, ad quod magna se
 diligentia præparabat: studendo, maxi-
 mam conscientia suæ puritatem habere: sapius
 eam

eam in die examinans, suosque defectus frequenter confitens; & aliquid temporis recollectioni tribuens, antequam ad celebrandum accederet. Et quidem, etiamsi multæ euenirent occupationes, & impedimenta, quotidie celebrabat. etiam cum iter faceret: quamuis aliquas alias commoditates hanc ob causam esset relicturus: & incommoda ac pericula etiam magna subiturus: quemadmodum illi accidit in itinere Romano eundo & redeundo per Galliam, dum per multa loca hæretica transiret: nihilominus enim nunquam sacrum facere prætermittebat. Faciebat autem Sacrum diu; & cum tanta quiete ac deuotione, vt etiam eam in Auditoribus excitaret. Et quidam de nostra Societate fassus est, se, cum sæcularis esset, ad eam ingrediendam fuisse permotum cum videret deuotionem, modestiam, grauitatem, & tantam totius hominis compositionem, in ipso Sacro, ac Officio diuino quod peregit in hebdomada sancta. Et quædam alia persona, quæ etiam lucidiores habebat oculos, (fuit autem B. Mater Thereffa Dei Iesu) audiens quadam die eius Sacrum, vidit eum toto tempore, quo Sacrum durauit, habuisse in capite diadema quoddam magni splendoris, indubitatum indicium magnæ charitatis ac deuotionis internæ, qua Sacrum faciebat. Aliquando ad illud faciendū recipiebat se ad separatam aliquod sacellum, solum cum ministro; & tunc solito diutius hærebat, iuxta gratiam, & visitationem diuinam, quam à Deo accipiebat, & quidem frequenter: quamobrem in suis necessitatibus, tentationibus, angustijs, & arduis negotijs refugium habebat ad sacrum Missæ. vbi magnam

Deus veritatum lucem, magnaque Spiritus sen-
 magne consolationis, instructionis, ac respiratio-
 nis ei comunicabat circa ea, quæ acturus aut pas-
 surus erat; quorû inferius fiet mentio. Huius quo-
 que erat magnum indicium, & commune in ore
 multorû huius Prouinciæ, quod scilicet aliquan-
 do inter celebrandû ei loquerentur Angeli custo-
 des eorum, quorum ipse Cõfessiones audiebat, &
 cum quibus versabatur: ei reuelantes, qua re indi-
 geret anima illa, quæ ipsi esset cõmendata. Et cum
 quidam Pater Societatis, valde ipsi familiaris, cõ-
 munem hanc vocem ei significaret, & cõfidenter,
 an ita esset, interrogaret: vir Sanctus valde eru-
 buit; nec tamen verbû vllum respondit: quod non
 est leue veritatis indicium. nam alioquin, vt erat
 ille humillimus, statim rem eleuasset, ac respon-
 disse, decipi, qui talia cogitarent: quare verecun-
 do illo silentio, annuere visus est. Quam ob rem
 sancta illa mater Theresia de Iesu in libro suo di-
 xi: (quod paulò post videbimus) sanctissimum
 Sacramentum huic seruo Dei (qui eius erat Con-
 fessarius) magnum lumen dare, ad res eius, quæ ex-
 traordinariæ, valdeq; excelsæ erant, intelligen-
 das, ac penetrandas: hoc insinuans, quod ipsemet
 Deus per se, aut per Angelû suum sanctum eas illi
 in sacro Missæ manifestaret. Nec mirum quod SS.
 Angeli, qui iuxta cõmunem sacrorum Doctõrum
 sensum altissimo huic Missæ Sacrificio assistunt,
 obseruantes insignem deuotionẽ, qua magnus hic
 Sacerdos illud offerebat, ibi cû eo colloqueretur:
 eumq; docerent, qd ipse ad gloriã Dei nosse cupie-
 bat; & extimularêt ad suum ministerium cum ea
 dignitate & sanctitate, quã eius celsitudo exigit,
 præ-

*Martinus
 Alarconius
 qui Burgis
 obiit.*

Cap. 2.

præstandum. Et hic fortè specialis illa eius deuotion non solū ad custodes Angelos; sed nominatim (vt ipse scriptū reliquit) ad eum, qui Sacrificium Altaris Deo offert: de quo in ipso Canone Missæ dicitur: *Iube hæc perferri per manus S. Angeli tui*, *S. Thom. 2.* Siue is Angelus Sanctus, aliquis sit eorū, qui ad assistendum ibi sunt constituti, tam ob reuerentiam tantæ maiestati, ibi exi. lenti debitam, q̃ ad ipsum Sacerdotem iuuandum: vt illud cum debita reuerentia ac deuotione offerat, cuius manus etiam est (vt in Apocalypsi habetur) *offerre Deo* oblationes & orationes Iustorū; siue sit Angelus ipse Sacerdotis celebrantis custos, cui efficacius tunc assistit, ad prædicta hæc Officia erga eum præstanda. *Apoc. cap. 8.3.* Sacro ipso finito, manebat per mediā minimū horam in magna sui recollectione, ac deuotione, gratias Deo agēs, p accepto tanto beneficio: & ibi interna sensa & Illustrationes spirituales erant frequentiores, vt colligitur ex ijs quæ in suo libello scripsit: sæpè dicens: sibi eas cōmunicatas post Sacrum finitum, quorum hic aliquas, quæ ad hoc propositum magis spectant, ponemus.

VNA fuit ipso die Epiphaniæ: finito, inquit, Sacro, recordabar fclicitatis istorū Regū; & optans mihi eandē, audiui respōsum internū dicētis: illi eum adorarūt; sed tu inte receptum tecū portas, quasi ei dictum esset: maior est tua fclicitas, & Iustorū, ac Sacerdotū huius temporis: qui nō solum Christū adorant, sed etiam verè & realiter eundē accipiūt in sanctissimo sacramēto, q̃ secū portāt. Sed quoniā non oēs ita hoc præstant, vt deberent, alium internum sensum dedit ei Dominus in illis verbis Euangelij illius diei; b *Ecce Magi*. Mirū est b *Matt. 2.2.*

„ quod Reges diuites, ac sapientes quærant Deum,
 „ mirum, stupendum! sed cur adeò stupendum? quia
 „ necesse est cadere idola, si velint, ita arcã recipe-
 „ re, vt cõmodum inde sentiant. In nobilibus debet
 „ ruere honor; in diuitibus deliciæ; in sapientibus
 „ tumēs superbia: quæ illi plurimũ amant; &, ne de-
 „ serant, statuunt potiùs Dei arcam à se reijcere, ac
 c1. Reg. 57. dimittere, dicentes id quod Philistæi olim: *c Non
 maneat arca Dei Israel apud nos, quoniam dura est
 manus eius super nos.* in quib⁹ verbis effecit Domi-
 nus, vt ille causas intelligeret, cur multi, præcipuè
 nobiles, diuites, ac delicioſi recusent accipere ar-
 cam viuam noui testamenti in sanctissimo Sacra-
 mento latentẽ; aut eam recipiant cùm exiguo frue-
 ctu: quia scilicet volunt in altari cordis sui idolũ
 Dagon, rem scilicet illã creatã, quam inordinate
 diligũt retinere, quæ nisi in terram cadas, & mor-
 tificationis gladio, ita eius caput, ac manus am-
 putent; vt ampliùs non audeat cogitare, loqui, aut
 facere quod solebat: non efficiet in tali corde di-
 uina hæc arca, stupenda misericordiæ suæ opera;
 sed iustitię, puniendo illos magna ariditate, tene-
 bris, cordis duritia, alijsq̃ue internis desertioni-
 bus: donec verè se emendent, aut indurati, arcã à se
 reijciant, iudicãtes esse graue, & planè insulsum,
 frequenter cõmunicare. Ex quo prouenit, vt quẽ-
 admodũ vnus idemq̃; Sol, atq; ignis lutũ indurat,
 cerã verò liquefacit: ita, qui hunc Dominũ susci-
 piunt, si sunt tanquam lutũ, verè indurentur; si aut
 tanquã cera, liqueſcant eius amore. Alia vice hunc
 „ ei sensum internũ Dominus dedit; si animę nostrę
 „ vita sufficiens sibi est, & corpori, cui vnitur, eiuf-
 „ quę partib⁹ omnib⁹ etiã minimi digiti vngulæ, &
 mini-

minime pilo: quantò magis vita Christi, quæ est “
 vita Dei, sufficiet sibi, & animæ, ad quam in hoc “
 Sacramento venit. Hoc enim est, quod ipse Do- “
 minus dixit: d *Sicut misit me viuens Pater, & ego “ d Ioan. 6.*
viuo propter Patrem, & qui manducat me, ipse vi- “ 38.
uet propter me. Dicat igitur anima statim post “
 Communionem: vita tua Domine vtrique suf- “
 ficiet, tua Sanctitas, tua Potentia, tuæ Diuitiæ: “
 modicum fermenti totam massam sapidam red- “
 dit: & tu in medio cordis existens non reddes il- “
 lud sapidum: & intelligat anima, causam, cur “
 duram se in Cômunionem sacra sentiat, solere esse “
 propterea, quod cùm dono acceperit ipsum Do- “
 minum, non satiatur tanto dono: & diuertens ab “
 eo oculos, eos conijcit in teneros sensus & lacry- “
 mas, quas desiderat: quare iustè punitur in eo, vt “
 minus donum non accipiat, quæ maiori non sa- “
 tiatur. Quod si dicas, te id facere, vt ipsi magis “
 placeas: respondet ipse animæ tuæ: insignis i- “
 gnorantiæ esse, cogitare Domino ipsi alia via, & “
 ratione placere, quàm ipse velit; & præstare, eius “
 diuinæ prouidentiae id committere; teque pati- “
 entiae virtute armare. Additque, quando Deus in “
 animam venit, non relinquere bona sua domi, nō “
 oculos misericordes, non dulcedines & suauita- “
 tes, nec suas potentias, & excellentias, nec vacu- “
 um, sed plenū venire. quare qui Deum habet, om- “
 nia bona habere: & optimam viam valdeq; com- “
 pendiosam ad omnia possidenda esse, oculos ab “
 eis auertere, ipsumq; solum desiderare; nec desiste- “
 re, donec illum vade sibi vnitum habeat; & tunc “
 Dauidis illud implebitur: e *Satiauit animam in-* e Psal. 106
anem: & animam esurientem satiauit bonis.

§. II.

H VNC in modum habuit Pater hic Balthassar post ipsum Sacrum sensa multa veritatum. variarum, valdeque vtilium, quæ inferius reddemus. Et quoniã de cœlestibus hisce nundinis ita loquebatur, sicut in eis illi eveniebat ob insignes fauores spiritualesq; delicias, quas hisce occasionibus experiebatur: exhortabatur Sacerdotes, ac reliquos communicantes, ne illarum iacturam facerent; sed cogitarent, Deum Dominum nostrum ipsis dicere, quod aliquando suis discipulis: *a me autem non semper habebitis*, quasi diceret: properate in hac negotiatione, non enim semper sum vobiscum hic mansurus. In quæ finem admirandas hasce proponebat illis sententias. Magni semper faciat, qui communicat, tempus quo diuina Maiestas cum ipso manserit: in quo potius attendat, vt diuinam præsentiam veneretur; supplexque oret, impertiri sibi diuinam eius benedictionem; sibiq; persuadeat, se dignum non esse, cui Deus faciem suam ostendat: quàm vt prolixas ratiocinationes ac meditationes instituat: & attendat, ne vel momentum amittat tam foelicis temporis, quo frui ac negotiari possit cū diuina eius Maiestate, iuxta verbum illud Ecclesiastici: *b Non defrauderis à die bono, & particula boni doni te non praterat*: hoc dico propterea quod multis communicantibus pruriant pedes, vt inde discedant sub prætextu lectionis, colloctionis, aut etiam deambulationis: quæ est Phrenesis intolerabilis. Nam prolixiores orationes, piæque lectiones quid aliud sunt, quàm quidam clamores, quibus Dominum vocamus, vt ad nostram

a Ioh. 12. 8.

b Eccl. 14.

14.

stram domum venire dignetur? quæ igitur stulti-
 tia est, ut post tot horas, imò & annos, quibus e-
 gimus pro tanto hoc fauore; quando nobis illum
 exhibet, non possimus nos continere, quin sta-
 tim ex eadem nostra domo exeamus? quid nos pos-
 sunt libri docere, quod non diuina Maiestas præ-
 sens melius doceat? quem saporem & oblectatio-
 nem creaturæ nobis adferre possunt, quā ipse non
 possit nobis plenius conferre, nosq; saturare? &
 quam sanctitatem ex earum conuersatione haurire
 possimus, quam maiorem non afferat nobis familia-
 ritas cum ipso? quid boni lectio habet, nisi quod
 affectum nostrum erga ipsum Dominum excitet? &
 quid spiritualia exercitia, nisi quod illum ad nos
 inclinēt? Ad hoc aut perpendi possunt sequentes
 veritates, in quibus anima cum Deo suo loquitur:
 Infirmus, Domine, qui tecum non exhilaratur: valde
 prope est, ut cadat anima, quæ tecum non exultat:
 vnde poterit exultare? qui tecum, Domine, non est
 contentus: quomodo non crepat? qui in domo sua
 non tibi ostendit promptam voluntatem; quomodo
 iterum tuum ad eandem aduentum expectabit? qui, dum
 te hospitem habet, properat, ut exeat ex domo: fa-
 cile ostendit, se cor habere alibi obstrictum, cui te
 cum manere tadium est, cum tu ipsius honoris er-
 go ad ipsum accesseris, Deus eius, & totum bonum
 eius: cum quo is omnia sua negotia foeliciter expe-
 diat, non habet amplius quod agat, aut quærat: cumq;
 solius huius rei causa natus sit in mundo; facile o-
 stendit se Phrenesi laborare, si tecum non maneat
 libenter. Has & similes sententias vir hic Sanctus
 proponebat cum ingenti sensu, ob tepiditatem eo-
 rum, qui Sacrum faciunt, aut communicant, nec
 tem-

tempus sibi sumunt, in quo fruuntur Domino, quem in domum receperunt.

I N T E R N A M quoque deuotionem suam erga sanctissimum hoc Sacramentum, in eo ostendebat: quod ubicunque illud videret, ita oculis suis in illud intenderet, ut nullæ Personæ, aut res externæ, etiam iucundissimæ à tali aspectu eum retardarent. Nam oculis fidei aspiciebat sub illo accidentium panis velo latentem inuisibilem, maiori certitudine, quàm si corporis oculis illud cerneret, & quemadmodum Apostoli, *cùm intruerentur in cœlum euntem* Magistrum suum, etiam postquam *nubes eum suscepit ab oculis eorum* in cœlum aspiciebant, ubi sciebant, illum esse, licet sibi occultum: ita Sanctus hic vir ad eum assuetus aspicere hunc Dominum in contemplatione, non poterat oculos suos ab hoc Sacramento auertere, in quo fide videbat illum, licet velo cooperatum. Frequenter eundem Dominum in templo visitabat, ubi longos temporis tractus in oratione manebat: imò aliquando integras noctes, ut illum comitaretur ibi manentem; eiusque præsentia frueretur. Valde autem dolebat, quod videret tēpla ad eum vacua hominibus; & plateas ad eum refertas: Et tam paucos esse qui accederent ad negotia sua apud hunc Dominum peragenda, in hoc Tribunali & throno, quem habet in terra manentem: cum huius rei causa nobiscum manere voluerit.

M A G N V M reputabat fauorem & solatium Religiosorum, quod illud in suis domibus haberent: quod possent illud sæpius die ac nocte visitare, cum maiori facilitate, quàm homines sæculares.


Refert

Refert ipse in suo illo libello, quòd, cùm quodam die mane tempore orationis visitasset omnia cubicula Collegij, cuius ipse erat Rector, (vt moris est in Societate) vt obseruaret orantes: redierit valde consolatus ad suum cubiculum, pendens, quòd in medio eorum esset sanctissimum Sacramentum. Occurrit autem illi cum magna interna lætitia, quod Collegium esset, quasi quædam imago Coenaculi Apostolorum, in quo Christus Dominus post Resurrectionem suam eis apparuit, & d *ianuis clausis stetit in medio eorum*, d *Ioan. 20.*
cens: Pax vobis: Siquidem & hic portæ sunt clausæ, ac discipuli intus, & Iesus in medio eorum dans eis pacem, & animorum vnionem.

E A D E M eius deuotio valde fuit aucta ex familiaritate cum quibusdam personis magnæ sanctitatis, eidemque sanctissimo Sacramento additissimis, de quo paulò post fiet mentio. Est enim amicorum proprium, cùm alter inuenit aliquem cibum valde sapidum & bonum; alterum ad eundem inuitare, vt eadem ille afficiatur voluptate, qua ipse. In quem sensum sanctus Ioannes in Apocalypsi ait; quando Spiritus sanctus eiusque Sponsa Ecclesia aliquid inspirant & consu-

lunt, quod magni sit momenti: *equi
 audit dicat, amico suo, Veni,
 vt eo fruaris.*

*e Apoc. 22.
 17.*



CAPVT VII.

INCIPIT EXERCERE MIN-
 isteria erga proximos: habetq; auxilia, &
 monita à Deo Domino nostro, vt si-
 mul in propria perfectio-
 ne crescat.



a can. 1. 6.

V M Societas in suis principijs
 paucos haberet Operarios, &
 magna esset messis proximo-
 rum; erga quos ministeria no-
 stra, quæ multa sunt magnique
 momenti, erant exercenda: ro-
 gabant Dominum messis, vt
 mitteret Operarios strenuos ad illam colligen-
 dam: cumque misisset P. Balthassarem, statim atq;
 Sacerdos factus est, coepit Confessiones excipere,
 & cum proximis agere, magno feruore procuras,
 eos ad salutem animarum suarum quærendam
 adiuuare, & sic conabatur perfecte explere voca-
 tionem, ad quam à Deo videbat se esse vocatum:
 Et quamuis ministeria hæc soleant esse iuniori-
 bus; & in virtute Tyronibus periculosa; quia
 sæpè solet illis euenire, quod sponsa in suis ini-
 tijs, cum dixit: *a posuerunt me custodem in vineis:*
vineam meam non custodiui: Nam cum pro alijs
 volunt esse valde solliciti, seipso negligunt: quia
 effundunt spiritum, & perdunt deuotionem, cum
 nimium volunt adhærere creaturis, & locum da-
 re superbix & vanitatis ventis, cum prosperè suc-
 cedit; & pusillanimitatis, ac impatientix cum
 minus foeliciter. Quamobrem huiusmodi cum
 proxi-

proximis conuersatio est magis propria eorum, qui benè profecerunt, valdeq; sunt exercitati in Operibus propriæ perfectionis. Idè enim (teste S. Gregorio) Christus Dominus noster non exiuit ad prædicandum & agendum de Conuersione animarum, donec peruenit ad annum trigèsimum, ætatem scilicet perfectorum virorum. Quamuis, inquam, hoc ita sit, gratia tamen nostræ vocationis propria, & feruor eius in Societatis initijs breuius tempus requirebat: Deus enim Dominus noster, quemadmodum in primæua Ecclesia, & principijs aliarum Religionum Tyrones ipsos, & viam virtutis aggredientes, tanquam instrumenta accipiebat, aptosq; reddebat ad expugnandas animas: & hoc modo P. nostro Balthasare vsus est statim atque studijs suis finem imposuit: magnus enim feruor aptum eum fecerat instrumentum ad quæuis egregia cēpta: cui voluit Deus singularia talenta, Zelum, prudentiam, ac dexteritatem largiri, ad lucrandas animas, nihil ipso remittente, aut amittente de proprio suo profectu: potiùs hinc accipit occasionem eum ad altiores perfectionis gradus exaltandi; mysticamque Spiritus scientiam excellentius ei cōmunicandi, idq; tribus admirandis & occultis vijs, quas in huiusmodi casibus Prouidentia diuina seruare solet.

s. I.

P R I M U M. n. ita disposuit ac direxit Deus, vt in quib⁹ locis esset hic Pater, maximè in initijs, curā haberet vel tanquā Confessarius & Dux, vel tanquā Superior, aliquarū Personarū magnæ sanctitatis & excelssæ orationis. in quibus casibus nō minus seruēs penitēs iuuat seruētē cōfessariū; quàm

quàm è contrà: nam vt is qui ducit regitq; alium
 eum iuuat doctrina, ac directione sua: ita qui du-
 citur, & dirigitur feruenti suo exemplo ducto-
 rem suum etiam adiuuat: & vterque sunt tanquã
 duò illi Seraphini; quos vidit Isaïas, magnis voci-
 bus mutuò sese excitantes, & inuitantes ad laudes
 Dei, & canticum diuinæ eius gloriæ: aut etiam
 tanquam illa quatuor Sancta animalia, seipsa mu-
 tuò alis suis percutientia, & ad cursum impellen-
 tia: verba enim sancti & feruentis Magistri sunt
 flammæ instar illustrantium, & inflamman-
 tium cor feruentis discipuli; huius autem exem-
 pla sunt tanquam ignis feruentem Magistrum ac-
 cendens. & hac ratione mutuò sibi reddunt bo-
 num, quod ab inuicem accipiunt. Et cùm hic Pa-
 ter multũ profuerit pluribus personis sanctitate
 præcellentibus, vt iam cœpimus insinuare, &
 mox fusiùs explicabitur: ita ipse ab eisdem ma-
 gnum accepit fructum, excitatus eorum exemplo
 ad progressum in Oratione, & mortificatione
 cæterisque virtutibus, quæ in eis elucebant.

AD H A B C, cùm huiusmodi personæ ratio-
 nem animæ suæ reddunt suo directori, & interna
 sua, quæ in se geruntur, aperiunt: simul & eadem
 opera tale quid non cogitantem, aut quærentem
 docent; aperiuntque illi oculos vt videat, &
 obseruet admirandas vias & rationes, quibus
 Deus animas ducit; donaque & gratias, quas illis
 communicat: suntque instar viui libri, in quo ar-
 cana & scientiam mysticam legat, quam Spiritus
 sanctus scribit in cordibus Electorum, quamuis
 illi ex se valde sint simplices: & hoc ipsum dire-
 ctorem obligat ad Sanctorum libros euoluendos,
 vt illa

ut illa secreta assequatur, ne ipse decipiatur, nec eos decipi permittat, qui ipsius curæ sunt commissi. Vtraque autem hac ratione profecit multum ipse Pater Balthassar, agens cum animabus valde à Deo illustratis, & nominatim cum sancta illa matre Theresia de Iesu, cuius oratio, & Spiritus adeo fuit excelsus, ut ad eum cognoscendum, (quemadmodum ipse dixit Patri Francisco Ribera, qui eiusdem sanctæ vitæ conscripsit) magna attentione & cura legerit multos spirituales libros, qui sunt editi; nec his contentus recurrerebat cum tanto fervore ad Dominum Deum nostrum, ut ab eo cœleste lumen peteret, ne deciperetur, ut illud impetraverit, valdeque illustratus fuerit ad discernendam spirituum veritatem. In quo præterea ad literam impletum videtur illud Ecclesiastici: *a Sapientiam omnium antiquorum exquiret sapiens, & in Prophetis vacabit. Narrationem virorum nominatorum conseruabit, & in versutias parabolarum simul introibit; occulta prouerbiorum exquiret, & in absconditis parabolarum versabitur, cor suum tradet ad vigilandum diluculo ad Dominum, qui fecit illum, & in conspectu altissimi deprecabitur. Si enim Dominus magnus voluerit: spiritu intelligentia implebit illum: & ipse tanquam imbres emittet eloquia sapientiæ suæ.* à Eccl. 39. 11

HINC tertia via oritur, quæ Deus Dominus noster, animarum Duces ac Magistros, efficit perfectos. Nam quemadmodum Reges nutricibus filiorum suorum dari iubent preciosos, ac delicatos cibos, ut bonum aptumque lac habeant, ad eodem filios lactandos: ita Rex cœlestis solet preciosos etiam selectosque spirituales libros ijs præ-

bere, quos Magistros ac Duces constituit animarum, ut selectum copiosumq; lac habeant doctrinae, vitaeq; exemplaris, qua possint eas alere iuxta illud
 b 2. Cor. 1.4. Apostoli: *b siue consolamur siue exhortamur à Domino*, id sit *pro vestra exhortatione & salute*. Cum igitur Deus Patrem hunc fecerit nutricem tot animarum sibi dilectarum, praeuenit eum in benedictionibus dulcedinis, efficiens ut experientia ipse virtutes illas agnosceret, & exerceret, quas in eis plantare posset; dotauit eum scientia spiritus, dono contemplationis, alijsq; admirandis donis, de quibus inferius fusiùs: nam licet in initio repugnantiam aliquam sentiret ad agendum cum proximis, ut ab hac occupatione se subtrahens, plus tēporis sacrae lectioni, orationi, & familiaritati cum ipso Dño daret: mox tamen aduertit errorem, expertus plus spiritus ac deuotionis dari sibi per viam occupationum circa iuuandas ex Obedientia animas; quā in sola sua recollectione, quā studiosius querebat.
 Quare in suo libello notat eos, qui ex Obedientia Domini exeunt ad agendum cum proximis, nec fidem domi relinquunt, experiri gratias, iucundiusq; lucis, ac deuotionis alimentum quā si se domi continerent: id enim significasse Psalmistā, cum dixit: *c qui descendunt mare in nauibus facientes operationes in aquis multis: Ipsi viderunt opera Domini, & mirabilia eius in profundo*.

c Psal. 106.
22

§. II.

AD HÆC omnia multum eum iuuit ipsa Orationis, in qua magnas consolationes sensaq; spiritualia Deus illi communicauit, quibus ad agendum cum proximis, nec propterea negligens.

gendam propriā perfectionem eum exstimulabat: multa suggerens documenta & rationes, quibus vtrumque coniungeret. Ex hoc nomine dedit illi magnam opinionem, & æstimationē excelsæ Vocationis Societatis propriæ; & vt agnosceret magnum beneficium Dei fuisse, quod ad tale tamq; egregium opus vocatus esset, quo ipse Dñs magnopere delectatur. Cū semel opus quoddam egregium præstitisset, sequenti die mane sub orationē vidit Christum Iñ n nostrum præclaris donis valdē onustum, & onere illo quodammodo afflictum, ac desiderantē exonerari, & propēsum se ostendentem ad gratificandum exoneratū: & quāuis magno desiderio id cuperet, non tamen onus deponebat, eò quod vasa deessent, in quibus eius dona reponerentur. Ex quo intellexit hic Pater, opus suum fuisse diuinæ maiestati acceptum; & per charitatis opera obtineri ab ipso ingentia bona; sibiq; talem se ostendisse Christum, vt ipse ad huiusmodi opera magis excitaretur; & alios ad eadem exercenda exstimularet.

ALIA vice fecit Deus, eum sentire: amorē erga proximos esse rem valdē sacram, magnumque amoris Dei, & obedientiæ, qua anima mandatis eius parer, testimonium; & quod ipse Deus multum sibi in eo complaceat, indicium. Et qui DEI vocibus non obsurdescūt, omnia officia, quæ proximorum charitas exigit, libētē ex Obdiētia amplectuntur: nam quod illis de se ac rebus suis largiuntur: existimant se Deo dare, pro cuius amore illud donant. Et hac consideratione dulcescit illis, quod seruiant proximis; eosq; tolerant, & tanquam mollem ac suauem ceram illis se præbeant;

„ suamque amicitiam offerant. à quibus si quando
 „ offendantur, libenter eis ignoscunt, lætumque vul-
 „ tum ostendunt, dulciaque verba dant : certò sibi
 „ persuadentes, quales ipsi erga proximos se gesse-
 „ rint, talem Deum erga se experturos : si dulces,
 „ dulcem; si misericordes, misericordem; si insulsos,
 „ etiam insulsum: credentes eius verbo, (quod vel
 „ ipsa experientia verissimum esse constat) quòd

a Luc. 6. „ a qua mensura mensi fuerint, eadem eis remetietur.
 38. „ Quamobrem ipsas proximorum necessitates re-
 „ putant sibi tanquam ditissimas aurifodinas, ex
 „ quibus animæ propriæ plurimū ditescunt, & quo-
 „ tidie illustrantur. Quod Sacramētū absconditū cū
 „ cognouissē, valde illud admiratus, & venerat⁹ sū.

NE aut animo deficeret ob pericula & difficul-
 tates in tali ministerio occurrentes, fecit Deus eū
 agnoscere ac verè sentire bonum ex eo proueniēs:
 Quare, cū illi thesauros aperuisset in illo Dau-
 b Psal. 106. dis versulantes: b qui descendunt mare in nau-
 23. bus, facientes operationem in aquis multū: ipsi vide-
 bunt opera Domini: statim intellexit, eos hoc debe-
 re attendere, sibiq; persuadere: quod si verè in ma-
 re descenderint, illud sit perturbandū. Ideò enim
 addidit Psalmista : exaltati sunt fluctus eius, ascē-
 dunt vsq; ad coelos, & descendunt vsq; ad abyssos, id
 autem permittit Deus, vt clamēt ad Dominū, cū
 Serm. 12 in tribulantur, & ita crescānt; non aut vt pereant. Ac
 Cant. propterea S. Bernardus dicebat: agere cum prox-
 mis, etiamsi aliqui defectus admisceantur, melius
 quid esse, quàm seorsim & solum etiam sine illis
 orare: ex altera enim parte magnę sunt occasiones
 in virtutibus plurimum proficiendi: quare dice-
 b, re solebat: virtutem manere exiguam, donec in a-

gendo

gendo cum proximis probetur: tunc enim charitatem, humilitatem, patientiam, & puritatem magnos sustinere ictus: prodesse autem nobis plurimum illorum studia, & propensiones valde à nostris diuersas; cum eas propter Deum toleramus.

SED quoniã huiusmodi cõuersationis pericula oriuntur quoq; interdum ex nostra propria debilitate dedit illi Dominus magnã de beneuola sua prouidentia fiduciam; ac de auxilio, quod solet ad huiusmodi actiones conferre. Circa quod habuit sæpè in suis orationibus admiranda & singularia sensa in varijs occasionibus, quorũ in singulis ferè capitibus fiet aliqua mentio. Hoc nunc tantũ ponemus, quo ille magnum accepit animũ, ad se Dei consilijs subiiciendũ. quæ stultitiã, inquit, est, existimare, te rectè aliquid facturũ, ad quod non te permoueat Deus? aut ipsum non fore vori sui cõpotem, cum aliquid in se recipit; etiã si mediã, & rationes, quibus illud ipse intendit, alienæ tibi, & quasi disparatæ videantur? si d *puer à Ionatha missus, vt sagittas, quas ipse iaciebat colligeret, & ad se referret, hæsisset in externa eius actione: dixisset: Dominum suum, sensum & iudicium amisisse: eò quòd non ad cõstitutũ signũ & metã; sed valde remotè illas iaceret: rei tamen veritate cognita, rectissimè sagittas Ionathas iaciebat. Hunc ergo in modum Dei consilia, quæ sæpè ab ignaris scopi & finis, quem ille intendit, extra rem iudicatur: sunt tamen in se rectissima, valdeque efficacia ad finem consequendum, quem ille intendit, quibuscunque tandem medijs ad id vtatur.*

DENIQVE oratio Sancto huic viro erat turris quædã Dauidis, omni armorum genere ad defen-

dendum & offendendum referta, vt posset peccatores expugnare, nō læsus ab illis. Erat idē specula, ex qua prospiciebat propria & aliorū pericula, vt auerteret. Erat quoq; ei occultū penetrale, in quo cū Dñs nostro agebat de ijs, quæ esset cū hominibus acturus: studendo prius apud eundē Dñm obtinere, quod in eis perficere intenderet, & vt omnia verba, modusq; ea illis proponēdi inspirarentur: ac docerentur ab ipso Deo, cuius negotiū, aiebat, esse hoc, iuuandi animas: ac proinde ipsius virtute bonum esse exitum habiturum. Erat quoq; illi Qratio, cellarium preciosorum ipsius Domini vinorum: in quo Spiritus S. eo multo eum inebriabat, quod Apostolis propinauit, cū illi linguis igneis loquerentur. Ex quo magna illa vis proueniebat, quam ipsius exhortationes habebāt; imò & literæ, quas scribebat: nā eius verba adeo viua erant, & efficacia: vt non reuerterentur vacua, sed cordi audientium infigerentur, in quo ita operabantur, vt impellerent ad malam vitam deferendam; aut torpenteū magis excitandam. Hoc modo ministeria, quæ cū proximis ex obedientia peragebat, faciebant ipsum in spiritu proficere: quemadmodū corporalis cibus corpus ipsum impingat, iuxta illud Christi Dñi verbū ad suos

c Ioan. 4. 34 Apostolos: *e meus cibus est, vt faciam voluntatem eius, qui misit me, vt perficiam opus eius:* salutē scilicet hominum: & in hunc finem valde perpendebat sententiam illam S. Gregorij: *esca iustorum est conuersio peccatorum.* Et quemadmodum *f A-*

f Iob 9. 26. *quila, vt in libro Iob dicitur, vbicunq; videt cadauer, volat velocissimē ad escam, vt famem suam satiet:* ita Iustus Zelosus vbicunq; videt peccatores conuer-

conuertendi occasionem, accurrit, vt hoc cibo, quo tantopere Deus delectatur, sibiq; adeò est vtilis, vescatur, & faginetur.

Na TAMEN in aliud extremũ incideret, nimis liberè & incautè cū proximis agendi, effecit Deus, vt sentiret ipse, sibiq; omninò persuaderet: magnā virtutem esse necessariā ad hoc ministerium securè præstandum. Magnam, iuquit, ne cum impro-
bis ac perditis hominibus agens, ipse etiā pereat; & innumera audiens inepta, ipse etiam ineptus fiat; & audiens mille fordes, & ipse inficiatur, & maculetur; nec genua sua, honoris idolo, quod mundus adorat, flectat. Quod si ad euitandam aliquam iacturam opus est magna virtute: quanta erit necessaria ad se ipsum, & proximos custodiendos? talis certè esse debet, vt ipsum virus, quod sensuales homines occidit, ipsummet nutriat. id enim sibi vult illud Osee: *g peccata populi mei comedent Sacerdotes.* quare iure optimo sanctus Dionysius aiebat: neminem tu-
tò posse Magistrum agere in rebus diuinis, quia has non habeat conditiones. Primam, vt sit Deo similis; Secundam, vt is illum exponat ad volandum, Tertiam, ne is incuriustale munus aggrediatur. Hæc autem consequetur, si per orationem pendeat à Deo, magna fide, ac fiducia, quòd auxilium ab eo accipiet, à quo mittitur; nec patietur, ipsum in eo negotio perire, quod ipsius iussu aggreditur. Ex parte tamen sua conari debet, vt plurimos habeat oculos quemadmodum cœlestia illa animalia; seque valde continere, ne liberam det oculis, linguæ, aut manibus libertatem; nec in-
gerat

gerat se occasionibus, quas posset vitare: ex eis enim lapsus eueniunt; non verò ex illis, quibus Deus illum immittit. Ad finem etiam ministerij sui examinet, quid egerit; & in quo limites suos excefferit: ac denique poenam aliquam adhibeat, & remedium in futurum.

CAPUT VIII.

PRUDENTIA, AC DEXTERITAS eius in iuuandis animabus; & quibus medijs vniuersim ad id utebatur.



IN merito Christus Dominus noster Euangelicis suis operarijs commendauit, vt in commissis sibi ministerijs *a prudentes essent sicut serpentes; & simplices sicut columbae*: eò quòd vtrumque necessarium

esset ad proximos iuandos absque iactura proprii profectus. à serpentibus accipere debent prudentiam, dexteritatem, & sagacitatem ad animas Deo lucrandas, adhibētes omnia media ad id conducentia, ita vt, si id opus esset, etiam (sicut Apostolus fecit) *b astuti* sint ad eas dolo aliquo sancto capiendas. à columbis accipere debent simplicitatem & puritatem intentionis, mansuetudinem & humilitatem, ac debitam innocentiam: vt humanitate sua bonoque exemplo animas alliciant. Hoc documentum exactissimè Pater hic Balthassar seruauit, lux enim coelestis in oratione sibi à

Deo

a *Math. 10.*
16.

b *2. Cor. 12.*
16.

Deo cōmunicata, prælara aliqua documēta mediaq; practica illi inspirauit, quibus vtrunq; hoc foeliciter coniungeret. Quorum primum, & veluti reliquorum fundamentum illud erat: vt in agendo cum hominibus purissima intentione quæreret solum ipsum Deum, diuinamque eius gloriam; illiq; placere, nulla ratione habita proprii commodi, aut incommodi temporalis; nec, an illi magni essent, aut parui; nobiles, aut ignobiles; sed hoc solum attenderet, quod Deus D.N. qui omnium curam gerit, & precioso suo sanguine omnes redemit, eas ad ipsum Sanctā suā inspiratione dirigeret, vt se in hoc ipsimet Christo cōformaret dicenti: *c quem dat mihi Pater, ad me c Ioan. 6. veniet; & eum qui venit ad me, non eijciam foras: 37. quia descendi de calo, non vt faciam voluntatem meam, sed voluntatem eius qui misit me;* ac propterea dicebat, se, nec cum pluribus, nec cum alijs agere velle, quā, quos Deus ad ipsum mitteret, vt cum eis ageret; eoque solo fine, vt illi placeret, absque alio suo lucro: ad quod valde ipsum exstimulabat Dei D.N. querela apud Malachāi, *d quis d Malac. 1. est in vobis, qui claudat ostia, & incēdat altare meum 10. gratuitò?* quasi nullus aliquod obsequium in templo illo prætaret gratuitò, hoc est purè, vt illi placeret, & ob animarum bonum; sed ob aliquod lucrum & commodum proprium. Quare operam ipse dabat vt tanta cum puritate cum suis poenitentibus ageret, vt ipsimet facilè aduerterent, solum Deum absq; alio humano respectu eum mouere ad agendum cum ipsis.

Ex quo proueniebat, vt se omnibus accommodaret, cum quibus agebat, cuiuscunque tandem

¶ Sap. 6. 8.

illi essent conditionis magni, aut parui: nec dignatus paruos, nec permittens cor suum maioribus adhærere: detestabatur autem illos Confessarios, qui autoritatē venantur ex poenitētibus, alligātes se honoratioribus. & non vulgaribus. Quā agēdi rationē vilem ipse, & nullius momenti apud Deū appellabat: qui (vt ait Sapiens) *e pusillum & magnū fecit, & aequaliter cura est illi de omnibus*: nec vult pusillos contemni; nec tamen magnos negligi: sed id non ob temporalem magnitudinem, sed propter bonum animarum. Hinc etiam oriebatur, vt cū magnam seruaret Spiritus grauitatem: magna quoque exhiberet humanitatis & amoris indicia: quā ob rem tam magni, quā parui intīmē eum diligebāt, ac venerabātur. Non enim in hoc agendi modo aliud respiciēs, quā vt Deo placeret: eiusdem quodāmodo superioritatē secū gerebat, cum qua subiiciebat sibi omnē terræ grāditatē, quæ exigua aliās est, si cum diuina cōparetur, quā ipse tanquam fidelis sui Domini minister induebat. Et ipsi Magnates, cum quibus agebat (qui vt postea videbimus plurimi fuerunt) agnoscebant in eo adēd magnam Spiritus superioritatem, vt ipsoꝝ granditatē excederet: & re ipsa in eo haberet locū, quod alios docebat, dicens: tales nos esse debere, vt cū quibus loquimur, ita verē mutētur, vt à nobis discedentes, percutiāt pectora sua dicētes: *verē filij Dei sunt isti*, habētq; Spiritum cælestē: & ita fatebātur omnes, qui cū illo agebāt, non audētes corā ipso sermones vllōs hui⁹ mūdi miscere, nec rerū aliarū, quæ nō essent Dei. Et expectabant donec ipse tales sermones inchoaret: adēd libenter eum audiebant, & venerabantur.

EAN-

EANDEM superioritatē comitabatur magna spiritus libertas in agendo; non enim poenitentes suos diligebat amore aliquo imperfecto, cui carnale aliquid admisceretur; sed amore solius charitatis, & purissimi spiritus; non sibi, sed Deo diligebat; non quærebat tēporale aliquod lucrū ab eis; nec oblata etiam instanter & importunē suscipiebat: ne sanctam suam libertatem læderet: nullas priuatas & viscosas amicitias contrahebat, quæ ipsi² cor agglutinarēt; quod liberū potiùs cōseruare volebat, vt illis relictis, liberè posset aliò se conferre, quādo id iuberet Obediētia: nec permittebat, alios ipsum imperfecto illo amore prosequi. quare cū ab eis discederet, etiamsi grauius absentiam illam ferrent: non tamen audebant, coram ipso, quantum eam sentirent, aperire: ac proinde neque illis ipse libertatem aufererebat, agendi cum alio Confessario, aut Spirituali Patre, ex cuius conuersatione possent in spiritu proficere: modò ne id facerent ex aliqua leuitate, aut inutili conuersatione: & de ipsis Confessarijs non benè sentiebat ipse, quos intelligebat, ægrè ferre si eorum poenitentes alijs confiterentur; auferentes illis libertatem cum ijs agendi, cum quibus possēt proficere: quæ ratio videtur esse mod^o quidā captiuitatis, & nimiq̃ subiectionis. Imò ipse hāc ob causam spōte sua non exhibat ad Cōfessionales: vt ipsi poenitētes liberè possēt ad aliū Cōfessariū accedere, & liberiùs cōfiteri, quæ fortè ob aliquē pudorē nō auderent ordinario Cōfessario aperire.

QUAMVIS autē Zelus eius magnus esset, omniumq̃ proximorū salutem desideraret: nouerat tamē quod quādo Deus introducit seruos suos in cellam

cellam vinorum preciosorum, ordinat in eis charitatem: Vt, si amoris & Zeli vinum eos inebriat; discretio & prudentia contineat, & moderetur. Quare valde prudenter non cum pluribus agebat, quàm, sine sui spiritus detrimento posset: Nec eò intendebat, vt multi illi essent; sed vt multum proficerent; & appareret in eis familiaritas & cõmunicatio cum ipso. dicebatque, non esse Instituti nostri tradere nos omnino proximis à dextris, & à sinistris: sic enim facîle cor nostrum sæcularizare, & amittere spiritum suum; sed in pondere & mensura: cùm ea scilicet moderatione, quæ se se ita cum viro Spirituali compatitur, vt media non negligat orationis & profectus proprii: quẽadmodum in Instrumentis artificis ille vsus eorum censetur bonus, qui aciei eorum sit conformis: nam si securis acies obundatur, etiam si tota die percutiat, nihil boni faciet, quæ tamen acuta, vel vna hora plus præstitisset. Nec melior Evangelicus operarius censetur, qui magnam hominũ copiam post se trahit; sed is, qui nihil Spiritualiũ in se negligens, poenitentes facit magis proficere; etiam si illi sint pauciores: hanc igitur ipse operam dabat, vt sui poenitentes in Dei seruitio proficerent, quisq; iuxta proprium talentum: neminẽ autem incapacem iudicabat progressus, quin Sacramentorum vsu perficere posset in relinquendis vitijs, prauisq; moribus; & in veris solidisq; virtutibus acquirendis: quamuis non omnes apti essent ad orationem mentalem, & internam recollectionem: ideoque non delectabatur incondita turba, nec libenter cũ ijs poenitentib. agebat, qui ita in suo profectu sistere statuebant, vt satis sibi esse

esse existimarēt, Sacramēta frequētare ad euitāda peccata mortalia, nihil solliciti de vltiori in virtutib. progressu: quem eius Zelum & Spiritū, qui nouerāt, nec vires in se ad eum sequendū sentiebant, fugiebant illum. Multò igitur magis ipse propēdebat ad agendū cū ijs, qui seriò ad altiores perfectionis gradus quotidie anhelarent: ad quos iuuandos singulāria Dei donā habebat, multumque laboris in eorum profectum ponebat: dicens, se non solūm timere exactam rationem à se exigendam de defectibus eorum, qui suæ euræ essent commissi; sed eam etiam, quæ exigetur de virtutibus, quas illi non fuerunt assecuti, eò quòd ipse non benè illos instituisset.

DENIQVE ob eam causam valdè conabatur omnibus, quibuscum agebat, persuadere exercitium propriæ abnegationis; & passionum, prauarumque propensionum mortificationem. Et ipsemet ad id præstandum eos iuuabat, exercens eos, nunc verbis ex instituto ad eos mortificandos tendentibus; nunc operibus, iubens eos facere aliquid contra propriam voluntatem: aut rei alicui renunciare, eamq; abijcere, quā ipsi aliàs oblectabantur. Habebat autem singularem ad id gratiam, quia vnumquemque ad viuum tangebat; & in eo, in quo se ipsum vincere plurimū referebat: ita tamen iucundè, ac suauiter id faciebat, vt nemo ei propterea esset offensus: sed potius magis affectus, & cum maiori opinione, & æstimatione boni Spiritualis, quod ab illo accipiebant; ac proinde cum maiori desiderio iterum ad eius pedes redibant. Quibusdam cum specie cuiusdam reprehensionis dicebat: si ego id cum alijs fecis-

fecissem, quod feci tecum, iam ille magnos progressus fecisset. alias verò simpliciter dicebat: ne consumamus tempus, quod est valde preciosum ijs, qui benè eo vtuntur. quod tali modo dicebat, vt audiens sentiret cor compunctum, & ad torporem excutiendum propensum. Sed hoc ipso medio adhuc clariùs utebatur cum ijs, quos expansis velis ad perfectionem contendere videbat: cooperabatur enim D. N. in illis exstimulandis, vt simul etiam eos probaret: nam exercitia & actus orationis absq; mortificatione, aut sunt illusiones, aut non diu durant. Omnibus autem suadebat, vt conarentur, se ipsos in ea re vincere, in qua maiorem sentirent repugnantiam; & conuersationes, visitationes, & morès aulicos, vestesq; superfluas moderarentur, accomodantes sese ad id omne, quod humilitati, honestati, ac decetia sui status magis esset conforme: nominatim verò, vt in occasionibus, humiliatìonis & opprobrij, & patientes se ostenderent, & linguam continerent: nā tales iactus & occasiones esse, in quibus animæ plurimū lucratur, & ex sua miseria exeūt: quare optandas illis esse, quēadmodū mercatores huiusmodi oportunas occasiones optāt, & quærūt vt suas fortunas augeant. Et hac ratione illos exstimulabat, ac præparabat, vt libèter & cū fructu, ac sine excusationibus acciperet ipsius monita, & aspera illa ac difficilia, quibus eos, vt benè mortificati, ac probati euaderent, exercebat.

Nec tamen ipse doctrinā hanc & monita, quę alijs dabat, negligebat: sed exēplo suo potiùs præibat, non solū se ipsum mortificando, sed etiā libenter acceptādo mortificationes, in hac cū proximis

ximis familiaritate occurrētes: & gaudebat, cūm
occurrerēt: vt hoc exēplo eos existimaret, ad li-
benter similes occasiones amplectendas: vt ita in
perfectiōe crescerēt, sicut ipse ex eis proficiebat.
Omniū, quæ in hoc capite retulimus, præclarissi-
ma exēpla videre licebit, cūm referentur particu-
laria, quæ gessit in varijs locis, in quibus fuit.

CAPVT IX.

MAGNUM FRUCTUM FACIT

*Abula in multis personis insi-
gnis virtutis.*



VONIAM Deo D.N. (cuius a sapiē- A N N O
tia attingit à fine vsque ad finem forti- 1559.
ter, & disponit omnia suauiter) omnes a Sap. 3.1.

omnium prouinciarum, ciuitatum, ac
locorum Ecclesiæ, & totius mundi
spirituales necessitates sunt notæ; imò & ipsa ta-
lenta ac facultates Operariorum suorum Euāge-
licorum perspectas habet: solet particulari suā
prouidētia eos in diuersas partes mittere, ad mes-
sem animarū colligendā: assignando vnicuiq; il-
lorū locū, ex quo possit copiosiore fructū colli-
gere: & ipsemet amplius prospicere: quāuis inter-
dum ex occultis suis iudicijs alteri horū, interdū
alteri plus attendat. In quem modū, post aduentū
spiritus Sācti, assignauit vnicuiq; Apostolorū Re-
giōne ac Prouinciā, vbi esset Euāgeliū prædicatu-
rus: S. Petrus missus est Romā; S. Ioannes in Asiam;
S. Iacobus in nostrā Hispaniā; alij ad alia regna &
insignes ciuitates, in quibus magnū fructum col-
legerunt, magnosq; labores subierūt, seminantes
eam semētem, quæ postea per alios discipulos, eō
perue-

peruenientes, copiosum protulit fructum. Eandem etiam Prouidentiam habuit Deus D. N. erga reliquos operarios, Apostolorum successores; & similiter erga Patrem nostrum Balthassarum: qui non absque caelesti consilio ministeria sua erga proximos exercere coepit in Abulensi Ciuitate: in qua preparatam habebat Deus segetem multam valde, maturam ad messem. Nouem annos ibi mansit, exercens magno labore Ministri Collegij Officium. Illud enim Officium & Collegij pauperis & egeni incommoditas ipsum obligabat, ad prospiciendum reliquorum necessitatibus, suarum oblitum: praecipue quod ferè semper tulit super se totum gubernationis pondus. Toto enim illo tempore non nisi duo fuerunt Rectores; Pater Dionysius Vazquez, qui mansit sexquiahnum; & Pater Gaspar Salazarius, qui tantum per nouem menses: eò quòd sancta Obedientia ad alia eos loca migrare iussit: in quorum absentia gubernauit Pater hic Balthassar Collegium reliquo tempore, licet semper cum titulo Ministri. Et praeter hoc etiam audiebat Confessiones saecularium ad illud templum accedentium; eratque assiduus in Confessionalis; & quando opus erat, etiam exibat ex Collegio ad agendum cum illis de salute animarum. Adeoque fuit in hac re strenuus, vt notabilem fructum in multis fecerit; praecipue in aliquibus, quos Deus ad excelsos Sanctitatis gradus elegerat. Et quoniam boni discipuli (vt ait Apostolus) sunt *b corona, gloria, & gaudium* sui Magistri; nec exiguum testimonium prudentiae, sapientiae, & sanctitatis eius, qui docuit, ac direxit illos ad eam, quam ipsi habebant consequendam:

non

b Philip. 4. 1.

non erit abs re ad ostendendum magnum spiritum, & facultatem Patris Balthassaris Alvarez ponere in hoc capite, & in aliquibus sequentibus magna quædam, & memoranda discipulorum eius in schola perfectionis, in qua insigniter excelluerunt: siquidem Deus voluit hanc ei gratiam facere, ut tales haberet tam in ipsa societate, quam extra illam; faciens ut eius verba essent (ut Ieremias ait) *c quasi ignis, & quasi malleus*: ut igne devotionis corda emolliret, malleo vero mortificationis cum summa dexteritate eos dolaret, ac poliret; ut ex ijs, quæ referemus, apparebit.

PRIMUM in ea tunc ciuitate erat non parvus proborum Sacerdotum numerus, quos collegérat, sibi quæ coniunxerat Magister Daza, vir insignis virtutis, ut in adiuvandis animabus pauperum quæ necessitatibus subueniendis ipsum adiuvarent, non solum in ipsa ciuitate, sed etiam in tota illa Diocesi. Sed statim atque sanctitatem & feruentem Patris Balthassaris spiritum animaduertit, ut erat humilis, voluit S. Ioannem Baptistam imitari, suos discipulos mittentem ad Christum, quare & ipse suos illos Sacerdotes ad hunc Patrem misit, ut cum illis ageret, eos dirigeret; & animaret. Quos hinc Pater interdum convocans adeò excelsè tantoque fervore de Deo colloquebatur, ut per multos dies motus ille in eis perduraret. præscribebat enim illis poenitentiam, quam exquerentur; & vitæ rationem, quam seruarent: & semel in septimana ad Confessionem ad ipsum accedebant, reddētes suarum conscientiarum rationes: & sic euaserunt viri magni exempli, agnoscētes & publicantes insignia Dei

dona, quæ sanctus hic Pater haberet ad animas dirigendas: idemq; agnoscebât reliqui, cum quibus ipse agebat, & nominatim Augustinus Osorius, vir nobilis & egregius, cuius ægritudinis P. Balthassar confessionem exceperat, quem conualescentē idem Pater in propria domo visitans, tanta vi & feruore spiritus cum eo egit, ut ipsum vicerit, ut extraordinariā quandam vitæ mutationē faceret, ita ut viueret tanquam aliquis Religiosus, & semper se occuparet in operibus misericordiæ: cumq; postea scamnum intueretur, in quo vterque sederat, admirans dicere solebat: si scamnum hoc lingua esset præditum, dicere posset, quàm alta & excelsa, quantoq; spiritus feruore S. Pater Balthassar mecum fuerit locutus. Plurimum etiam iuuit Franciscum Salzedum, quem S. Mater Theresia de Iesu adeò in suo libro laudibus extulit: appellabatque Equitem Christianum, eò quòd didicisset Christianam perfectionem cum legibus Nobilitatis coniungere, præscindens in suis moribus quæcunque mundus habet Christo Domino contraria.

SE D multò adhuc magis iuuit Franciscum Guzmanium filium Mosen-Rubi Braccannotij, primi Patroni insignis cuiusdam Sacelli illius ciuitatis: qui Franciscus, cum magnos haberet Ecclesiasticos redditus ex Pensionibus & Beneficijs Curatis, habitu tamen sæculari utebatur, & ipsos redditus expēdebat in Equis, in ornatu vestium, & in alijs multis rebus huius mundi, non sine scandalo eorum, qui illum nouerant. Huius cor Deus potenti sua manu tetegit, & in virum alterū permittauit. Nam consilio Patris Dionysij Vasquez Collegij

legij Nostri Rectoris, cui cōscientiæ suæ rerūque
suarum rationē reddere voluit: statim Ecclesiasti-
cū induit habitū & Curatis Beneficijs renūciauit,
reseruans sibi ex diuersis Pensionib. mille tantum
ducatos: quorū exiguā partē in proprios vsus ex-
pendēs, reliquū in pauperes distribuebat. Factusq;
Sacerdos coepit cum magna deuotione, & animæ
suæ profectu sacrum Missæ celebrare. Sed quoniā
paulò post prædictus pater Rector ad locum aliū
migravit: coepit cum Patre Balchassare agere, cu-
ius verbis cor eius inflammabatur, & ad pia, &
sancta opera, quæ faciebat, vehementer exstimu-
labatur. Solus planè cum vno puero ambulabat;
nec alium famulam, aut domesticum vllum, &
multò minus foeminam; in domo sua habebat.
Studuit valde abstinentiæ: etiamsi prius de magna
voracitate gloriari soleret: semper occupabatur
in operibus charitatis; ipsemet pauperibus infir-
mis ministrabat; medicum ad eosdem accersebat,
aut ad eius domum ipsemet accedebat portans
sub pallio vitra vrinaria, vt præscriberet, quid
cum ægrotis esset agendum: accidebatq; sæpe: vt
eum in eius domo vna, & altera hora expe-
ctaret; donec rediret, aut ex lecto surgeret:
id quod ipse cum magna animi tranquillita-
te faciebat: magna enim eius charitas pa-
tientiam illi hanc præstabat; & similiter ci-
bum ipsum ad ægrotos portabat; nunc præ-
paratum & coctum, nunc incoctum; & in-
terdum ipsemet ad macellum ibat, vt carnes
pro ægrotis pauperibus emeret. Et cum post
mortem fratris sui factus esset sanctæ illius Ec-
clesiæ Canonicus: non tamen rationem vitæ;

aut occupationes pias deferuit, sed nouam potius diligentiam adiecit, redditusque qui ex ea dignitate illi accreuerant, expendebat in subueniendo Monasterijs, Hospitalibus, alijsque priuatis pauperibus, qui humani pudoris causa non mendicabant, etiamsi necessitate, & indigentia premerentur. Et aliquo anno curam gerens plus quam trecentorum pauperum, tantas fecit expensas, ut eius redditibus perpensis videretur impossibile; nisi Deus prompto eius animo faueret. Habuit etiam ipse aliquos morbos, quibus Deus ipsum ad maiorem perfectionem promouit. Et quamuis P. Balthassar etiam inde discessisset, non tamen negligebat etiam absens eundem, quomodo poterat, literis daris consolari & iuuare, inter alias autem literas, has ægrotantis spiritui valde commodas Metinæ dedit.

12. *Offsb.*
1567.

Et si verear, ne V.D. tantū ex morbis suis sciat proficere, quantū ipse Dominus desiderat qui eos mittit: vbi tamē cognoui: D. vestram eiusdē fuisse aut etiam nūc esse valde defatigatā, id tantæ mihi fuit consolationi, ut omnes meæ occupationes non potuerint impedire, quò minus eam his literis significarem: Aperi, mi Domine, oculos, & in his morbis agnosce pignus tenerimorum altissimi, viscerum erga te, nolentis impunitos manere defectus eius, quem ipse amat; nec contentus est quod is animā suā solam cruci affixā ob continuā crucifixi filij eius memoriam, & commiserationē; veterisque hominis mortificationem, qua prauas suas propensiones & passiones iugulet: sed vult præterea, ut serui sui corpus etiam cruci affigatur: ut si c fiat magis iuxta cor ipsius, euadatq; similior Christo

Christo Domino, qui totus fuit semper in cruce. Anidè magnaq; cum animi læticia exspecto istius Yificationis & crucis fructum. Cùm igitur Deus D.N. sit, qui plantā suam colit, & curat, si fructus sit maior, quàm V.D. credidisset, aut sperare potuisset: illū cum egentib. illū cōmunicet. interim curam hāc in me recipiā, vt Patres, & Fratres nostros incitē ad orandū Maiestatem diuinā, ne peccata vestra tantū fructū impediāt; eamq; sanitatē tribuat, quæ ad maiorem ipsius gloriam cedat.

HANC Epistolam hīc volui ponere: tum, vt appareat sanctus Zelus & cura continua Patris Balthassaris erga spirituales suos filios, etiā postquam ab eis discedebat: tum quòd in eadem depingat ipse vitam & exercitia pij illius Domini, quibus ascendit ad perfectionē per hosce tres gradus: memoriā scilicet & compassionem Christi Domini crucifixi; mortificationē veteris hominis & prauorū morū ac passionum; & ipsummet corpus aliquibus poenis affectum, laboriosis primum exercitijs ministrando pauperibus; ac dolore & defatigatione priorū morborū, vt magis conformis euaderet exēplari Sanctitatis ipsius Christi Iesu, iuxta illud Apostoli: *d semper mortificamur in corpore nostro circumferimus*, vt & *4. 10.* *virtus Iesu manifestetur in corporibus nostris.*

VALE cupiebat vir ille ingredi Societatem; sed non obtinuit, eò quòd multa bona faceret in civitate. Sed cū voti sui compos non fieret in vita: voluit, quā ratione licuit, id obtinere morie: venit enim ad nostrum Collegium, vbi sanctē occubuit & in templo nostro sepultus fuit. Tam mortuus dixit, se valde consolatum mori, scien-

tem se iturum ad fruendum Deo: & beata illa Mater Thereſſa de Ieſu teſtata eſt, ſe viſſe eius animam ab Angelis perducī ad gloriam.

EVD E M in modum agebat P. noſter Balthaſar cum aliquibus alijs præcipuis ciuibꝫ: præſcribēs cui libet eā vitæ inſtituēdæ rationē, quæ ſtatui eorū maximè quadraret, ita illā eorū cordibꝫ inſigens, vt diu & cum feruore in eis maneret.

CVID A M cui nominatim ſuaſit, vt omnibus ferijs ſecundis conſiceretur, & cōmunicaret: quod ille exactè ſeruauit, ne quidē mutato die per triginta quatuor annos, & ampliꝫ, quibus poſtea vixit: tantam ille fidem adhibuit verbis ſancti ſui Cōfeſſarij. Et hac via inſignia dona à Deo accepit in animā; in dē etiam in corporis, & temporalibus neceſſitatibus diuinam prouidentiam eſt expertus. Nā cū Abulæ ſolet eſſe ſeuerū frigus & aliquādo nec ligni truncū domo haberet, & familia aliàs eſſet ampla, aliquoties euenit, vt ad oſtium domus, currus lignorū exoneratos inueniret: id qꝫ ipſe orationibus tribuebat boni ſui patris: qui bonum aliū numerū habebat piarum & exemplariū ſcēminarū, in quibus etiam faciebat notabilē fructum. Harum vna fuit Domina Giomar Villoia, quæ cū nouēdecim eſſet annorū, vidua remāſit: cūqꝫ eſſet aliàs pulchra cupiebat ab alijs etiā talis haberi; ideoqꝫ ſe ipſam exornabat, vt elegātior appareret. Cœpit hæc agere cum Patre Balthaſſare: cuius verba tantā apud eam vim habuerunt, vt obtinuerint, quod aliàs, quaſi impoſſibile iudicabat: vt ſcilicet obliuiſceretur mundi, & elegātiarum, ac inſolentiarū eius: ſerioqꝫ traderet ſe ſe Dei ſeruitio, à cuius benigno fauore magnum ſæculi

ſæculi huius pompæ contemptū impetrauit: ita ut etiam ſamulos dimitteret, & cū maioris eſſet ætatis ſola iret ad Eccleſiam. Et hac viâ magna obtinuit à Deo beneficia: cuius eſt proprium, honore afficere eos, qui ipſius amore ſeipſos contemnunt; & ſolatia cæleſtia illis largiri, qui renūciāt terrenis. Hunc ſpiritum cupiebat Pater Balthaſſar imprimere cordibus Dominarum, quæ ipſi confitebantur: addēs illis animum, ut proprijs delitijs, & nimijs pompis renūciarent: & quæ ad id animum non habebant, deſerebant eius Confeſſionale, nolētes ex eius ore audire, quod nolebant à ſe ipſis impetrare, ut facerēt. Reliquæ autem libentiùs eū audiebant, & gaudebant, ſe ita inſtrui, ut ſuos exceſſus exuerēt, qualis fuit quædam Dei ſerua nomine Anna Reyes: quā P. Balthaſſar malle mortificationis tanquam incudem tutudit, & aptauit: quæ ſolebat dicere, quæ ſolo aſpectu ipſam Pater mortificaret; grauiſq; ac ſeuerus eius vultus quē ille interdū ei oſtendebat, ſufficere ſibi ut intelligeret, an aliquid in ipſa eſſet, quod ipſum offenderet: & ſtatim reformabatur. Omnes enim nouerant, diſplicere ipſi, ægreq; ferre, quod habitus exterior non reſpōderet internæ recollectioni, cui ſtudebāt: dicebat enim illis interiora, & exteriora debere vnā incedere. Benè experta fuit hæc Dei ſerua fructū mortificationis, quam ipſi indixit, & in qua multū ipſā inuit bonus Cōfeſſarius: peream enim magnū conſecuta eſt ſuarū paſſionū dominiū, pacē, & ſerenitatē magnā in rebus omnib⁹, & excelsū orationis donū: quia ipſe Dominus per ordinarias cōparationes docebat illā diuinorū attributorū cëlſitudinē cum admirādis myſteriorum

104 VITAE R. P. BALTHASSARIS
 riorum fidei illustrationibus ac sensis; & nomi-
 natim ipsius Christi crucifixi; in cuius conspectu
 longo tempore hærebat in oratione, quam seuera
 etiam poenitentia comitabatur.

C A P V T X.

*ABVLAE IVVIT MARIAM
 Diatriam in heroicis eius virtutibus; &
 fuit mutua quadam & utilissima
 inter eos conferentia circa
 quinque patiendi fontes.*



In quo maximè eluxit P. Bal-
 thassar in Abulensi ciuitate,
 fuit auxiliū, q̃ præstitit duabus
 insignib. foeminis, quæ eodē tē-
 pore cū raro virtutis exēplo ibi
 fuerūt. Quarū altera fuit Maria
 Diatria, cuius sāctitas fuit valde
 nota ac celebris in eo loco; & hucusq; eius memo-
 ria durat; dignaq; est, quæ perpetuò inter fideles
 perduret, vt ex eius heroicis exēplis fructum ca-
 pientes erubescant, quod paupercula quædam ru-
 stica, quasi a stellio (vt Salomon dixit, & S. Grego-
 rius expēdit) *manibus innitēs* eò cōscēderit, *vt no-*
raretur in adibus Regis, nō terreni, sed cælestis, cō-
 uersationē suam continuā habēs in cœlis: ipī ve-
 rō habentes præstāiores dotes ad ascendēdum &
 volādū, hæret in infimo terrenis suis affectionib.
 vincti. Fuit pia hæc mulier valde foelix; quod P.
 Balthassarē accesserit; à quo plurimū fuit in
 hoc suo ascensu adiuta: sed & ipse Pater foelix
 fuit, quod illa ad ipsum venerit: nam & ipse fuit
 feruē-

a *PROV.* 30.
 28.
lib 6. Moral.
cap. 5.

feruenti eius exemplo multum adiutus : & ex ijs
quæ illa præstitit, innotuit ipse in illa ciuitate
valde, fuitque in magna apud nos opinione. Fuit
hæc Mater Maria Diatia è Vita Abulensi Pago o-
riunda : quæ cum per quadraginta vitæ suæ annos
in Castitate vixisset, cum magna sui recollectio-
ne, & bono totius plebis exemplo, post vtriusque
parentis obitum : desiderans Deo perfectius ser-
uire, venit Abulam : vbi quidquid habuit, distri-
buit pauperibus, vt mendicato vitam duceret : id
quod præstitit accipiens præcisè, quod omnino
esset ad vitam ducendam necessarium. & cum
multo ante votum castitatis edidisset, tunc adie-
cit etiam Paupertatis, & Obedientiæ erga suum
Confessarium seruandæ : vt etiam in sæculo ma-
nens modum aliquem religiosæ vitæ teneret, ser-
uans meliori, quo posset modo tria illa vota, in
quibus Religionis substantia consistit. Inspirauit
illi Deus, vt Patribus Societatis Iesu confiteretur :
& quamuis illi Obedientiæ votum non admise-
runt : illa tamen, quod ex se erat, ligare se voluit,
suæque libertate priuare, offerens Deo integrum
propriæ voluntatis sacrificium. Vt autem magis
esset recollecta, & inclusa, obtinuit ab Episcopo
Aluaro Mendozio licentiam, habitandi in cellula
quadam Ecclesiæ sancti Millani, vbi posset sem-
per assistere sanctissimo Sacramento, cuius erat
dehotissima : nec inde exhibat nisi ad confessio-
nem, & communionem in Ecclesiam Societatis.
Et hæc ratione aggressa est vitam excellentissimæ
perfectionis, in pœnitentia, mortificatione, & o-
ratione, & in omni genere virtutum, idque cum
adeo excelsis rerum cœlestium illustrationibus,

præcipuè sanctissimi Sacramenti : (quod vicinum suum appellabat) vt quicumque ad eam accederet, obstupescerent; & faterentur, etiam si aliàs valde essent periti, se nunquam adeò exactè sanctæ nostræ fidei mysteria intellexisse, atque cùm eadem illa explicaret.

§. I.

SED multis prætermiſſis, quæ sanctitatis eius manifesta essent testimonia, eò, quòd ea referre præter nostrum esset institutum: ea nunc solum adferemus, in quibus appareat quanta auxilia ad eam perueniendi habuerit à P. Balthassare, qui videns, eam à Dei gratia præuentam, suscepit in se eam promouere, ac perficere: cui etiam diuina Maiestas singularem ad id præstandum gratiam contulit. In id ergo mentis oculos P. Balthassar intendit, vt omnes defectus & imperfectiones, quas in illa obseruabat, ab ea remoueret, altiusq; radices mitteret in profunda humilitate, patientia & insigni obedientia, ac resignatione, mille adinueniens modos ad eam mortificandam. Respondebat enim illi siccè, & asperè, cùm aliquid illa interrogaret; faciebat, illam diu expectare, & vltimam ad Confessionem accedere: etiam si ante alias venisset; sæpè illi negabat, quod petebat, ac inauditam dimittebat: & cùm facultatem illi dedisset, ter in septimana communicandi, ob ingens desiderium, quo tenebatur sacræ Communionis: in hoc ipso tamen illam probabat, & exercebat: vt magis apud Deum proficeret. Et quoniam Iusti non habentes cor suum rebus temporalibus obstrictum & ligatum, non adeò agere

ferunt

ferunt mortificationem circa illas; sicut circa res spirituales, in quibus totum solatium, & consolationem suam repositam habent: ideò in his sunt probandi: vt in omnibus sint voluntati Dei resignati, & subiecti, illique soli alligati. In hunc ergo finem dixit ei semel, ne ad communionem accederet, nisi prius ipsi confiteretur: cùm aliàs iuberet eam alijs confiteri. Venit igitur illa sequenti die Communioni destinato: ipse verò noluit ad Confessionale descendere, donec intellexit, tres, aut quatuor alias ipsum expectare: cùm ergo ipse descendit; iussit alias prius confiteri, & interim aliæ quoq; peruenerunt, quas similiter prius ad Confessionem vocauit, & antequam illæ essent expeditæ, audita est vndecima hora. Surgēs igitur ipse ex sede ei dixit, vt sequenti die rediret. Qua sequenti die veniente, Pater rem ita disposuit, vt idem, quod pridie eueniret: & hac ratione illam continuit per viginti dies absque Confessione, & Communione. Iudicabat enim Sanctus vir, illam, quod hoc tempore non suscipiendo Sacramenta amittebat, re ipsa compensare quotidiana sua preparatione, & fame qua tenebatur illa suscipiendi; & heròicis patientiæ & mortificationis exercitijs, quæ illam melius disponebant ad eadem postea frequentius & fructuosius suscipienda. Valde sentiebat Mater Maria Diatna hanc dilationem: sed ob reuerentiam erga suum Patrem, replicare non audebat; nec illum deferere, ob amorem erga ipsum conceptum, quamuis adeò asperè ab eo tractaretur: vt lepidè illi dicere solet: mi Pater, & quid de meis querelis, ac rixis?

ALIQUANDO etiam ingressa est templum in crepidis & cum baculo, ut videretur cum aliqua grauitate & authoritate accedere: quam, cum Pater Balthassar intrantem videret, ad se vocauit, ac dixit: an fortè ostendere se vellet matronam aliquam, aut Dominam, & nihil illius superbiæ iam deesse; & statim iussit, ad plateam exire, & crepidis ibi relictis, ingredi sicut oportebat, & ipsam decebat. Quod ad nutum serua illa, Dei fecit, non attendens relictas crepidas facillè amitti posse, & redeunti prohibuit communionem, in poenam eius leuitatis: quamuis adèd illa se humiliauerit, & institerit: ut communionem tandem ei permiserit. Patiebatur illa in initio Dæmonum persecutiones; & cum semel grauius eam vexassent, timorem aliquem cōceperat: ac propterea paruum puellulum curauit in proprio suo cubiculo dormire, quo cum semel P. Balthassar venisset, & stratulum vidisset, in quo puerulus dormiebat, causamque eius rei cognouisset, asperè eam reprehendens; dixit: quorsum hic puerulus, non te pudet, adhuc es adèd infans, ut post tantum temporis hæreas adhuc in principijs: tam exiguam habes in Deum fiduciam? quo audito, statim illa stratulum obiecit promptè obediens sui Patris insinuationi: Fuit autem id bono consilio, valdeque ad rem factum: huiusmodi enim personæ non debent Dæmonem nimium timere, scientes, eum nec minimum vestis pilum absq; Dei licentia tangere posse: nec suam fiduciam debent in creatura aliqua collocare, sed in dulcissimi sui Creatoris proiectione, sub qua erunt tutissimæ.

EX loco suæ habitationis solebat interdum exire, vt præcipuas aliquas Dominas visitaret, cui P. Balthassar dixit: ne tempus ita expenderet, sed potiùs in iuuando Deo. A quò tempore illa nunquam exijt, vt aliquam visitaret. Et cùm Dominæ illæ de eius Confessario conquererentur, quod per eum priuarentur solatio, quòd cum illa loquentes habebant: illa, non vt aliæ solent, culpam in Confessarium conijciebat; sed eum potiùs excusabat, dicens: Confessarium non prohibuisse visitationes, sed propriam recollectionem suafisse.

HIS & alijs mortificationibus industrius hic spiritus Magister suam disciplinam exercebat, non solum ob ingentem, quem illa inde fructum percipiebat, libentissimè eas admittendo; sed etià ob aliorum exemplum; & vt ignaui agnoscerent veros suos defectus, reprehensione dignissimos esse: cùm hæc innocens, & in rebus, quæ vix defectus speciem præferebant, ita tractaretur: ac discant, seseque excitent ad suos proprios emendandos,

DENIQUE hæc Dei serua virtutem suam ostendit in pertuerantia subiucendi se, & obediendi ei, à quo adeò mortificabatur; eumque ex toto corde amando, ob tantum commodum sibi ab eo proueniens: quem etiam absentem nunquam passa est ex oculis suis recedere; aut rerum obliuisci; quas ab eo audiuiſſet: tantique eum faciebat, vt in eius comparatione infantem se in virtute indicaret. Ac dicere solebat: se in aliquo angulo ad portam cœli cum infantibus baptizatis ante discretionis ætatem defunctis mansuram; patrem

patrem verò suum magna cum gloria & comitatu ad altissimum locum ingressurum. Et alludens ad consuetudinē ipsam reprehendēdi, lepidè addēbat, quod Pater ascendens cœlum, ipsamque in loco adeò humili videns, dicturus esset: *istic hæstis vetula, pigra & ignava!* Sed quamvis ipsa de se humiliter adeò sentiret: fuit certè magna in oculis Dei, & Magistri ac Ducis sui: qui et si eam mortificaret, & humiliaret: magnam tamē de ea habuit opinionem, magnique eam faciebat: cui etiam postea, vt quotidie communicaret, concessit, ob insignem & extraordinariam ad sanctissimum Sacramentum deuotionem; fidemque adeò viuam præsentia Domini in eo latentis, atque si ipsis oculis eum videret. Et nonnunquam in sacra Hostia à Sacerdote eleuata videbat iuuenem extremæ pulchritudinis, & in calice ipso videbatur sibi videre rubentem sanguinem Christi, & quasi ex calido, & recenti vaporem aliquem ascendere; & cum sacra Hostia diuideretur, videbatur sibi videre Deum integrum in vtraque parte diuisa. Quod, cum ipsa cuidam Theologiæ Magistro referret; illeque admiraretur se talia à rustica fœmina audire: illa cum magna sinceritate respondit: certè ego existimaui reliquos etiam idem videre. Et colloquens cum Christo ipso de hoc mysterio, dicere ei solebat: *mi Domine, aliquidne istic superest mihi dandum?* hac dulci & amorosa interrogatione insinuans, infinitum bonum, quod ibi accipiebat; & satietatem, quam ita ex sacra Communionem sentiebat; vt maneret semper noua famēs, quotidie communicandi.

§. II.

VA L D E tamen vtile & magni solatij
erit, hîc referre, quæ ego ipse à Patre
B A L T H A S S A R E, in quadam
exhortatione audiui, cùm nos ad libenter patien-
dum exhortaretur, ob ingentia bona, quæ in-
de prouenirent: inter alia autem mentionem
fecit cuiusdam Conferentiæ, quam habuit cum
Matre Maria Diatia circa quinque fontes ali-
quid patiendi absque culpa propria, qui si-
mul etiam erant fontes magnorum meritorum
pro ijs, qui benè eisdem vti nossent cum pati-
entia, & conformitate cum voluntate D E I
illos mittentis. Reflexione autem facta,
vt eorum recorderer: hî quinque mihi esse
videntur. *Primus*: ferre temporis iniurias;
cùm scilicet ingentia sunt frigora, aut æstus,
humiditates, aut siccitates, & horrendæ aliæ
tempestates, tonitrua; venti; terræ motus &
similes: ita vt in his omnibus gaudeamus, pro-
pterea quòd D E V S ita velit. Ad quod pro-
positum rerulit nobis, quod cum Abulæ in-
gentia essent frigora; quibus illa valde affli-
gebatur; propterea quod nec vestes, nec cal-
ceamenta haberet, ad ea ferenda, & locus
habitationis valde expositus illi incommo-
do; & quodam die coram sanctissimo Sacra-
mento tremere, ac de frigoris seueritate que-
reretur: dixit illi D O M I N V S: Ego id
facio, & tu conquereris? insinuans illi (vt
ipse Pater B A L T H A S S A R expende-
bat)

a Psal. 38. 10


bat) considerationem, quòd calamitates & aduersa à voluntate Dei proueniant, sufficere debere ad hoc, vt omnes absque vlla querela & magno potiùs cum solatio acceptentur, iuxta illud Dauidis : *a Obmutui, & non aperui os meum, quoniã iufecisti: Secundus* fons est: ferre molestias & incommoditates corporis, vndecunque illæ proueniant, siue ab humorum superfluitate, quales sunt morbi, dolores, melancholiæ, tristitiæ, tædia, & similes; siue ab ijs necessitatibus, quibus omnes subiaceamus, quales sunt, fames, sitis, somnus, defatigatio, & lassitudo, aut paupertas, ac defectus rerum necessariarum in cibo, vestitu, habitatione & lecto, aut ab alijs creaturis quæ mille modis vexant: siquidem etiam cinifes, pulices, & similia animalcula nos persequantur: & in his omnibus seruanda est patientia, aspicienda ea tanquam à prouidentia diuina nobis missa, siue in pœnam peccatorum, siue ad exercitium virtutum, siue ob alios fines nobis ignotos. *Tertius* fons est; ferre aliorum mores, nostris aut contrarios; aut longè ab eis distantes: cùm cogamur agere cum alijs, valde cholicis, aut phlegmaticis, vultuosis, tardis, aut prauas habentibus propensiones, & complexionibus, quæ valde vexant, & affligunt habentem contrarias: in quo genere multum habent, quod tolerant Domini à famulis; & è contrà famuli à Dominis; & ipsi Religiosi, & quicumque in aliqua communitate degunt, vbi variz, valdeque repugnantes esse solent propensiones ac mores: ita Deo permittente ad exercitium Electorum: & ita Pater Balthassar nobis dicebat: non esse virtutem perfectam, nisi cum proximis in huiusmodi

occa-

occasionibus probetur. *Quartus* fons est: ferre ignominias, contemptus, ac detrimenta, quæ nobis eueniunt ex eo quòd alij, qui nos contingunt, & aliqua ratione ad nos pertinent, similia patiantur, cum sit certum, infamiam alicuius sanguine nobis valde coniuncti, aut etiam magni amici, redundare in infamiam reliquorum eiusdem consanguinitatis; & in Religionibus hoc est magis frequens: nam vnus Religiosi delictum & infamia in causa est, cur reliqui eadem notentur: quia vulgus ignarum reliquos iudicat esse illi similes, cuius infamiam culpamue nouerunt. Quod igitur innocentes huiusmodi infamias ac dedecora patientes ac demissè ferant, fons est magnorum meritorum: & P. Balthassar dicebat: hunc esse verè pulpæ bolum absque vllò osse: eò quòd, à propria culpa sit liber, & expeditus. *Quintus* fons erat: ferre afflictiones spiritus in rebus diuini obsequij, quæ magnam adferunt pœnam; nec possunt sæpè remedium à nobis habere: quales sunt spiritus ariditates, distractiones, obscuritates, animi deiectiones, scrupuli, & varia alia tentationum genera; ac Dæmonis persecutionum, cum horrendis imaginibus & figuris, quæ valde animam cruciant. Sed omnes signatæ, ac limitatæ, veniunt à Dei prouidentia, pro cuius voluntate sunt tolerandæ, quamdiu non possumus illas amouere. Et ad hunc fontem reducitur, quod bono animo ferantur probationes, quas faciunt Confessarij, alijque DEI Ministri & Prælati ad examinandam aut perficiendam eorum virtutem, qui ab ipsis diriguntur & gubernantur.

HI sunt quinque patiendi fontes, ex quibus
 uterque valde profecit, qui de eisdem cōferebant.
 Et ipsa Mater Maria Diatia experta loquebatur :
 quia dederat ei Deus feruentia desideria pro eo
 patiendi, eamque liberali manu in quinque præ-
 dictis fontibus exercuerat. Ad instantiam sui
 Confessarij mansit per sex annos apud quandam
 nobilem Dominam Abulensem ; qua tamen ig-
 nara, passa est ipsa insignes molestias à domesticis
 famulis, opprobria, irrisiones, verba iniuriosa, &
 opera aliàs valde incondita ; tantaque fame pre-
 mebatur, ut delicias reputaret, vel panis frustu-
 lum habere, quo se sustentaret : & in his omni-
 bus stupendum seruabat silentium, sibi persua-
 dens, meritò se ab illis ita tractari. Et cum se vo-
 tis Paupertatis, Castitatis, & Obedientiæ obstrin-
 xit, statim Deus tanta ariditate illam probauit, ut
 die quodam humili & iucunda querela, illi dice-
 ret; & quid hoc est Domine, postquam tibi dedi,
 quidquid habebam, & dare poteram, ita me dese-
 ris? hocne tibi bonum videtur? & præter hoc per-
 misit Dæmoni, illam valde vexare, & multos gra-
 uesque morbos ac dolores illi immisit : & nec his
 omnibus saturabatur. Et cum octuagenaria esset,
 hisque calamitatibus valde onerata, longiorem o-
 ptabat vitam, ut plura pro suo creatore patere-
 tur. Et cum sancta Mater Theressa de I E S U
 (cuius paulò post faciemus mentionem) ei di-
 ceret, se valde anxie aspirare ad videndum De-
 um : illa respondit, potius se optare, hoc exili-
 um sibi differri, ut plura pati posset ; nam in
 hac vita se posse aliquid D E O dare, tole-
 rando poenas, & calamitates pro eius amore ;
 at in

at in altera non aliud esse, quàm accipere præ-
mium præteriti laboris: & cùm satis temporis
superfit ad fruendum Deo per totam æternitatem:
æquum esse, hîc multum pati propter dilectam,
ut magis illi placeat. Hæc erat pia harum dua-
rum sanctarum contentio, & vtraque habebat
desideriorum suorum bona fundamenta; quam-
uis Matris Mariæ Diatæ esset valde securum:
quia non proprijs viribus, sed Dei gratiæ innite-
batur; cuius donum, & quidem valde singulare
est; aliquid pro eius amore pati. quod aperte
dixit Apostolus: *b quia vobis (inquit) donatum b Philip:
est pro Christo, non solum, ut in eum credatis, sed 29.
ut etiam pro illo patiamini: & ita hæc sancta
dono hoc locupletata & meritis plena obiit
Abulæ foeliciter, & obtinuit à Deo coronam,
& præmium prolixorum servitiorum, & ma-
gnarum tribulationum: à cuius exemplo hau-
sit etiam Pater BALTHASSAR mā-
gnam illam opinionem, & æstimationem pa-
tiendi pro CHRISTO, qui multas
ei obtulit occasiones, qua posset
suam sitim sa-
tiare.*



CAPVT XI.

*MATREM THERESSAM DE
Iesu idem Pater plurimum iuuit: & illa
habuit reuelationem quandam de præ-
destinatione Patris, vt magis
ipse respiraret.*



LETTERA insignis foemina, quæ
tunc Abulæ erat, vbi Deus
illam posuit; vt esset sanctita-
tis exemplar, non solum in illa
ciuitate; sed etiam in toto or-
be Christiano, fuit beata illa
Mater Theressa de Iesu tunc
monialis in monasterio Incarnationis Carmeli-
tarum Calceatarum, quæ postea fuit insignis fun-
datrix monialium Carmelitarum Discalceatarû,
cuius sanctam vitam, vtpote toti mundo notissi-
mam hîc non referam, tum quod libri de ea sint e-
diti; tum quod heroica eius facinora abundè illâ
manifestant: propter quæ est verè nostræ Natio-
nis decus. nam quemadmodum Hispania ex pro-
uidencia diuina protulit Ecclesiæ sanctæ illustres
duos Patriarchas, Sanctum Dominicum, & San-
ctum Ignatium, adèò insignium duarum Reli-
gionum Fundatores, quales sunt Prædicatorum,
& Societatis IESU: ita eadem prouidentia dedit
nunc, quod antea non dederat, sanctam scilicet,
& strenuam foeminam Matrem & Fundatricem
mulierum Religiosarum adèò perfectarum:
quæ

quæ eadem iuuit, vt resuscitaretur, ac renouaretur; aut certè noua quoque fieret similis Religio virorum, ad quod præstandum præuenit eam Deus extraordinarijs misericordijs, & Pater Balthassar plurimum eam iuuit, vt ipsamet fatebatur: nam interroganti cuidam ex suis monialibus, an sibi expediret cum sancto Patre isto agere; respondit magna Dei erga te esset misericordia, nam talis est, cui anima mea præ alijs omnibus plus debeat in hac vita, & qui præ alijs adiuuit me, ac direxit in via ad perfectionem. Et in eo libro, quem iussu Confessarij sui edidit, referens, quòd tota sua fœlicitas fuisset, egisse cum Patribus Societatis IHSV, quantumque profecisset ex primo Confessario, quem ex ea habuit; addit de secundo: (qui fuit Pater hic BALTHASSAR) hic cœpit me ad maiorem perfectionem promouere: dicebatque mihi: ad placendum omnino DEO, nihil me præterire debere: magnaque industria, & suauitate exiit me priuatis amicitijs.

§. I.

ET re ipsa ita fuit: nam primum, quod apud illam effecit, fuit, præscindere aliquem excessum, quem in suis initijs in hoc genere habebat. cum enim valde esset illustratus, & expertus; nouerat, ingens detrimentum ex priuatis amicitijs, & nimijs affectionibus ad creaturas prouenire: etiamsi alias bonæ esse videantur. nam per eas, aiebat, captiuari cor; & amittere libertatis & ingenuitatis priuilegium,

gium, quo DEVS illud donauit, cùm hominem condidit; fierique inhabile & ineptum ad familiaritatem cum ipso DEO Domino nostro. Trahunt enim post se cogitationes ad personam amatam; furantur tempus, nec locum relinquunt, quo Deus in corde maneat; nec ut ipsum possit soli suo Creatori adherere, & vniri. Cùm igitur ille aduerteret, seruam hanc DEI difficultatem magnam sentire in renunciandis aliquibus, bonis aliàs amicitijs, eò quòd ingratitude reputaret; non benè velle, & id ipsum ostendere ei, à quo sciebat se amari: dedit operam, vt hoc impedimentum dexterè remoueret, suadēs ei imprimis, vt per dies aliquot rem serio DEO commendaret, dicens in eum finem hymnum: Veni Creator Spiritus, vt lucem diuinam impetraret, qua posset, vtrum melius esset, discernere: quod cùm illa fecisset, adeò illi foelicitè euenit: vt in quodam Raptu dixerit ei Dominus: nolo, te amplius conuersationes cum hominibus habere, sed cum Angelis. Ex quo tempore nec solatium nec amicitiam vllam habuit cum persona aliqua, quæ non esset fidelis DEI serua, abscissis omnibus imperfectionibus, & excessibus, quos in ea materia habere solebat. Ex his apparet periti huius Magistri prudentia ac dexteritas, qui noluit vno tractu amicitias illas euellere, sed ipsam in bona via collocare, vt ipse DEVS noster, cuius hoc est opus, eas euelleret. Eò enim industria nostra est dirigenda, dum cum illis personis agimus, quibus DEVS solet se communicare.

EANDEM etiam mortificabat reprimendo accelerationes præproperas in aliquibus rebus, quas cupiebat : vt sic fieret sui ipsius Domina, etiam in rebus bonis, de quibus agebat, iuxta illud Apostoli: *a omnia mihi licent, sed non omnia expediunt:* a 1. Cor. 6. 12
neq; ego sub vllius redigar potestate. b c. 13. 22. Semel hæc sancta valde anxia scripsit ad illum absentem Epistolam, rogans vt statim illi responderet, eò quòd valde esset afflicta. Sed Pater Balthassar iudicans, expedire potiùs illam mortificare; & anxietatem illam & festinationem moderari, statim quidem ad literas respondit: sed in ipsa superscriptione adiecit, ne intra mensem integrum illas aperiret: quod illa fecit cum magna sui mortificatione.

SED multò ampliùs illam probauit tempore aduersitatis & tribulationis eius, circa modum & viam, qua Deus illam deducebat, quæ erat valde excelsa & extraordinaria: aliquando enim ex instituto cum ea agens, dicebat illi, omnes existimare, esse Dæmonis illusionem, quod illa habebat, ac sentiebat: & ipse insinuat, se idem sentire. Prohibuit illi Communionem sacram per viginti dies, vt experiretur, quomodo id ferret: & tot Vide Riberã lib 1 c. 2. de eius vita. mortificationibus eam exercebat, vt sæpiùs sentiret tentationem ab eo abstinendi, adeò se ab eo affligi ac premi sentiens: Sed quoties id facere statuebat, grauem in anima sentiebat reprehensionem, eam deterrentem, ne ab eo discederet: & ita mansit cù eo constans, & concepit magnam erga eum reuerentiam, & amorem. Et quidem meritò: cùm enim ipse certò cognouisset veritatem boni spiritus huius sanctæ tum ex luce sibi à Deo communi-

municata; tum ex ea, quam ex libris spiritualibus in eum finem ab ipso lectis hausit; ac denique ex adhibitis probationibus: recepit in se valde ferio, vt illam tueretur & ab alijs defenderet; & ita fuit semper eius solatium, protectio, & refugium ad ferendas aliorum contradictiones, nec deficiendum in tanta iudiciorum varietate, quæ circa ipsius Spiritum ferebantur. De qua re cum illa loquitur in capite 28. libri sui ait: se ijs, qui ipsi obijciebant, quod esset à Dæmone illusa, & quod eius reuelationes essent falsæ, respondisse, id esse non posse: nam se experiri in seipsa profectû in exuendis vitijs, & virtutû augmentû: & mox hæc verba subiicit, quibus ostendit, quanti faceret P.

- „ Balthassarem Alvarez. Confessarius meus, Pater
 „ scilicet quidā valde sanctus è Societate Iesu: hoc
 „ ipsum respondisse cognoui. Ille erat valde prudens, & humilis: quæ tanta eius humilitas multas
 „ mihi attulit molestias: nam, etsi vir esset magnæ
 „ Orationis & Eruditionis, non tamen fidebat sibi ipsi:
 „ quia necdum Deus illū eadem via deducebat: tulit & ipse multis modis graues mecū molestias:
 „ noui, ipsi dictū, vt sibi caueret à me, ne à Dæmone
 „ deciperetur, si meis dictis fidē adhiberet. ad quod
 „ persuadendum adducebant varia aliorū exempla.
 „ id quod valde me angebat, & verebar, ne fortē
 „ defuturus esset, qui meam Confessionē vellet excipere:
 „ fuit verò Dei prouidentia, quod ille constans esse voluerit, measq; Confessiones excipere.
 „ Sed tātus ipse erat Dei seruus, vt eius causa cuius
 „ rei se exponeret: & ita mihi dicebat: caue, ne Deū
 „ offendas; neq; ab ijs, quæ tibi præscribo, recedas: &
 „ sic ne timeas, me tibi defuturū. Sēper me animabat
 „ & bō-

& bono animo esse iubebat, præcipiens, ne quid illi occultarem: nam si id facerem, etiam si Dæmō esset, qui mecum ita ageret, non posset mihi nocere: & potius Deum ex malo, quod ille animæ meæ machinaretur, bonum deducturum. Ego autem cum tantopere timerem, in omnibus ei parebam, licet minus perfecte: nam satis multa à me perpeſſus est per triennium, cum meas Confessiones audiuit; in magnis enim persecutionibus, quas habui, & multis rebus, in quibus Deus permittebat, malè de me iudicari, cum sæpe innocēs essem: in omnibus, inquam, illis ad Patrem ipsum recurrebatur, & reus mei causa agebatur, cum esset planè innocens. Impossibile fuisset, nisi tantæ vir Sanctitatis fuisset, eumque Dominus animasset, tantū ferre potuisse: oportebat enim illis respondere, qui iudicabant, me planè perire: nec tamen ipsi credebāt: sed & me quietam reddere, metumque, quo ego afficiebar, curare oportebat. Ille magna sua pietate me solabatur, quod si ipse sibi met credidisset, non ego tanta perpeſſa fuisset: Deus enim veritatem illi omnium aperiebat, nam & ipsum Sacramentum (quod ego quidem credo) lucem & notitiam illi dabat. Hæc sunt Sanctæ illius matris Theressæ verba, quæ apertè indicant Patris Balchassaris humilitatem & prudentiam, qui in rebus adeò grauibz nolebat proprio suo sensu duci: qui tamen adeò erat rectus, vt inter tot aberrantes; quod ipse sentiebat esset rectum; & quod ipse probabat, omnes iam probant. Quod autem vltimis verbis ait: quod Sacramentum lucē illi & notitiā daret, insinuat reuelationes, quas Pater, dum sacrum Missæ celebraret, habere solebat de

ijs, quorum gerebat curam, vt supra cap. 6. est dictum. Ex quo intelligimus, sanctum hunc virum magnam habuisse de sanctitate, & spiritu sanctæ huius Virginis opinionem; quam & ipsa satis ostendebat in adeo exacta Obedientia, qua tanquam aliqua infans se illi subiiciebat in omnibus, quæ ille præscribebat. Quædam insignis Domina valde pia, & in vtrumq; benè propensa retulit: Patrem Balthassarem sibi aliquoties valde exaggerasse huius Matris sanctitatem; & Mariæ Diatæ multum eam prætulisse; & addidisse: videtis, quantum Theressa de Iesu à Deo habeat; & qualis illa sit eadem tamen ad omnia, quæ illi dico tanquam infantula aliqua se gerit.

§. II.

EANDEM etiam valde iuuit in constitutione Monasterij Recollectionis, nam licet ob importunam contradictionem, quæ circa illud oriebatur, iussit illā ad tempus supersedere: & quia dubius erat, in id magis propendebat, ne vltius progrediretur: Dominus tamē noster, qui in coeptis progredi iubebat, iussit, Cōfessario suo dici, vt matutinā orationem institueret supra illū

a Psal. 91. 6.
Ribera. lib. 1.
cap. 14.

versum Psalm. 91. a *Quàm magnificata sunt opera tua Domine! nimis profunda facta sunt cogitationes tue.* In qua oratione P. Balthassar manifestè vidit, illud esse, quod Deus volebat; & quod per vnā foeminā mirabilia sua esset ostēsurus. quare dixit illi, non esse ampliùs dubitandū, sed rediret ad agēdū de illius Monasterij fundatione, in qua ipsam direxit, & in cōdendis constitutionib. ac legibus iuuit, quibus nunc omnes gubernātur, qui in ea Religione viuunt. Et licet sancta hæc Virgo, vtpote valde

valde prudens, consilia sua cū alijs graubus, eruditis, & spiritualib. viris sacrarū aliarū Religio-
nū, & nominatim gloriosi Patris S. Dominici cō-
tulerit: quādiu tamē P. Balchassarē apud se habuit,
hic fuit ordinarius eius Magister & Consiliarius,
qui etiā postea illā iuuit in fundatione Monasterij
Metinēsis, & Salmāriini, cū illorum Collegiorū
esset Rector. Nā postquā discessit Abula, neq; ipsa
neglexit ad eum recurrere in suis dubijs & nego-
tijs, (quā ratione fieri poterat) nec ipse passus est
occasionem occurrentem illam iuuandi, elabi, li-
teris, consilijs & alijs diligentijs iuxta occurren-
tes necessitates.

IN cuius rei testimonium subiiciam hic partem
cuiusdam Epistolę, quam Salmantica ad illam de-
dit, consolans illam in quibusdam angustijs con-
stitutam. Iesus, inquit, tibi sit lux & solarium, has
scribo potius propterea, quod id petieris, quā
quod indigeas aliquo meo solatio, quo animum
tibi addam, siquidem etiam in leuioribus ictibus
soles prius à Deo moneri, prænueri, & roborari.
b Absit mihi, inquit S. Paulus, *gloriarī nisi in cruce* *b Gal. 6.14*
Dominī nostrī Iesu Christi. Et ego dico absit à me
etiam, vt cogitem, te posse in alio gloriari, siqui-
dem tuus spiritus magnam reputat gratiam, tan-
tum de eius dulcedine degustasse. Si Deo valde
placet, vt moriatur Isaac propria scilicet nostra
delectatio: verē est magnum beneficium repu-
tandum, quod Abrahamo ignem & gladium of-
ferat, quo statim sacrificiū peragatur. Nō me pre-
munt huiusmodi angustię, vñ scīā in quanta la-
xitate & iucūditate viuāt in eis, qui diligant Deū
& expertus sum foeliciores rerū tuarū euentus
per

per huiusmodi media, quàm per alia magis grata,
 „ & fauorabilia sperabantur. Remedium itaque e-
 „ rit, benè sperare, tacere, ac Dominum continuè
 „ orare, vt ipse det indicium, quòd hoc illi placeat.
 „ ipse siquidem solus manifestare potest suorum o-
 „ perum virtutem, suorumque consiliorum magni-
 „ tudinem populo suo. Ego, Domina, faciam hic
 „ meum Officium, & vbicunque vtilis esse po-
 „ tero.

Hæc Pater Balthassar scripsit, & re ipsa præsti-
 tit, attendens semper rebus huius sanctæ, & mo-
 nialium eius Metinæ, Salmanticæ, & Vallis-Ole-
 ti, & vbicunque fuit; afficiebaturq; singulari con-
 solatione, agendo cum illis de rebus ad animam
 pertinentibus: reputans eas tanquam lampades
 accensas, diuino amore ardentes: sicut solèt lam-
 pades coram Sanctissimo Sacramento. Obserua-
 tum est autem, hanc eius operam fuisse Deo gra-
 tam, ex aliquibus rebus obseruatione dignis, quæ
 illi euenerunt, vt suis locis inferiùs referetur.
 Nunc finem imponam referendo insignem quan-
 dam gratiam & fauorem à Deo D. N. ipsi P. Bal-
 thassari per Sanctam hanc Virginem exhibitum,
 quo operam & laborem remunerauit, quem eius-
 dem Virginis causâ suscepit; eumq; multum; ad
 progrediendum iuuat. Nam huiusmodi pœniten-
 tes, vt suprà est insinuatum, non minus iuuant
 suos Confessarios, quàm ab eis adiuuentur. Erat
 itaq; semel Pater Balthassar valde anxius ex qua-
 dam tentatione de prædestinatione sua, dispu-
 tans, & obijciens ac respondens sibi, an esset sal-
 uandus nec ne: & sancta hæc Virgo id aduertens,
 recurrit ad Dominum nostrum, vt dignaretur illi
 adesse:

adefse: qui ei revelauit, ipsum fore saluum; ostenditque illi præstantem quendam locum, quem in cælo esset habiturus, & adiecit, quod ille tunc in terra esset in adeò excelso perfectionis gradu constitutus, ut eo tempore nullus esse in altiori: & iuxta talem gradum reddendos illi gloriæ gradus in cælo. Hac accepta revelatione, dixit illa P. Balthassari: ut bono esset animo: nam Magistrum (ita ipsum Christum D. N. compellabat) sibi dixisse, esse certam ipsius saluationem. A quo momento ita fuit ipse consolatus, tantumque animum sumpsit: ut aduerterit verè fuisse cœlestem revelationem: & ipsamet sancta idem multis alijs Societatis Patribus, & aliquibus suis monialibus, alijsque personis religiosis retulit, quæ id tanquam certissimum referebant. Et ipsemet P. Balthassar habuit postea similem aliam revelationem, ut suo loco dicetur. Non tamen prætermittam, quod in hac revelatione refertur consideratione valde dignum: nam quo tempore illa fuit facta, & in ea dictum, quod ipse excederet in perfectione reliquos tunc in terra existentes, plurimi erant insignis sanctitatis in Ecclesia, & in ipsa Societate, & extra illam: quod si tunc adeò ille excellebat in sanctitate: quanto amplius in ea profecerit postea, cum aliquot adhuc annos superuixerit: multisque heroicis diuini obsequij operibus studuerit? Deinde, non solet Deus huiusmodi arcana revelare; nec velle manifestari personis non satis in virtute solidis, ob periculum alicuius arrogantix & superbix, aut ne de suo profectu aliquid ex negligentia relaxent. Cum igitur ipse voluerit eam manifestari eidem Patri; imò & ipsemet eandem mani-

manifestauerit; magnū signum est, fuisse illū valde in profunda humilitate, & feruenti Zelo quotidie in virtute proficiendi radicatum, & quod eadem reuelatio magis ipsum impulerit ad egregia facinora aggredienda: multosq; labores pro Deo suo & animarum salute subeundos. Dicere etiam licet: magnam eius hanc sanctitatem significatam fuisse per illam magni splendoris coronam, qua eadem S. Virgo coronatum eum vidit, dum sacrum celebraret vt cap. 6. supra est dictum. Deprehensum est autem, quanti illa suum hunc Confessariū faceret: siquidem hanc visionem ad propriā suam consolationem scripsit & notauit in secretioribus suis chartis; quas diligentissimè custodiebat: quæ postea peruenerunt ad manus Episcopi Taraconensis Dydaci Iepesij, qui sanctæ huius vitæ edidit: & in eis eam legit, alijs legendam proposuit. Idem confirmat, quod eadem Sancta dixit cuidam præcipuæ Dominæ, quæ postea alijs retulit: quod de nullo Orationis puncto, aut modo loqueretur ipsa cum P. Balthassare, in quo ipse non præcederet: quod mirum fuit dictu, cum ipsi Sanctæ plurimum Deus in hoc genere communicauerit: huiusmodi autem donum ordinariè non datur nisi ei; qui aliàs multum profecerit. Sed breui videbimus, fuisse valde verisimile, quod hæc sancta Mater de eo dixit.

* *
*

CAP.

D. Anna
Enriquez.

CAPVT XII.

MITTITVR METINAM DE

*Campo, & Anno 1567. Professionem e-
dit quatuor Votorum, quam ad
vnguem seruauit.*



VM opera à Patre Balthassare **A N N O**
Abulæ præstita apertum adeò 1566. 1567.

testimonium darent magni e-
ius talenti & Zeli ad animas ad
perfectionem dirigendas ac
deducendas : operæ pretium
iudicarūt Superiores Metinam

illum mittere, vt Rectorē & Tyronū Magistrum
ibi ageret, eadem ratione nostros ibi dirigeret, ac
iuuaret. Migravit itaq; Metinam de Campo Anno
1566. post Festū Epiphaniæ. Sed priusquam refera-
mus, quæ illic in proximos egit: expediet duo præ-
mittere præclara, quæ illi in eodē loco euenerunt
Anno. 1567. Nā primo die Maij eius anni edidit so-
lennē Professionē, quam in Societate appellamus
Quatuor Votorū, qui maxim⁹ est gradus in nostra
Religione: quo illa viros reputat in virtute ac li-
teris consūmatos, quos ad eā admittit. Quēadmo-
dum enim in Catholica Ecclesia duplex est Perfe-
ctionis Status: alter ad eā assequendā tendentium;
alter eandē docentium: primus est Religiosorum
proprius qui (teste S. Thoma cū de his statibus 2.2. q. 186. a.
agit) non tenentur statim esse perfecti; sed per 1. ad 3. & 4.
media, quæ ipsorum Institutū præscribit, ad eam 2. ad 1.
contendere. Secundus est proprius Episcoporum,
qui tenentur esse perfecti: quia sicut nemo potest
esse

esse in aliqua scientia Magister, in qua non sit perfectus: ita, qui ratione sui status est constitutus ad perfectionem docendam, debet esse in illa perfectus. Sed quoniam Episcopi non possunt assistere, & per se ipsos attendere omnibus ministerijs, quæ talis doctrina complectitur, adsciscunt in suos Coadiutores, animarum Pastores, & alios Ecclesiæ ministros: ita, inquam, S. P. noster Ignatius, cælesti luce illustratus, instituit in Societate diuersos status & gradus cum aliqua similitudine, ac proportionem ad eos, qui sunt in Ecclesia. nam Tyrocinio finito emittuntur tria substantialia Religionis vota, quibus emissis nouitij fiunt verè Religiosi, ac proinde tenentur ad perfectionem tendere, per media, quæ Societas illis, suis legibus ac Regulis præscribit. Et hic status durat toto tempore studiorum, quod ordinariè est septem annorum. quo tempore scientias addiscunt ad nostræ ministeria aptè peragenda necessarias: quibus studijs absolutis habent adhuc tertium annum Probationis, in quo spiritum renouant, & ex instituto sese applicant ad exercitia virtutum instar Tyronum. Et cum fiunt Sacerdotes, exercent ad aliquod tempus aliqua ministeria; studentes interim propriæ perfectioni consequendæ iuxta nostrum Institutum: quo tempore Superiores obseruant, & experientiâ ipsâ discunt talenta illorum in virtutibus, literis, prudentia, & actione cum proximis. In quibus omnibus dum vident, sibi satisfactum; & quod illi sint viri consummati & perfecti, eos admittunt ad solennem QUATUOR VOTORVM Professionem: in qua ultra ordinaria tria Paupertatis, Castitatis, & Obedientiæ, addunt quar-

quartum specialis OBEDIENTIAE Summo Pontifici circa Missiones, quo sese obstringunt ad eundem ad quamcunque orbis partem, quò ipse illos mittere voluerit, siue ad fideles, siue ad infideles, ad dilatandam scilicet Catholicam fidem, & promouendam salutem animarum per ministeria lectionum, Concionum, & Administrationis Sacramentorum, & reliqua nostri Instituti: ad quæ præstanda necessaria est valde heroica resignatio, virtusque valde perfecta, cum insigni Dei & proximorum amore & charitate. Ac propterea non est tempus præscriptum, aut limitatum, intra quod hæc Professio fieri debeat, iuxta nostras Constitutiones à Summis Pontificibus approbatas præcipuè in quadâ bulla Gregorij XIV. cuius hæc sunt verba: *tempus promotionis ad huiusmodi gradus nullo modo volumus certum, seu determinatū esse, sed selectos spiritus, & doctrina viros, & multū, diuq; exercitatos, ac in variis probationib. virtutis, & abnegationis sui ipsorū cum omnī edificatione satis cognitos, ad professionem esse admittendos.* Et quoniā huiusmodi in spiritu & literis conspicui viri non possunt esse multi: constituit S. P. noster Ignatiū inferiorem alium gradum minus peritorum, quos Coadiutores vocat, quorum sit munus, ipsos professos in eisdem erga proximos ministerijs iuuare, qui tamen quarti voti obligationē non subeunt.

Cum igitur P. Balthassar adeo esset in virtute, spiritu, & scientia conspicuus, eisque talentis ornatus, vt supra diximus, ad ministeria Societatis foeliciter præstanda duodecimo post suum in Societate ingressum anno admissus est ad Professionem solennem quatuor Votorum. & quamvis non

fit negandum, aliquid honoris hîc esse, quatenus est quoddam testimonium, quo ipsa Religio eum approbat in virtute & literis, quem ad Professionem admittit: reuera tamen non honoris causa talis gradus confertur; sed maioris oneris: cum nullum propterea priuilegium aut Exemptionem habeant à regulis & obligationibus reliquorum: sed potius exactiorem habent obedientiâ & paupertatem, cuius speciali voto se etiam obstringunt, nunquam eam relaxâdi, nec dignitatē aliquâ querendi intra, aut extra ipsam Societatem; nec vllam extra illam acceptandi, nisi ab eo iubeantur, qui possit sub poena peccati eam eis imponere. Sed ille maior est honor, si quis sit in explendis suæ professionis obligationib. exactus: (quod Apostolus a 2. Tim. 4. 5. vocat a *ministerium suum implere*) quas P. Balthasar cû magna excellētia expleuit, nō minus quartæ voti, quam reliquorū trium, vt suprâ diximus. Nā propria Professorū Societatis vocatio similis est vocationi Apostolorum, qui non alligabâtur alicui loco, sed per varia loca & prouincias, quæ illis obrigerant, excurrerant, prædicantes Euangelium: quâuis in aliquibus hæserunt diutiùs, in quibus copiosiores collegerunt fructus: ita *nostra vocationis est diuersa loca peragrarè, & vitam agere in quauis mundi plaga, vbi maius Dei obsequium, & animarum auxilium speratur*: Et quocunq; Summus Pôtifex, aut eius nomine, aut alio modo Præpositus Generalis eiusdē Societatis in eū finē nos miserit: quâuis aliqui ex professis in aliquo loco hæreant, quando id siue ad gubernandum, siue ad docendum, siue ob aliam diuini seruitij causam est necessarium: dantes operâ, vt illum adferant fructum,

tum de quo Christus Dominus dixit: *b Ego elegi b Ioan. 15. 16.*
vos, & posui vos, ut eatis & fructum adferatis: & fru-
ctus vester maneat. Hanc locorum varietatem, siue
 obiter in modum Excursionis & Missionis; siue cō-
 stanter, diutius in aliquo heredo, explicauit Isaias
 duplici aptissima similitudine; conferens Euan-
 gelicos Operarios *c nubibus*, quæ à ventis impulsæ *c Isaiæ 60. 8.*
volare videntur; & columbus ad fenestras suas, &
nidos perniciter volantibus: verè enim nubes
 sunt nō inanes; sed cēlestis sapiētīę, ac doctrinę a-
 qua plenæ, quæ flatu spiritus Sancti & Obediētię
 pulsæ discurrunt per totum orbem irrigantes ter-
 ram cordium humanorum, ut sanctorum operum
 fructus proferat; & aliquas quidem partes diu &
 abundantius irrigant: quia in eis commorantur;
 in alijs verò non item: eò quòd in eis non hæ-
 reant, sed obiter transeant: ita tamen, ut fru-
 ctum etiā aliquem inde colligant. Sunt quo-
 que tanquam columbæ velociter ad suos nidos
 aduolantes, in quibus oua deponunt, illisque in-
 cubantes, pullos proferunt: eò quòd sint aues
 valde fecundæ. Nam quamuis ex se ipsis ad quie-
 tem in aliquo angulo magis propendeant, in quo
 orant, gemūt, diuinæque mysteria meditantur, &
 animarum suarum magnum obtinent solatium:
 ibi tamen filios spirituales generant, & ma-
 gna cum perfectione alunt, valdeque veloci-
 ter ad loca diuersa volant, tanquam ad diuersos
 nidos: ut in omnibus similes filios progiga-
 nant.

TALIS fuit & quidē cū magna excellentia vita
 P. Balthassaris, præcipuè post emissam Professio-
 nem: nam licet valde propenderet, optaretque
 collectus

collectus omnino esse, meditari, orare, & contemplari: in quocunque tamen fuit Collegio, gessit se tanquam columba foecunda, plures generans filios spirituales; quos ita educabat, ut essent viri perfecti. Sed ut fructus eius copiosior esset, & ad plures extenderetur, educauit illum Deus ex particularibus Collegijs, ut tanquam onerata nubes tantâ sapientiâ ac doctrinâ, excurreret per varias partes irrigans & foecundans animas. Quare illum Metinâ eduxit, ut Romam proficisceretur; & inde rediens, factus est Castellanae huius prouinciæ Vice-Prouincialis: Ex angulo illo Villagarti misit ad visitandam Prouinciam Aragoniæ, & inde, ut esset Prouincialis Tolletanae: & prius agebatur, ut mitteretur Prouincialis Peruanæ Prouinciæ in Regionem ad eam remotam, & infidelibus refertam: ipse tamen ex parte sua promptum & absque vlla replica ad illam profectionem sese obtulit: ac re ipsa ita factum fuisset, nisi aliunde fuisset impeditus. Expeditâ autem vnâ ex illis profectionibus & occupationibus, aliam similem Deus illi præparabat: ad quam tanta promptitudine, ac celeritate se ipse offerebat, sicut ad primam, in quo proinde illud implebatur, quod Deus sancto Iob dixit:

c Tob 38. 35. *c Nunquid mittes fulgura, & ibunt; & reuertentia*
 Lib. 30. Mor. *dicent tibi: adsumus?* qua sententia (ut Sanctus Gregorius exponit) insinuare voluit Deus, à diuino suo consilio & voluntate mitti operarios Evangelicos ad varias mundi partes, instar velocissimorum fulgurum, ut illustrent & accendant animas in amore & obsequio sui Creatoris. Quammissione expedita reuertuntur ad ipsum, glorifican-

c Tob 38. 35.
 Lib. 30. Mor.
 cap. 2.

antes, gratiasque ei agentes ob fructum productum, qui verè ipsius est: & iterum eidem se offerentes, ac dicentes: ecce adsumus prompti, ut nos quocunque placuerit mittas. Quos cum diuina Maiestas adeò gratos experitur nouas illis offert occasiones, quibus magis ipsi proficiant, & copiosiores fructus colligant, quod fecit Pater hic Balthassar vbicunque fuit, ut ex ijs apparet, quæ fecit Abulæ; & magis apparebit ex dicendis, quæ alibi fecit.

CAPVT XIII.

HOC IPSO ANNO LARGITVR

*Ei Deus in signe Orationis & Contem-
plationis donum, cum duodecim
stupendis fructibus: rem to-
tam refert ipse Supe-
riorum iussu.*



O C ipso tempore plus minus expleti sunt sexdecim anni, quibus Deus P. Balthassaré cōtinuit in ordinaria orationis ratione & via, mentis scil. ratiocinatione & meditatione: quam inceperat quatuor annis ante ingressum in Societatem: incepit enim huic orādi modo vacare (ut cap. i. est indicatum) Anno 1551. ab eo, inquam, tempore, vsque ad Annū 1567. quo suam edidis professionem elapsi sunt. 16. prædicti anni: quo tempore exaltatus à Deo fuit ad excelsiorem orationis rationem, quietis scilicet & vnionis; & ad perfectam illam quietamq; con-

téplationem, quam in 2. capite insinuauimus. Sed
 quoniā internahuiusmodi sensa, diuinique fauores,
 qui in corde ex familiaritate cū Deo percipiuntur
 nō possūt ab alijs agnosci, nisi, qui eos accipit, ma-
 nifestet; aliunde verò humilitatis spiritus ad eos
 occultādos impellebat: constituit, rēq; ita direxit
 providentia diuina, vt P. Balthassar duabus vijs ea
 manifestaret, quæ in corde suo gerebantur: altera
 fuit charitatis & amoris erga proximos, qui illū
 exstimulabat, ad aliquid tale manifestandum, vt
 illorum necessitati consuleret; altera fuit effica-
 cior, sanctæ scilicet Obedientiæ, quia iussus fuit
 à superioribus id facere, præcipuè verò à Patre
 Nostro Generali, qui tunc erat; cui fuerat signi-
 ficatum, aliquos (vt postea fusiùs indicabitur),
 non ita benè sentire de eiusmodi orationis ratio-
 ne, timentes, ne fortè esset illusio Sathane transfi-
 gurantis se in Angelū lucis. Vt igitur rei veritas
 melius & certius cognosceretur, iussus fuit ra-
 tionem reddere suæ orationis, & eorum, quæ
 in ea gerebantur: Is verò tanquam Obediens
 filius, plenam omnium informationem misit
 ad ipsum Patrem Generalem, quam hic referre
 oportunum esse existimaui, tanquam necessariam
 ad intelligendas insignes gratias ac beneficia hoc
 anno à Deo Domino nostro illi concessa. Quæ, vt
 cum utilitate & profectu nostro legatur, & cum
 stupore ingentium fauorum illi exhibitorum,
 perpendendi sunt duodecim præcipuè fructus,
 quos ex tali oratione percepit: in quibus sum-
 matim continetur celsitudo & sanctitas totius
 perfectionis Christianæ: ad quam decet aspirare
 omnes, qui valde esse spirituales cupiunt, præci-
 puè

puè Religiosos; & magis adhuc eos, quibus animarum cura incumbit, quas per viam Orationis, & familiaritatis cum Deo Domino nostro deducunt, modò proprium, & ipsorum, quibuscum agunt, profectum quærant. Tempus quoque perpendendum est, quod ad eam gratiam obtinendam impendit; & in memoriam reuocandæ diligentæ, & conatus ab ipso adhibiti, vt voti sui compos euaderet, quæ retulimus capite secundo: vt his omnibus simul benè perpenſis, si perceptus fructus arridebit, non negligamus animum ad similem laborem applicare.

*Relatio, quam de modo suæ orationis ad
P. Generalem Societatis misit.*

§. I.

SEX DECIM annis laborem subiui instar arā-
tis, & fructum non colligentis. Habebam tūc
pusillū & angustū cor cum ingenti dolore, eò
quod aduerterem, deesse mihi dotes, & talenta, ob
quæ videbam alios amari, & magni fieri; valdeque
turbabar, & affligebar ob varias causas, ac deside-
rium vacandi orationi, non constituens nec inue-
niens quietem in rebus, in quibus oportuisset illam
habere. Quam tentationē superavi, statuens apud
me, non plus orationi impēdere, quàm Sancta O-
bediētia præscriberet: deposita ac reiecta inquie-
titudine illa, inaniq; appetitu euadēdi in hoc excel-
lens; & singulares fauores accipiēdi sicut alij, qui
plus quàm ego merebātur. Eodem tēpore etiā ad-
uertebam, defectus meos potius mihi esse graues,
quàm me humiliare: & videbātur mihi esse impedi-

mento ad consilia, quæ Deus moliebatur, & ex hac cordis mei angustia affligebant me aliorum defectus, quorum curam gerebam: & existimabam, bonam gubernationem hoc exigere, vt ita cum illis agerem, vt semper cum animi moerore omnia agerent, donec se emendarent.

ELAPSIS quatuordecim annis, eo vsque deueni, vt in Dei conspectu me collocarem, vbi instar pauperis alicuius Eleemosynam acciperem: sed quoq; iam me ipsum valde respiciebam, toto hoc tempore valde fui desolatus, iudicans, me nõ peruenturum ad perfectionem: & quia Deus non se mihi ita fauentem dulcemque ostendebat atq; alijs: agnoui stultitiã meam: qui cum malè à Deo recessissem; peius ad eundem redire vellem. Conuersus itaque ad me ipsum, per multos dies erubesceram in conspectu Domini, nec poteram præ pudore, verbum aliquod proferre, nisi vt me puniret, ignosceret, & remedium adferret: donec vocatus fui & admissus ad eminentius aliud exercitium: & hac arte alij etiam sunt adiuti.

ELAPSIS iam sexdecim annis ex tempore aduertit cor meum mutatum, ac dilatatum, à creaturis expeditum, & cum stupore quodam ei simili, quo beati affecti dicent in extremo Iudicio: quando te vidimus, Domine, omne bonum vidimus, & fatiati sumus! hic itaque multa simul accepi. In primis veram opinionẽ, & appretiationem a *precioso*, scientiamq; illud à *vili separandi*: Hic inueni media satis apta, nec difficilia ad cælũ perueniendi; & me ipsum in Congregatione quadam ad beatitudinem destinata conspexi. Hic nouã accipi noticiam, & intelligentiam veritatum, quibus ani-

anima iucundè aiebatur: cuius finis erat quies & tranquillitas, ita vt penetrarem ad pectus vsque ipsius Dei, ex quo veritates illæ fluebant. Cessauit autem hoc per breue aliquod tempus: redibat tamen interdum; & nunc frequentius D E O sic laus.

H I C etiam subsidium accepi ad viuendum in cruce, in labore, & probatione, quamdiu voluerit Deus. Sensim etiam timorem deposui ex cordis mei angustijs & pusillanimitate conceptum erga eos, qui præstantiori essent intelligentia & sanctitate præditi: coram quibus non audebam aliàs comparere, iudicans me inter eos nec hominem esse, nec Intellectum aut Eruditionem aliquam habere; nec posse viuere, nisi positum in medio alicuius Viri sancti ad vnā partem & alterius rerum gerendarum periti ad alteram, ob meos in vtroque genere defectus; nunc autem licet omnes magni faciam, eisq; opus habeam: videor mihi nō ita eorum opera indigere, vt prius; sed melius mihi & commodius esse cum Deo solo viuere, in quo omnia habeo.

H I C mihi intelligentia data est facultatis spiritus interioris pro me & alijs, iuxta illud Psalmographi: *b Quoniam respexisti humilitatem meam, saluasti de necessitatibus animam meam.* Et ex tunc experiri cœpi vitam quandam interiorem à Deo mihi donatam: vt ab ipso dirigerer etiam in rebus minutioribus. Ea quæ prius valde me sollicitum reddebant & opprimebant: nunc foeliciter expedita video, quàm si dies noctesque de eis disponendis & expediendis cogitarem: ipsa quæ experientia didici illud S. Petri: *c Omnem solici-* c 1. Pet. 5. 7.

tudinem vestram proijcientes in eum : quoniam ipsi est cura de vobis. Et expertus, quàm difficile ad stationem meam redeam, cùm non feci quod debebā: hic mihi magnus fuit stimulus, & simul cautela ad præfidiū in agendo cum proximis, ad ita præstandum, quod debebam; vt nec me ipsum effūderem, nec peccarem.

Hic solatium accepi & leuamen in gubernatione: ne cura hæc traheret me totum post se: est enim liberæ & expeditæ cuiusdam voluntatis opus, inter multas & graues curas, absq; vlla cura versari. Hic mihi datum fuit serió ingredi in me ipsum; & simul infixæ mihi quasi ordinaria quædam corporalis Christi Domini nostri compositio. Hic anxietates meæ & tentationes euauerunt habendi plus temporis ad incumbendum orationi: & expertus sum, D B V M plus dare verè mortificato. in vna orationis hora; quàm non mortificato in multis: & plus mihi dari per viam occupationum à D B O præscriptam: quàm in otio & lectione Sanctorum, quam absq; tali obedientia ego ipse quærebam. Ex tunc ipsi defectus non ita me terrent, aut grauant; sed quodammodò me recreant: quia me humiliant: dū quod in me est, mihi manifestant, deficient, & efficiunt, vt parū mihi ipsi fidens, ad Deū ipsum transeam. Et ita illos quasi fenestras quædam animæ concipio, per quas Dei lux ingressa, efficit, vt aduertam: defectus non volitos nec spontè & scienter admissos non impedire consilia Dei: quare non pluris illos facio, quàm sufficiat, vt coram ipso Deo de eis erubescam; & intelligam, opus esse nos ipsos deferere, alieni etiam defe-

defectus excitant in me compassionem, ut advertam impatientiæ meæ fuisse, quòd moestos illos, ac moerentes efficere studerem: & potiùs opus esse illos tolerare: non tam illos, quàm ipsum D E V M intuendo. & tunc sequetur, ut D E V S subditos nostros reddat nobis promptos, iuxta illud: *d qui subdit populum meum d Psal. 143. 2 sub me &c.*

EX QVO Dominus D E V S noster hanc mihi *modum orationis eius.* exhibuit misericordiam: oratio mea est, collocare me in eius præsentia, internè mihi & externè oblata, idque permanenter per modum habitus, cum eo exultanti. Consulatur Sanctus Thomas 2. 2. q. 14. art. 9. ad 3. ubi ait, Tyronum siue Incipientium, Proficientium, & Perfectorum, omnium quidem studium esse, ad hoc principaliter intendere, ut D E O inhæreant; sed cum hoc discrimine: Quod Perfecti etiam si in charitate proficiant; non tamen hæc est principalis eorum cura; sed eorum studium circa hoc maximè versatur, ut Deo inhæreant, eoque fruantur: & licet idem etiam Incipientes, & Proficientes quærant: magis tamen sentiunt circa alia suam sollicitudinem: Incipientes quidem, de vitandis peccatis; Proficientes verò de profectu virtutum: & in ipso corpore Articuli ponit exemplum motus corporalis, in quo primùm receditur à termino, deinde appropinquatur ad alium terminum, in quo tandem est quies. Idem etiam Sanctus in Opusculo sexagesimo tertio de beatitudine, ad finem tertij principalis argumenti agens de modo & ratione, qua Beati fruuntur Deo,

c Isa 9.6.

Deo Domino nostro in gloria, ait; similiter in hac vita esse continuò fruendum Deo, cùm sit proprium nostrum bonum, & quidem dignissimum, quo fruamur per eius gratiam & dona: in quibus & in reliquis nostris actionibus idem nobis meritò est quærendum, cùm dicat Isaias: *est filium Dei datum esse nobis*, vt eo fruamur etiam in hac vita. Ex quo apparet insignis cæcitas & insipientia eorum, qui anxie Deum quærent & suspirant, vt inueniant; & in ipsa oratione clamant, vt eos audiat: nec aduertunt, se esse templa viua, iuxta Apostolum, in quibus summum hoc bonum verè habitat; & maiestas ipsa diuina requiescit: & tamen nunquam attendunt, vt præsentem ipso Domino fruantur. Annon stultus est, qui extra domum suam quærit, quod habet in ea? & quis vnquam vidit aliquem eo cibo ali, quem quærit aut illi occurrit, quem tamen nec gustauit, nec comedit? aut instrumento vti, quod non inuenit? talis igitur est vita Deum semper quærentis, nec eo fruientis: cuius propterea opera sunt minus perfecta. Idem quoque Sanctus 2. 2. q. 183. a. 2. ad. 1. ait: licet libenter pro Deo pati indicium sit amoris eius: certius tamen est indicium, si, omnibus rebus ad hanc vitam spectantibus relictis, cum eodem Deo in oratione gaudeat ac delectetur. Ex quo faciliè constat, Dei fruitionem fructum esse communem Beatorum, qui sunt in cælo; & Iustorum, qui adhuc in terra versantur.

INTERDUM etiam in Oratione ratiocinor secundum intellectum mihi datum, circa verba diuinæ Scripturæ, & secundum internas instructiones; interdum taceo, & requiesco: quod silentiū, & requies

quies in eius præsentia ingens est thesaurus: Domino enim omnes res loquuntur, suntque in eius oculis apertæ: cor meum, vota mea, finis meus, conatus meus, mea viscera, scientia mea, vis & facultas mea: talesque sunt diuinæ eius Maiestatis oculi, ut vel ipso aspectu defectus meos remouere, desideria accendere, alasque mihi ad volandum, dare possint: cum ipse bonum meum, & obsequium suum magis cupiat, quam ego ipse. Ex quo anima deducit: quod cum ipse sit viæ dux, penetretque per itineris angustias: debeat & ipsa per easdem transire: idè enim ipse præcessit, ut cum quiete & pace ipsum sequatur, conquiescendo in prædicta fidei veritate: hoc reputans solatium, quod si non obtineat quod cupit, & quærit: obtinet aliquid maius, conformitatem scilicet suæ voluntatis cum diuina, in qua exequenda vitam suam cōsistere reputat; nolens plus scire, quàm ipse dare voluerit; nec celerius, nec alijs vijs, quam ipse præscribere voluerit, iuxta illud libelli Contemptus mundi, si eò perueneris, ut non te ipsum quæras, sed me: tunc mihi multum placebis; & uives in magno gaudio: debilitati autem cordis sæpiùs gementis propter onus respondet: nunquid desinet esse melius in te, quod Deus iam fecit? aut quod tibi non videatur bonum desinet ipse facere suam voluntatem? Et hoc nunc est, in quo magis hæreo: estque mihi solarium, quod videam me coram Dei

oculis pati; ac tractari, sicut ipse vult.

(* *)

*Est libellus
Thome de
Kempis, de
imitatione
Christi.*

§. II. Quo

§. II.

QUONIAM; postquam hanc orandi rationem amplexus sum; aduertì, me reprehensum; si, ea omìssa, ad alias ratiocinationes digrederer: animum adieci; ad quærendos Authores; & rationes ad eam fulciendam & corroborandam. Authores sunt S. Dionysius Areopagitta capite primo de Mystica Theologia; Sanctus Augustinus epist. 119. S. Thomas superiùs citatus; & in ea Apocalypsis verba cap. 8. *factum est silentium in cælo quasi media hora*; & in eadem verba S. Gregorius lib. 3. Moral. cap. 26. circa finem; & cap. 24. super illa verba Iob cap. 39. 6. *cui dedi in solitudine domum*; & homilia 14. in Ezechielem ad illa verba capitis 40. 5. *& in manu viri calamus mensura sex cubitorum & palmo*. Sanctus Bernardus serm. 55. in Cantica, Albertus Magnus; de adhærendo Deo; cap. 20. Sanctus Iohannes Climacus Gradu 27. & Spiritus sanctus Eccli. 32. 9. in illis verbis: *audi tacens, & pro reuerentia accedet tibi bona gratia*: quasi dicat, audi tacens, quod te docet D E V S; & propter hanc reuerentiam; quam illi exhibes; dum eum tacens audis, bonam suam gratiam; amicitiam & familiaritatem accipies. Hæc quies videtur esse somnus ille, quem D E V S in Canticis cap. 2. 7. iubet, animas seruare illis verbis: *adiuro vos filie Hierusalem ne suscitatis, neque euigilare faciatis dilectam, quoad vsque ipsa velit*. Et ipsa Sponsa respondet: *hæc vox dilecti mei*: nam huiusmodi bolus adeò dulcis, & cum tanta securitate, ab eius tantum manu potest mihi proueni-

uenire. Hæc est requies promissa præteritis laboribus in quærendo Deum. & eadem Sponsa c. 3. 4. ait: *Inueni quæ diligit anima mea, tenui eum, nec dimittam*: nam cum anima complectitur eum, qui fecit res omnes, quæ exhilarant: cur debet esse tristis? Tristitias & poenas nos ipsi proprijs manibus accipimus, dum res illas quærimus, quæ illis abundant; deserimus verò eas, quæ vitam in se ipsis & gaudium habent: ex quo fit, vt ipsa nostra desideria, nostri sint carnifices. Finis & scopus omnis cupiditatis, maximè improborum huius mundi; est quies, & tranquillitas: laborant enim in iuuentute, vt in senectute quiescant; & eorum vita, qui semper sunt in ærumnis, nec vllam habent requiem, habetur infœlix. Et ita S. Thomas opusculo 63. reprehendit eos, qui vitam suam expendunt tantum in quærendo; & nunquam in fruendo Deo: quorum exercitia, ait ipse, minoris esse perfectionis. Scopus ædificantis domum est, eam inhabitare; & plantantis vineam, eius fructu gaudere: *quis pascit gregem* (ait Apostolus) 1. Cor. 9. 7. *& de latte gregis non manducat*? Et ipse Christus D. N. Lucæ 19. 41. ad Ierusalē *si cognouisses*, inquit, *& tu quæ ad pacem tibi, nunc autem abscondita sunt ab oculis tuis*! quasi diceret: non aduertis bonum, quod habes, alioquin non ita esses infœlix: non enim aduertentem, se hoc bonum habere, ipsum desiderium illud habendi reddit inquietum; quia non agnoscit, se iam habere, quod quærit. cum autem attendit, sibi que persuadet, se habere, quod quærit, requiescit: eum in modum, quo quis aliquem quærens, cum quo iam colloquitur; si eum non agnoscat, etiam si

etiam si cum illo sit, cruciatur: non enim plenè est sui voti, ac desiderij compos: ita euenit Mariæ Magdalenæ etiam cum loqueretur cum ipso Christo resuscitato: non enim habebat requiem, donec ille se manifestauit; & illa eum agnouit. Quis semper præparat, quod comedat; & nihil tamen degustat? *est aliud malum* (ait Eccles. c. 6. l.) *quod vidi sub sole: vir cui dedit Deus diuitias, & substantiam, & honorem, & nihil deest anima sua ex omnibus, quæ desiderat: nec tribuit ei potestatem Deus, vt comedat ex eo.* Interest autem inter hoc aduertentem, & non aduertentem, quod inter esurientem laborantem, vt quærat, quod comedat; & eum, qui postquam quæsiuit, comedit, quod inuenit: hic enim comedendo requiescit, præcipuè si conuiuium sit copiosum & lætū. Postquam quis laborauit in quærendo Deum, & inuenit: hoc superest, vt illo fruatur: *gustate*, inquit Dauid 33. 9. *& videte, quoniam suauis est Dominus.* Huius viæ præstantia, & excellentia describitur Sap. 8. multis Spiritus sancti proprietatibus, nam cum sapientiæ Spiritus venit in animam, aded illa fit preciosa, vt nulla res ita in oculis mundi splendeat, cum qua possit comparari, non lapides, non aurum, argentum, sanitas, aut pulchritudo: cum ea enim adueniunt omnia bona; & ita vnus est Spiritus, vt simul sint multi: est enim Dominus suauis, benignus, locuples &c. quem vbi quis agnoscit, & sentit; valedicit omnibus; quibus eousque seruiuit; & incipit esse liber.

RATIONES, quæ hanc Orationis rationem rectam esse ostendunt: Hæ sunt: Prima: quod quamuis ordinariè non sit in ea mentis ratiocinatio, est

tio, est tamen petitio; & quamdiu D. N. dat animæ illam requiem, est in ea omne virtutis exercitium, & simul tamē est etiam petitio, *non in actu signato, sed in actu exercito* vt Theologi loquuntur. Quid enim non petit anima in præsentia quidem D. N. tacens, sed cū fide, quod in eius conspectu compārens, omnia sui cordis desideria sint illi manifesta : Siquidem desideria eius apud Deum idem valent, atq; ipsæ voces apud homines : id enim dixit Danid Psal. 9. 17. *Desiderium Pauperum exaudiuit Dominus*; & non solas voces. Hunc in modum, qui ad portas Dei cum fide accedit; credit, inde sibi omne bonum prouenturum: amat, humiliat se, & exercet: & quia viam Dei tenet, sua relicta, inuenit omne bonum.

SECUNDA Ratio : quia hoc modo, altius & excellentius de Deo sentitur, sicut eius magnitudo meritò exigit. TERTIA : quia diutius manetur in ipsa oratione: & intelligitur multorum Sanctorum Orationem, huiusmodi fuisse: nam ratiocinatio defatigat: illi autem continuam habent orationem. QUARTA : nam quod intendimus obtinere circa animæ reformationem per viam ratiocinationis: per hunc modum, & viam videtur Deus solidius id largiri: nam tales attentius student suo profectui, Majoribus suis subiecti, suisq; animi perturbationibus & aduersis euentibus superiores; & maioris virtutis & efficacitatis apud proximos.

VERVM quidem est hanc viam non esse omnibus communem; sed quam beatus N. P. Ignatius constituit: est tamen omnibus illis communis, quibus eam Deus communicauerit; aut cui post


longam orationis, ac ratiocinationis exercitationem Superiori, qui huius causæ iudex est, videbitur Dominus N. huic viæ & modo lectum strauisse. Id quod conforme & affine est ei, quod Patri nostro S. Ignatio euenit, qui licet in initio viam illam renuerit, ac medium, quod nobis reliquit, & in Exercitijs nos docuit: postea tamen ad hanc alteram viam & rationem est exaltatus, ita enim in *ib. 5. c. 1.* eius vita referttur, *apostea erat patiens diuina.* Quod si in omnibus scientijs initia dantur, media, & fines: in hac etiam inueniuntur: & in ipsa nostra Societate idem esse videtur satis manifestum: cum in ea tantum sit Deo placendi desiderium. Quare viam hanc & orandi rationem non experti, non videntur tuta conscientia posse, quos Deus ad eam vocauit, ab eadem cum ipsorum animæ corporis-que detrimento abducere: ita enim Osuna in suo Alphabeto ait, qui tales à via Domini abducunt, non carere culpa: & quidam alius ait: Deum vitam illorum Superiorum breuiaturum, qui id fecerint, nisi desistant. Aliud autem est per viam Examinis & Probationis de hoc agere: decet enim Superiores, ratione sui Officij, id quærere. Ita sentio de ijs, quæ in me geruntur, & hætenus facta sunt; ac de ratione orationis ac cessationis à mentis ratiocinationibus, ob Dei D.N. conspectum, & præsentiam. Cum ea verò submissione & humilitate, quam subditus Patri suo debet, peto: vt, quæ dixi, apud solam vestram Paternitatem maneat.

HANC relationem fecit P. Balthassar ex Obedientia, vt suprà diximus: in qua satis apparet insignis eius sanctitas, & virtus heroica. Præmittit liqui-

liquidem in ea valdè demissè confessionem suarū
culparum; & facultatum inopiam, ob quas magni
fieret; miseriam & paupertatem, in qua versaba-
tur: postea verò addit bonorum abundantiam, quæ
Dominus Deus noster illi communicasset: ut ex
hoc appareret, quam parum ex seipso haberet, &
liberalitas ipsius Domini, qui stupèdam adeò mu-
tationem in eius corde fecisset: quæ tot, tamq; in-
gentia dona, in se complectitur, ut ad singula ex-
pedienda multò prolixiori narratione opus esset.
Ultimò narrat, ad quàm excelsam orationē Deus
illum euexerit: qui fuit ex altissimis diuinæ con-
templationis gradibus: qui rarissimè concedi so-
let. Fecit autem hanc relationem, postquam per
quindécim dies recepisset se ad Exercitia facien-
da. vltima autem nocte, qua erat illam missurus
Romam, tradidit graui cuidam Patri emendandā,
& corrigendam: qui eam sibi descripsit, & post-
quam per multos annos occultam seruasset, tandē
in publicum protulit, & ita venit in nostras ma-
nus. Sed quoniam multa continet magni momen-
ti pro ijs, qui ex Instituto orationi student; & in
quibus deceptio aliqua obrepere posset, contra
eiusdem Patris mentem: ea in sequentibus

capitibus, non discedentes tamen ab
ipsa historia, paulatim de-
clarabimus.

(*)



CAPVT XIV.

*AMPLIUS DECLARATUR
prædictus orationis modus; & causa adfe-
runtur, cur Dominus noster eum
concefferit Patri Balthassa-
ri post aliquot
annos.*



MEN S ferè vitæ Sanctorum, rerum varietatem habent, quæ omnibus proponuntur: quædam vt audientes, eas imitentur; aliæ, vt solum admirentur, & Dominum glorificent earum largitorem. Et quoniam benedicta eius manus non est abbreviata, sed easdem solet aliquibus etiam nunc concedere: poterunt illi ex ijs quæ legunt, seipso gubernare circa modum, quo se in eis habeant; imitantes præclaros Sanctos, in quibus eas præluxisse legunt. Hoc idem licet obseruare in vita Patris Balthassaris; & in ijs rebus, quæ ad modum eius orationis spectant, quem proximo capitè retulimus. Erit autem valde vtile, distinctius hîc explicare, tum quæ ille complectitur; tum causas, cur Dominus noster Sancto huic viro alijsque seruis suis eum concefferit; causas item, cur ad sexdecim annos id distulerit; & fructus ac fauores, quos simul eidem largitus est, alijsque largitur benè facientibus; vocationem, qua ad eundem orationis

tionis modum ille fuit vocatus, & necessaria est omnibus securè & vtiliter in eo ambulanti- bus; magnam item securitatem & vtilitatem ordinarij modiorandi, quem idem Pater longo tempore exercuit, & quo fauores obtinuit sibi concessos; quicquid denique opportunum erit ad prædictam relationem melius intelligendam, & ipsum historiæ filum continuandum ac deducendum.

§. I.

H V I V S modi orandi substantiam & circumstantias ei adiunctas fusiùs explicauit idem Pater Balthassar in quodam alio tractatu quem de eo argumento composuit, vt responderet ad obiecta quorundam, eum impugnantium: cuius responsionis mentionem faciemus inferiùs, referentes eius responsa, quæ maximi sunt momenti. Nunc autem distinctiùs, ac compendiosiùs hanc explicationem perstringemus, ex nominum explicatione, quibus spiritus Magistri, & ipsemet Pater hanc orationem compellat: illis enim significatur, quid illa sit, quid in se complectatur, & quosnam Effectus habeat: qui licèt sint multi, hi tamen sunt magis in vsu, ad quos reliqui reducuntur. cap. 41.

Primum, hæc vocatur oratio **P R A E S E N T I A E D E I**: nam etsi reuerà ad benè orandum siue mente, siue voce, aut alio quouis modo, necesse sit, orantem attendere lumine fidei, Deum esse præsentem, audire, & intelligere, quod orans proponit, & quærit: nullus enim cum alio instituit sermonem, quem

iudicet absentem, nec audientem, aut percipientem, quod ipse loquitur. At modus hic orationis peculiari ratione appellatur **PRAESENTIAE DEI**, eò quòd in ea intellectus diuina luce illustratus, absque alijs ratiocinationibus & ambagibus Deum adspicit adeò prope se, aut intra se praesentem, vt sentire videatur, cum quo loquatur, & in cuius conspectu sit: eum in modum quo Apostolus de Moyse dixit, quod *a inuisibilem tanquam videns sustineret*: Ex quo, impulsu quodam naturali oritur reuerentia & admiratio; & voluntatis propensio quædam, aut complacentia, & gaudiũ: eò quòd sit in Dei praesentia; atque si quis personam aliquam, aut imaginem pulcherrimam contempletur ex quo aspectu, & admiretur, & delectetur tanta illa pulchritudine, & elegantia.

Ex quo fit, vt hæc oratio appelletur etiam **QUIETIS**, aut **RECOLLECTIONIS** internæ: eò quòd careat multitudine, varietate, & imaginationum ac ratiocinationum strepitu; & potentia animæ superiores, Memoria, Intellectus, & Voluntas simul colligantur, & figantur in **DEVM**, & in contemplationem mysteriorum eius, cum magna in suis actionibus quiete & tranquillitate, & hæc est, quæ maximè propriè Contemplatio appellatur: quæ (vt Sanctus Thomas, & alij Doctores; nosque in libro Ducis Spiritualis fusiùs explicuimus) à meditatione distinguitur, quæ à re vna in alteram discurrit, tanquam quærens latentem veritatem, quam scrutatur, variaque euoluit, & adducit ad eam assequendam. contemplatio autem

sim-

2.2 q.180.
a. 3.

Tract. 3.º
cap. 6.

simplici quodam intuitu summam veritatem cum ingenti eius magnitudinis admiratione intuetur; & cum magna complacentia, ac voluptate; & hoc est, quod ait Scriptura: *b Vacate & videte, quoniā ego sum Deus: Et c gustate, & videte, quoniam suavis est Dominus.* *b Psal. 45.1*
c Psal. 33.1

VOCATVR item Oratio **SILENTII**, eò quòd Deus in ea loquatur, anima tacente, maximaque attentione audiente, quod cœlestis eius Magister ad cor ipsius loquitur, docet, ac de se ipso suisque mysterijs manifestat. Non tamen existimandum est, quemadmodum ignari quidam sibi fingunt: quòd animam tacere, & in silentio expectare, sit, potentias interiores omninò suspensas esse, nec vllos proprios actus exercere: hoc enim est impossibile, nisi homo dormiat; aut certè esset crux magna: imò & res noxia: esset enim manere hominem ociosum, tempusq; amittere & exponere se periculo, quo imaginatio mille deliria proferat; aut Dæmon pravas suggerat, & alienas cogitationes. Quare certum est, quamdiu Deus nihil in anima operatur, debere ipsam aliquid facere suo intellectu & voluntate: imò etiam cùm Deus operatur, agit aliquid ipsa cum eo, eum in modum quo discipulus dum sui Magistri lectionem tacens audit: operatur interius aliquid, percipiendo, intelligendo, ac sentiendo, quòd Magister docet. Quod si hæc Oratio **SILENTII** dicitur, id non propterea est, quòd sola lingua taceat: cum hoc omni mentali orationi conueniat; nec propterea quod internè potentix omninò conticescant: sed quòd tunc in eo tantùm occupentur, quòd à

Deo accipiunt, quemadmodum dixit Dauid:
d Psal. 84. 9. d Audiam quid loquatur in me Dominus Deus, qui
 Magistri Officium facere dignatur, & ad cor lo-
 qui, ei que suas veritates reuelare, ac vehementer
 ad easdem allicere, non adhibente homine pro-
 priam industriam, vt aliàs solet ad suas medita-
 tiones petitionesque cum magnis affectibus insti-
 tuendas. Et in hoc sensu dixit sanctus Dionysius
 de diuino Hierotheo, *quod esset patiens diuina,*
 quasi in agendo cum Deo, diuinis que rebus re-
 cipiendis, potiùs se haberet, vti discipulus do-
 ctrinam ab alio accipiens; quàm sicut homo
 diligentia & industria sua veritatem quærens,
 quam non assequitur. Ex quo fit, vt etiam ipsum
 audire, appelletur silentium: eò quòd tunc om-
 nes creaturæ taceant in corde, nec res vlla tur-
 bet illud, aut eius quietem impediat. Et ob ean-
 dem causam in Canticis appellatur **S O M N U S**
 spiritualis: ita enim cor vigilat, attentumque
 est ad cognoscendum, amandum, & cum Deo
 suo agendum, vt anima ipsa tanquam sopita ad
 externa omnia videatur; neq; audiens, neq; vidēs,
 aut percipiēs, quod alij ei dicūt, aut quod extra se
 geritur. Ex quo etiam fit, vt eadem oratio appelle-
 tur **V N I O N I S**: eò quod spiritus ingenti cogni-
 tione, & amore fortissimè e Deo *adhærescit, estq;*
(vt Apostolus dixit) vnus spiritus cum eo: adeò vt
 tunc non possit attendere, vt aliquid aliud cogi-
 tet, ve' it, aut amet, sed cum Dauide dicat: *f quid*
mibi est in cælo? & à te quid volui super terram? &
g Cant. 3. 4 cum Sponsa; g inueni quem diligit anima mea; te-
nui eum; nec dimittam.

HABET sunt vñtatiōra excelsæ huius Orationis
 nomi-

nomina: in qua multæ sunt Illustrationes, & affectus stupendi ad mysteriadiuina. Aliquândo ad sunt imaginariæ figuræ, quas Deus animæ imprimit; aliquando sola adest lux intellectus excelsa valde, qua ille ad mysticę Theologiæ culmen ascendere solet, (quod S. Dionysius appellat, ingredi *in diuinam caliginem*, lucem scilicet inaccessibilem) & quasi cœcè assurgere ad vnitionem cum eo Domino, qui est super omnem substantiam & vnitionem: est enim adeò excelsa diuinæ naturæ cognitio, adeoq; intima ac diuina cum eadem vnitio, vt solus Deus ex speciali sua gratia & studio possit animam eò vsque eleuare: & quamuis adeò sit magnum & admirandum, quod cognoscitur; videtur tamen esse quasi abyssus quædam infinita, id quod ignorat. Et quoniam in eodem orationis genere singularia quædam & extraordinaria euenire solent, alia quoque nomina, hæc oratio fortitur: nam cum Dei Visitationes & Illustrationes, internæ visiones, & feruentes cum amore & vnitione cum Deo affectus, cum tanta vehementia eueniunt vt anima à sensibus externis maneat alienata, motusq; omnes corporis quiescant, vocatur **Suspensio**, aut **Ecstasis**; quod si repentè, & magna vi id eueniat appellatur **Raptus**: & ita dixit Apostolus, se *hæ raptum esse vsque ad tertium cælum, & in Paradisum*; quod si cum maiori interna suauitate veniat, appellatur **Volatus** spiritualis sicut Dauid desiderabat, dari sibi *i pennas sicut columba*, vt liceret *fugere & volare*, vt *requiesceret in solitudine*: solet autem interdum etiam corpus à terra eleuari, impetum sequens spiritus ad rerum cælestium contemplatio-

*Lib. de
Myssica
Theolog. &
S. Bona. in
lib eiusdem
tituli.*

h 2. Cor. 12. 3.

i Psal. 54. 7.

plationem ascendentis : nam in his omnibus suspensionibus , & raptibus , cùm à Deo sunt , non est spiritus ociosus , nec dormit ; sed semper videt , audit , & aliquid intelligit , admiratur , gaudet , aut diligit : quando autem nihil facit , aut recipit potius S T V P O R dicendus est , aut debilis , & evanescentis capitis somnolentia , aut fraus & illusio Dæmonis . Quoniam igitur res istæ extraordinariæ , sunt ex se periculosæ : ideò nec desiderandæ , nec quærendæ sunt ; sed potius fugiendæ , donec Dominus noster ad eas accipiendas vi quadam impellat ; aut voluntatem suam aperiat , qua velit hac via deducere eas sentientem .

§. II.

HÆC sunt , quæ complectitur modus hic Orationis & Contemplationis , quem Dominus noster voluit Patri Balthassari varias ob causas communicare . Quarum præcipua est , quòd cùm eum elegisset in Magistrum scientiæ spiritualis , ac multarum animarum ducem , quæ orationi studebant , voluit ut ipse valde in ea excelleret : & ipsâ experienciâ sciret varias has vias , per quas diuinus spiritus suos electos deducere solet . Hanc rationem , & causam assecutus est idem Pater , eamque valde perpendit in prædicto suo Tractatu . Nam in-
 „ primis (ait) qui nunquam didicit græcè , ne-
 „ que legere sciet libros græcè scriptos ; neque
 „ græcè loquentem intelliget : multoque minus
 sciet .

sciet docere. Et hoc secundum maiorem lo-
 cum habet in hac spiritus facultate, quam
 in alijs, vt scilicet Magister sit tanquam
 causa quædam superior & Vniuersalis, qui
 possit omnes iuuare, vnumquemque dirigen-
 do iuxta suum gradum & progressum per
 omnes vias, quibus Deus vult eum diri-
 gere. quæ viæ, licet omnes ad eundem ten-
 dant scopum & terminum, sunt tamen plu-
 rimæ: vt igitur id commodè fiat, multum
 refert eum omnium illorum experientiam
 habere. In hac enim via, experientia est,
 quæ facit ipsos Magistros excellere. Nam et-
 si speculatio, & Sanctorum ac Mysticorum
 Doctorum lectio multum iuuat: propria
 tamen experientia absque vlla comparatio-
 ne multò plus præstat, ac valet. Est etiam
 magnum discipuli solatium, (quemadmo-
 dum quidam Spiritus Magister optimè di-
 xit) quod is, qui ipsum dirigit, dicat ei:
 & ego idem sensi; & hoc, & illud mi-
 hi euénit: & quòd ipsi quasi obuiam ve-
 niat & sciat, quò tendat; & ad minimum
 verbum, quod discipulus efferat, statim Ma-
 gister rem comprehendat, faciatque, vt ille ca-
 piat, quod non potest explicare. Est au-
 tem hoc magni omnino momenti: vt di-
 scipuli proficiant, & vt fidem ei adhibeant,
 magnique faciant, quod ille dicit, iuxta il-
 lud: quod Apostoli Christo dixerunt: a Nunc ioan. 16. 30.
scimus: quia scis omnia, & non est ti-
bi opus, vt quis te interroget. In hoc
credi-

„ *credimus quia à Deo exiisti.* Et plus eis satisfacit
 „ & amplius extimulat Magistri viuentis exem-
 „ plum, ita eos intelligentis & cum eis colloquen-
 „ tis, omniaque ipsorum interiora patefacientis:
 „ (vt euenit Samaritanæ cum Christo colloquenti)
 „ quàm si multa etiam legant apud alios, qui præ-
 „ cesserunt. Quare idem Doctor ait: huiusmodi Ma-
 „ gistris expedire, vt sese aperiant, & communi-
 „ cent ijs, quos ducunt: nec se ipsos subducant; &
 „ quod aliqui faciunt, omnino sese occludant:
 „ quamuis seruandum sit decorum in frequentia &
 „ modo se communicandi, cum decenti discretio-
 „ ne, ita vt discipulus, non omnino Magistrum de-
 „ prehendar. Omnes hæ rationes sunt Patris Bal-
 „ thassaris, ex propria experientia desumptæ, qua
 „ mirificè animas deduxit, penetrans earum corda;
 „ & sic magnam apud omnes obtinuit Magistri o-
 „ pinionem, vt postea videbimus. Et bonum testi-
 „ monium, quòd multum expertus esset in omni via
 „ spirituali, fuit qd Sancta Mater Theresia de IESU,
 „ vt suprà diximus, aiebat: in omnibus modis & ra-
 „ tionibus orandi, de quibus cum Patre Balthassare
 „ Magistro suo illa colloqueretur, semper enim præ-
 „ iussit. Et idem confirmat, quod ipsemet, in prædi-
 „ ctæ suæ Relatione fatetur, cum dixit, Deum D. N.
 „ intelligentiam ipsi dedisse facultatis spiritus pro
 „ se ipso, & pro alijs: id enim fuit, ipsum constitue-
 „ re Magistrum, cum experimentaliter rerum interna-
 „ rum scientia.

HINC licet secundam causam & rationem de-
 „ ducere, cur Deus D. N. donū hoc seruo suo huic &
 „ operario Euangelico sit largitus: ne scilicet detri-
 „ mentum aliquod pateretur, ex eo, quod cum pro-
 „ ximis,

ximis ageret; sed potius perfectionis augmen-
 tum: dans ei duplicatam cum *b duplici illo spiritu* ^{b4. Reg. 2. 9.}
Elia, quem Elifæus Propheta valde sibi desidera-
 bat: celsitudinem scilicet Orationis, & familia-
 ritatis cum Deo, cum tanta quiete atque si degeret
 in desertis; & simul insignem dexteritatem ad a-
 gendum cum proximis, eosque saluandos: ita ut
 nihil propterea amitteret de familiaritate cum
 Deo, nec desineret in eius præsentia semper ver-
 sari. Et quamvis Cassianus dicat: hanc duplicem ^{Colat. 19. 9.}
 perfectionem raram esse, & paucissimis commu-
 nicari, quales fuerunt, Magnus Antonius, & Ma-
 charius: voluit tamen Dominus noster, vnum ex
 his paucis esse hunc seruū suum, qui totum suum
 tempus impenderet in agendo continuè in ora-
 tione cum suo creatore, & idem coniungeret;
 cum frequenti hominum familiaritate & con-
 suetudine ad salutem animarum: ita ut utraq; fa-
 miliaritas mutuò se admiranda cum harmonia
 adiunaret. Huius rei fide facit; quòd, eodem ipso
 anno, quo Pater Balchassar suam edidit solennem
 Professionem, in qua addicebat se animarum uti-
 litati & commodis, Deus D. N. hoc donum sit ei
 largitus: ut intelligeret, non dari sibi illud, ut se in
 solitudinem conferret; sed ut familiaritatem cum
 Deo & familiaritatem cum proximis coniunge-
 ret. Quod multò est facilius cum in ipsa oratione
 non remis & magno labore agitur; sed vento, ut
 dicitur, ad puppim flante, motione scilicet spiri-
 tus Sancti, nauigatur.

Ex his tertia ratio deducitur, cur Dominus
 hanc ei contulerit gratiam, ut scilicet eius dili-
 gentiam remuneraret, quam adhibuisset in oran-
 do per

do per ratiocinationes & meditationes mysterio-
rum diuinorū vt capite 2. suprà est dictum. Vicens
enim Deus eius laborem, cordisque desideria;
& fidelitatem, quā etiam in salutem proxi-
morum incumbibat: voluit liberaliter remune-
rare illud totum hac ratione, vt totum hunc fru-
ctum colligeret, imò copiosiore, & cum maiori
facilitate & leuamine. Etsi enim vterque modus
orationis scil. & contemplationis magnos pro-
ferat fructus: interest tamen, nam, qui viam tenet
ratiocinationum & meditationum, id facit cum
labore & fatione, instar illius qui aquam ex
profundo puteo cū fune & situla haurit; aut antliā
haustam effundit in aquæ ductus, vt varias horti
partes & plantas irrigare possit: alter autem mo-
dus, qui est Contemplationis, fit absque labore
ac defatione tanquam pluuiæ de cælo descē-
dentis, quam terrā imbibit: de qua loquitur Psal-
mista: *c Riuos terræ replet aquis, & inebriat eam:*
multiplicat genimina eius: quæ in stillicidijs eius læ-
tabitur, germinans, ac fructus proferet copiosos:
Suavis item prouidentia magni nostri, liberalis,
& magnifici Dei in suis donis distribuendis, de-
lectatur & complacet sibi cū seruis suis leua-
men largitur, & quietem; & ijs, qui apti, & capa-
ces sunt doni Contemplationis, qui ad illud sus-
cipiendum, cordis puritate, passionum mortifi-
catione, & prolixis meditationum exercitijs
præparare se studuerunt: illud in magna copia, &
quiete largiri solet; præcipuè quādo illi operam
suam collocaturi sunt in bonum proximorum,
quemadmodum fecit cum Patre nostro Sancto

Igna-

Ignatio, post longam in meditationibus exercitationem, quam in libro suorum exercitiorum nos docuit: & similiter fecit cum Patre Balthassare, & faciet cum ijs omnibus, qui simili cura & studio se ad eam suscipiendam præparauerint: si tamen ad maiorem ipsorum perfectionem id expediet, & illi cum humilitate & resignatione perseverauerint in ritè habenda oratione ordinaria, quæ ad excelsiorem gradus quidam est, & aditum præbet.

§. III.

HÆC perseverantia, non præscripto Deo Domino Nostro suæ Visitationis tempore, valde necessaria est, ut voti sui compos quis euadat: nam, ut vidimus sexdecim annos detinuit Dominus noster Patrem Balthassarem in modo ordinariæ orationis, sicut etiam Matrem Theresiam de Ias v per annos octodecim, ut in eius vita scripsit Pater Franciscus Ribera; *Lib. 4. c. 2.* & alij Sancti longum etiam tempus expectarunt. Nec id mirum videri debet: nam, si Patriarcha a Iacob *quatuordecim annis* cum immenso labore seruiuit, ut *Rachelem* sponsam suam dilectam obtineret, quæ figura est vitæ contemplatiuæ: quid mirum, quod eam excellenter adepturi, diuinamque sapientiam spiritualiter ducturi laborent, multisque annis desudent, ut eam obtineant? maxime cum hac ipsa diligentia, & studio ingentia alia bona sibi comparent: eò quod tale desi-

desiderium innitatur profundæ humilitati; quæ se tanto dono indignos agnoscunt: ac propterea conantur se ipsos amplius purificare: ne ab eius amplexibus tanquam indigni repellantur; desideria crescunt, ac diligentia; ut, quod tanti faciunt, obtineant; patientia & fiducia valde exercetur, atque perficitur; nec propter tot moras abijciunt animos. His inquam & alijs virtutibus reddunt se dignos superno hoc Contemplationis dono: quod cum obtinent, ostendunt se magis gratos ipsi Domino largitori; magisque sollicitos & attentos in eo custodiendo, & fructibus eius colligendis in finem & scopum, in quem sibi datum intelligunt. Ac denique exemplo & experientia sua exstimulant nos, adduntque animum ad perseverandum in oratione, etiam multis ariditatibus, & afflictionibus toleratis: siquidem fideliter perseverans & pulsans ad ostia Dei, tandem exauditur, & admittitur ad excelsam dulcedinem familiaritatis eius. Expertus id est P. Balthassar expletis prædictis sexdecim annis, colligens sibi utilitates, & fructus prædictos dilationis huius & moræ Domini: & ex eo, quod ipse fuerat expertus, exhortabatur nos, ad perseverantiam in oratione, admittendis hisce sententijs. Accedamus fratres cum
 ,, perseverantia ad ostia Dei, quæ nobis patent, aut
 ,, certè si pulsauerimus nobis aperientur, iuxta ver-
 b Matt. 7. 7. bum promissionis ipsius, cum dixit: *b petite &*
 Luca. 11. 9. *dabitur vobis; pulsate & aperietur vobis.* Nam cur
 ,, non adeò nos hæc promissio consoletur, ut ne-
 ,, que hæreamus, cogitantes, quòd tardet, ut pro-
 ,, pterea à pulsando cessemus; neque tali cogitatio-
 ,, ni locum demus, quod tanta nostra in agendo fri-
 gidi-

ginitas impedire possit eius verbi executionem, si humiliter eam futuram confidamus. Nam etsi velimus soli naturali rationi locum dare, inueniemus, nullum esse ad dura corda emollienda, & multò magis ad ea, quæ sunt aliàs molliora permouenda, quàm quòd aliquis pauper ad limen portæ domus præ frigore tremat vt statim iubeant aperiri. Persistamus itaque fratres ad ostium magni huius Dei, etiam cùm præ frigore tremimus: nam nobis minimè cogitantibus, iubebit c *Assuerus Mardocheum intrare, & faciem Regis videre*: tantusque erit eius profectus, vt omnium laborum obliuiscatur, quos multis diebus subiit expectans ad illa ostia durus & instar lapidis congelatus. Nam de Iusto scriptum est, quod d *audiuerit Deus vocem ipsius, & induxerit illum in nubem*: ex qua redijt copiose remuneratus ob toleratos labores in expectatione & perseuerantia pulsandi.

IN huius rei confirmationem dixit de se ipso, magnà constantiâ ipsi opus fuisse ad moras Dei sustinendas, expectanti, vt ipsius commiseratione moueretur, suisque misericordijs ipsum repleret. Addebat etiam, Deum ob alteram ex duabus causis differre, animabus se manifestare: aut quòd sint in suis vitijs sepultæ, eaque exuere differant: nam vnumquodque vitium est instar obscurissimæ nebulæ, creatoris conspectum impediens; aut, vt melius intelligant, quantum illud sit bonum, quod querunt: pro quo obtinendo tam multa tolerant, & tardè adhuc inueniant. Et in illis temporis interstitijs varijs modis eas probat, internis scilicet

cet afflictionibus, & poenis etiam externis: ut sic
 intelligamus, ingens esse bonum, quod querimus:
 pro quo obtinendo tamdiu & tot modis labora-
 mus. Ex his omnibus licet colligere præstantiam
 orationis, quam sanctus hic vir est consecutus; &
 ingentia dona, quæ per illam accepit. Si enim or-
 dinariè qualis fuit semetis, talis & solet esse mes-
 sis; & ad mensuram dolorum mittit Deus conso-
 lationes; & iuxta laborum magnitudinem, præ-
 mia distribuit: qui per sexdecim annos continuè
 seminavit, summoque studio ac diligentia, ut hoc
 donum acciperet, laboravit; & ad eius mensuram
 Deus illud concessit, qui multò liberalior est ad
 dandum, quàm nos sciamus petere, aut cogitare:
 quàm excellenter illud ei concesserit, cum copio-
 sissima meritum messe, spiritualium consola-
 tionum abundantia, alijsque gratijs, ac donis, quæ
 feruentium præmium esse solent! Si bona arbor
 ex bonis fructibus cognoscitur: quàm erit ex-
 cellens illa oratio, quæ tales profert fructus, qua-
 les iam diximus? & qui sunt excellentiores fru-
 ctus duodecim illis, quos ipse in sua Relatione
 refert? & qui sunt tanquam duodecim selecti fru-
 ctus eius arboris vitæ, quam Deus in paradiso
 plantavit Ecclesiæ suæ & Societatis: & quemad-
 modum ait S. Ioânes: *eligna illa paradisi ferre fru-*
ctus novos per menses singulos: ita hic Pater singulis
 mensibus, imò dieb. singulis eos renouabat: quod
 erat testimonium insignis familiaritatis & con-
 suetudinis, quam occultè habebat cum
 Deo suo, unde illi id totum
 proueniebat.

CAPVT XV.

SPECIALI DEI VOCATIONE

*modum hunc orationis adiit, & insignia
dona accepit ad maiorem sui perfe-
ctionem, & maius proximo-
rum auxilium.*



PRIMA cum Deo D.N. con-
suetudo & familiaritas, do-
numq; quietę ac perfectę Con-
templationis hactenus propo-
sitę, adeo est excelsum & emi-
nens bonum: vt quemadmodũ
ipse P. Balthassar in sua Rela-
tione refert, non potuerit ad eam peruenire, nisi
speciali eiusdem Domini Vocatione; qui, quos
vult, quando, & qua ratione vult ad eam vocat: ad
quod neq; locus, nec tempus aliquod sit consti-
tutum; sed sola sanctissima eius voluntas, a cuius a Prov. 8. 31.
delitię sunt esse cum filiis hominum. licet cum ali-
quibus familiarius, quàm cum alijs ex singulari
gratia & priuilegio, quod dicitur vocatio, hoc est
inspiratio & motio quædam, aut, affectio magna,
quam ipsi animę, impellens eam ad excelsum
hunc orandi modum; & simul tribuens aptitu-
dinem, & facultatem ad se sequendum,
& progrediendum: neque enim omnes
ad id vocantur, neque apti sunt: neque
illis expedit, temerarię aut arroganter,
L a sese

sele ad id quærendum ingerere. Et quamuis aliqui ex speciali priuilegio, & fauore Domini N. ab ipsa infantia, aut à prima sua conuersione, repente & vno quasi tractu ad excelsam adeo orationem, & interdum ad res alias valde extraordinarias eleuentur: vt plurimum tamen tale donum non communicatur, nisi diu & benè exercitatis in oratione, quæ fit per meditationes & ratiocinationes circa diuina mysteria: ad quam omnes fere vocantur, & inspirationibus alliciuntur, plus, aut minus iuxta eorum capacitatem. Cuius rei insignis exemplum, & veluti imaginem quandam, qua res tota mirabiliter illustratur, habemus in eo, quod Moyse eiusque populo euenit prope

b Exod. 20. 18. montem Sinai: b *populus enim videbat voces & lampades & sonitum buccinae, montemq; fumantem: & perterriti, ac pauore concussi, steterunt procul, dicentes Moyse: loquere tu nobis, & audiemus: non loquatur nobis Dominus, ne forte moriamur.* Quos Moyse consolatus est, dicens: nolite

c Exod. 24. 10. 16. c *fratrem suum Aaron & septuaginta de senioribus Israel propius secum deduxit: & viderunt Deum Israel, & sub pedibus eius, quasi opus lapidis Saphirini, & quasi calum, cum serenum est. Cumq; ascendisset Moyse, operuit nubes montem, regens illum sex diebus: septimo autem die vocauit eum de medio caliginis, & ingressus medium nebula ascendit in montem, & fuit ibi quadra-*

d Exod. 33. 11. *ginta diebus, & noctibus: d loquebatur autem Deus ad Moysen inaudita familiaritate, facie ad faciem, sicut solet loqui homo ad amicum suum, often-*

ostenditque illi diuinam suam faciem cum ea claritate, qua in mortali hac vita videri potest.

HUNC in modum intelligendum, quod agitur in populo Christiano: multitudo enim fidelium, utpote turba minus capax, aut valde occupata negotiorum varietate, vocantur tantum ad orandum vocaliter, & considerata, & quasi à longè aspicienda diuina aliqua mysteria; & illa nominatim, quæ Sanctorum Dei timorem incutiunt, & severæ ipsius iustitiæ terrorem: ne scilicet peccent, sed poenitentiam agant, vitamque suam emendent: qualia sunt quæ fides de Extremo Iudicio, Inferno alijsque supplicijs docet; quibus Deus aliquos peccatores affecit. Alij verò sunt fideles per septuaginta seniores significati, qui à Deo vocantur, ut ad se magis accedant per exercitia orationis mentalis; & profundiores diuinorum mysteriorum meditationes affectusque magis accensos amoris & fiduciæ: hi perueniunt ad eius cognitionem ex operibus, quæ sub eius sunt pedibus, ex pulchritudine cæli, & stellarum, ac Planetarum: ex quibus ratiocinantes, magnalia deducunt Creatoris; & extimulantur ad ei obsequendum eò, quòd dignus sit, totque bona ipsis largiatur: huiusmodi sunt Religiosi ac sæculares, qui ordinariam tenent orationis mentalis viam, cuius securitatem, necessitatem, & fructus ingentes fusiùs ostendemus inferiùs cap. 42. tamquam in loco ad id aptiori.

ALII tamen sunt pauci per Moysen significati, quos singulari vocatione Deus ad supremum

Orationis culmen , & cum diuina sua maiestate coniunctionem euectos , immittit in suas caelestes caligines , & talem nebulam , quæ oculos excæcat , ne res huius mundi videant; aperiunt verò , vt suum videant Creatorem, habeantque magnam cum eo familiaritatem, & consuetudinem : alij quidem plus , alij minus, prout ipse Dominus creaturis suis se communicare dignatur. Prius tamen, quàm ad supremum montis culmen eos exaltet , detinet per sex dies in inferiori alio gradu , in quo eorum probet patientiam , ipsique sensim exerceantur , magisque disponantur ad id , quod summum est, accipiendum. Tales esse deberent (vt suprà est dictum) Magistri spiritus , qui tanquam alius Moyses Christianum populum; & eos , qui hanc orationis viam tenere statuerunt , gubernaturi sunt. Talis fuit Pater noster Balthassar, quem, quia ipse Dominus sicut Moysen elegerat in ducem animarum ; hunc ei fauorem , aliosque prædictos exhibuit: qui, quod sine aded insignes , operæ precium erit, fusiùs eos explicare, ex ijs, quæ idem P. in alijs occasionibus dixit.

§. I.

PRAEMITTAMVS igitur , tanquam fundamentum, fauorem primum , ex quo reliqui proueniunt : quod scilicet ipsum Deum quis habeat Magistrum ac directorem in Oratione , non eo tantum communi ac generali

nerali modo, quo vocatur & re ipsa est omnium magister, docetque ac impellit omnes ad orandum; (vt 3. cap. est dictum) sed peculiari alio magis familiari, & suauiori per illustrationes, & inspirationes speciales, immittendo sanctarum cogitationum, affectuumque feruentium imbres, non laborante ipsa anima in hoc diuino cibo quærendo per mentis discursus, ac meditationes magna adhibita ad id industria & conatu. Quare solebat Pater Balthassar dicere: si Deus ratiocinationem animæ in oratione impediat: signum esse, quod ipsemet velit esse eius Magister: ad eam enim ingredi, & ianuis clausis ad eius interiora penetrare est ipsius priuilegium; & ita eius, qui illam creauit proprium, vt neque bono, neque malo spiritui communicetur: quare id esse tutissimum, & ab illusionibus remotissimum, & pax gaudiumque quo tunc anima afficitur, indicium est eius Maiestatis præsentie. Hoc ipsum clariùs adhuc notat ipse in suo libello his verbis: Quinto Februarij, 1569. cum essem in oratione matutina, & penderem detrimentum meum ex absentia cuiusdam serui Dei, hoc internè sensi: iniurius Deo est, qui agens cum ipso, existimat sibi nocere, quod deferatur ab hominibus, quando id absque ipsius culpa accidit. Et eodem die, cum facerem Sacrum, eadem cogitatione, ac dolore recurrente, cum eodem interno sensu hoc mihi occurrit: si is, qui te per hominem aliquem dirigebat, tuus vult esse Magister; & per se ipsum te doceat ac dirigere: quoniam

» tibi facit iniuriam? magnum hoc est beneficium
 » & ingentium bonorum præludium: siquidem
 » Deus breui aliquo verbo, & sententia mul-
 » ta complectitur ac docet: & talium oratio est
 » continuata quædam ipsius Dei assistentia, si-
 » mul cum reuerentia, & fiducia quieta &
 » resperfa multarum veritatum intelligentia,
 » dulcibus bolis & suauissimis ex orbe ipsius
 » Domini reliquijs, familiaribus cum eodem in
 » iucundissima eius præsentia colloquijs.

a Psal. 50.8. HINC ortum habuit secundum beneficium,
 quo, ut dixit Dauid, a *occulta suæ diuinitatis*, &
 profundæ *sapientia* ipsi *manifestauit*, ea ratione
 & modo, quem doctores scientiæ Mysticæ
 tradunt. Id ita scriptum reliquit ipse in eo-
 dem suo libello his verbis: Primò die Martij
 » Anni 1576. cum pridie vesperi egissem cum spi-
 » rituali quadam persona de eo argumento:
 » quid esset visio intellectualis Dei, & mysterio-
 » rum eius: habui vestigium quoddam luminis e-
 » ius, quod mihi dixerat, & sensum quendam te-
 » nerum. ipsam orationem ingressus, sensu Domi-
 » ni præsentia, ratione quadam ibi manentis, ut nec
 » oculis, nec imaginatione videretur: percipiebatur
 » tamen, & maiori certitudine ac perspicuitate ap-
 » prehendebatur, quàm quod oculis aut imagina-
 » tione videtur. Cuius indicia hæc sunt. Pri-
 » mum, quod hac ratione videtur, plus in ani-
 » ma efficit, quàm quod imaginamur, aut corpo-
 » raliter videmus. Deinde pacem adfert, tantumq;
 » solatium, ut videatur Deus D. N. animam in regnū
 » suum inducere: quæ in tanta foelicitate se collo-
 » catā videns, quam nec cogitasset, nec merita esset,
 dicit

dicit Domino illud Davidis : *b quid est homo quod* " b Psal. 8. 5
memores eius? quomodo visitas eum, & ipsemet "
 Christus dicit, Iustos in die extremi Iudicii, cum "
 ipse rationem reddet, cur coelorum regnum eis "
 tradat, dicturos : *c Domine quando te vidimus ho-* " c Mat. 25
spitem, & collegimus te &c. ita, inquam, ei dicit ani- " 37.
 ma : Domine, quæ tibi obsequia præstiti; Domi- "
 ne, quando tantum bonum ego sum promerita? "
 Tertiò, inde exit anima nec sua, nec alicuius alte- "
 rius sed tota eius, qui est omnia, iuxta illud Dani- "
 dis : *d Vnam petij à Domino hanc requiram, vt in-* " d Psal. 26.
habitem in domo Domini : quoniam abscondit me in " 4.
tabernaculo suo &c. Immissæ illuc animæ incipit "
 Deus illucescere, seseque ostendere; ibi indulget "
 illi; & illa iucundatur, ac tenerescit, quòd se ipsam "
 vt talem aspiciat, cogitetque de ijs, quos propter "
 ipsum Dominum multò plus diligit, quam pro- "
 pter ipsos, aut si essent sui. *Quartò*, quòd cogitans, "
 an Dæmon eiusmodi benedictionem fingere pos- "
 sit: non potest anima sibi persuadere, rem, à qua se "
 ita quietam reddi, & tam benè cum Deo suo com- "
 poni experitur, à malo spiritu esse. *Quintò*, ex eo "
 quod anima tunc dicat cum Sancto Petro : *c Do-* " c Mat. 17.
mine bonum est nos hic esse. Fugit omnem somno- "
 lentiam, nec orando defatigatur. *Sextò*, quod vi- "
 detur sibi experiri in se, quod Sanctus Dionysius "
 dixit cap. i. de Mystica Theologia : quod nihil in- "
 telligens, omnem transcendat intelligentiam : "
 Hinc enim videtur sibi, nihil scire : inde tamen ad "
 nihil aliud attendere potest; nec potest non esse "
 valde contenta cum eo quod habet : etiam si "
 nec illud videat, aut tangat : quamuis de eo ip- "
 so magis sit certa & maiori cum claritate, "
 L 5 quam

„quàm de omnibus quæ videt, aut manibus pal-
 „pat.

Ex his verbis ac sententijs satis apparet, quan-
 tam eius intellectui lucem **D E V S** in Oratione
 communicaret: siquidem cum ea ingrediebatur
 regnum Dei, Paradisum scilicet deliciarum eius,
 f *Rom. 14.* f *Iustitiam, Pacem, & Gaudium, in Spiritu sancto;*
 17. & talis ex ea exhibat, vt neque suus esset, neque a-
 liorum; sed totus Dei, cum quo ita vnitus erat, vt
 g *1. Cor. 6. 17* g *esset cum eo vnus spiritus.* Quare afflictæ cuidam
 personæ dixit ipsemet, cum sermo esset de Oratione:
 iam diu se in alia Regione viuere. intelligens,
 h *Phil. 3. 20* vt existimo, de illa Apostoli, quæ dixit: h *conuersa-*
tionem suam esse in cælis. Proximum hunc fauorem
 secutus est singularissimus alius, quem Deus D. N.
 illi exhibuit, certum illum & securum faciens,
 quod peruenturus esset ad regnum illud æternum,
 & futurus perpetu⁹ eius incola. Ita ipsemet Pater
 aperuit Patri Aegidio de Mata, qui missus postea
 fuit in Iaponiam, vnde bis illarum Indiarû Procu-
 rator redijt, acturus de earum rebus cum Patre no-
 stro Generali. Hic, inquam, Pater familiaritè ali-
 quando cum Patre Balthassare agens de foelici e-
 ius animæ sorte, quæ posset esse de sua salute cer-
 ta, quæ se tot periculis ingerit, dum egregia adedò
 facinora ob Dei amorem aggreditur: ei respon-
 dit Pater Balthassar; ego, inquit, verbis clavis &
 expressis certam & securam habeo meâ salutem:
 & hæc est insignis quædâ Dei Domini nostri mise-
 ricordia erga aliquos: quæ potiùs illis calcar ad-
 dit ad currendum, quàm sit frœnum, vt sistant.
 Iterum, cum esset in oratione, vidit quandam Bea-
 torum processionem, & se ipsum inter eos. Quam
 visio-

visionem retulit ipse Superiori suo, cum suæ conscientia rationem redderet; & eandem referunt duæ Societatis nostræ personæ valde insignes: & eiusdem videtur ipsemet meminisse in relatione superius posita, cum dixit, se repentinè inuenisse in quadâ cōgregatione ad beatitudinem destinata: & cohæret cum reuelatione, quam habuit S. Mater Thereffa de Iesu, vt cap. 10. est dictum.

QV ID autem mirum, si tales visiones habens, aliquoties in Ecstasim raperetur, vsu sensuum impedito & suspenso? semel Mētinæ existentem flexis genibus in suo cubiculo, ingressus quidam Pater inuenit stupendo quodam splendore circumdatum, indicium eius, quem habebat interiùs: & iterum frater, qui eius cubiculi curam habebat, ingressus, inuenit absorptum & à sensibus alienatum: ita vt nec exeuntem, nec intrantem Pater aduerterit. Vt autē ipse Pater ad se rediens aduerteret, ab aliquo se fuisse deprehensum, cooperuit frater eius faciem strophio, & ita exiuit. quæsiuit ergo Pater postea à fratre illo, num sciret aliquem esse in ipsius cubiculum ingressum? cui cum frater fateretur se ingressum fuisse, iussit eum cælare, quod vidisset. Iterum cum Salmanticæ studeret, aspiciens crucifixum, quem ante se habebat, mansit eleuatus extra se: euenitq; illi ab altero fratre idem, quod nunc de altero retulimus.

PATER Gasparus Astetius in hac prouincia notissimus, retulit, quòd cum ipse Minister esset in Professâ domo Vallis-Oletanæ, S. hic P. Balthassar ægrotasset: quem cum Infirmarius vesperi vtcunq; bene dispositum reliquisset; mane illū absq; vllō sēsū, & quasi mortuū inuenisset: vocati medici
non

non aliud existimare potuerunt, quàm quod esset aliquod deliquium: mansit autem eodem modo vsque ad vesperam: & tunc appositis Reliquijs ligni sanctæ Crucis, & alijs, quæ in illa domo sunt, statim ad se redijt; & loquebatur sicut aliàs, quasi nihil mali pàssus esset. Ex quo omnes colligebant, non animi deliquium, sed Raptum fuisse: quales in profunda sua oratione habere consueuerat. Et cùm alia vice ægrotaret, idem ei accidit: sed cùm ipsum ligando torquerent, vt ad se rediret, nec tamen faceret, miserunt propriũ tabellarium Metinam, vnde recens venerat, interrogatum, quinam ille morbus esset, & an aliàs eò laborasset: & acceperunt responsum, ne vlllo remedio erga eum vterentur; nam esse Ecstases illi aliàs familiares, & quæ per dies etiam aliquot durarent.

DENIQUE ab eo tempore ambulabat Pater Balthassar, cum maiori, ac viuaciori fide in præsentia Dei sui, recurrens continuè ad Maiestatem diuinam in omnibus rebus suis, conferens cù illo, tanquam cum suo Magistro, eiusq; directionem auxiliumque petens: quæ ratio aptissima est ad eam, quam dicimus animæ cum Deo familiaritatem, & orationem continuam.

QUARE idem Pater Balthassar dicere solebat:
 „ orare, est spiritum ad Deum eleuare, eique res omnes nostras familiariter, magnaque cum reuerentia communicare; & maiori cum fiducia, quàm vllus indulgentissimus filius cum sua matre habere potest: & ibi omnia sua preciosa, & vilia; celestia, & terrena; quod mulcum est, & quod modicum cum suo Magistro ac Domino agere, & con-

conferre; cor suum aperire, totumque illud ita effundere, vt nihil intus remaneat; aperire illi labores suos, peccata, desideria, & quidquid in animo habuerit; & cum eodem solatium & requiem habere sicut amicus solet cum amico, cui fidit; cui omnia sua aperit, bona & mala. Hoc est, quod Scriptura diuina appellat *effundere sicut aquam* *Thre. 2. 19.* cor ante conspectum Domini, non ait, sicut oleum, cuius pars aliqua vasi adhærescit; sed sicut aqua, quæ tota effunditur; manifestando scilicet Deo non solum magna, sed etiam parua, cum enim diuina eius Prouidentia omnia gubernet; sine cuius auxilio nihil boni, magni, aut parui efficere possimus, magnæ prudentiæ est, omnia cum Deo conferre, à quo, quidquid rectum in eis erit; proueniet.

S. II.

EX frequenti hac cum Deo Domino nostro familiaritate prouenit, vt alias quoque gratias donaque reciperet, quæ plurimum eum iuuerunt ad ea, quæ postea in bonum proximorum fecit. Fuit autem inter alia insigne donum confidentiæ, & efficacitatis in petendis & obtinendis à Deo D. N. rebus tam sibi quàm proximis necessarijs, quemadmodum ipse in suo libello notauit; dicens: quod cum semel orationem instituisset circa illa verba Christi D. N. *a petite, & accipietis:* *a Matt. 7. 7.* intellexit è cælo ex alto, D. N. nolle, nos esse parcos in petendis donis & gratijs ab ipso: nam talè parcatatem esse Dæmonis tentationem. Et cum semel aliquid peteret pro quodam indigente, audiuit sibi dici: *cur tu es in petendo parcus. si Deus est in dando*

dando liberalis? quasi insinuaretur ipsi, ut etiam pro alijs indigentibus peteret. Et alia vice petens foelicem cuiusdam negotij exitum, audiuit hæc verba : *ego te tanquam Rex iuvero.* & ita evenit in illa occasione, & sæpè aliàs. nam, orante ipso adedò feruenter pro alijs necessitatibus, priusquam ab Oratione surgeret, certus reddebatur de earum remedio, siue per expressam reuelationem, siue per internum aliquem instinctum, quo assecurabatur : quem instinctum, ait Cassianus, indicium esse exauditiæ à Deo orationis : cuius rei inferiùs plura ponentur exempla.

coll. 9. c. 31.

Tunc etiam largitus est illi Deus, quod in Scientiæ & Eruditione deerat, quam propria industria comparare non potuit: quod ipsemet in sua relatione insinuauit, & clariùs aperuit patri Ioāni Pinædio, qui ex Collegiali Collegij Ouerensis Salmanticæ factus est Societatis, qui cùm Gradū in Iure suscepisset, studia Philosophica ac Theologica aggredi horrebat, veritus, ne non posset in eis benè proficere. Quem ut P. Balthassar animaret ad cōfidendum Deo, quod ille ipsius industriæ defectus suppleturus esset, retulit ei cōfidēter : quod cùm ipsemet tristis ac sollicitus esset, eò quod ob occupationes multas dum studeret, & etiam postquam factus esset Sacerdos, non fuisset adedò studijs intentus, atq; opus fuisset : ideoq; Scholasticarum scientiarum defectum esset experturus in Ministerijs Societatis circa Confessiones, & Conciones: cùm tamen diu se in oratione exercuisset, ex tempore die quodam sensisset extraordinarium quoddam lumen in intellectu, quo Scholasticas veritates, &

res, & Theologicas Conclusiones adeò perspicuè intellexit, atq; si multos annos, magnamq; diligē-
tiam in eo studio posuisset: & ab eo tempore adeò impressas menti suæ veritates illas mansisse, vt nū-
quam amplius, solitum earum defectum sentiret.
Et cuidam alteri graui Patri dixit: gratiam sibi à Deo concessam intelligendi Scripturam diuinam, & Materias Morales: & à quo die hanc gratiam acceperat, abiecit timorem, propter quem aliàs non audebat esse absq; aliquo viro valde docto, cum quoliceret statim occurrentia sibi dubia conferre. Et aliàs cum sermo de hac re incideret, dicere solebat: ego non multum polleo acumine intellectûs, & studiorum: sed ex familiaritate cum animabus pijs, lectione Sanctorum, & frequenti oratione largitus mihi est Deus intelligentiâ Scripturæ sacræ. In quibus verbis tres coniunxit fontes, ex quibus scientiam Spiritûs eminenter hauserat ad res internas, & spirituales cognoscendas: lectionem scilicet Sanctorum, qui eas experti, scriptas reliquerunt: familiaritatem, & consuetudinem cum animabus, quæ illas sentiunt, & experiuntur; & orationem, ac familiaritatem cum ipso Deo: & hæc fuit præcipua, cum ad eam peruenit excellentiam, quæ fuit illi eo tempore communicata, non solû ob experiētiā, quam habuit earû etiam valde excelsarû; sed ob lumē, quo Deus illû illustrabat, vt eas cognosceret ac discerneret. quæ lux fuit instar luminis prophetici, quod (vt ait S. Gregorius, quē secutus est S. Thomas) duas res, solius Dei aliàs proprias manifestat: occulta scilicet cordis humani; & res futuras: & in vtraq; hac re illustrauit Deus hunc seruum suum: inter-

*Homil. 1. in
Ezech.
2. 2. q. 171. 4.
1. Cor. 14. 25
Isa 41. 23.*

S. Tho. 2. 2.
q. 172. 8. 2.
ex S. Diony.
c. 4 de coe-
lesti Hierar.

interdum reuelans illi cordium secreta eorum quibuscum agebat, vt eos rectè deduceret: & cum reuelationes propheticae fiant per Angelos, qui earum personarum custodes erant, res aliquas ad eas spectantes Patri huic reuelabant; quemadmodum in capite sexto est dictum: Interdum etiam futura, & quae à nostra voluntate dependent; illi reuelabat, vt securos eos redderet, quorum intererat; ita euenturas. Horum omnium plura exempla in sequentibus capitibus subiicientur.

C A P V T XVI.

ORATIONIS SVAE EFFICACITATE Metina, & alibi multa fecit in proximis admiratione digna: tum manifestatione multorum cordis secretorum; tum praedictione rerum futurarum.



UAMVIS mutatio Patris Balthassaris ex Abulâ Metinam, & ad alia Collegia praecipue dirigeretur ad spiritualem nostrorum profectum: eius tamen charitas non alligabatur ad solos domesticos; sed exse-
rebat se etiam ad externos, in quibus notabilem faciebat fructum, duplicibus suis armis, Orationis, scilicet, & Sermonum siue Colloquiorum de Deo;

Deo, quibus etiam illa adiungebat, quæ Deus illi in bonum animarum reuelabat. horum omnium aliqua referemus insigniora, & primùm quidem, quæ in varia personarum genera effecit, in quibus maximè se prodiderunt præclara eius talenta.

§. I.

INCIPIENTES autem ab eius Orationis efficacitate: erat hæc præcipuum telum, quo indurata, ac rebellia corda expugnabat, cum eius colloquia, & rationes non sufficiebant; obtinebat enim tunc à Deo earum efficacitatem: ferè enim quidquid memorabile erga proximos siue sæculares, siue Religiosos fecit, suis illud Orationibus impetrauit; nunc quidem solis; nunc adhibita sua industria, ac diligentia, ut insequentibus exemplis apparebit.

INGRESSVS fuit Collegium nostrum Metinæ secularis quidam, ad spiritualia Societatis exercitia peragenda, eo animi decreto, ut in ea remaneret. Sed Dæmon non dormiens, ægrè hoc ferebat: quare die quarto aggressus est illum adeò graui tentatione redeundi ad sæculum, ut se illi dediderit: ideoque Patri tradenti ipsi exercitia dixit, se velle discedere. Pater ille conatus est multis rationibus illi persuadere; illam esse tentationem Sathanz, conantis ipsum in propriam perniciem trahere: sed nihil hæc profuerunt. Pater ergò ille rem totam Patri BALTHASSARI, qui Rector tunc erat, aperuit: is ab homine petijt, ut hoc saltem nomine, quod ipse id roga-

ret, quiesceret illa nocte usque mane : acquieuit homo ob magnam reuerentiam, quam Patri omnes exhibebant ; timens se à Deo puniendum , nisi quod petebatur præstaret. Vir ergo Sanctus ad commune suum refugium, orationem scilicet, cōfugit : & præmissa ingenti corporis sui verberatione, totam noctem consumpsit supplicando Deo Domino nostro, ut tentati, iamque victi hominis oculos aperiret, & tentationem remoueret. Exaudiuit eum Deus, attendens quanto feruore ac fiducia id peteret, & ob serui sui vigilias subuenit tentato dormienti. Vidit enim in somnijs crudeles duos viros expectantes illū ad Collegij nostri fores : ut pugionibus ipsum cōfoderēt, truci vultu minitantes, se id facturos, si exiret : & mortuū illum ibi relicturos. Exitus ostendit somnium fuisse à Deo, & sancto Angelo eius custode : adeo enim trepidus adeoque mutatus fuit, cum excitaretur ; ut anxie expectaret tempus matutinum, ut ad sanctum Patrem BALTHASSAREM accedens, ad eius pedes se prostraret : quod re ipsa fecit, instantissimè petens, admitti in Societatem : quod, exercitijs absolutis, cum magnā animæ eius vtilitate fuit factum, & magno cum fructu perseverauit, benè faciens alijs multis in suis occupationibus. & ipsemet retulit, quæ iam diximus : rem totam efficacitati tribuens orationis viri huius sancti

Nec minus stupendum, quod in eodem Collegio accidit quidam Tyroni : qui tentationi deferendi Societatem, & ad Carthusianos transfundi acquieuit, offerente illi Dæmone commo-
dam

dam ad id occasionem, ea scilicet mente, ut utriusque faceret iacturam. Nam, quadam nocte in ætate, cum portæ domus clauderentur, mansit ipse in horto; & per murum ascendens exiit. Qui constituto tempore cubacula visitabat, aduertit, Tyronem illum abesse: & suspicatus, quod esse poterat, accessit Patrem BALTHASSAREM, qui tanquam Pastor, bonus pro more suo vigilabat supra gregem suum. Audiens igitur, quæ Visitator ille dicebat: ipse statim ad Sacellum beatissimæ Virginis illius Collegij se contulit, & præmissa de more disciplina, pernoctavit in oratione, supplex orans Dominum nostrum, & sacratissimam eius matrem, ut errantis ouiculæ misererentur: Ne in lupi infernalis dentes eam deuorare, & secum ad inferna trahere satagentis, incideret. Fuit hæc oratio adeo efficax, ut non solum exaudiretur, sed etiam ipsi reuelaretur, Tyronem ab illo periculo, quod erat aliàs horrendum, liberum rediturum. Pauperculus enim Nouitius valde anxius properabat, existimans aliquem ipsum insequi, & ad singulos passus se deprehendi. cum igitur ad medium itineris peruenisset, coepit illum vehemens quædam apprehensio turbare, quæ valde illum perplexum reddidit, & nescientem quod se verteret: occurrebat enim illi, quod in Monasterio Carchusianorum nomine Anisago, quod ille pergebat, non essent fidem adhibitori eius verbis: si enim interrogarent, unde veniret, facile cognoscerent, ipsum fugere ex Societate: atque hoc ipso nomine, se

non effere recipiendum. Redire autem retrò videbatur illi valde difficile ; in sæculo verò remanere, valde ignominiosum . Pergebat nihilominus in suo itinere , donec peruenit ad pontem cuiusdam fluminis : & tunc adfuit lupus infernalis, inhians ut pauperulam animam deuoraret , proponens eius imaginationi, ad exuendam talem perplexitatem ; optimum esse remedium, ex ponte se in flumen præcipitare, & submergi : ut breui hoc compendio semel se ab omnibus expediret : premente autem eum grauius desperandi tentatione : placuit D^eo Domino nostro propter Orationem sancti eius Pastoris, ut in medijs illis tenebris rimula quædam lucis illi splenderet ; persuadentis ut mox ad Societatis Collegium rediret, idque fore facillimum, quasi cum esset nōx, non aduertissent ipsius absentiam ; posse autem ipsum eadem via, quæ exiuerat, redire ; & in horto remanere, donec reliquæ Collegij portæ aperirentur ; illis autem apertis, posse statim intro se conferre, nullò vidente, aut aduertente. Visum hoc illi est adeò facile, cum prius difficillimum videretur, ut statuerit redire : & ita omnino euenit ; ut cogitauerat ; aut potius, quemadmodum bonus Angelus ipsi inspirauerat : mane igitur, cum ille idem, qui eum abesse aduerterat, domi illum videret, accessit statim ad sanctum Patrem, ut id ei indicaret : qui respondit, se iam id scire, gratias D^eo propterea agens. Post dies aliquot vocans ad se Nouitium, illi retulit, quæcunque sibi euenissent ; & impotenter perseverauit ; mansitque adeò quietus, atque

atque si nihil tale sibi euenisset. Ex quo apparet, quanto amore Deus seruum suum hunc prosequeretur: cum non solum ab eo peti ita concederet, sed etiam statim reuelaret, exaudiram esse eius orationem, ut eò citius à dolore & solitudine liberaretur.

Sed adhuc fuit admirabilius quod ouenit Patri Francisco Abulensi magno Societatis nostræ Religioso, (qui profectus cum Classe Diui Martini Padillij in Hyberniam, dum rediret Cluniæ (vulgò Corunia) obiit) hic, inquam, cum Salmanticæ studeret, essetque iuuenis elegans valde ac strenuus; tempore Quadragesimæ recepit se in Collegium nostrum (quemadmodum multi alij eo tempore ibidem facere consueuerunt) ad Confessionem exactius peragenda, & aliquod Orationis Exercitium habendum: nihil tunc cogitans de suscipiendo Satu Religioso. Sed paucos post dies, ex quo se colligere coeperat, magnum ei lumen dedit D E V S, quo eius intellectus omnino conuincebatur, expedire sibi, mundo renunciare, & Societatem amplecti, ob multas & graues rationes, quæ illi occurrebant: sed quamuis tantam rationum vim experiretur, voluntas tamen adeò repugnabat, ut magnas quasi mortis angustias sentiret: ita ut necessarium illi esset, cubiculo exire, ut paululum respiraret, videbatur enim sibi, quasi suffocari. Ad hominem ita afflicto, accessit Pater B A L T H A S S A R, eumque est consolatus dicens, se rem D E O commendaturum, & effecturum, ut alij Domestici idem facerent. Fuit eius oratio

adèd efficax , vt intra breue temporis spatium dederit illi DEVS animum, vt omnes occurrentes difficultates superaret : ideoque decreuit cum ingenti feruore, & lachrymis ingredi Societatem, & perpetuò in ea manere, etiam si maiores essent difficultates deuorandæ. Statim igitur atque se ad pedes CHRISTI Domini proiecit, & sacrificium hoc sui obtulit, tantam cordis sui mutationem sensit, vt facillè appareret, illam fuisse dexteræ Excel- si. nullam enim anxietatem, aut angustias; sed maximam sentiebat consolationem, & extraordinarium desiderium, vt in Societatem reciperetur. Rediit Pater BALTHASSAR ad illum visitandum, & cum ipse, quod acciderat, retulisset : facie quadam valde serena dixit ei Pater : gratias maximas Deo Domino nostro agas pro accepto tanto beneficio : iam mihi constabat hoc ita futurum; quemadmodum cum a Elias dixit ad puerum suum, vt ascenderet & prospiceret contra mare, an aliqua nubes ascenderet, iussitq; illum reuerti septem vicibus. in septima autem vice dixit puer : ecce nubecula parua quasi vestigium hominis ascendit de mari. & tunc Elias ait : ascende, & dic Achab : iunge currum tuum, & descende, ne occupet te pluuia. Et ita factum est. nam cum ille se verteret huc atque illuc, ecce cæli contenebrati sunt, & facta est pluuia grandis. Ita & ego hoc futurum esse præuidi : quod tibi soli dictum existima, vt secretum serues. Ex quibus verbis licebat coniungere : ipsum sua oratione id à DEO impetrasse,

sibi.

sibi que in ea ita fuisse reuelatum. Et idem Pater Franciscus Abulensis hoc, suo scripto confirmavit: & cuidam alteri Patri sibi familiari adiecit, quòd postquam ipse in Societatem admitti petiisset, & Pater BALTHASSAR respondisset, se velle ipsum recipere: Dæmon tentationem repetiisset tam vehementer, vt ipsum pœniteret, petiisse admitti. quare volens exercitia inchoata absque nota deferere, à Patre BALTHASSARE petiisse facultatem exeundi, vt quibusdam suis cognatis valediceret, & negotium quoddam cum eis expediret. Patrem verò ipsi respondisse: discede in nomine Domini: & quemadmodum tu vis tempus accipere, vt cogites, quid sis factururus; & nos illud accipiemus, vt cogitemus, quid nobis expediat. ex quo responso se intellexisse Patrem BALTHASSAREM ipsius cogitationes agnouisse: quare decreuit ipse ibi manere, donec re ipsa fuit in Societatem admissus.

§. II.

ET HOC alterum fuit, in quo admirandos fecit in animabus fructus, quia scilicet occulta, quæ in cordibus hominum gerebantur, antequam illi ea panderent, ipse cognoscebat, eò quòd illa Deus ipsi reuelasset, in eos fines, quos ipse Deus intendebat: cuius rei aliqua valde notabilia exempla subiiciemus. *Primum* fuit Dñi Francisci Reynosi, qui postea fuit Episcopus Cordubensis: Is enim ex Vrbe rediens cum magnis Ecclesiasticis redditibus, voluit se per dies aliquot in

domum, quam nos tunc Senticæ habebamus, recipere, ad spiritualia Societatis Exercitia facienda; ut melius de suis rebus constitueret, ac de plena sui ipsius reformatione ageret. Petenti autem in hunc finem Patrem aliquem, datus illi est Pater Balthassar, tanquam huius negotij peritus & industrius. Qui cum die quodam post prandium soli essent, coepit Pater, atque si legeret eius cor, dicere ei omnes eius cogitationes, & consilia, quæ ex Vrbe adferebat, & quidquid intus in ipso gerebatur. Tantum res hæc stuporem attulit bono illi viro, (ut ipsemet postea retulit) ut multis profusis lachrymis totum se Patris manibus traderet, ac de tota vita eius ita constitueret, sicut iudicaret ad maius Dei obsequium futurum. Profecit tantum in Exercitijs circa Orationem; & vitæ totius, expensarum, pompæq; huius mundi reformationem: ut omnibus, qui ipsum nouerant, non paruam attulerit ædificationem, etiam cum magna utilitate, & solatio multorum pauperum, quibus liberaliter suis Eleemosynis subueeniebat. A quo tempore proficiscebatur interdum Pallanciâ, ubi ipse alias habitabat, Villa-Garciâ, ubi Pater Balthassar manebat, ad eadem exercitia renouanda: ex quo insignem animæ fructum percipiebat, admirans ingentia dona, quæ Deus illi Patri contulisset.

INTER alias Personas, quarum Confessiones excipiebat, fuit etiam Diua Helena Quirogia, Cardinalis D. Gaspari Quirogij Toletani Archiepiscopi ex fratre Neptis, quæ postea facta est Monialis Carmelitana Discalceata; & vixit, mortuaque est sanctissimè. Hæc Domina
duo

duo valde notabilia retulit, quæ cum Patre Balthassare agens sentiebat. Alterum: quod eius verba plus quam aliorum cordi suo infingerentur, illud accenderent, & emollirent, cum magna vilacrymarum. Et semel (inquit) fecit me flere peccata mea centies plus, quam in vita mea defleuissem; id quod per dies aliquot duravit: donec ad ipsum Patrem rediens, rem totam narraui: qui respondit: Deo sit laus, quod aquam ex lapide eduxerimus; & statim est me consolatus. Alterum erat, quod ipsa disceret experientia, se ab eo doceri id, quo anima sua maximè indigeret, quasi aperitissimè Pater videret eius necessitates: imò interdum priusquam ipsa necessitatem, qua premebatur, aperiret; conueniens ipse remedium proponebat. Et nominatim cum ipsa valde afflictæ ad eum accederet, statim atque Confessionale ipsum esset ingressa, priusquam vllum verbum loqueretur, rem totam agnouit: primumque eius verbum fuit: Eia Domina, bonum habemus annû, magna erit messis: calamitates cum patiétia, grandia bona ferunt. Et alia vice, cum ipsa de sua in oratione ariditate lamentaretur: priusquam illa loqueretur, præuenit Pater dicens: si siccitas bonum adfert annum; bonum hunc habemus; quibus verbis consolationem illa, & animum accepit.

SIMILITER quid euenit alteri Dei ancillæ, cui ob insignem virtutem licebat quotidie communicare. hanc, cum die quodam confiteri vellet, fecit expectare per duas horas; & cum ad Confessionale descendisset, ei dixit, quidquid duabus illis horis in eius anima esset actum; quo audito, illa admirata est, & respiravit, benè iudicans col-

locatum laborem in expectando : huiusmodi enim reuelationes Deus facit suis ministris, non solum ad eorum opinionem apud alios fouendam: sed etiam ad animandos & consolandos ipsos poenitentes, & reliquos, qui cum ipso agunt, vt ipsorum ministerijs magis illi proficiant.

D. Anna Henriquez soror Marchionis Alcanicij Sancto huic Patri valde pie addicta scripsit in quadam charta, quam postea nobis tradidit, multa, quæ sibi cum eo accidissent: inter alia autem hoc refert: (quod ab eodem Patre intellexit) quòd, cum Pater Metinæ maneret, ipsa verò in alio quodam loco, viderit in Spiritu desolationem & afflictionem, qua ipsa premebatur; & valde instanter orauerit Dominum, vt dignaretur rem ita disponere, vt possent se mutuo videre, ad eam consolandam, pro vt opus habebat. Id quod Deus illi concessit, Nam orta est quædam occasio, qua illa cum viro suo deberet quoddam iter facere: & quamuis transire per Metinam esset circumire, & ipsa omnino tergiuersaretur euitandi circuitus causa: omnes tamen difficultates oratio Patris superauit. Qui eius Confessionem excepit, & ita cum illa est locutus, vt extraordinarium quiddam in ea efficeret; adeoque repleret consolatione, vt ei diceret, ne quæso verbum vllum amplius mihi dicas Pater: quia non possum amplius ferre. Eadem etiam affirmavit: multa sibi in varijs occasionibus à Patre dicta, quæ essent ipsi euentura: & omnia, pro vt à Patre fuerant prædicta, sibi euenisse.

* * *

§. III.

HOC genus reuelationum de rebus futuris fuit alterum, quod omnes admirabantur, & quo magnum faciebat fructum: cuius etiam sunt multa & præclara exempla, quæ in varijs partibus euenerunt. *Primum* fuit Abulæ, cum quadam sua pœnitente, quæ valde anxia ob sui viri absentiam, (qui etiam erat eidem Patri valde piè addictus) de quo diu nihil scire potuisset, accessit, vt Sancto suo Confessario calamitatem suam aperiens, consolationem ab eo acciperet. Ipse audiens eam, & flentem videns, incipit & ipse tenerè cum illa flere: donec attendens, quid faceret, dixit: quam ego consolationem adfero flens cum flente? sed cessemus à fletu, benè enim res habebit: nam virtus absque dubio hac septimana reuertetur. Et ita est factum: vxor quæ viro retulit, P. Balthassarem id futurum prædixisse: quo illa valde fuit excitata ad magis seruandum Deo, gratias ei agens, quòd talem Confessarium esset sortita. Simile quid euenit eidem viro qui Patri cuidam Societatis (cui post P. Balthassaris ex Abula discessum confitebatur) dixit: ô quam Sanctus vir, Pater ille erat! & quam eius verba cor inflammabant. Semel (inquit) valde desolatus ad eum accessi, eò quòd meo iudicio Socrus mea iam obiisset, & quærebam, qui illam sepeliret: ego verò ingenti dolore afficiebar, quòd illa res quasdam magni momenti ante mortem non declarasset. Pater afflictum consolans dixit: illam necdum obiisse; & superesse adhuc

adhuc tempus, ut res illas declararet, & ita fuit: nam verbis illis ego animatus, redij domum, & adhuc viuente inueni: declarauit illa quod ego optabam, & statim quasi vna auicula obiit. Hæc retulerunt duo hic afflicti coniuges, ad quorum consolationem reuelauit Deus sancto eorum Confessario, quod in eorum tribulatione esset illis subsidium & leuamen.

QVIDDAM aliud non minus stupendum retulit de se ipso, quidam Societatis Pater, fide omnino dignus, qui dum valde affligeretur, quodd se videret iam prouectæ ætatis, sine illis tamen dotibus ad proximos iuxta nostrum Institutum iuuandos, sæpius hanc difficultatem & tentationem cum P. Balthassare communicauit: qua nihilominus durante, & ipso non audente vltius de ea cum Patre loqui: occurrens tamen eidem quadam die in ipso Collegio, animo valde deiecto dixit ei: Pater, molestia hæc ac difficultas adhuc me vexat, cui P. Balthassar: existimas ne esse in Societate media ad salutem consequendam? quo respondente; esse: replicauit vir Sanctus: non solum tu saluaberis: sed multos etiam alios iuueris, ut saluentur, & viues in Societate contentus. quo audito prorsus euauit illa tentatio, & verum fuit, quod seruus hic Dei in eius nomine illi dixit. Nam idem Pater fuit postea insignis operarius in Collegio nostro Salmaticensi: in quo, Rectore eodem Patre Balthassare, acciderunt similes alij casus, quos suis locis reddemus.

* *
*

CAPVT XVII.

EFFICACIBVS SVIS EXHORTATIONIBVS MAGNUM FECIT FRUCTUM IN multis secularibus, ac Religiosis personis.



LIV D genus armorum quibus P. Balthassar utebatur ad animas expugnandas, erat efficacitas, & spiritus; quo exhortationes de rebus spiritualibus faciebat: quamvis D. N. cuius iudicia in distribuendis talentis & gratijs gratis datis sunt occultissima; non dederit ei talentum, vt è suggestu concionaretur; quemadmodum multis alijs concionatoribus: vt haberet aliquid ex quo humiliaretur, & alijs cederet: ideoque ex humilitate noluit hoc ministerium obire in locis frequentioribus. Cuius defectum suppleuit Deus per insignes alios concionatores; qui magnum ex eo munere fructum adferebant; & plurimos attrahebant ad Collegium; vt ipsum Patrem cognoscere possent. Quare cum ipse Rector esset Collegij Metinensis, prospexit Deus, vt eò mitteretur concionator P. Baptista Santius, quem Deus ad excelsam adeò & iucundam euexerat orationem, vt ipse P. Balthassar in quadam occasione ex eius ore audiret: si quidquid solatii Deus in terra fecit in vnum coniungeretur, essetque æternum; se tamen totum illud facile com-

commutaturum, vel pro vno horæ quadrante eius gratiæ, ac fauoris, quem Deus illi exhibebat; item: si certò sciret, se per integrum diem non moriturum; dolor huius cognitionis sufficeret, ad vitam sibi adimendam. Ex quo apparet eius amoris magnitudo erga Deum: siquidem tam insignes ab eo fauores in hac vita accipiens, ita ardebat desiderio videri & fruendi eo, quem tantopere diligebat: vt certa vel vnius diei dilatio tantum illi cruciatum & dolorem esset allatura. quamuis postea Deus (qui nouit suos electos, in ea re mortificare, quam ipsi plurimi faciunt, maximè desiderant, & grauiùs sunt laturi) eam poenam dederit deglutiendam: quia multo ante ei reuelauit diem & horam obitus sui. Et in suo breuiario scriptum inuenit: tali die, & tali hora morieris; vide, quomodo viuas: & ita verè vixit, vt morse eius valde fuerit foelix, & preciosa. Hic vir sanctus, magna familiaritate fuit Patri Balthassari coniunctus; tantam habuit de eius Spiritu opinionē, vt Tyronibus diceret: habetis Magistrum non solum virtute præditum; sed ipsammet virtutem. Conueniebant aliquando vterque simul ad agendum de Deo; mutuò seipsos inflammantes cum tanto Spiritu in amore diuino: vt quidam sæcularis Doctor audiens illos aliquoties colloquentes, dixerit, videri sibi eos euasisse in quosdam Seraphinos. Hoc feruore coeperunt seipsos mutuò adinuare in iuuandis animabus. Nam P. Baptista feruentibus suis concionibus totam domum Auditoribus replebat, faciens extraordinarium in animabus fructum;

& stu-

& stupendas multarum Conuersiones, quæ graui-
bus vitijs, & illicitis cōtractibus valde implicatę
tenebantur; eas verò, quæ perfectioni studebant
exstimulabat, vt progressum in ea facerent,
cum his autem peculiariter agebat P. Balthassar,
feruorem illis addens, & suis de Deo exhorta-
tionibus promouens; multis interdum ad eas
audiendas in templum conuenientibus; inter-
dum verò priuatim cum singulis colloquendo:
semper tamen cum tanto spiritus feruore, vt
ipsa audientium corda permutaret; &, vt suprà
dictum est, igne quasi malleoque illos cælans, in
virtutibus perficeret, vt subiectis exemplis appa-
rebit.

REFERENTE quodam graui ex nostris
Patre cognitum est: cū virum quendam nobi-
lem ægrotantem ex inordinato, adeoque vehe-
menti cuiusdam foeminæ amore, (qui tandem
illum ad sepulchrum deduxit:) ægrotantem
Sanctus Pater Balthassar, Deo ita disponente,
visitaret; tanta eum vi verborum, & ratio-
num efficacitate cum eo locutum esse, vt cor
eius penetrarent; essentque tanquam gladij, &
tela quædam, quibus eius vita, quamdiu du-
rauit, continuè transfigeretur: Cū enim tur-
pi illo amore, viuens vreretur: (eti-
am si intellexisset, se euasurum, si furentem
suum appetitum expleret) mori tamen po-
tius velleret, quàm Deum offendere, &
proximum scandalizare: quod procul dubio
rarissimum est; magnumque testimonium il-
lius ignis, quo in virtute Dei Pater loquebatur,
qui tantum cælestis amoris ignem in illius
nobilis

nobilis corde efficere potuit, vt vehemētem adeo carnalem amorem reprimeret. Ex quo etiā ap-
 a Cant. 8. 6. paret; qua ratione omnis a *dilectio* dura sit, ac *fortis sicut mors*; liquidem turpis mortem adfert corporis; honesta verò, & studiosa, hanc acceptat & amplectitur, ne vitam perdat spiritualem.

EA DEM efficacitate effecit alias mutationes in aliquibus adolescentibus diuitibus ac robustis Metinensibus, quos impulit Societatem ingredi qui tamen adeo erant ab his cogitationibus remoti, vt hastiludijs potius, alijsq; Equitum exercitijs attenderent, quā de ingredienda Religione cogitarent. Inde vocauit Deus Patrem Gabrielem Duennium, & postea etiā eius fratrem Bernardum: qui insperata sua mutatione, & ingressu in Societatem Oppidum illud plurimum ædificauit, & vterq; in Societate mortuus est cum magno patientiæ & humilitatis exemplo, quod præbuerunt in multis morbis, & imbecillitatibus, quas sunt perpeffi, & nominatim Bernardus, qui etsi multis, ac grauibus etiā ab ipso Tyrocinio esset affectus, non tamen efficere potuerunt, vt ad delicias, quibus semel renunciauerat, reuertetur; eligens potius in doloribus & cruciatibus, & multis etiā opprobrijs habitare in domo Dei, quā in mundi Palatijs, cum delicijs & voluptatibus.

IBI DEM peruicit profuitq; multis mercatoribus, & negotiorum gestoribus, tunc Metinæ florentibus: quibus persuasit, vt in medio tot externarum occupationum; tempus aliquod interioribus darent, exercentes se aliquanto tempore in oratione; & agentes cum Domino D.N. de salute

lute suarum animarum: Eorum vnus fuit Afensius Gallianus ditissimus ac potentissimus: quem familiari sua conuersatione valde reddidit exemplarem. tantumque ille in Oratione, & familiaritate cum Deo profecit, vt diceret; ego hominibus Societatis non Orationem, sed Obedientiam inuideo; nam, negotiorum tumultu expedito, ascendebat ad Oratorium, quod domi suæ habebat: dicebatq; Deo: Domine huc venio, vt quiescam tecum: quem etsi Dominus, cælestium consolationum abundantia visitaret: dolebat tamen, deesse sibi thesaurum illum, quo Religiosi gaudent, eò quòd omnia sua facere possint ex Obedientia, ac directione Prælati, Patrisque Spiritualis, quem semper ad manum habent, quo tamen modo ipsi licebat, defectum hunc supplebat, obediendo suo Confessario, multisque Eleemosynis largiendis; diuitijs scilicet quærens amicos, qui eum reciperent in æterna tabernacula. Inter alias autem pias Eleemosynas, dedit Collegio præclarum & splendidum tabernaculum, ad solennia sanctissimi Sacramenti, cui erat valde deuotus, celebranda. Licuisset aliarum personarum huius generis mutationes referre; sed eas, quod huic sint similes, prætereo, contentus quendam referre, qui, cum se per octiduum ad exercitia facienda in domum nostram recepisset, tantum ei luminis Deus impartiuit, vt videretur sibi, eò usque non sciuisse viuere; ac proinde tunc viuere incipere: antea enim negotia eum implicatum, & quasi præstigiatum tenuerant; tunc autem Oratio dedit ei cor liberum, & extricatum, vt etiam in ipsis negotijs cum quiete quadam viueret.

N

Hoc

HOC spiritu cælestique agendi modo P. Balthassar plurimos ex varijs Statibus sensim lucrabatur, qui ad ipsum in domum nostram ordinariè veniebant; & ipsemet ad illos, semel tantum in septimana ibat, modo hos, modo illos visitans; & sic ad finem anni omnibus satisfaciebat. Exhibat tamen aliàs ad omnes, qui de rebus conscientiaè aliquid cum ipso conferre volebant; aut cum ipse id ad bonum animarum ita expedire iudicabat. In quo genere stupendum quiddam ei evenit cum quadam honorata valdeq; pia muliere, quæ aspirans ad profectum in virtute, cupiebat, ad nostram domum, Confessionis causa ordinariè accedere, quemadmodum aliquando fecerat, eò quòd experiretur, se ibi voti sui compotè fieri. Sed vir eius & cognati parum ad Societatem affecti illam retrahebant; & si quando intelligebant, illam eò iuisse: verbo & opere illam vexabant. Inspiratio-
ne igitur diuina accessit ad P. Balthassarem pro remedio, rogans, vt semel in domum ipsius veniret, virumque suum visitaret. Annuit Pater, & ad diem decretum conuocauit illa omnes cognatos, à quibus impediabatur, ignaros, in quem finem conuocaretur, quibus simul existentibus, ingressus est P. Balthassar; & salutatione præmissa, coepit loqui de Christo Domino, & quàm meritò debeamus illi seruire: adeoq; præclara, & tanto feruore, ac vi locutus est, vt omnes fecerit flere; eosq; ita mutauerit, vt ad Societatem valde affecti remanerent: nec solum imposterum foeminam illam à pio suo desiderio nō retardarunt; sed eius potius exēplū secuti, statuerunt frequēter cōfiteri, & cōmunicare. AD
HVC fuit admirabilior alia mutatio, quā fecit cū iter faciēs trāsiret per quoddā Religiosorū Mona-

steriū: in quo erāt aliqui ipsi noti: Nā petētib. illis ab ipso; vt ad omnes simul exhortationē aliquam haberet, Pater annuit: tātaq; vi est locutus, vt omnib. omninō; nullo excepto persuaferit, vt per oētidiū ad spiritualia Societatis exercitia faciēda se reciperēt; & in Oratione mentali, spirituali lectione, & consciētię examine, sese occuparēt: māsitq; ipse cum eis, cū licētia P. Prouincialis, traditurus eis ipsa exercitia: quibus, & exhortationib⁹, quas octo illis diebus sæpe fecit, aded fuit eorum profectus notabilis, & copiosus, vt eorū Prouincialis, vir valde insignis, hoc audiēs, statim ad eos venerit, vt re ipsa experiretur, quod audiuerat: qui cernēs: tātam quietē, recollectionē, silentiū, & in omnibus exactā promptitudinē, valde obstupuit; eosq; exstimulans, vt in benè cōceptis alacriter, & feruēter pergerēt, visitauit P. Balthassarē, seq; ipsū & omnes suos Religiosos cū magna animi gratitudine ipsi obtulit, cupiēs & ipse eius esse discipul⁹.

H A E C sunt, quę Dei omnipotētiā, & ministrorū sanctitatē, quorū operā ad ea præstanda vtitur, vehementer extollūt. Hęc (inquit Cassianus) sunt *Coll. 12. c. 12.* opera, in quib. agnoscitur, ac deprehēditur, quā magn⁹ sit Deus: cū scil. experimur, vel propriū, vel aliorū cor ita mutari, vt ex superbo fiat humile; ex auaro, liberale; ex propēso ad delicias, valde pœnitēs; ex ignauo ac tepido, diligēs, ac feruēs: & certo quodā modo mai⁹ est miraculū, tepidū hominē in feruētē cōmutari, quā improbū in bonū; improbus. n. videt suā malitiā, quę omnib. displicet, & ab omnib. improbatur; & ipse nouit, nisi emēdet se, nisi cōuertatur, se fore dānādū: at tepidus videtur sibi, vtcūq; bon⁹; & quāuis tardē, p̄grediatur, putat

N 2 se esse

se esse securum ac propterea non tanti facit, quod in sua tepiditate permaneat. Ita protestatus est S. Bernardus quibusdam Religiosis, qui similem fecerunt mutationem. Digitus, inquit, Dei est hic, qui operatur facile, & salubriter mutat, non iam ex malis bonos, sed ex bonis meliores faciens. ô si mihi licuisset per locum, vbi estis vos transire, & visionem hâc grandē videre; volo enim, vos scire, non minus admirabilem esse hanc secundam promotionē, quàm fuerit mutatio illa prima à sæculo ad Religionē. Facilius enim multos sæculares inuenietis, qui mutantur in bonos; quàm vnum Religiosum, qui mutetur in meliorē. Rara avis in terra, quod ex gradu virtutis, ad quem quis peruenit in Religione, vel modicū vltcrius progrediatur. Hæc S. Bernardus. Et hæc fuit singularis D. N. gratia in P. Balthassarem, vt efficaci suo verbo non tã peccatores iniustos; quàm iustos in meliores conuerteret: efficiens, vt tardum gressum, in quo quodammodo hæsitauerant, detestati, feruentiori passu progredierentur.

EVNDĒM fructum faciebat exhortationibus suis in nostris domesticis, cuiusq; hebdomadæ Feriâ sexta iuxta receptū morē. Et in prima quam fecit factus Rector Collegij Metinensis tanto spiritu est locutus, vt flammâ ignis videretur in singulorum pectora immisisse, tātumq; feruorem ex ea hauserūt, vt per multos menses durauerit, quē ipse subsequētib; exhortationibus etiam renouabat. Quidam inter alios ibi habitantes, vir alicuius authoritatis, sed proprii iudicii aliquo modo tenax, dicebat: vnâ eius exhortatione, aut spiritali conferentia se ita doceri, ac moueri, vt
alius

alius ex ea exiret, quàm esset ingressus. Et similis alius Pater sese illi subiecit, ac dedit, dicens: pareamus illi, utpote homini magnæ orationis, & cui Deus fauet. Et ego ipse hoc testari possum ex ijs, quæ Metinæ sunt gesta. quod primam exhortationem in Societate audiuerim ab ipso Patre Balthassare quadam feria sexta ante natale Domini transiens aliò per illud Collegium: in qua exhortatione tanta vehementia est locutus, ut valde ego admirarer: tantoque spiritu aliquas sententias attulit, ut in hodiernum diem mihi profuerint. Ipsa verò nocte Natalis Domini cecinit ipse Sacrum; & conuersus cum Sanctissimo Sacramento in manibus, ut fratres nostros, multosque alios sæculares, qui conuenerant, communicaret: breuem etiam fecit exhortationem cum magna teneritate, ac deuotione, exhortans nos ad amorem, & reuerentiam illius Domini, quem habebat præsentem. Hic mos tunc erat in usu, sed postea iudicatum est, expedire, huiusmodi exhortationes in aliud tempus reijcere. Et ego etiam reijcio quas ad Tyrones habebat, ad locum proprium inferius. In ipsis etiam verbis miram habebat efficaciam ad corda turbata pacanda: & tantam iam authoritatem obtinuerat, ut vel vna eius ratio sufficeret, ad Auditores pacandos, quemadmodum in multis casibus postea referendis apparebit, qui in alijs etiam locis eueniunt.

In ipso Metinensi Collegio euenit, ut quidam sæcularis ingressus ad exercitia Societatis peragenda, cum ad meditationem de Inferno peruenisset, adeò efficaciter horrendas Dæmonum fi-

guras conceperit, ut ratus, cubiculum esse plenum Dæmonibus; magna furia instar alicuius deliri actus, surgens arriperet gladium, quem secum attulerat, eoque nudato, media nocte exiret per totum illud latus domus, feriens fortissimè ipsos muros huc atque illuc, quasi Dæmones ipsos insequeretur, ut vulneraret: & sic peruenit ad cubiculum Patris Balthassaris, cuius ianua cum esset aliquantulum aperta, eò ingressus à dextris & à sinistris percutiebat. Pater hominem ex voce agnouit, & statim intellexit, quid esset, & vno verbo iussit illum quiescere; quod ubi furiosus homo audiuit, ac recognouit, statim substitit: Surrexit Pater, & eius brachio apprehenso, fecit eum sibi in scamno assidere, & paucis rationibus propositis, effecit, ut pacatus, & quietus in suum rediret cubiculum.

DE NIQVE opinio eius Sanctitatis, & verborum efficacitatis effecit, ut multi sæculares, & Religiosi Metinam se conferrent, ut cum eo de rebus animarum suarum agerent. Alij, qui alibi prius eum nouerant, qualis fuit Magister Daza, qui Abula Metinam veniebat, ut feruore, quem sancti huius viri colloquia, & rationes in ipso excitabant, spiritum suum renouaret; alij ex ijs quæ de eo audiebant: qualis fuit grauis quidam Religiosus ex sacro ordine Carthusiensium Frater Alphonsus Roblius, qui Pallantiam transiens, à quodam nostro Patre audiuerat, quanti fieret ab omnibus spiritus, quem Deus Patri Balthassari communicasset; & insigne eius talentum ad Societatis exercitia tradenda

tradenda. Et quoniam ipse Frater Alphonsus cupiebat exercitia facere, contulit se Metinam, ut cum eo ageret. Et excepit me, inquit, tanquam Angelum è cælo, etiam si aliàs valde esset occupatus: mansi ibi sexaginta diebus sub eius disciplina, possumque verè affirmare, quamvis cum multis insignibus & spiritalibus viris antea egissem: nullum tamen ita pectus meum, atque ipsum impleuisse: in quo re ipsa agnoui magnum quendam spiritum cum excellenti in Deum fiducia. Et eodem nomine particularia alia referebat, quæ sibi cum illo agenti extra hanc occasionem acciderunt: quæ suis in locis inferius reddemus.

NON est tamen æquum præterire exactam rationem, quam Deus D. N. habebat in remunerando, etiam in rebus temporalibus huius serui, in rebus diuini obsequij & bono animarum diligentiam; ut liberius ipse, & absque impedimento eis adesset: nam valde moderata sollicitudine, & cura ex parte sua, ad alimenta pro suo Collegio quærenda adhibita, prospiciebat illi liberaliter de omnibus necessarijs: implens hac ratione verbum illud: *b nolite solliciti esse dicentes: quid manducabimus, aut quid bibemus, aut quo operiemur? scit enim Pater vester, quia his omnibus indigetis. quærite ergo primum regnum Dei, & iustitiam eius, & hæc omnia adiicientur vobis.* Cum enim P. Balchassar primo loco, summaque diligentia regnum Dei, eius Iustitiam, & Sanctitatem quæreret, non sibi soli, sed suis etiam omnibus, & Metinæ habitantibus ita Deus

b Matt. 6. 31.

rem totam dirigebat, vt mille vijs, Eleemosynarum, & legatorum, ipso nihil tale quærente, Collegio benè prospiceretur: ita vt exiguis tunc reditibus, nec contractis debitis, aleret sexaginta, aut septuaginta Religiosos, qui numerus multò maior est, quàm ante ipsum, & post ibi alerentur. Et in suis angustijs, quoniam diuinæ prouidentiae omnino confidebat: illa ei prospiciebat, & ex necessitatibus eripiebat: ita vt nesciens vnde, & quomodo, se ab eis expeditum intelligeret.

CAPVT XVIII.

LABORES ET PERICVLA, QVIBUS in gratiam animarum se exposuit; & quaedam insignes occasiones, in quibus magnam suam charitatem ostendit.



ON generatur nec alitur spirituales filijs solis orationibus & exhortationibus, aut literis etiam valde spiritualibus datis; nisi etiam accedat defatigatio, labores, & pericula, quæ sustinenda & adeunda sunt, ad eos

conuertendos, lucrandos, & conseruandos, ac in omni virtute promouendos. Ideo enim de mystica illa muliere in Apocalypsi (quæ Ecclesiam & eius ministros referebat) di-

a. Apoc. 12. 2. citur : 2 quod in vtero habens clamabat parturiens, & cruciabatur, vt pariat; & Apostolus

stolus ait : *b quotidie morior per vestram glo-* b 1. Cor. 15.
riam ; vocat autem mortem quotidianam con- 31.
 tinuos labores, & pericula, quibus eorum gratiā
 se exponebat, quæ eisdem Corinthijs ipse refert,
 dicens se passum *c pericula in mari, in fluminibus,* c 2. Cor. 11.
in itineribus, à latronibus, à falsis fratribus, & alijs 23.
 innumeris laboribus & ærumnis, *famē, sitē, nudi-*
tatē, infirmitatē, & variarum persecutionum;
 & hac ratione & suis orationibus, & exhortatio-
 nibus magnum hominum numerum conuertit ad
 fidem. Et Euangelicæ doctrinæ perfectionem. i-
 dem autem euenit Apostolico huic viro, cuius vi-
 ta fuit continua quædam occupatio, & sollicitu-
 do in messe animarum, quam collegit non solum
 orando, & de Deo sermonem instituendo; sed ex-
 ponendo se etiam earum causa laboribus ac peri-
 culis multis, calcans ubi opus erat commodita-
 tem & quietem suam; honorem, salutem, ac vitā,
 vt in earum necessitatibus illis adesset; consolaretur
 desolatas; tueretur, cum virtutis causa aliquid
 patiebatur; patiens & ipse ingentes contradic-
 tiones; & audiēs cōtra se frequētes murmurationes,
 vt quasdam personas defenderet, quas alij illusas
 esse suspicabantur: imò idem de ipso cum honoris
 eius detrimento sæpè dicebatur. Quodrum tamen
 nihil ipsum terrebat; aut à suis cœptis, & officij
 obligationibus reuocabat; sed multò ampliùs ex-
 citabatur ob indicia, & præclara pignora, quæ ha-
 bebat, quod ipsius labores Deo placerent:
 siquidem Dæmon eos impedire
 conabatur.

§. I.

BONVM huius rei indicium fuit, quòd Abulæ plurimæ pateretur, in defendenda sancta illa matre Thereffa de Iesu: quemadmodum ipsamet fatetur in verbis cap. II. allatis. Nota etiam illa, quæ ipsi inurebatur, quasi & ipse esset illusus, reuixit postea, cum non exigua tribulatione, ut suo loco ostendemus. Metinæ quoque coeperunt inundationes occupationum, profectiõnũ, coëptorumquæ valde difficilium; labor item valde continuatus cum Tyronibus: qui tantus erat, ut in Elencho, quem de beneficijs diuinis fecit, referat: quòd non fuerit defatigatus penso illo, quod in Probatione sustinuit; cum tamen illud sit adeò graue, ut meo quidem iudicio vix in Religione tria sint onera hoc grauiora, prout in Societate portatur. Et quamuis ibidem grauibz morbis, & imbecillitatibus esset affectus: nunquam tamen de suo penso remisit, quamdiu morbus non omninò ineptum ad illud portandum, & in eo pergendum reddebat. Et quoniam, quod superest huius historiæ insertos habebit graues ipsius labores ad difficultates; quas utilitatis animarum causa, & implendi, quæ ipsius officia requirebant, est perpeffus, nunc tanquam præambulum quoddam aliqua tantum insigniora referam, in quibus magnam suam in proximos charitatem ostendit; & ingentem animum, quo eos iuuandi causa proprias commoditates negligebat.

APERTA huius rei indicia dedit, cum Salmaticæ laboras febris tertiana, & bis emissio sanguine.

Voca-

Vocatus à quadam Moniali Carmelitana Discalceata, iam iam moritura, valdeque desolata, quod eum ante mortem suam videre non posset, cum esset eius Confessarius, ex cuius directione magna à Deo beneficia acceperat; ac proinde sperabat per eundem, se in tali afflictione illa conseruaturam. Sanctus autem Pater, etiam aduertens periculum, cui se exponebat, è lecto surrexit, ut ad eam consolandam accederet: cui cum frater, qui eius curam gerebat, diceret: grauiter hoc ipsi nociturum: respondit, multa meritò fieri debere, consolandæ vnius animæ causa. Cumque ad Monialem peruenisset, dum eius Confessionem excipiebat, præ debilitate, ex recentis sanguinis emissionem, incidit in deliquium: & Infirmarius, qui illum comitabatur, ingressus est, ut ei subueniret: ad se autem rediens, perrexit Confessionem audiendo, adeoque in Domino consolatam reliquit Monialem, ut paulò post, in magna pace & tranquillitate obiret. redenti Patri Balthassari domum cum magno labore, & iacenti in lecto febris est duplicata, cui cum Infirmarius diceret: annon ego Reuerentiæ vestræ dicebam nociturum ex domo exitum: respondit Pater cum magna tranquillitate: id totum est modicum, & parui faciendum: propter vnius animæ consolationem: idque meritò dixit: nam, & si febris fuit duplicata: etiam charitas exercitio duplicatorum actuum amoris D. N. I. & proximi; & agendo, ac patiando (contempsit enim corporalem suam salutem, ut spiritali, proximi afflicti subueniret) fuit bene duplicata.

NEC decet tamen silentio præterire, quod Mater Anna de Iesu, illius Conuentûs Prioriffa (filia valde dilecta S. Matris Theresſæ de Iesu) retulit, quæ cum alijs Monialibus ingreſſa fuit ægrotantis cellam, cùm Pater in deliquium cecidiſſet. Nam prudenter, & non ſine magno fundamento iudicarunt: id, quod deliquium videbatur, fuiſſe in rei veritate Raptum ſpiritus, in Deum eleuati: non ſolùm propterea quòd in facie videretur, quaſi quidam Seraphinus, qui vel ipſo aſpectu mirificè illas recreabat; ſed multò magis ex eo, quòd Pater ad ſe rediens dixit: ſingularem gloriam ægrotanti illi Moniali eſſe præparatam; & intra paucos dies illa fruituram. Nam in octo menſibus, quibus ægrotans in lecto iacuerat, plus profecerat, quàm aliq̃ etià valde bonæ Religioſæ integra valetudine in multis annis profeciſſent. Eſt-que valde credibile, hunc fuiſſe Raptum, quales illi fuerunt, quos Cap. 15. retulimus: quia voluit Deus remunerare obſequium hoc ſerui ſui, quod infirmus præſtitit: dans ſcilicet eius Spiritui ſua- uem hunc fauorem, etiamſi corpus aliquid pateretur.

QVAMVIS magnæ ſit charitatis ob vnus animæ conſolationem exponere ſe periculo augendi morbum corporis: exiſtimo tamen maioris eſſe, ſi quis offerat ſe ad tormenta Dæmonis ſuſtinenda, vt alium ea patientem ab eis liberet: hoc autem fecit Pater Balthaſſar Metinæ cum quodam Tyro-ne, qui ei dixit: ſibi quidem benè eſſe in Religione; ſed vnum aliquid eſſe, quod illam ſibi aſperam & grauem redderet, quod tamen ex quadam animi timiditate non auderet ei aperire. Pater Bal-

Balthassar veritus aliquod graue incommodum, si quid simile occultaret; iussit rem aperire. Nouitius, vt Iussioni eius pareret, dixit : nihil mihi graue est, nisi quod Reuerentia vestra singulis noctibus, postquam incumbo, totaque domus quiescit, accedat meum cubiculum, meque adeò verberet, sicut hactenus fecit. Pater Balthassar hoc audiens coniecit, quod erat : Dæmonem scilicet accipere ipsius figuram, vt crudelitatem illam exercens, expelleret ex Religione eum, qui adeò libenter aliàs in ea maneret. Consolatus ergo illum, certum reddidit, se non esse ; qui id faceret. quare monuit, vt cum verberans ille rediret, & pulsaret pro more ad portam : diceret illi : si habes facultatem, ingredi ; si autem non, discede ad cubiculum Patris Rectoris . Nouitius sic instructus, discessit ad suum cubiculum: Noctu igitur hora consueta, accessit Dæmon, vt pro more suo ipsum verberaret, & pulsanti ad portam Nouitius mutato verborum ordine, quem Pater illi præscripserat, dixit : Ingredere, si habes facultatem. Dæmon, vtpote astutissimus, audito primo verbo, scilicet, Ingredere; antequam secundum audiret, scilicet, si habes facultatem, ingressus in momento, nouitium pro more verberauit : ex quo plus quam nunquam aliàs fuit tristis & desolatus. Sequenti igitur die accessit P. Rectorem, & cum magna animi anxietate retulit, quod gestum erat, significans quàm eius remedium fuisset inutile. Sed cū Pater intellexisset, ipsum non seruasse præscriptum à se verborum ordinem, illum animauit, iterum mouens, vt si nocte sequenti ille rediret, ipse præscriptum ordinem verborum seruaret,

inci-

incipiendo scilicet, ab illo verbo: si habes facultatem, ingredi; sin minus, vade ad cubiculum P. Rectoris. Venienti igitur pro more Dæmoni nouitius benè instructus pulsanti respondit, seruato ordine verborum: Dæmon autem non est ingressus; sed iuit ad cubiculum P. Rectoris, & totam suam iram in illum effudit, verberans eum crudelissimè: quo factò, & magno excitato strepitu abiuit, nec amplius vnquam redijt. O charitatem dignam vero spiritualium filiorum Patre, crucis Christi amico, eiusque verberum, ac dolorum imitatore: qui etsi à crudelibus carnificibus illati fuerunt, potiùs tamen ab Infernalibus furijs illos exstimulantibus proueniebant, iuxta verbum illud ipsius Christi: *hæc est hora vestra, & potestas tenebrarum*. quibus voluit se ipsum tradere, vt nos à furore eius, & rabie liberaret. Ita Sanctus hic vir ex amore erga sibi à Deo cõmissos, voluit eorù pœnas in se sustinere, vt eos ab eis liberaret. Nam timuit Carnificis illius furorẽ, & verberum eius crudelitatem; potiùs lubens ea sustinuit, ne vltèrius innocẽs eius subdit⁹ ea toleraret. Et quãuis potuisset sacris alijs medijs vti, aut iubere, tantũ illi responderi: *nẽ ingrediaris, nisi habeas facultatẽ*: noluit tamen id facere, sed cum hoste congredi, sicut nouitius congrediebatur; & re ipsa experiri, quòd ille tolerabat: vt sic coronam obtineret, quæ tali congressu & patienti a comparatur.

§. I I.

ALIVS ei casus Villa-Garciæ euenit, in quo suam ostendit charitatẽ, filum abscindens consilij ac decreti sui, cũ magna sua incommoditate, vt proximo cõmodaret. Habiturus erat quo-

quodam die Dominico mane concionem in nostro templo: (in huiusmodi enim Oppidis non recusabat hoc munus exercere) & ecce peruepit eò Prior S. Isidori Legionensis, nomine Castellanus, qui Salmanticā proficiscebatur; & cupiebat cū P. Balthassare de aliquibus rebus ad animam suā pertinentibus agere: diligebat enim ac venerabatur eum, à quo magnum fructum in exercitijs acceperat: sed adeò festinabat, ut non posset diutius ibi morari, quàm ab hora septima, qua peruenit, usque ad decimam: hærebat Pater dubius, quid faceret; necdum enim ad concionem habendam se præparauerat, cuius argumentum ex Euangelio illius Dominicæ futurum erat de Charitate. Sic igitur necessitati ipsum quærentis, & ut audiretur petentis consulere volebat; defuisset illi tempus ad præparationem necessarium; si autem eum non exaudiebat, dimisisset tristem, ac desolatum; eò quòd tanti sui voti compos non fieret. Quare, re Domino Deo commendata, constituit apud se optimum studium, & ad concionem de charitate habendam præparationem esse, eam primùm exercere cum proximo, ipsius consilio, & consolatione indigente: Dei enim interesse, ipsi in tempore suggerere, quæ publicè esset dicturus, & ita euenit. toto enim tempore matutino mansit cum illo Priore, usque ad semihoram ante concionem: quod tempus ipse consumpsit in oratione: post quam habuit suam concionem, de charitate erga proximos. de qua altiùs est locutus, quàm si multis diebus, ad eam se præparasset. certum est enim, (ut ait Ecclesiasticus) *a quia a Eccl. 2. nullus sperans in Domino, & confusus est: & quod-*
cius

eius amore, ac proximorum amittitur, in tempore redit duplicatum.

DENIQUE Pater Balthassar, tanquam fidelis Euangelij Operarius, valde cordi suo infixum habebat illud Apostoli consilium, *b debemus nos firmiores, imbecillitates infirmorum sustinere, & non nobis placere; unusquisque vestrum proximo suo placeat in bonum, ad ædificationem.* Etenim Christus non sibi placuit; sed sicut scriptum est; *c impropria impropertantium tibi ceciderunt super me,* quasi diceret: bonus Christi Minister non suam commoditatem, aut quod sibi tantum arridet: sed, quod proximis expedit, querere debet; ac infirmis acquiescere in eorum imperfectionibus, & molestijs, etiam cum ipsi sunt graues: acquiescendum tamen illis est in bono, non ob aliquem humanum respectum, sed ob ædificationem animarum, earumque profectum: sequentes exemplum Saluatoris, qui non elegit, quod naturalis voluntas appetebat; sed molestias, & cruciatus protulit; subiens poenas, quas nostra peccata merebantur. In eum finem inferebat se sanctus hic Vir multis laboribus ad proximorum consolationem pertinentibus, etiam si propterea delicijs, & fauoribus spiritualibus esset renunciandum, quibus gaudebat in sua recollectione, dicens cum Apostolo: *d per omnia omnibus placeo, non querens, quod mihi utile est, sed quod multis: ut salui fiant.* quemadmodum etiam S. Bernardus Monachis suis dicebat: Rara satis mihi ad feriandum à superuenientibus conceditur hora, verum ego non hac uti volo querela, nec utar potestate, quam habeo ad me subtrahendum; magis autem ipsi me utantur, ut li-

vt libet: tantum, vt salui fiant geram eis morem; & in ipsis seruiam Deo meo, quamdiu fuero, in charitate non ficta. Non quæram, quæ mea sunt, nec quod mihi est vtile; sed quod multis, id mihi vtile iudicabo. Quamuis autem P. Balthassar consilium hoc vniuersim erga proximos seruaret, prudenter & moderatè, vt supra dictum est, ad id attendendo: multò tamen exactiùs illud sequebatur erga nouitios, & reliquos domesticos sibi commissos; maiori multò cura eis attendens, vt postea dicemus.

SE D vt appareat, quantum Domino nostro placeat, quod ipsius Operarij hisce laboribus se exponant, vt suis proximis consulant, etiam desistendo, à proprijs negotijs & consilijs, referam hic lepidum quendam casum, qui P. Balthassari euenit excusanti se à quodam huiusmodi opere præstando: non quòd laborem refugeret, sed vt alteri attenderet, quod ipse maioris momenti iudicabat: quem tamen Dominus impulit, vt prius alterum faceret. Peruenit quodam die Vallis-Oletum in transitu; cùm proficisceretur Burgos, negotij cuiusdam magni momenti causa, quod nullas moras patiebatur, cuius faciemus mentionem cap. 27. Erat tunc Vallis-Oleti in domo D. Mariæ Aueniæ Comitissæ Buendii ancilla quædam Dei, nomine Stephania, ex familia quidem rustica, & simplici; sed coelestibus donis; magnisque Dei favoribus plena, quæ Deus illi in oratione largiebatur; quæ aliquoties cum Patre Balthassare per eundem locum transeunte egerat, vt quoniam apud beatam Matrem Theressam de Iesu multum ipse valebat, ageret cum ea, vt in eius Religionem,

nem, absque dote admitteretur, (quod initio cum aliquibus fiebat) Pater ei respondit, se id acturum, si illa admitti vellet, ut in domesticis rebus monialibus ministraret, cum hoc excellentioris esset humilitatis. Et illa quidem acquieuerat: Paterque Balthassar receperat, se id impetraturum: sed multis officij sui occupationibus prohibitus fuit per multos dies id efficere. Cum igitur nunc per Vallis-Olerum transiret, & serua illa Dei hoc intelligeret, curauit ei per suum Confessarium significari, ut esset memor; & cogitaret; quod ipsius negotium diu protraheretur: cui Pater respondit, se ob festinationem, & quod iam in procinctu esset, non posse tunc de negotio illo agere, sed in reditu, qui breui erat futurus, se omnino acturum. Verum illa timens longiores moras, ob aliqua noua negotia, quae facile poterant Patri occurrere, dixit in magna sinceritate Confessario suo: si quidem Pater Balthassar exaudire me non vult, efficiam ego apud Deum, ut me exaudiat: & statim accessit ad orationem coram sanctissimo Sacramento; adeoque feruenter id à Deo petijt: ut cum iam in promptu essent iumenta, & Pater conscendere vellet, ut discederet: repente incideret in febrem adeò grauem, ut coactus fuerit ponere se in lectum: & cum intelligeret, vnde illi febris illa euenisset, misit ad ipsam Stephaniam, rogans, ut impetraret à Deo liberationem à febre; & statim se velle exire, ut quod ipsa tantoperè desiderabat, expediret, & obtineret. Illa id à Deo petijt, & obtinuit: & ipso vesperi Pater negotium iuxta votum Stephaniae perfecit, & se-

& sequenti di mane sanus prosecutus est iter suum.

EX hoc licet intelligere suauem Dei nostri prouidentiam in componendis suis electis, cum aliqua inter eos dissensio esse videtur, ob diuersos, licet alias bonos, eorum fines: siquidem ex vna parte ancillam hanc suam consolatus est, exaudiens adedò ad nutum eius orationem, vt diximus, ex altera verò parte non fuit illa mora impedimento, quò minus Pater Balthassar iter suum prosequeretur ita oportunè, vt foelicem exitum obtineret, vt inferiùs suo loco referemus.

C A P V T XIX.

*PROBATIONIS ORDINEM,
cum magna perfectione Metina consti-
tuit. eiusdem talenta ad Nouitios
instruendos, eorumque
sub ipso fer-
uer.*



D- IN quo Pater BALTHAS-
SAR maximè emineuit, dum
esset Metinæ, & propter
quod notissimus erat, ma-
gnique fiebat in Societate, il-
lud fuit, quod primus Pro-
bationis, & Tyrocinij ratione
& ordinem in hac Castellæ prouincia còstituerit,
O 2 post-

postquam à Toletana fuit separata, ac designata in eum finem domo nostra Metinensi, ipsique Patri commissis duobus Officijs Rectoris scilicet, ac Tyronum Magistri: quò facilius posset, maioriq̃ue cum perfectione Nouitiatum ipsum constitutare, quod fecit iuxta omnium vota ac desideria: eò quòd Deus noster rarum & insigne talentum ad id muneris ei communicasset. Et quoniam diuina eius Maiestas talem Magistrum præparauerat, voluit etiam multos discipulos illi tradere, huius disciplinæ valde capaces; quare magnum habuit numerum valde Electorum Nouitiorum; quosdam iuuenes nobiles; & raris ingenijs præditos; alios iam maturiores, & præclarorum ingeniorum; aliquos etiam selectæ Eruditionis, magnæque opinionis in sæculo: qui tamen omnes coram ipso erant quasi infantes cum magna animi demissione ipsum venerantes, & in eo spiritualis Magisterij celsitudinem agnoscentes. Nam, vt ipse Pater in Relatione sua superius posita fatetur, Deus ipsi intelligentiam dedit, vt cognosceret internam spiritûs facultatem, sibi & alijs: qua cognitione spiritum penetrabat, & virtutem, gradusque perfectionis eorum, quibuscum agebat: capacitatem item cuiusque ad proficiendum in statu, ad quem peruenerat; & quid illi deesset; & viam, qua Deus illum deducere volebat. Ex quo efficiebatur, vt vel ex vnicò verbo comprehenderet, quidquid Tyrones dicere voluissent: vt videretur videre eorum corda; & quidquid in eis ageretur, quasi legere.

MODVS autem & ratio generalis Nouitios ad per-

perfectionem exstimulandi, hæc erat. Primum dabat operam, ut valde illi ad sanctum Orationis exercitium, & cum Deo familiaritatem valde afficeretur, ut qui experientia ipsa optimè nosset, illam esse omnium bonorum spiritualium fontem. Quando primum ad Tyrocinium veniebant, exactissimè Constitutionem seruabat; ut per integrum mensem absque interruptione in cubiculo vno manerent, facientes exercitia spiritualia; instruebatque illos in omnibus, quæ ad internam cum Deo Domino nostro coniunctionem, & familiaritatem spectabant: quos verò prouectæ iam ætatis videbat, & incipientes gustare cœlestem hanc disciplinam, permittebat ad sexaginta, & ampliùs, dies ita collectos permanere, quò solidius cum Deo constringerentur; & sæculi mores, ac odores omninò exuerent, assuescerentque solitudini, & Orationis recollectioni; ac discerent etiam seorsim viuere, & cum bonis proprijs cogitationibus versari; abijcientes memorias, & imagines sæculares. Valde ipsi placebat, quòd Nouitij magna haberent orationis habendæ desideria; & quando ad aliquid extra ordinariam facultatem ab ipso peterent, id esset ad protrahendam diutius orationem, ut cor feruorem magnum conciperet, & Dei omniumque virtutum amore inflammaretur. Quamuis enim præcipuus orationis fructus non sint bona desideria; nihilominus ea ipse magni faciebat, quasi bonorum operum principia. Eos autem, qui talia gerebant desideria, animabat, indicato quodam interno sensu, quam à Deo acceperat, qui erat huiusmodi, si desiderium, « quod in nobis sentimus, est à Deo: qui illud plan- «

O 3

tauit,

tauit, viam etiam aperiet, vt germinet, & foelicem dabit exitum; semen eius est, ipse augmentum dabit: quia eius opera sunt perfecta. Quare si aduertis, eum conferre iam & collocare lapides in ædificio, gaudeas; quia ipse reuerà perficiet. Quare non suadebat Tyronibus orationem, tanquam finem, in quo sisterent; sed tanquam præcipuum medium reformationis morum, & passionum mortificationis. Et hæc mortificatio secunda res erat, quam studebat illis persuadere; & in qua illos exercebat, præcipuè in materia contemptûs, vt benè in humilitate fundarentur. Eratque tantus nouitiorum feruor, vt contentione quadam occasiones quærerent manifestas, & occultas vt contemnerentur, & parui fierent, præ se ferentes interdum exiguum ingenium, discretionem, eruditionem; aut certè dissimulantes, & occultantes, quod habebant; manifestantes autem, quod illos poterat humiliare; regentes quod honorem adferret. Statim atque defectum aliquem adittebant, publicè illum in Refectorio, aut Recreatione, ad quam omnes post prandium & cœnam conueniunt, aperiebant. Petebant, reprehendi ab alijs publicè, & occultè; dicique sibi defectus in se ab alijs notatos; petebant facultatem, vt exirent ex domo ad aquam ex fonte, carnes ex macello domum portandas; & similes alias mortificationes, quibus sancti, vt maiori afficerentur pudore, utebantur; vestes quærebant viliores, & laceras; in cibo, quod deterius erat: ad domesticos labores quisque studebat esse primus, nihil reiicientes quod ipsis offerretur; nec de graui onere con-

reconquerentes; sensus omnes ita frānatos gerebant, ut opus esset, iubere, ut oculos eleuarent, & ad aliquid attenderent; rigor, & seueritas in poenitentijs, & asperitatibus tanta erat, ut necesse esset, eos coercere, ne læderent sanitatem. Denique nouitiatus ille videbatur mundus omnino inuersus, in quo amabatur, & quærebatur, quidquid mundus contemnit; contemnebatur verò, ac reijciebantur, honor, deliciæ, & reliqua, quæ ille magni facit, & quærit diligenter: interim eos monebat, declinare vias singulares: verum enim feruorem non consistere in adinventionibus nouis quærendis, sed in vijs antiquis absque imperfectionibus tenendis.

AD quæ omnia multum conferebant spirituales exhortationes, quas tertio quoque die Pater ad illos habebat, & conferentiæ, quæ in die intermedio habebantur de ijs, quæ in Exhortationibus essent proposita; aut de alijs punctis, ad profectum in virtutibus pertinentibus. Tanto autem spiritu, & vi ad Tyrones loquebatur, ut pro libitu suo eorum corda commutaret; & ad id impelleret, quod expedire iudicabat, iuxta præsentem occasionem. Ex aliquibus enim recedebant timidi & quasi demisso capite incedentes, ac tristes, nec sibi mutuo loquentes; ex alijs exhibant fidentes, læti valdeque excitati: semper tamen ita dispositi, ut statuerent facere, quæ ipsis dicebantur: ad eò ipse omnes difficultates, quæ occurrere possent complanabat; & rationum suarum vi eos impellebat, ut alacriter irrumperent, easque calcarent.

In eisdem etiam exhortationibus serio attendebat, ut illi discerent quæ necessaria essent, ad cognoscendas sui Status, & Instituti obligationes; & iuxta illud interiora, & exteriora sua reformarent, de quibus in proprio capite paulò inferius agetur. Nec minorem vim, & fructum verba eius habebant, dum priuatim cum Nouitijs ageret, cum singulis semel in hebdomada agendo, die, & hora illis præscripta, qua accederent, ut conscientiae rationem ab eis acciperet; ac vniuersalem exhortationum doctrinam iuxta cuiusque necessitatem accommodaret: & in his priuatis exhortationibus dicebat, præcipuum Magistri Nouitiõrum munus consistere: consolando scilicet afflictos, excitando, & exstimulando eos, qui animo deficerent; egentibus ac tentatis remedium adhibendo: omnes denique ad suum profectum animando. Et in his omnibus singularem habebat in agendo gratiam. Et quando ipsi Tyrones ad suas tentationes aperiendas ipsum accedebant: aliquando, antequàm ipse aliquod verbum responderet, tentationes euanescebant, ita Deo disponente, ut maiorem de suo Magistro opinionem haberent, ut hac ratione remuneraret (quod Cassianus de Monachis in deserto existentibus refert) fidelitatem, & claritatem, qua suis maioribus sese aperirent. Aliàs vel vniço verbo prolato, eos sanitati restituebat: dum enim ipsi loquerentur, ipse vacabat orationi, aspiciens Crucifixû, quem ante se habebat: & ipse Dominus lumen ei dabat, ut videret quid esset respondendum: suoque responso admirandas in eis faciebat mutationes. Accidit illi casus cum quodâ Nouitio, qui in sæculo multis negotijs fuerat impli-

Collat. 2. c.

11. ●

implicatus, & commoda oblata sibi matrimonia reliquerat. Hic, cum semel valde afficeretur molesta quadam carnis tentatione, recurrit, ad suum Magistrum ut illam ei aperiret; dixitque se cupere ad sæculum redire, in quo absque pugna adeo importuna, uxorem ducens posset etiam Deo servire. Audiuit Pater vultu valde composito ac sereno: & caput vertens submissa voce ei dixit: Religiosus & Vxoratus, bonum ne tibi videretur apage. Nouitius ex eius conspectu discessit; & tota tentatio ita evanuit, ut nunquam rediret.

EODEM spectat, quod referam euenisse mihi, cum primum loquerer cum eodem Patre in tertia Probatione: nam aperiens illi imperfectiones meas quæ multæ erant, in magno silentio me audiuit, oculis pro more in Crucifixu defixis. Cumque omnia retulissem, quæ habebam: hæc tantum verba respondit: id est habere virtutem infantile, & adhuc non adultam; necesse est eam nutrire, & roborare. & statim conticuit. Et ego recessi hinc confusus & humiliatus, videns aperte, verum esse quod mihi dicebat; inde verò cum firmo animi decreto exuendi infantiam illam in virtute, & mortificandi, quod me à profectu retardabat: admirans etiam, quod tam aptè cor meum penetrasset, & quàm paucis verbis remedium applicuisset: quia iudicauit, me humiliationibus potius indigere, quàm prolixis rationibus.

ETIAM est mihi certum, Deum D.N. interdum ei reuelasse (ut superius in alijs occasionibus vidimus) cordium Nouitiorum eius secreta; & hoc lumine utebatur ad respondendum eis; aut non respondendum ad eos mortificandos et-

ipſo loqui, vt eius patientiam, & humilitatē exerceret: redijt igitur vesp̄ri, & iterum fecit eum per duas horas exſpectare: & tandē cū eius deſideria audiſſet, dixit ei: ne ſis ſolicitus: ſi enim Dei voluntas fuerit, vt te in Iaponiā conferas, ex Vrbe veniet à P. noſtro Generali ordinatio, vt id facias: & ita re ipſa euenit, ſicut P. Balthaſſar dixerat: nā poſt aliquot annos ad eam miſſionem eſt miſſus: & tūc recordatus eſt boni ſui Magiſtri Prophetiæ.

ALIQUANDO etiā, cū Nouitij ſua ſtētationes ac deſolationes ipſi aperirēt, nihil tūc ad eas verbo reſpōdebat; ſed iubebat; rem Deo commēdari, & ſe idem facturū recipiebat. In prima deinde exhortatione, etiamſi in genere pro omnibus loqueretur, ita tūc cuiuſq; cor loquebatur, vt omnes reciperēt ſanitatē; & remedia neceſſitatū, quas ipſi cōmunicauerāt: Quando autē in eas anguſtias res redigebatur, vt neq; verba huiuſmodi proficerent, ſolebat Orationum ſuarū efficacitate remedium adferre, vt ex exemplis capite 16. poſitis conſtat.

DE NIQVE multò amplius illos excitabat exemplo Sanctę ſuę vitæ: erat enim primus in omnibus rebus ad perfectionem ſpectantibus: nihil. n. dicebat in ſuis maximè exhortationibus, q̄ non in ipſo viderēt ad viuū practicari: quare totus Nouitiatus adeò erat rectè ordinatus, ac feruens, vt in tota Prouincia magnam haberet famam & opinionē: & multi Patres graues Metinam veniebant, vt ſe ibi colligerent, & in ſpiritu liuarentur: non ſolum directione & exhortationibus inſignis adeò Magiſtri; ſed etiam, vt feruenti Tyrōnum illorum exemplo gauderent. Et magnus ille Concionator Pater Baptiſta Santius, cuius ſuprà meminimus,
in Col-

in Collegio Salmaticensi manens, & memor eorum, quæ in hoc Tyrocinio fiebant, dicere solebat : o si quis haberet vocem quasi tubæ alicuius, quæ in totâ Societate audiretur ; ac diceret, Metina, Metina, Metina. quod erat dicere, vtinam omnes videre possent, frui, & in suum vsum conuertere, quæ Metinæ geruntur. Cuius feruoris fama, cùm Romam peruenisset P. noster Generalis (qui tunc erat Sanctus ille Franciscus Borgius) cupiebat (vt postea videbimus) illum Romæ habere Magistrum Nouitiorum : Quod cùm non succederet, dedit operam vt P. Balthassar vtriusque Tyrocinij, quod postea hæc Prouincia habuit Metinæ, & Villa-Gartia, curam susciperet, ita vt sex menses in vno loco, & sex in alio maneret, vt suis exhortationibus feruorem in omnibus Tyronibus magis promoueret; quamuis ob temporum & rerum aliarum mutationem neque hoc potuit habere locum.

SED ne exaggerationi tribuatur, quod de Tyronum feruore diximus, illud ijs confirmabo, quæ ego ipse sum expertus, cùm fui Societatem ingressus paucis mēsis, post discessum P. Balthassar ex Tyrocinio Metinensi, vt esset Salmanticæ Rector. Nam, viso feruore illius Nouitiatus, qui adhuc erat in ea perfectione, in qua vir sanctus eo anno illum reliquerat, conquieuit horrenda quædām interior tempestas, quam sum passus, postquam decreui ingredi Societatem toto tempore sex mensium, quo distuli desiderij mei executionem. impellebat enim me magna quædam propensio, & affectus, quem ad aliam Religionem habueram : quam antea semper, & nunc
etiam

etiam magni facio. Sed quoniam diuina vocatio rationibus, & efficacibus impulsibus me ad Societatem impellebat, tot cogitationum sibi aduersantium fluctibus oppugnabar, & affligebar; & cor meum ita torquebatur, vt cogerer ad campos exire, vt respirarem, & ibi clamarem, ne creperem: persuadens mihi, vtramuis duarum harum Religionum eligerem, fore mihi æqualem per totam vitam cruciatum: nam in vnâ ingressus, cruciassent me cogitationes quasi eam eligendo errassem; & melius fuisse, si aliam elegissem. Sed quoniam tempore orationis & quietis, & cum in Dei conspectu me collocabam, semper hæc cogitatio mihi occurrebat: eius voluntatis esse; vt Societatem ingrederer; tandem ingressus sum non sine magna difficultate ac repugnantia. Sed veniens ad hoc Metinense Tyrocinium, intra paucos dies videns quàm serio Tyrones illi mundum calcabant, seque ipsos contemnebant, & mortificabant; quantoque studio Christum D.N. sequebantur, consilia eius Euangelica tanto feruore amplectentes: adedò contentus, & quietus mansi Electione illa, quam feceram; vt per Dei misericordiam, neq; in ipso Nouiciatu, nec extra illum amplius motum vllum tristitię, aut poenitudinis senserim: imò nescio, quo spiritu talis mihi insedit imaginatio, quod si vel octo annos vitę haberem, & eodem modo viuerem sufficeret, vt magnus Sanctus euaderem. Et reuera ita est, quod si fraudum huius sæculi resectio, & spiritus feruor, quę Deus multis ex nostris Tyronibus communicat, in eis perduraret, & eodem passu pergeret, nec studia aliaque ministeria eos retardarent, aut retroce-

trocedere cogerent: euaderēt non vtrunq; Sancti
sed valde in sanctitate excellentes. Hæc dixi, v
tanquam testis oculatus confirmarem feruorem,
qui tunc in illo Nouitiatu vigebar.

CAPVT XX.

*ALIQVI VALDE INSIGNES
ac feruentes Metinæ Tyrones. Et recen-
sentur quadam notatu dignissima
fratrum Francisci Godoy, &
Antonij Padillij.*



Vo tempore P. Balthassar Re-
ctor & Magister Nouitiorum
erat Metinæ, erat etiā Salman-
ticæ P. Martinus Gucierrius Re-
ctor & concionator (cuius po-
stea faciemus mentionem) cui
etiam Deus D. N. altissimū de-
dit Orationis donum, cum magna vi & efficaci-
tate verborum: ita vt rationibus, quas adferebat,
conuinceret, ac ligaret intellectus audientium,
quod ego ipse adhuc sæcularis, & studiosus Theo-
logiæ Vallis Oleti animaduerti. Ingressus enim
die quodam domū nostram professam, vt concio-
nem audirē, nesciēs quis eam esset habiturus: fuit
autem prædictus Pater: & paulò post, quàm audire
inciperem, nesciens quis esset, aut quī vocaretur,
adeo obstupui spiritum illum, & efficacitatē, qua
loquebatur, vt intra me ipsum dixerim, & nescio
an etiam ore protulerim ductus interno sensu, quē
in corde

in corde habebam: hic concionator non est sicut cæteri, sed res quædam superior. Et quamuis multos alios insignes concionatores omnium Religionû, qui in ea ciuitate tunc florebat, audiuissem: oestamen mihi visi sunt, valde inferiores respectu eius, quæ audiebã. hanc etiã opinionẽ Salmanticæ habebãt cõmuniter viri graues: nam ad eius conciones plurimi Doctores, & Collegiales omniũ Collegiorũ, imò aliqui etiã in forma, & ordine Collegiali cõfluebãt. efficacitate autẽ suarũ rationũ multos studiosos, insignib. præditos dotib. impulit: ad renunciãdum mundo, & statum Religiosum amplectendum: quorũ nõ pauci Societate sunt ingressi. Sed cùm die quodã tristis esset, ac desolatus, quòd Collegiales maiorũ Collegiorũ ad id nõ permouerẽtur, audiuit vocẽ sibi dicẽtẽ, bonum esset animo; breui enim sex ingressuros: quod ita euenit. nã intra breue tẽpus sex fuerũt ingressi, ex maioribus Collegijs bini ex singulis; & præter hos alij etiam, in ipsa Vniuersitate valde eminentes, ingressi sunt. Qui omnes Metinam inierunt, vt P. Balthassar's doctrina, & spiritu fruerentur: per quem magna à Deo dona acceperunt. Inter quos valde excelluerunt Ioannes Orthunus, & Franciscus Cordubensis, & Pater Doctõr Franciscus Ribera, qui fuerat vnus sex Collegialium maiorum, quos diximus. Sed quoniam maximè Salmanticæ eorũ vita resplẽduit, cùm essent eiusdem Patris Balthassar's subditi, de eis agemus inferiùs in capite trigesimo: nunc autem de alijs duobus tantũ, æquẽ insignibus, atque illi fuerunt, dicamus.

§. I.

Frater Franciscus Godoius.

P RIMUM locum demus insigni Martyri Frā-
 cisco Peretio Godoio oriundo ex Tirrigijs,
 Oppido Archiepiscopatus Toletani. Hic,
 cū Salmanticæ studeret, recepit se ad nostrum
 Collegium Exercitiorum spiritualium causa: in
 quibus tetigit cor eius Deus, ut mundo renunci-
 ret; & Societatem ingrederetur: habebat tamen
 non paucas difficultates ne tantæ Vocationi con-
 sentiret; & inter alias hanc, quæ etsi in se reuera
 esset levis, magnam tamen ipse reputabat, abscin-
 denda scilicet esse mustaciā, quæ habebat valde
 longa; de quibus inaniter se iactabat, quasi signum
 elegantix, & roboris sui. Sed prævaluit inspira-
 tio Dei, quā impellente arripuit forfices, & illā
 proprijs manibus abscidit: sic enim videbatur sibi
 iam iuhabilis, & ineptus, ut posset in domum suā
 redire. Tantoque fervore admitti petijt in Soci-
 etatem, ut statim admissum miserint Metinā ad
 Tyrocinium, ubi eodem semper fervore progres-
 sus est, fouente, & calcar ad id addente ferventi
 suo Magistro.

CONTENDEBAT omnes suas actiones ma-
 xima, quā posset exactione, ac perfectione pera-
 gere: Et cū ibat ad culinam, ita sartagines, tri-
 podes, ollasque ferreas tergebat ac defricabat, ut
 mundissimas & splendentes relinqueret, et-
 iam magno adhibito labore. Et cuidam fratri
 dicenti, cur tantum laborem in rebus illis, ita ex-
 gergen-

tergēdisponeret, quæ mox essent iterum inficiendæ, respondit, se quotidie vesperi offerre sacratissimæ Virgini omnia opera, quæ illo die fecisset; pudere autem se, rem aliquam illi offerre malè terfam, & non satis mundam: ideoque opus non rectè peractum. Ex quo apparet, quantam etiam deuotionem erga Virginem sacratissimam gereret, quantumque fructum talis deuotio in ipso proferret. Nullam se mortificandi occasionem, in quibus poterat, prætermittebat. Et cum pro alijs res valde mūdās optaret, sibi tamen ipsi in Refectorio, & præcipuè si poenitentia aliquam faceret, sumendo scilicet sub mensa cibum, aut genibus flexis, aut itādo pro more Societatis, loco strophili, quod comunitè alij habēt, accipiebat ipse ex culina sordidissimū, quem poterat habere pannū, quo & manus, & ipsum os abstergebat, ut horrorem vinceret, quem sentiebat in ea re. Cum semel peregrinaretur cum fratre Ioāne Sā (qui postea fuit præstans Euangelicus Operarius: hic socius aduertit maxillam Francisci Peretij inflamatam, & sanguine conspersam; eò quòd crabrò quidā morderet, & sanguinem extraheret: & nisi socius eum abegisset, tulisset diutius Franciscus importunū crabronē: bonus enim frater modica illa tolerantia exercebat se, ut totum postea sanguinem, vitamque pro suo Creatore effunderet: quod postea effecit. Hunc eius feruorem inflammabant adhuc magis exhortationes P. Balthassaris: in quibus ille singulari quadam vi præclaras quasdam sentētiās proferebat, valde apud se perpenas ac benè ruminatas: quæ tanquam columnæ erant ædificij spiritualis animæ suæ; quas cum

tanto spiritu diceret, penetrabant, & infigebantur in cordibus Nouitiorum: ita vt per totam vitam, earum essent memores, & in occurrentibus necessitatibus ex vsu illis essent. Illarum sententiarum hæc erat vna: *nemo degeneret à præexcelsis cogitationibus filiorum DEI.* Quæ eos exstimulabat, ad perseverandum in sua vocatione; & re ipsa explenda generosa animi proposita, quæ Deus illis communicasset. Aded hæc sententia Francisco Godoio altè fuit impressa, vt vsum eius habuerit in maxima & gloriosissima pressura; quæ potuit ei in hac vita occurrere; nam existens adhuc in Tyrociano, ingenuè se obtulit, vt iret in Brasiliam cum alijs quadraginta hominibus Societatis, quos Pater Ignatius Azevedius, omnium eorum Prouincialis ac Superior secum deducebat.

ET vt varia Diuinæ prouidentię consilia in his vocationibus & ad huiusmodi coepta appareant, referam huius occasionem. Habebat P. Balthassar prope se ad latus tamen Franciscū Godoium, cui nescio quid dabat vt acciperet; ad quod accipiendum cum ille manum non tam citò extendere, quia quid esset, non videbat, donec rotam faciem verteret, vt videret: ex quo collegit Pater Balthassar defectum omnino in oculo illius lateris: (est autem verissimile fuisse oculum sinistrum, propter id, quod mox fuit secutum) interroganti autem Patri, an res ita haberet, fassus est, ita esse, & quod illum defectum, in examine quando ingressus est Societatem cœlasset, veritus ne
pro-

propter eum reijceretur. Valde hoc sensit bonus Pater, certò sibi persuadens, quòd Sup. riores essent illum, cùm adhuc Nouitius esset, dimissuri: eò quòd defectus esset magnus, & nominatim in futuris Sacerdotibus, in quibus sinister oculus (qui Canonis appellatur) esset necessarius. Et Pater quidem hoc significauit ipsi Francisco, sed simul addens, quòd si vellet in Societate remanere, illud esset aptum & vnicum medium, si se offerret ad profectiorem Brasiliensem cum illis quadraginta, ad eam destinatis; modò ipse tantum virium & animi in se sentiret: nam si ita esset, recipiebat in se, id à Patre Ignatio Azeuedio impetraturum. Cui Franciscus promptissimè respondit, se libentissimè ad gloriosum adeò coeptum profecturum. Pater igitur Balthassar retulit P. Azeuedio magnam fratris illius virtutem, licet naturalem illum defectum haberet; & addidit: (quamuis planè casu) illum esse valde peritum pulsandi citharam, quòd fortè posset ex usu esse ad moderandam syluestrium illorum Indorum feritatem. Placuit hæc informatio P. Azeuedio: atque ita secum illum accepit: Quare defectus ille naturalis conuersus est in spiritualem eius foelicitatem. Placuit enim D. nostro quòd in ipsa nauigatione omnes quadraginta inciderent in manus Gallorum Hæreticorum; qui impotenti, ac diabolica furia, omnes Martyrio affecerunt, varijs mortis generibus, in odium Catholicæ Romanæ fidei, ad quam gentibus illis prædicandam properabant, quemadmodum fusè refert Petrus Ribadinerius in vita Patris Francisci Borgij, Lib. 2. c. 10.

P a tertij

tertij Societatis Generalis, qui illos mittebat. Cùm igitur crudeles illi Carnifices, maſtandis illis inſiſterent, fernens Franciſcus Godoius ſocios ſuos animabat ſentẽtia illa, quam à ſuo Magiſtro audiuerat, dicens elatà voce: eia fratres: ne degeneremus à præcellis cõgitationibus filiorum Dei. quibus verbis tantum animi robur illis addebat, vt ſimul omnes ad mortẽ ſubeundam ſe viriliter offerrent, propugnantes tanquam fideles filij honorem ſui cæleſtis Patris; ſummũ ei, quem poterant, honorem tribuentes, cum quadraginta illis holocauſtis, quæ de ſe ipsis obtulerũt in odorem ſuauitatis: quorũ etiã fuit particeps P. ipſe Balthassar ob illam ignis diuini amoris ſcintillam, quam in vnum eõrum iniecit.

§. II.

Pater Antonius Padilius.

ALTER Nouitiũ, cum quo mihi ſingularis fuit conſuetudo & amicitia, fuit P. Antonius Padilius, filius D. Ioannis Padillij; (qui niſi morte fuiſſet præuentus, eſſe debuit Præſes Caſtilliz,) & D. Mariæ Acunniæ Comitiffæ Baendij quorũ vterque fuit ſanguinis illuſtriſſimi, noſtræque Societati addiſtiſſimi: præcipuè ipſa Comitiffa; quæ in omni virtute excelluit. Voluit Deus illorũ pietatem in hac vita remunerare dãs eis filium vnum, & duas filias: omnes aded ad omnem virtutẽ propenſos, & ab infinita eius miſericordia cum benedictionis dulcedinibus præuẽtos, vt vix ex eis eſſet, qui ſuccedere vellet in Ius

Pri-

Primogenituræ; sed omnes se reciperent ad Sacrum Religionis portum: & altera duarum filiarum, D. Aloyfia Padillia, quæ mansit in sæculo; ut esset matri Comes, edito voto perpetuæ castitatis, coacta fuit petere dispensationem in illo voto, ob iustas, quæ interuenerunt, causas; ut nubere posset, ad familiæ successionem continuandam. Quæ tamen semper in desiderio, & vita fuit religiosa: & cum, viro mortuo, vidua mansisset; rebus suis bene compositis facta est Monialis Carmelitana Discalceata: nec ita diu est, quod mortua sit, cum esset Priorissa Monasterij Lermensis. Et nisi historiæ præsentis terminos egrederer, maxima quæque dicere possem de parentibus, & filiis. Sed ut ad institutum nostrum veniamus, filius vnicus D. Antonius Padillius, qui proximè in Castellæ præfecturæ post mortem parentis successisset: eius mortis benè memor; & attendens, quàm parum sit vitæ adeò breui atque incertæ fidendum: si quidem nihil certi habere poterat, quòd sua prolixior esset futura, quàm sui genitoris fuisset: ex Dei inspiratione, ac impulsu statuit, sæculo abrenunciare, & fieri Religiosus. Inclinauit autè potius ad Societatem, conscius feruoris & spiritus, quem in illa vigere deprehendebat. Hoc eius animi decretum peruenit ad aures D. Petri Manrici, Patruus sui, Canonici Sanctæ Ecclesiæ Tolentanæ, qui ad ipsum litteras dedit, ponens ante oculos paternam domum, cuius erat hæres; certamque spem promotionis in sæculo; & alia huius generis: quorum filij huius sæculi magnam ducunt rationem, & qui suos cognatos amore carnis, & sanguinis prosequuntur. Addebatque in litteris; nisi Antonius vellet,

Dico coram Deo: & per ipsum Dominum, quem suscepi quòd null' mihi rationes dictauerit, quas ad V. Dominationem misi; sed meas illas esse: Idq; propria manu subscripsit, chartamq; illam alijs suis litteris inclusam, in quibus inclusæ chartæ mentionem, & rationem reddebat, ad Patrum misit. Is, acceptas litteras & chartam Canonico illi Velazquo ostendit, qui dixit: meritò esse tali scripto fidem adhibendam, ac propterea non esse D. Antonium à sua deliberatione impediendum. Patruus tamè, vt magis sibi satisfaceret, voluit illum venire Toletum, vt præsens cum illo ageret: D. Antonius Toletum veniens per dies aliquot in Patru domo mansit, vt eius vocatio magis examinaretur, & probaretur. Quam satis perspectam habens Patruus, aded approbavit, vt cum ipsemet D. Petrus Manriqueus sæpius habuisset à Deo inspirationes, vt Societatem ingrederetur; hæreretque valde dubius, nec se resolveret: videns Nepotis resolutionem, & constantiam, ipse quoq; resoluit se, vt non amplius Dei Vocationi resisteret; pudore affectus, quòd iuuenis, in quo tot erant qualitates, & circumstantiæ ad manendum in sæculo, plus haberet animi, & fortitudinis ad renūciandum illi, quàm ipse iam senex: & ita re ipsa præstitit, & ingressus est Societatem, quod factum computari potest, inter præclara P. Antonij facinora, qui extunc inciperet, exemplo suo, & rationum suarum efficacitate animas ad Deum conuertere. Approbante igitur Patruo, accessit D. Antonius ad Patrem Emmanuelem Lopezium Prouinciæ illius Præpositum Prouincialem, Toleti tunc in domo nostra manentem,

à quo petijt admitti in Societatem. Quod cùm ille differret, amplexus D. Antonius columnam prope domus portam, dixit: se inde non exiturum. Tunc Prouincialis dixit: si vis admitti, ad Castellanam Prouinciam te mittam: quia scilicet ita expediebat. Inierunt ergo consilium, vt moneretur P. Noster Generalis Franciscus Borgia (qui tunc erat in Aula Regis, cum Pij V. Pontificis Maximi Legato) qui litteras dedit ad Patrem Hieronymum Ribaldiũ domus nostræ Vallis-Oletanæ Præpositum, vt illum ibi reciperet: & sic D. Antonius venit Vallis-Oletum, ex præmissa renunciatione Iuris, quod ad suos Status, & temporalia bona habebat; & reliquis omnibus præstitis, quæ necessaria erant, vt admitteretur, flexis genibus coram omnibus suæ familiæ dixit Domino Nostro: gratias tibi Domine ago, quod liberior iam sum ad tibi seruiendum. Mater igitur, & Auia D. Aloisya Padillia adhuc superstes (& quæ totius ditionis erat Domina) eum duxerunt ad domum nostram professam, vbi cum magna solennitate, ædificatione, & consolatione omnium fuit receptus, Anno 1572. cùm esset annorum octodecim. Inde missus fuit Metinam ad Tyrocinium, vbi Pater Balthassar Aluarez hanc curam suscepit, vt strenuè illum solideque cælaret, tùm ob hominis qualitatem, & quòd post biennium editurus esset solennem Professionem; tùm, quod in eo inueniret solidam dispositionem, & capacitatem ad progressum in virtute, quem promittebat fernens ad eò eius vocatio. Mortificabat ergo illum ad viuum circa honorem, ac delicias: duo scilicet capita, quæ Equites

iuue-

iuvenes magni faciunt, & solent illis tenaciùs adherere: faciebat, vt comederet non solum cibos communitalis ordinarios, sed illos etiam, à quibus naturalem aliquam habebat auersionem. Et cum intelligebat eum cibo aliquo delectari, iubebat aliquando ministrum; vt, cum inciperet illum sumere, ex mensa auferret: curabat, vt irret interdum ad portam, ibique cum mendicis cibumsumeret; vestibus vteretur vilissimis & abiectissimis totius domus; & reliquas publicas mortificationes præstaret, sicut alij nouitij. Ad quæ omnia valde promptum se exhibebat Antonius Padilius, cupiens non cedere alijs; sed potiùs omnes præcedere, & excellere: & quò maior in sæculo fuerat, eò se magis in Religione abijciebat. Cumque ceteri Tyrones in more haberent, vt ad se mortificandos breuiori ac detrita veste induti, comitarentur diebus Sabbathi emptorem ad macellum, quasi famuli essent domestici, & posita Culinaria aliqua tela super humeros portarent carnes, & in manibus etiam exta. Quod idem Antonius præstabat, mundum conculcans, ac de inanibus eius pompis in huiusmodi probationibus & exercitationibus triumphans. Quem cum ego Vallis-Oleti vidissem adeò elegantem, & Equo insidentem, plurimis famulis stipatum, inter alios Equites, valde admirans laudaui Deum, cum audirem, ipsum cum ingenti animi sui voluptate ire per plateas Metinenses huiusmodi carnibus oneratum. Videtur Deus D. N. Spiritum humilitatis ad agendum cum domesticis ei infudisse. Nam cum P. Balthassar exaggerare soletet æqualitatem, quæ esset in Societate, inter homines aliàs adeò in-

quales in nobilitate, Eruditione, & alijs dotibus: Antonius ita se omnibus in agendo accommodabat quasi eorum esset minimus. Nec id fecit solū, cū esset Nouitius; sed eandem rationem tenuit cū studeret, cū esset concionator, cū Rector; ac denique per totam vitam.

ORNAVIT illū Deus magno & acuto ingenio: adeoq; in litteris excelluit, ut per multos annos sacram Theologiam cum magna opinione profiteretur in hoc S. Ambrosij Collegio, in quo hæc scribo. Fuit etiam insignis concionator, nec minus in hoc munere, quā Lectoris excellens: & semper nihilominus adeo humilis, & nullius dignitatis studiosus, ut non minus exēplo suo, quā verbis & sententijs concionaretur. Et audiui, quod cū die quadam coram Rege Philippo secundo in Capella eius Regia concionem habuisset: dixerit Rex aliquibus magnatibus: sufficiens concio est, quod hunc Patrem videamus in suggestu. Et cū ego Rector essem Collegij, vehementer ædificabar, & admirabar eius humilitatem, & subiectionem, quam in omnibus præ se ferebat.

COMMUNICATUS illi est P. Balthassaris spiritus, & magnum Orationis & Recollectionis desiderium; ideoque interdum spiritualia exercitia faciebat, cuius causa singulis ferè annis conferebat se ad Collegium Villa-Gartiense, in quo est Societatis Tyrocinium, ibique per octo, & quindecim diēs manens, intererat exhortationibus, alijsque deuotionis Exercitijs, atque si Tyro aliquis esset. Id autem faciebat sæpè in festis Natalitijs, Septimana sancta, & in Paschate Resurrectionis: quibus diebus à lectionibus vacatur; & ut

mini-

minimum in generalibus studiorum remissionibus; aut post longam aliquam peregrinationem, ut hac recollectione fervorem Spiritus repararet, qui solet studijs, & varijs negotijs relaxari. Fuit etiam huius Collegij S. Ambrosij, & Salmaticensis Rector: quod officium cum tanta integritate, & Religiosæ Observantiæ Zelo præstitit, ut severitatis notaretur; ac diceretur à multis, quod subditos nimium premeret. Et quoniam subditorum filiorum Adam mos est, cum Reges, aut Principes; cum Iudices, aut Prælati, & Gubernatores eos premunt; id passioni, nimis severitati, aut non rectè gubernantium intentioni tribuere, non verò Zelo boni eorum, qui ipsorum curæ sunt commissi: voluit P. Antonius in ultima sua ægritudine, ex qua obiit in hoc Collegio, in hac re satisfactionem dare. Nam cum Viaticum acciparet; & studiosi ac Patres sanctissimum Sacramentum comitaremur, in omnium præsentia protestatus est coram Dño, quæ tunc erat suscepturus: quod in toto suo regimine nihil fecisset quod nõ intelligeret esse ad maiorem Dei gloriã. Ex qua eius attestazione adhuc magis ego certũ habui, q̃ alias certò mihi persuadebã. Et nihilominus mortẽ timebat ppter rationẽ Deo ipsi reddendã: & cũ hoc timore ei dicebatur si tu Dñe adeò esses erga me parvus, & tenax, atq; ego erga te fui: magna esset mea miseria! cũ Pater quidã adeò timidũ eũ videret interrogavit, an cõscientiæ remorsum sentiret ob aliq̃ lethale peccatum in 40. annjs, quibus fuisset in Societate. Cui ille respondit, Iesu, quantum monstrum hoc esset! Religiosum, & peccatum lethale? non est cur eadẽ re agatur. Aegrotantem illum visitans

D. Ia.

D. Iacobus Sarmientus Accunnius, (qui nunc est Regis Catholici Legatus in Anglia) & interrogans causam tristitiæ, ac mœroris, quam præferebat: respondit, se valde sollicitum esse de sua salute: cui D. Iacobus dixit: & id vestra Reuerentia timet? Respondit Pater Antonius, quid ergo timerem? si hoc non timeam. Sed placuit Domino D. N. timorem hunc ab eo remouere, & spem quãdam certissimam suæ saluationis ei dare. Nam accepto Viatico, voluit solus remeare: & quamuis ex infirmitate adeo esset debilitatus, vt neq; in ipso lecto mouere se posset: erecto tamen medio corpore, & à pulvinaribus remoto, mansit in oratione, quasi duabus horis corâ Crucifixo valde deuoto, qui ibi erat; cum quo tanta cordis certitudine & affectu loquebatur, vt stuporem adferret cuidam Patri, per ianuz rimas eum obseruanti. Oratione absoluta circa septimam horam matutinam Confessario suo dixit: hac nocte anima mea perueniet ad cœlum, vt Matutinas ibi cãtet: & cum Confessarius diceret, medicos non existimare tam breuem fore terminum: ipse idem repetijt; & cum quasi intra se ipsum loqueretur, hæc verba audiebantur: quid est Domine, quod timeam: cum mihi dixeris, quod me intra cor tuû habeas? si igitur intra cor tuum me habes, eamus quocunque volueris: nihil enim est mihi timendum. In crepusculo vespertino petijt extremam Vnctionem, & voluit totum Collegium adesse: & cum non posset vocem extollere, submisit dixit Patri, curam eius gerenti, vt suo nomine veniam ab omnibus peteret de multis defectibus, quibus in vitæ suæ decursu, & illius ægritudinis eos scardali-

dalizasset. Et cū Pater ille ab eo peteret, vt eius esset in cœlo memor : ille aded iam de sua salute erat securus, vt dixerit : faciam, quia ibi non sunt ingrati. Et tunc cœpit submissa voce, & paulatim dicere : *Letatus sum in his quæ dicta sunt mihi in domum Domini ibimus.* His & alijs similibus verbis dictis, animam suam Deo tradidit decima hora noctis eiusdem diei, quo dixit, se in cœlum iturum ad Matutinas decantandas, magnā nobis spem relinquens, quod in reliqua parte noctis Stolum suam esset abluturus, vt posset cum omni puritate illas decantare, & recipere Palmam & coronam gloriæ, quam erat promeritus propter tam multa, quæ in sæculo reliquit, vt Christum sequeretur, & plurimum quod in Religione fecit, & laborauit, vt illi placeret.

CAPVT XXI.

QVA RATIONE SE AD EXhortationes prepararet. daret q̃ in eisdem operam, vt Tyrōnes magnam acciperent Instituti sui notitiam, æstimationem, & amorem.



VAMVIS dixerimus de efficacia exhortationum P. Balthassaris ad Nouitiōs, non erit abs re, modum explicare, quo ad eas habendas se præparabat; & quodnam ordinariè esset earum argumentum ad eos docendos

cendos perfectionē, quam in Religione quærebāt. Præparatio eius nō tam in magno studio, quàm in multa oratione consistebat. eius enim erat opinio-
 nis, quod ratio in faciendis exhortationib⁹ potius attendenda esset, vt necessariæ veritates magna vi, sensuque, quàm curiosis conceptibus, quæ cordi non adhærescūt, dicerentur. Quare non aliud studium adhibebat, quàm vt duas vel tres veritates acciperet, & orationi circa eas incuberet, benè eas perpendendo, ac digerendo, adhibitis etiam aliquibus sacræ Scripturæ, & Sanctorum sententijs, quas Deus in memoriam illi reuocabat ex multis, quas aliàs legisset: & tunc ex singulari providentia, earundem Dñm, & possessorem se esse videbat. Ita ipsemet factus est in quodam indice, quē in suo libello scripserat, gratiarū, & beneficiorum à Deo acceptorum: & eas referens, quæ ad suum officiū
 „ erga Tyrones pertinebant, sic loquitur: Expertus
 „ sum intellectū, res, phrasēs, & modum eas propo-
 „ nendi: quia suggerebatur mihi paulatim, quod ego
 „ non potuissem cogitare; obseruato tamen eius pro-
 „ uidentia præscripto, quo volebat, vt aliquam ego
 „ diligentiam adhiberē, non tamen nimiam; nā hæc
 „ potius mihi nocuisset. Hoc aut ex eo deduco, quod
 „ non mihi res communicet, nisi ipso tempore, quod
 „ opus est; & ex fiducia inde in me iam orta, quod se-
 „ pius hac ratione mecum est usus. Hinc illud proue-
 niebat (quod ego sæpè animaduerti) vt in Confe-
 rentijs spiritualibus, in quibus ex tempore ad ea
 respondebat, quæ proponebantur: maiori quadam
 vi & spiritu loqueretur, quam in aliquibus exhortationibus. Dum enim nos, quod cuique occurrē-
 bāt, respondebamus: ille à Deo D. N. id ipsi inspi-
 ranti

ranti obtinebat, quod esset respondendum. Quare cum aliquis nostrum, qui id etiam animaduerterrat, ab eodem Patre huius rei causam interrogaret: respondit: causa illa erit: quod in exhortationibus loquar ego; in Conferentijs verò ipse Deus. Hoc volens insinuare, quod quoniam Conferentiæ non inniteretur studio proprio, Deus inspiratione sua subueniret, ut illud suppleret: exhortationes autem haberent aliquid de proprio, hoc est studio, & industria, & sæpè potiùs dirigerentur ad docendum, quàm ad mouendum, id exigente ipsarum argumentum.

§. I.

AD CVIVS rei maiorem explicationem est aduertendum: Exhortationes, & Conferentias spirituales ad Nouitios, ad tres potissimum fines inter se tamen connexos dirigi, & ordinari. *Primus* est, plenè eos docere omnia, quæ ad perfectionem Euangelicam iuxta Institutum quod profitentur, eiusq; leges pertinent: ambulantis enim per tale institutum, culpa esset, illud ignorare, & cuius essent rationem reddituri, pudor esset illud non scire: cum etiam regula Iuris dicat: *turpe est patricio & nobili viro ius, in quo versatur, ignorare.* Sed quoniam non satis est, quod intellectus instruatur, ac de veritate conuincatur, eiusq; precii & æstimatio concipiatur: *Secundus* finis est, voluntatem permouere, & ad perfectionem, quã profitetur, ita efficaciter allicere, ut verè mutetur, statuaturque generosè ac fortiter reijcere, quidquid ipsam impediabat; & aggredi, quidquid iuuat; ut voti compos euadat. Et ex hoc fit ad *tertium* finem transitus, ad applicanda scilicet practi-

practica media, quibus re ipsa perfectio hæc obtineatur. Ad hos igitur tres fines simul P. Balthasar suas exhortationes dirigebat, quamvis aliquando diutius in primo hærebat; quam in secundo; & contra maiorem in secundo vim ponebat; aut in tertio quam in primo. Et sic Tyrones suos valde iunabat; commendans nobis circa eadem duo præcipua capita magni momenti. Primum erat; ut studeremus in nostro Instituto ambulare, *Spiritu, Corde & Practicè*. SPIRITU quidem; magni illud faciendo, tanquam rem à Deo datam; & tanquam consilium ac directionem eius. CORDE concipiendo magnum ad illud amorem; & affectum; tanquam ad bonum adeo magnum; & quod tanti nostra referat. PRACTICÈ, contendendo; ut tota vita nostra in omnibus nostris actionibus illi conformetur. *Secundum* caput erat; ut in eadem Instituti nostri via, & in rebus omnibus præ oculis semper habeamus subijcere nos tribus Superioribus: Deo scilicet, Prælato, & rationi: quamvis hi duo ad eum reducantur; cuius consilij ac dispositionibus acquiescendum semper est in naturalibus; supernaturalibus; & politicis. In quem finem ponderabat sententiam quandam, quam audiuerat, à quodam Fratre Coadiutore Ioanne Ximeno: (cuius postea prolixiorē faciemus mentionem) qui rusticano quodā modo de tribus his Superioribus dicebat. Deus in cœlo; capitulum in Ecclesia; Ratio domi: & omnes tres sunt vnus: Deus enim est vnus, qui per se & per alios gubernat.

AD HOS fines consequendos solebat exhortationes suas facere circa Regulas Societatis, magnas

eas Spiritu explicans, quarum hic aliquas tantum
 insinuabo, quas ipsemet audiui, cum essem
 in tertia Probatione. Et quamvis ipse iudicaret,
 non expedire, ut Nouitij, ipsius exhortationes de-
 scriberent: quia existimabat id multis esse occa-
 sioni, negligendi eas in corde scribere, quasi satis
 sibi esset descriptas in charta habere: ego tamen
 non existimans me facturum contra eius iudicium,
 adnotabam in meo libello, quandam earum sum-
 mam, quæ mihi pro memoria vsui essent. Illo igitur
 anno, ut Nouitij suum Institutum magni face-
 rent, & valde ad illud afficeretur, coepit exhorta-
 tiones suas circa res magis insignes, quas illud
 complectitur; & ipse Societatis prærogativas, seu
 præminentias appellabat. Singulæ enim Religi-
 ones propria aliqua habent, quibus ab alijs diffe-
 runt, & alias excellunt: harum igitur ipse quatuor-
 decim posuit, quas valde fuse declarauit; & eo
 tempore valde floruerunt; neque ex eius parte vn-
 quam fuerunt imminutæ. Ac propterea visum mi-
 hi est eas hic referre, eò quod simul quasi Elen-
 chus, siue Index sint virtutum eius: quia, quod
 loquebatur, ex propria experientia deducebat.
 Et quamvis vnus aut alter ob suam imbecillita-
 tem non assequantur tantam perfectionem, at-
 que ipsæ regulæ proponunt, sicut etiam in ipsa
 met Evangelica lege accidit: non tamen pro-
 pterea suam illæ excellentiam amit-
 tunt, nec desunt multi in
 quibus illa resplen-
 deat.

§. II.

P R I M A prærogatiua est expropriatio Rerum, Locorum, & Personarum: **RE RUM**, in vestibus, habitatione, & suppellectili, ita ut necessarijs tantum sit contentus; nihil habes clausum, aut tanquam proprium: **LO C O R U M**, ut non quærat mutationes nec prælationes, sed portam omnino claudat ambitionibus: **P E R S O N A R U M** non admittendo particulares amicitias, quæ pacem turbant Communitatum. qui tribus his rebus bene exutum habebit cor suum: is erit verè pauper Spiritu, magnaque pace fruetur. Hinc *secunda* sequitur prærogatiua, **V N I O N I S** scilicet, mutua inter omnes, cum magna charitate, & fraternitate; etiamsi multi illi sint, adeoque nationibus, complexionibus, eruditione, alijsque talentis, & facultatibus distincti: conseruantes æqualitatem in rebus omnibus, quæ cum tanta diuersitate haberi potest; siquidem vix vllum est priuilegium, vix vlla conceditur exemptio, solo titulo Officij, aut Eruditionis, aut simili eminentiæ; sed sola necessitate, & ægritudine, eam patientis. *Tertia* est **V I R T V T I S** opinio & æstimatio: ita ut sine virtute nulum talentum, nulla facultas naturalis æstimeretur: nam etiam valde exornati magnis naturæ dotibus, si virtutibus careant: parui omnino fiunt: sed res in eo gradu in Societate habentur, quo apud Deum sunt; nec oculis tantum carnis aspiciuntur. Et hoc nomine valde perpendebat Pater Balchassar, quantum referret, exactè seruare Canonem illum Apostolicum: a *Christus*
pro

pro omnibus mortuus est, ergo omnes mortui sunt: ut qui viuunt, iam non sibi uiuant; sed ei, qui pro ipsis mortuus est. Itaque nos ex hoc neminem nouimus secundum carnem. Quarta Prærogatiua est speciale O B E D I E N T I A E votum, quo se Pontifici summo obstringit: & quidem in rebus adeò arduis, quales sunt proficisci, quocunque ille mittere nos voluerit, ad fideles, & infideles; ad hæreticos, aut rebelles, & obstinatos, etiam cum periculo vitæ amittendæ. Quod votum adeò gloriofum à Deo D. N. fuit inspiratum, tanquã his temporibus valde vtile & oportunum. Societas enim tunc nata est, cùm Lutherus cœpit debitam Ecclesiæ Romanæ obedientiam abnegare: quare æquum omninò erat, ut tota nostra Religio ipsi se dedicaret, ut eam tueretur, & sustentaret. Deinde, quòd cùm subditus facilem, & promptum Superiori se exhibet, ad obediendum: Superior delectatur, eidem aliquid iubendo. Quinta Præeminentia P O T E S T A S S E P V R G A N D I, & à se dimittendi, quos videt in virtute non proficere: ne malo suo exemplo alijs noceat; & admissi cautiùs uiuant: & hoc ipsum, quod alijs metum incutit: corpus hoc mysticum in sua perfectione & vita conseruat. Sexta est P R V D E N T I A ac Discretio in externis poenitentijs, & corporis asperitatibus limitandis: ne robusti paucas subeant; neq; debiles nimias. Quamobrem, etsi mortua siue scripta Regula poenitentiae constitutæ non sint; à viuente tamen, ipso scilicet Superiore præscribuntur: quia is nouit cuiusque necessitatem & vires: commendat verò omnibus continuum earum vsum, sicut ordinariè tantus erat, ut fræne-

potius opus fuerit, quàm calcaribus: eò quòd sub-
 iectorum salus ex earum excessu sensim debilita-
 batur: præcipuè cum perfectissima omnium pœ-
 nitentia, semper & in omnibus emineat, Abne-
 gatio scilicet propriæ voluntatis. *Septima* est
 quotidianus variarum POENITENTIARVM
 in Refectorio VSVS, ob causas sæpè valde leues;
 suasque culpas ac defectus dicere, & easdem ab
 alijs priuatim, aut publicè audire: quæ res ex se est
 valde difficilis, & grauis: quam tamen praxis &
 vsus cum gratia Dei facilem reddidit. *Octaua* est
 CLARITAS CONSCIENTIÆ, cum Superio-
 ribus, & Præfecto rerum spiritualium, à quibus in
 eisdem dirigantur: nolentes proprio suo iudicio
 duci, etiam in rebus, quæ bonæ aliàs esse videntur;
 nec erubescunt prauas etiam aperire, vt ad eas vin-
 cendas adiuuentur. *Nona* AVVLSIO à Con-
 sanguineis, ita vt aliqui crucem reputent, si in
 patriam suam mittantur. Nam licèt torpescen-
 te Spiritu, Carnis & Sanguinis amor reuirescat:
 religio tamen ipsa adèò exactè illum muniuit: vt
 auersionem quandam potius adferat, quàm appe-
 titum id quærendi. *Decima* est, quòd expediti, li-
 beri que sint à Suffragijs, & Electionibus ad Offi-
 cia, ac Munia Societatis: neque ambire possint in-
 tus, aut extra illam vllas dignitates: omnium e-
 nim horum curam à suis remouet Societas, vt eos
 in maiori pace & humilitate conseruet; & om-
 nem euellat discordiæ, ambitionisq; radicem; so-
 lumq; attendant spirituali suo profectui. Et quidẽ
 seuerius hoc in Ecclesiasticis dignitatibus reij-
 ciendis seruatur: quas nullus potest admittere,
 nisi Pontifex summus in Virtute Obedientiæ iu-
 beat:

beat : idque tum vt nos magis in humilitate conseruet : tum, ne optima Subiecta, quæ nos docere, ac ædificare reliquos debuissent nobis auferantur. *Vndecima* est **LIBERTAS**, qua Societas agit cum suis Tyronibus, quos mittit peregrinatum, & ad aliquas Missiones, cum facultate agendi cum proximis, ad sumendam de eis experientiam: credens, & confidens, vocatos à Deo, etiam extra priuatos parietes conseruari, ac tutos esse: Propterea enim dixisse Christum suis Apostolis, *vultis & vos abire?* quod si non sunt à Deo vocati, discedant statim; ne, si diutius maneant, discessio sit magis perniciosa. Nec tamen hæc libertas attentione, & custodia superiorum, & aliorum, qui ad id constituuntur vigilância caret: præter internam cuiusque custodiam, quæ semper renouatur per conscientie examen & orationem. *Duodecima* est, **Excelsus FINIS** nostræ Vocationis; & opinio ac nomen, quod Societas apud omne genus hominum, & nationes totius orbis habet: quæ, etiamsi vltima accesserit, non tamen est in acceptatione & applausu postrema; **MEDIA** item aptissima, quæ ad id habet: præsupposita bona & exemplari vita recursuque ad **DEVM** per Sacrificia, & Orationes: vt faciat nos cum tanta personarum varietate, rectè iuxta ipsius voluntatem, & pro ipsius gloria agere. Pro Magnatibus; & Eruditis habet eruditionem & doctrinam; pro plebe vsum Sacramentorum; pro pijs ac deuotis, Orationis exercitia; pro duris ac morosis habet, quòd eorum filios instruat; pro infantibus Christianam doctrinam, quibuscum quodammodo repuerascit.

Decimatertia est O B E D I E N T I A , quæ in Societate cum his quatuor circumstantijs practi- catur, quod scilicet sit Vniuersalis, quæ comple- ctitur omnes res licitas, siue faciles sint, siue dif- ficiles; siue honorificæ, aut viles: quod exhibea- tur omnib. Superioribus, maioribus, & minoribus; siue talento præditis, siue non: quod complecta- tur omnes suos gradus, affectum scilicet volun- tatis, iudicij conformitatem, & plenam execu- tionem; nec solum quo ad rei propositæ sub- stantiam; sed etiam quo ad modum & rationem in agendo: quocunque tandem modo iubeatur, siue humaniter ac beneuolè; siue toruè & asperè; deni- que vt omnes, nemine excepto, obediant, etiam si subditus qualitates habeat, ac dotes generis, inge- nij, eruditionis & similes, quibus ipse Superior careat. *Decimaquarta* & vltima est PUGNA & C O N T R A D I C T I O mundi huius in ipsam Socie- tatem: cum multis tribulationibus ac persecutio- nibus: quæ sunt ipsi valde vtilis, vt in humilitate conseruetur, ad Deum recurrat, & suam fiduciam in eius prouidentia ponat; imò ex eadem causa effectum est, vt illa magis dilataretur, & cresceret: quemadmodum Ecclesiæ primæ euenit, Magisq; formidanda est occulta, & laruata persecutio, quæ prosequitur offerendo honores, & occasiones de- liciarum: est enim hæc pugna periculosior, si pa- teat illi ad cor aditus.

HÆ sunt quatuordecim Prærogatiuæ, de qui- bus Pater Balthassar exhortationes suas ab initio huius anni habuit, fusiùs ac distinctiùs explican- do, quæ in singulis continentur. quas etsi varijs Scripturæ diuinæ, & sanctorum Patrum sententijs

exor-

exornauit, plurimi tamen fiebat Spiritûs feruor,
& coelestis quædam vis, quibus res huiusmodi docebat, exstimulans nos, ne à tanti Instituti nostri excellentia degeneraremus; & perfectionē, quam primi nostri Patres fuerunt secuti, ignauia nostra obfuscaremus.

CAPVT XXII.

*PLURA ALIA ACCIPIEBAT
suarum exhortationum argumenta, ad
pleniorē, & perfectiorē
Tyronum instru-
ctionem.*



QUOD Nouitij sint instar infan-
tium in virtute, opusq; habeant
in rebus omnibus instrui, quæ
pertinent ad Christianæ, ac Re-
ligiosæ vitæ Politiam, & cuius-
que integram reformationem
internam, quam solus Deus vi-
det; & externam, quam vident etiam homines:
hæc omnia Pater Balthassar accipiebat tanquam
argumenta suarum exhortationum: vt impleret
quod docet Apostolus: *a decētes omnem hominem a Ad Coloss.*
in omni sapientia, vt exhibeamus omnem hominem 1. 28.
perfectum in Christo Iesu. ita inquam P. Balthassar
oēs suos Tyrones docebat omnia, quæ illos scire o-
portebat: totam suā sapientiā, doctrinam, & indu-
striā, quā Deus illi cōmunicabat, eò dirigēs: vt illi
perfecti euaderent in interiori & exteriori homine,

ad imitationem Christi Iesu. de quo cùm duodecim esset annorum (quæ ætas Tyronibus respondet) dicitur : *b quod proficiebat sapientia, & ætate, & gratia apud Deū & homines* : non quòd ipse in donis internis cresceret; sed in externis eorū signis, vt exemplo suo Tyrones doceret: vt sicut in ætate, ita etiam crescant in virtute, in cœlesti sapientia, in gratia, eiusq; donis, non solū occultè, & coram Deo ipso; sed etiam apertè in actionibus externis coram hominibus: ædificantes eos modestia sua & virtutum exemplis.

§. I.

HÆC omnia licebit videre ex Catalogo quodam, quem fecerat rerum, quæ poterant esse aptum exhortationum argumentum: vt modò has, modò illas acciperet ad fastidiū euitandum; delectandū verò varietate diuersis temporibus, aut Auditoribus accómodata. Catalogus hic siue Elenchus quadraginta quatuor capita, eaq; magni momenti cōplectebatur, quæ tamen ad minorem numerum redacta, hic proponere visum est, eò quòd simul sint tanquam puncta, ac documenta rerum, quibus ad integram nostram perfectionem opus habemus.

PRIMUM caput erat de modo vtiliter & fructuosè orandi, & vtendi aliquibus temporis reliquijs, quæ interdum supersunt; & nominatim de præsentia Dei Domini nostri. *Secundum* de modo fructuosè dicendi horas Canonicas, quatuor communes Ecclesiæ Orationes, & alias vocales; & legendi libros spirituales. *Tertium* erat Examinis Conscientiæ, tum Generalis totius diei; tum parti-

particularis de aliquo defectu aut vicio; & quanti fieri debeat non labi etiam in leues defectus; neque animum abijcere propter imbecillitates: quando ad eas euitandas fit quod fieri potest; nec valde anxium esse ob eas, in quas interdum labitur: sed spem ac fiduciam suam in Deum ponere, quod dignabitur eas reparare. *Quartum* de modo vtiliter confitendi, de cordis compunctione, & non negligenda omni poenitentia, quam facere possit, euitato tamen indiscreti rigore; ac de spiritu, quo externæ poenitentia, ac mortificationes fieri debeant. *Quintum* de bona ad Sacramentalem Communionem preparatione, & de communionem spirituali. *Sextum* de propria mortificatione prauarum propensionum motuumque naturæ; ac sensuum custodia. *Septimum* de modo se habendi in mensa; in recreationibus, & in conuersatione cum sæcularibus, & vniuersim ad moderandum nos ipsos in Colloquijs cum alijs. *Octauum* de humilitate & cognitione sui ipsius. *Nonum* de amore, quem erga Deum habere debemus; de charitate cum omnibus, de mutua tolerantia, de vitandis iudicijs temerarijs, & suspicionibus. *Decimum* de Paupertate, Castitate, & Obedientia; de Obseruantia Regularum, & indifferentia; ac de statione, ex qua Dei seruus expedire se debeat, ad aliquid operandum: hoc est statuere primum, quæ sit Dei voluntas. *Vndecimum* de tribus familiarijs Christi Domini nostri comitibus, Paupertate, Dolore, & Contemptu: quod est aptum argumentum à media quadragesima, vsque ad finem. *Duodecimum* de spiritali profectu, in quo non tam nostræ industriæ ac diligentia, quàm Dei au-

xilio, & fauori fidamus, quem licebit ab eius benignitate sperare, cum non neglexerimus facere moderatè, quod in nobis erit. *Decimum tertium*, de fauoribus ac tribulationibus Iustorum; de tērationibus, & quo modo temporum inclementia, & asperitas sit ferenda; de Prouidentia Dei in his omnibus, & in suis puniendis. *Decimum quartum*, de pace quieteq; animę, ac varijs medijs, quibus illa obtinetur. *Decimum quintum*, de fructu, & vtilitate, quam adfert familiaritas & colloquia cum seruis Dei; & aliquem habere, à quo dirigatur, quem pro regula habeat, cuius vel cogitatio, vel memoria ipsum reformat & contineat: & quantum conferat bonum exemplum, quantumq; vim habeat. *Decimum sextum*, de octo Beatitudinibus, de partibus virtutis, de Prudentia, & scientia Sanctorum. Hęc summa est rerum, ex quibus Sanctus ille vir argumentum sumebat suarum exhortationum. Cùm omnibus illis meritò studere debeant, & conari, vt valde dextri, & excellentes euadant omnes, qui volunt esse perfecti. Sed nominatim magnam vim ponebat in agendo frequenter de omnibus ijs, quę pertinent ad abnegationem sui ipsius, proprię voluntatis, ac iudicij: quare summo studio contendebat suis Nouitijs hanc curam & studium persuadere, admirandis hisce rationibus, quas proprijs hic
 „ verbis reddemus. Ne confundamus (-inquit) fa-
 „ cultates: alioquin in nulla solidi & periti eua-
 „ demus. Nam nisi quis suum tempus det Gram-
 „ maticę, manebit veteramentarius aliquis; nisi et-
 „ iam suum dederit Philosophię, & alijs artibus,
 „ nunquam eas assequetur: in eundem modum ni-
 „ si in

si in Nouitiatu abnegationi vestri ipsorum ; ei-
 que , quod vos ad profectum in virtutibus ex-
 citare possit , studeatis : eritis huius artis ve-
 teramentarij. Si enim cum ipsum cor est ab oc-
 casionibus expeditum & cupidum perfectionis,
 idque longo tempore , & auxilijs exemplisque
 multis , non comparetis vobis magnas virtu-
 tum facultates : quando illud erit alicui rei
 adstrictum , & in multas partes diuisam , nec
 tot habebit auxilia , sed plura impedimen-
 ta , & impingendi occasiones , quid de illo erit
 hoc erit , velle prodigiosam quandam perfe-
 ctionem sperare. & quemadmodum Eruditio-
 nis spiritus , est continuum scientiarum exerci-
 tium ; ita spiritus Religiosi est ipsa religiosa
 vita ; quæ si desit , mille defectibus abundabit ;
 & tanquam statux , oculos habentes non vi-
 debitis. Initium virtutis est abnegatio propria :
a qui vult venire post me (ait Christus) abneget a Matt.16.
semetipsum. Resoluite vos Fratres aut fatea- 24.
 mini , vos nolle incipere viam perfectionis ;
 aut hinc incipite , quemadmodum vitæ Ma-
 gister vos docet : *b abscondite nunc (vt ait Da-* b Psal.118.
uid) eloquia eius in cordibus vestris , vt postea non 11.
peccetis ei. Prospiciamus hoc tempore a-
 bundantiæ , pro annis famis & sterilitatis fu-
 turæ. Si Aegyptij oculos suos coniecissent in
 Iosephum , adeò sapientem , vt nosceret som-
 nia interpretari , quod reliqui sapientes
 non potuerunt ; & si attendissent , quantam
 ille diligentiam adhiberet in congregandis &
 recondendis frumentis , cum ipsi ea proijcerent :
fortè.

„ fortè & ipsi fuissent imitati virum , spiritum Dei
 „ habentem. Ita nunc sunt inter vos viri, in quibus
 „ habitat Spiritus Dei: qui magno studio, & feruore
 „ colligunt ac recondunt frumenta spiritualia: imi-
 „ tamini illos: nō enim vobis tam multa supersunt,
 „ Et cum illi adeò illustrati à Deo, id faciant: cre-
 „ dendum est, rectè & prudenter illos facere. Noli-
 „ te sistere, vbi alios videtis properantes. Ne existi-
 „ metis, tempus Probationis quasi vobis perire, et-
 „ iam si literarum studijs non incumbatis, Non enim
 „ amittitur tempus, dum aperitur fundamentum &
 „ dificij, valde altè ascensuri; neq; iter faciens, tem-
 „ pus amittit, eò quòd det equis pabulum; aut scri-
 „ ba, eò quòd calamum aptet. Studere est intelli-
 „ gere ac penetrare, quod ante non sciebas: hoc au-
 „ tem non fit absque lumine. Id quod communicat
 „ Dominus abundantius maioribus suis amicis, &
 „ cum ipso bona fide ambulantes: qui res suas ita
 „ præscriptis temporibus faciunt, vt ea non per-
 „ turbent, aut confundant, propter affectum quo
 „ tenentur, vt votorum suorum compotes euadant.
 „ Diuidamus cum Deo tempus nostrum, idque in
 „ omnibus occasionibus & actibus publicis: & ipse
 „ lucem suam nobis impertiet; ad scientiam dese-
 „ rendam, sufficiat nobis quòd Dominus velit, nos
 „ attendere sanctitati: & tunc ipse scientiam lar-
 „ gietur ampliorem. Hæc omnia S. ille Pater dice-
 „ bat, vt Tyronibus, & ijs qui studijs absolutis, in
 „ Probatione versantur persuaderet, eo tempore
 „ solum attendere ad studia virtutum, nec
 „ vnam horulam foelicis adeò
 „ temporis abijcientes.

(* *)

S. II.

SED non satis habebat, quod interioris hominis reformationem, & mortificationem eis suaderet: sed ea quoque tradebat, quæ ad exterioris reformationem spectabant, valde illis commendans virtutem modestiæ Religiosæ, quam dicebat hominibus Societatis valde necessariam, ob tres præcipuas causas. *Prima*: eò quòd ex Instituto agerent cum proximis, ac proinde tenerentur eos ædificare, bonumque nomen apud eos habere: hoc autem obtinetur præcipuè modestia, & compositione hominis exterioris; non tamen affectata, sed vera & religiosa; cum igitur, qui in Societate sumus: a *spectaculum* (vt ait Apostolus) *facti simus mundo, Angelis, & hominibus*: necesse est, vt idem Apostolus ait, *b* *providere bona, non solum coram Deo, sed etiam coram hominibus.* *Secunda*: nam reliqui Religiosi habitu suo, & cucullo ædificant, teguntque aliquam immodestiam, si fortè in eam inciderent: at homines Societatis, qui faciem habent patentem, nec habitum alium, aut cucullum habent: horum loco necesse est, eos habere modestiam, qua exornentur, & componantur, quemadmodum matronæ Romanæ, eò quòd faciem apertam habeant, maiori indigent modestia, quàm aliarum nationum, quæ vultum tegunt. *Tertia*: eò quòd Societas etiam habeat ex suo Instituto orationem, & internam cum Deo familiaritatem; ad quam exterior modestia plurimum iuuat, vt quæ sensus contineat, & componat: per quos aliàs effunditur, & euanescit deuotio: Ac propterea eius modestia debet esse valde

Reli-

a 1. Corint.

4. 9.

b 2. Cor. 8. 21.


Rom. 12. 17.

Religiosa, & ex interna prouenire reformatione, & ex eo quod semper attendat, se versari in conspectu Dei sui, vt monuit Apostolus: *c Philip 4.5. modestia vestra nota sit omnibus hominibus: Dominus enim prope est.*

IN hunc finem confecerat sibi quasi indicem omniū actionum immodestiarū, quæ in viro Religioso notari possunt, quas sæculares, ciuiliū morū defectum appellant: & nominatim notat immodestiam, quæ esse potest in motibus capitis, frontis, oculorum, aurium, narium, oris, & linguæ; brachiorum, & manuum, genuum, & pedum, & reliquarum corporis partiū; & in vestium gestatione. Deinde immodestias, quæ notari possunt in tēplo, in choro, in Refectorio, in ipso cubiculo, & in omnib. officijs; quale est Sacrum facere, vel audire; quando decubunt, aut ex lecto surgunt; quando comedunt, aut sunt in Recreatione; & in quocumque alio loco, siue sint soli, siue cū socijs: Item immodestias subditi erga suum superiorem, aut Religiosi cum reliquis; aut cum eunt per plateam, & alter alterum comitatur; aut cum sæcularibus agunt, in modo loquendi, ridendi, expuendi, tussendi, manus, & corpus mouendi: reformandi enim sunt omnes hi motus, & danda opera, vt (quemadmodum S. Augustinus in Regula sua monuit) nihil in eis sit, quod non benè respondeat grauitati & sanctitati nostræ Professionis. Catalogum illum ego legi, & erant notati plus quā ducenti immodestiarū actus, & Vrbanitatis defectus, in quos poterat Religiosus incidere. Sed quod sint tot numero, & plurimi valde leues; ac domestici: eos non exprimo. Hostamen insinuauī, vt
appa-

appareat, quantam curam ille adhiberet in suis Nouitijs reformandis, etiam in rebus valde minutis. Ex quo oriebatur, vt illi tam rara modestia eminere, vt obstupescerent sæculares: nec possent se continere, quin coram nobis id dicerent, (quemadmodum ego etiam tunc Nouitijs aliquando audiebam) Deum glorificantes, quod hoc ornamentum seruis suis largiretur.

D E N I Q V E cum non semper possimus viuos Magistros ad manum habere, qui suis exhortationibus nos ad perfectionem exstimulēt: valde suis Nouitijs commendabat lectionem librorum spiritualium iuxta Regulam nostræ Societatis: qui etsi ex se sint Magistri mortui, eis tamen vitam impertit Magister ille, qui essentia sua est vita, qui loquitur, & cor nostrum per eos docet: ac propterea nominatim commendabat aureum illum libellum Thomæ de Kempis, quem vulgò Mundi Contemptum appellamus. Cuius sententijs frequenter utebatur in exhortationibus: eò quòd cordi adhærescant, Deusque illas imprimat bono affectu legentibus. Et cum esset Visitator Prouinciæ Aragoniæ, fecit, vt in ea agnoscerent eius libri vsum: cuius emolumentum experientia illi perceperunt, inuenientes singuli, quacumque ex parte eum aperirent, quod animæ suæ conueniebat.



CAPUT XXIII.

PRAECLARE GESSIT PECTORIS munus Metina, & in alijs Collegijs; & insignes eius ad gubernandum dotes.



V A M V I S P. Balthassar Abulense Collegium per annos aliquot cum titulo Ministri, aut Vice-Rectoris gubernasset: Metinae tamen primum id munus cum titulo Rectoris egit, & postea in alijs etiam Collegijs, ostendens ubique insigne ad gubernandum talentum. Quod ut tutius obiret, studuit altas in humilitate radices iacere: ex quaoriebatur et in initijs magna repugnantia, & horror talia munia obeundi, non ignaro seueræ rationis ab ijs, qui præfunt, exigendæ; & quod benè perpendisset onera superiorum: de quibus aiebat, quòd minimè omnium deberent suis corporibus indulgere; sed præ alijs in omnibus peius tractare. quo ad animum verò debere semper esse dolentes, moerentes, reliquorum omnium curis plenos: quod si Officio suo benè, ut oportet, fungantur, referent à multis ex subditis murmurà, & auersiones: quo ad Deum verò portare debent defectus, & imperfectiones subditorum, eorum ignauiam, defectionem, & omnia eorum peccata: ita ut non solum onus portent, si illi peccet; sed etiam si in virtute non proficiant:

ficiant. ex hac cogitatione, cum ipse esset aliàs valde zelosus, suæque perfectionis studiosus; optaretque, reliquos esse perfectos: coepit officium illud in initio cum aliqua seueritate; & affligebatur valde ex defectibus eorum, qui sibi essent commissi; quemadmodum euenire solet superioribus parum expertis: sed postea tamen maiori cœlesti lumine accepto, aduertit hanc esse potius impatiētiam suam, & cordis angustiam: deoque oportere illud laxare, & assuescere, sustinere aliorum defectus; eisque compati potius, quàm indignari: vt sic Dei gubernationem, quantum fas esset, æmularetur, & in eum finem annotauerat sibi quiddam notatu dignum: quod à Patre Martino Gutierrio, quadam die audiuerat, cum suæ conscientie rationem ei redderet: qui etiam, cum esset Rector, affligebatur valde ob aliquos suorum defectus. & cum die quadam in Oratione de hoc suo labore lamentaretur, ostensus est illi orbis argenteus, in quo corculum erat exiguum valde, & quasi duabus sanguinis guttis submersum, & suffocatum: dictumque illi est, hoc est cor tuum, quod in parua aqua submergitur: & mox magnum aliud cor, valde latum illi fuit ostensum, dictumque: hoc est cor Dei, quod tot idololatrijs, hæresibus, ac sceleribus alijs, quæ sunt in mundo non affligitur; sed longanimitate magna opportunitatem expectat, copiosum fructum ab eis colligendi, qui nunc sunt improbi: tale autem esse debet tuum. Ex quâ Visione valde mutatus fuit, & ex suis angustijs emerfit: quem etiam Dominus noster consolatus est, reuelans

R illi,

illi, omnes eos, quorum tunc curam habebat, esse prædestinatos. Huius ergo boni sui amici exemplo didicit Pater Balthassar, cor suum dilatare: cui etiam in Oratione Deus fecit eandem gratiam: (ut in Relatione sua superius posita ipse meminit) tantum ei subsidium & leuamen in gubernatione tribuens, ut non sicut prius nimiae curæ ipsum raptarent, nec eius cor angustarent. Addidit item ei magnam officij huius opinionem & æstimationem, immisso sensu quodam interno in Dominica boni Pastoris & eius ouium: qui fuit huiusmodi. magnus hic est grex, eiusque magna fortuna: Pastor bonus facit oues bonas: Quare magnum est beneficium, magnaque gratia illis fit; quod talē illis Deus dederit. Quando populus Dei bonū habuit caput, Regem, aut Prophetam: semper fuit bonus. Magnū onus imponūt sibi Pastores: quia verē sunt scopus, in quem omnes illorum oues oculos suos coniiciunt, & in eorundem mores transformantur, sicut illæ Jacob in virgarum colorem. Hoc spiritu studebat P. Balthassar exemplar esse perfectionis toti gregi suo: adeoque exactē officij sui regulas & obligationes expleuit, ut liceat de eo dicere, quod fuerit talis superior, qualem P. noster S. Ignatius in suis constitutionibus depinxit: & quamuis id satis appareat ex ijs, quæ superius diximus de Nouitiorum gubernatione: nunc tamen alia quædam addemus, quæ ad omnium gubernationem vniuersim pertinent: ex quibus non Prælati Religionum modò, sed Christiani etiam Domini, ac patres familias discere possunt, domos suas gubernandi rationem.

2. Post Pascha.

A N N O.

1575.

April. 17.

Gen. 39. 39.

§. I.

P R I M V M suis Orationibus Collegium totum sustentabat, tam in spiritualibus, quàm in temporalibus: res singulas prout quæq; erat, perpendens & æstimans: virtutem, Sanctitatem ac Religionem reliquis præferens; subditos in virtute eminentes pluris faciebat, quàm doctos & nobiles magna habentes talenta, non tamen tantam virtutem. Et cum aliquem deprehendebat non quidem Eruditum, sed probitatis, & spiritus singularis, dies noctesque cum eo quodammodo consumebat, ut eum ad profectum, & progressum iuaret, ut inferius apparebit. Hinc oriebatur, ut vel modicum spirituale bonum pluris faceret, quàm quidvis temporale: idè non patiebatur, ut quis rerum temporalium procurandarum causa, aliquid amitteret, aut vel punctum imminueret exercitiorum spiritualium. Cum esset egeni cuiusdam Collegij Rector, habebat Ministrum valde sollicitum, qui anxius ad ipsum currebat, significans, quæ deessent, & necesse esset statim prospicere. Vir Sanctus respondebat, quàm anxius venit P. Minister: communicasti ne id cum Domino Deo nostro? respondebat ille, adhuc non habui tempus orandi: & tunc cum magna tranquillitate dimisit illum, dicens: hoc debuit esse primum. eas ad cubiculum, & ora; & offeras tuam orationem, & postea reuertaris huc. Cogitas gregem hunc non habere Dominum? Dominum autem talem habet, cui non tam parui constitit, ut perire permittat, eas in pace,

R 2

& co-

& cogita, hoc non à tua industria pendere. Discedebat P. Minister, vt faceret, quod Pater præscribebat: & sæpè, quando reuertebatur, inueniebat prospectum iam esse necessitati per media, iudicio suo prodigiosa: id promerente fidelitate, & fiducia sui Rectoris in Deum, vt capite 16. est dictum.

H I N C etiam proueniebat, vt quoniam experiebatur valde expedire, liberaliter dare subditis, quæ erant corporalia, vt liberiùs illi spiritualibus attenderent, ideò liberalis valde, ac sollicitus erat, vt omnibus daretur, quod ad cibum, & vestitum erat necessarium. Quam ob rem ipsemet singulis mensibus, cum vestium custode singula cubicula visitabat; & quærebat, quid cuique deesset, vt ei prospiceret: id curabat scripto notari; & ratione postea exigebat, an esset executioni mandatum. In Refectorio etiam curabat, vt toti communitati sufficiens cibus daretur: eorù verò, qui mortificationis causa se ipsos negligebant, maiorem ipse gerebat curam; ægrotorum valde commiserabatur, eisquæ indulgebat, attendens diligenter, ne quid eis deesset; & pro modica re, quam illis deesse aduerterat, grauiter eum reprehendebat, cui erat eius cura commissa: frequenter valde eos inuisebat, & cum aliquis erat in periculo constitutus, etiam noctu illum, cum alij dormirent, visitabat.

I N rebus omnibus toti communitati communibus Primus erat; in Oratione, in Examinib⁹, eundem ad mensam, discedendo ex recreatione, in purganda domo, & in similibus occupationibus, ad quas omnes accedunt. Et quoniam mos est in Societate,

cietate, ut singuli designatum habeant diem lauā-
di, aut tergendī in culina: ille primo die mensis id
semper faciebat, etiamsi reliquorum ordo non es-
set expletus: quo exemplo alios impellebat, ne vl-
lo modo huiusmodi occupationibus deessent,
valde semper probauit, & laudauit sequi ipsam
communitatē, dicens, id valde placere Deo suam-
que benedictionē ei in his actionib. impetruisse.

Cum quis facultatē petebat ad Extraordina-
riam aliquā poenitentiam faciendā, id ipse iniun-
gebat, ut in omnibus studeret conformare se com-
munitati, non quærens exemptiones aut priuile-
gia aliqua singularia; & ut studeret in hoc ipso
cum spiritu præstando excellere. Hoc verò sin-
gulare donū à Deo D.N. petebat, ut gratiā ipsi lar-
giretur, eamq; corporis fanitatem, quæ sufficeret
ad præstādum, quod omnes in communitate præ-
starent: & benignissimus Dominus peticum donū
concessit: nam, licet sæpe esset valetudinarius, dis-
simulabat tamen imbecillitatē illam, ut cōmuni-
bus actionib. non deesset: experiebatur nimirū, ta-
les à Deo adiuuari, & in spiritu proficere; tēpusq;
habere sufficiens, tū ad spiritualia exercitia, tum ad
alia munia benè præstanda. Addebātque: præstare
paulò minus etiam cum aliqua fanitatis debili-
tate viuere, & sequi cōmunitatem; quā diutius
viuere, aut integra uti valetudine. cū aliquib. sin-
gularitatibus, quæ alios offendūt, & molestē illas
ferunt. Cū semel P. Franciscus Riberius, cuius
postea faciemus mentionem, facultatem peteret
emanendi vsque ad secundam mensam, eò quòd
indigeret illo tempore pro studio ad quasdam di-
sputationes, quibus ipse præesse debebat: respōdit

illi P. Balthassar: pluris esse faciendum cum omnibus ad mensam accedere: nam sic etiam in ipso studio plus ipsum posse proficere. Paruit bonus subditus, & ex foelici disputationis euentu animaduertit, quâ rectè bonus P. Rector cōsuluisset.

ITA semper constitutus ac dispositus erat, ut opus nō esset tempus, aut occasionē cum illo agēdi captare: exterior vultus cum sancta quadā grauitate suauis erat, & humanus, ita ut amabilem, ac venerabilem se exhiberet, & omnes filialē erga eū reuerentiā cum amore coniungerent. Et licet interdū speciē indueret seueritatis, ut subditos exerceat: mox tamē ad pristinā, & familiarem suauitatem redibat: ex altera etiam parte studebat suos in loco publico, & coram saecularibus honorare, honorificè de eis loquens, & cū eo respectu agens cum eis, quem singulorū gradus poscebat. Contēplabatur subditorum suorum vultus, non sinens aliquē diu esse tristē, aut capite demisso incedētē, dicens: in domo Dei neminē tristē incedere debere, sed lætū: & potius excessum in lætitia dissimulabat, quàm in tristitia. compatiebatur ijs, qui vel ex debilitate in aliquem defectū laberentur, aut durioris essent ingenij. quibus sæpius blandiebatur, ut tales defectus repararet. Ideoq; interdum, quos tales nouerat, petebat à Prouinciali ad suum Collegium mitti; ut blanda sua directione eos rectificaret, ac lucraretur. Et hac ratione multos emolliuit, magnāq; charitate, ac dexteritate in alios permutauit: eius enim verba etiam feras videbantur emollire, ac cicures reddere.

CONSTANTISSIMVS erat in seruandis exactè, quæcūq; ipsius officium postulabat, etiā minutissi-

nutissima, neq; deponebat eius curā & sollicitudinem vsq; ad diem & horam vltimā, quo illud perficiebat: vt ex hac re parua constabit, quæ indicium est eius curę, quam de rebus grauiorib. gerebat. Ad obseruationē regulę Rectoris de visitādis interdū existentibus in oratione designauit sibi Feriā sextam, nec vllā prætermisit, etiam si plures occupationes haberet; aut nocte præcedente graui aliqua molestia fuisset affectus. Idq; adeò constanter seruauit, vt ipsa Feria sexta, qua discessit Villa-Gartia, vt esset Prouincialis Tolertanus, discessur⁹ proximè post Orationē, visitauit tamē pro more omniacubacula; nā probus superior nō debet eo prætextu, quod breui officiū suū exspirabit, aliquid de sua cura remittere, sed vltimo adhuc die æquē exactē, se gerere, atque cū cœpit primò.

S. II.

PRÆDICTA omnia, & multò adhuc plura animaduertere licebit, in quadā sūma, quā sibi fecit, rerū necessariarum, vt quis bonus esset Superior: quę omniū eorū, qui illū nouim⁹, iudicio, est exēplar quoddā, & viuā imago eorū, quę ipsemet faciebat: estq; plus aliquid se ipsū ita depingere; quā alios, vt tales sint, docere. ita igitur loquitur: *Primū* Superioris munus est seruire animabus, pro quibus Christus mortuus est. & quidē seruire tanquā seruis suis Dominis propter Christū: & in eo modico; quod propter Deū fieri potest, magnę foelicitati suę tribuat, q̃ illi non attēdat, quid ipsorum gratia Superior faciat; neque vt gratias ipsi agāt propter talia obsequia: vt eò puriora ipse Dominus acceptet, quò illa erunt minus notata, minoresq; gratiæ ab hominib. habite.

Quare primum ante oculos suos constituat, quod fieri ipsum Superiorem, non sit fieri Dominum; neque tradi ipsi homines, quibus imperet; Sed fieri pedagogum Principum, & verè seruum filiorum Dei, quorū curā gerat, eisq; seruiat, ac supra caput suū collocet. Sic enim Dominus ille gubernauit, qui dixit, *a non veni ministrari, sed ministrare.* Et Ecclesiasticus monet; *b Rectorē te posuerunt, noli extolli: esto in illis, quasi vnus ex ipsis.*

a Math. 20. 28.

b Eccl. 32. 1.

DEINDE det operam, vt talem subditi de ipso opinionem concipiant, vt magna sua consolatione, ac fiducia se possint illi aperire; & intelligant, se in nulla re magis ipsi placere posse, quàm si ad ipsum recurrant, pectusq; suum totum aperiant, quantumcunq; debiles ipsi sint: nec propterea quidquam se apud Superiorem amissuros: cum non sit æquum, quod vnde sibi cælum aperitur, melioremq; inducit in Dei oculis speciem & figuram, non etiam, eadem in eius ministri pectore & opinione remaneat. Agat sæpe cum eis de hoc argumento, quod est utilissimum; moneat Confessarios, & Concionatores; mille enim animæ pereunt, eò quòd non habeant animum, ad interiorius vlcus Superiori suo aperiendum.

TERCIO, illud etiam sibi ob oculos ponat, vt in humilitate cōseruetur: quòd Collegium valde sit cōpositū, & iuxta leges nostras benè gubernetur: nō tā esse industriæ suæ effectū, quā ipsius Dei DONUS opus enim adeò excellēs, quale est, quod tot homines benè subiecti sint, seq; ad terrā projiciā, nō hominū est, sed eius Domini, de quo Dauid: *c In ipso Domino speraui, qui subdit populū meū sub me.* Qui velit cedros ad terrā deiicere, ferreis brachijs
opus

c Psal. 143. 2.

opus habet: & hæc dat ipsemet Deus, adeoq; fortia reddit d *sicut arcum arcum*. Quare qui melius mouerit causam suam apud hunc Dominum agere, fueritq; illi familiarior; peritior erit lignator & operarius; etiam si sit alioqui balbutiens, Deiq; consilia euanescent ab oculis hominum, non valentium illa assequi, d *Psal. 17. 35.*

QUARTO, aggrediatur officium alliciens ad se omnium, qui sunt in Collegio, voluntates, signa edens solatij sui, quod inter illos maneat: caueat tamen diligenter, ne qua particularis affectio in ipso noteatur, in quam totum impingat Collegium, auspicetur etiam munus dissimulans imperium, & ordinationem per dies aliquot, ne displiceat hoc apprehendentibus, quod incipiat imperando tanquam Iudex aliquis aulicus: nunquam superbe, & imperiose aliquid constituat; sed humiliter, & mansuete, quasi per modum Consultationis: exempli causa, dicat, attende ~~quod~~ hoc hac ratione bene fiat: hic enim quasi Consultationis modus, efficacior est ad persuadendum, quod velis, & sedandos animos perturbatos.

QUINTO, frequenter eos priuatim alloquatur; & interdum visitet in proprijs cubiculis; & quando illi ad ipsius accesserint, vt loquantur, iubeat intrare, etiam cum est occupatus: vt ipsi meraduerant, quod non possit illos audire; & cū dimiserit, bonis etiam & suauibus verbis vtatur; Ex *sancto*
Basilio.
dum autem illi loquuntur, ne ipse, scribendo aut aliud quid faciendo, occupetur; ne videatur illos parui facere.

SEXTO, deponat eas cogitationes, & consilia quæ impedire ipsum possunt, ab Officio suo rectè

præstando, & ab attendendo suis domesticis: expendat tempus in sua gubernatione; & hoc sit continuum eius studium: exactè & actu illam exercere. Nam omnium deuotionum ac mediourum sui & totius Collegij profectus, hoc erit maxime substantiale. Quamobrem ne sæcularium negotijs multum implicetur: plus enim populo proderit, si Religiosa ac perfecta subiecta ei dederit, quàm si ipse illorum negotijs se implicauerit.

e Ioan. 10. 4 **S^UP^{ER} PRIM^{UM}**, det operam, vt in rebus omnibus ipse sit primus, vt sic maiorem eius verba vim habeant; & subditi, cùm in aliquo deficient, non habeant, quò se excusent. Ita enim faciens, explebit boni Euangelici Pastoris numeros: de quo dicitur, *e quod cùm proprias oues dimiserit, ante eas vadit.* Aduertat etiam diligenter: ex propria ipsius reformatione, Inferiorum reformationem dependere: qui ipsam Regularum obseruationem à Superiore tanquam à viua regula accipiunt: qui se secum in multis dispenset, in tali obseruatione, eò quòd pluribus rebus sit intentus, non habent vim eius exhortationes & verba; quia non facit, quod dicit.

OCTAVO, Boni consulat, quidquid à quocunque ipsi dicetur; vultu ipso & verbis gratum animum ostendendo: nam vel hoc solo, qui sunt exulcerati, conquiescent; & ipse poterit in multis iuuari: & hoc ipsum sufficiet, vt ab omnibus ametur.

NONO, seruet animi rectitudinem, & integritatem, ne alij insolescant, & fiant arrogantes: Sed

Sed exhibeat simul viscera charitatis, ut cum re-
 ctitudine suauitatem coniungat; sitque sicut il-
 le Dominus, quem Dauid *f. dulcem & rectum* *f. Psal. 24 8.*
 appellat: quamuis interdum, ne pax communis
 perturbetur, expedit cedere, ac dissimulare,
 quando subditus non vult præstare, quod debet;
 agendo cum illo, cum Spiritu amoris: & pati-
 enter sustinendo, quem DEVS sustinet: donec
 ipse dignetur illum visitare, & capacem reddere
 mediorum sui profectus; quæ illi proponuntur.
 Sed non negligat tamen omnia, quæ potest me-
 dia adhibere, quibus possit illum lucrari.

DECIMO in nullo casu, etiam ubi iustissima
 appareat causa, aliquem reprehendat iratus, do-
 nec seipsum prius quietum reddat; & pacatum:
 sic enim licebit postea fratrem suum pacare: &
 facilius eum lucrabitur, si tolleret: quia ipsemet
 tandem agnoscet, suamque obstinationem im-
 probabit, seseque subijciet, & ad pedes prosternet.
 Ratio autem cur non sit reprehensio adhibenda,
 cum Superior est turbatus, ea est, quia Dei omnia
 mandata diriguntur ad charitatem, & cordis pu-
 ritatem; cuius vtriusque sit iactura, si permittat se
 ab indignatione, & auersione ferri. Nec in defe-
 ctibus subditorum valde indignetur, nec suum o-
 stendat defectum & turbationem. In paruis rebus
 non sit valde seuerus, quasi ipse valde esset Iustus;
 nec frequens sit in reprehendendo: sic enim gu-
 bernatio redditur grauis ac dura; & ex frequen-
 tatione vilescit, nec sentitur dum adhibetur.

VNDECIMO, cum subditus ex animi perturba-
 tione resistit, contineat se ipse Superior, memor quod
 ille ipsius sit frater, membrum Christi, & imago Dei;
 & quod

CAPVT XXIV.

*EIVS ZELVS, ET SOLICITVDO
in promouendis studijs humanioribus, &
bona Iuuentutis educatione, ac do-
ctrina Christiana tra-
denda.*



NVM ex ministerijs, quæ So-
cietas in Collegio Metinensi
& in multis alijs exercet, est
illud, vt iuuentutem illius
Reipublicæ doceat literas hu-
maniores, hunc sibi scopum
in eis constituens, vt simul cum
ipsis literis iuuentutem doceat bonos mores: vt à
tenera ætate incipiant seriò Deo seruire, pro vt
veros, ac perfectos Christianos decet. Et quamuis
P. Balthassar Aluarius propter Officiũ Rectoris,
quod ipse gerebat, magna cura, ac Zelo curaret
reliqua omnia ministeria Societatis propria, ex-
actè perfecteque administrari, qualia sunt concio-
nes, Confessiones, morituris adesse, spiritualia
Exercitia tradere, Carceres & Hospitalia visita-
re; & ipsas superiores Philosophiæ ac Theologiæ
facultates, cùm in suo Collegio docebantur, tra-
dere: (vt paulò post videbimus, dum referemus
quæ Salmanticæ gessit) sed maiori multò cura
attendebat huic ministerio tradèdi humaniores
litteras, quod etsi in oculis mundi non sit hono-
rificum: apud Deum tamen est valde gloriosum;
& Ec-

& Ecclesiæ, ac Reipublicæ Christianæ (cùm more Societatis exerceretur) est vtilissimum.

§. I.

CVRAM hanc & Zelum in tribus nominatim rebus ostendebat. *Primum*, quòd valde magni hoc ministerium faceret: ideoq; studebat, eandem opinionem, & æstimationem omnibus Societatis hominibus ita imprimere: vt ad illud cum animi voluptate exercendum adspirarent: eosq; adiuuarent, qui re ipsa in eo iam occuparentur. Et quamuis multæ grauesq; rationes in eum finem a Doctoribus afferantur, tantùm hic insinuabo, quod Pater Balthassar sentiebat, dicebatq; exaggerans, quantum referat literariam Eruditionem cum bonis moribus in tenera ætate coniungere: tam propter ipsorum puerorum vtilitatem; quàm propter parentum, totiusq; Reipublicæ bonum. Nam pueris valde id expedit: eò quòd & præsens & futurum eorum bonum ex eo dependeat: illa enim ætas est instar mollis ceræ, læuis tabulæ, aut chartæ mundæ; facilè enim illis imprimitur, quod docentur siue in literis, siue in virtute: idemq; faciliùs postea conseruant, iuxta illud Poetæ: Quo semel est imbuta recens seruat odorem testa diu: & illud Spiritus sancti prouerbiu: a *adolescens iuxta viam suam, etiam cùm senuerit non recedet ab ea.* Corpus etiam ipsum multò aptius habent ad labores & molestias tolerandas in ipsis studijs, & pœnas propter ea subeundas: sunt etiam instar terræ virginis, aut noualis, quæ primùm profcinditur:

ditur: cuius primi fructus sunt valde pingues & fertiles: & quamuis eueniat aliquando, vt ad eam virtutem negligant, facilius tamen ad eam redeunt: & sæpè memoria eorum, quæ in tenera illa ætate fecerunt, si ab eis aduiores degeneret, facit eos erubescere, & in seipsos reuersos, studio suum vitam instituere, cum facti sunt viri.

PARENTIBVS quoque expedit, vt filij studio educantur, vt bonam ipsis & pacatam adferant senectutem: quare ipsimet optare deberent, & operam dare, vt tales haberent filiorum Institutores, qui ipsosmet parentes in hoc munere iuuarent: pudor enim est, quod parentes adeò sint solliciti de honesta filiorum tractatione in cibo & vestitu; & vt communes statûs & gradûs sui mores imbibant, & humaniores literas discant: tantoque studio diuitias multas pro illis thesaurizent: tam parui verò faciant, quòd studiosos mores non addiscant: quare vereri meritò possunt, ne pereant, grauemque ipsis senectutem adferant: quemadmodum panes, si, dum in furnum mittuntur, incuruentur: non est modus eos, postquam sunt cocti, rectificandi: & Sapiens dicit: *b qui delicatè à pueritia nutrit filium suum, postea sentiet eum contumacem.*

b *Prov.* 29.

21.

REIPUBLICAE quoque valde interest, nã sapientes Studiosi. fermentum sunt ciuitatis; & sal, quod illam à corruptione & periculis præseruat: c *vir pauper & sapiens* (ait Ecclesiastes) *liberauit per sapientiam suam urbem* ab hostibus vallatam. Quam ob rem in vniuersale bonum Ecclesiæ & particularium Ecclesiarum decre-

Seff 23 c. 18. Lateran. sub Leone 10. Seff 9. de Reform. Colon. Moguntii. decreuit sacrum Tridentinum Concilium, (quod etiam statuerunt alia Concilia:) vt singulæ Cathedralæ & Metropolitanæ teneantur Collegia; aut Seminaria erigere, in quibus adolescentes, iam annorum & vltra, educentur in litteris, & eruditione per aptos ad id muneris Magistros. Huiusmodi etiam curâ cõmendarût valde Plato, Aristoteles, alijque Philosophi gentiles in vtilitatem & bonum suarum Rerumpublicarum. Et Plutarchus præclarum edidit tractatum de bona filiorum educatione, in quo ait: quemadmodum statim atque nascuntur infantes, necesse est corporis membra benè componere vt rectâ & æqualiter crescant: ita oportere eorum mores dirigere & componere, vt in bonos ciues euadant.

HAB C summa est rationum, quibus P. Balthassar hoc ministerium valde commendabat: quod noster S. P. Ignatius diuino Spiritu impulsus toti Societati maiorem in modum commendauit. Vt autem cum maiori suauitate nostri illud exercerent, secûdum addebat, quod diximus, excitando, & his alijsque rationibus animum addendo ijs, qui aut ad id muneris erant destinati, aut iam illi vacabant. Habebat enim magnam rationem commoditatum eorum, in omnibus locis publicis eos honore afficiebat: & quamuis inferiorum classium Magistri essent aliqui in Societate Tyrones, quos domi ipse mortificabat, in classibus tamen ipsis eos coram discipulis honorabat; & volebat magni ab omnibus fieri, & vt par est æstimari: eò quòd labor illorum sit cum minori mundi huius applausu, sed cum maiori fructu. Et si, vt oportet, munus hoc præstent, plures animas lu-

mas lucrantur, & ad Christum sequendum trahunt, quàm Concionatores eloquentia suarum concionum. Singularibus quoq; monitis, ac documētis eos instruebat, vt sua officia vtiliter præstarent; proponens eis ante oculos Societatis Institutum, & Scopum, quò illa tendit, propinare scilicet iuuentuti Christianas virtutes, simul cum lacte bonæ doctrinæ: ac propterea cupite eos iuuentuti Magistros præficere, à quibus doceatur, non minus dum illos conspicit, quàm dum audit; hoc est, qui non minus sanctæ suæ vitæ exemplo eam ad virtutem sequendam impellant, quàm scientia, & eruditione literis instruant. Pueri enim faciliùs mouentur ad sequendum quod vident; quàm quod tantùm audiunt: quare si Magister aliud dicat, aliud faciat; benè loquatur, sed malè agat: discipuli sequuntur malū, quod vident; parui facientes bonū, quòd ab illo audiunt. Huc spectat illa Plinij iunioris sententia: filium tuū trade Præceptorī, à quo mores primū, mox Eloquentiam discat, quæ malè sine moribus discitur: & S. Bernardus de S. Malachia narrat, quòd cū iuuenis esset, nunquam potuit persuaderi, vt cuiusdam Magistri scholam ingrederetur, eò quòd semel vidisset eum aliquid, quod non decebat facientem. Quamobrem etiam P. Balthassar valde Magistris cōmendabat, vt attenderent, darentq; operam, vt discipuli præscriptum à Societate ordinem in ijs, quæ ad mores pertinent, exactè seruarent; qui ferè est idem cum eo, quem Tridentinum concilium seruandum proposuit in suis seminarijs: ad quod etiam iuaret, legere Tractatum sancti Bernardi de ordine vitæ, siue de doctrina puerorum; & si-

Epist. ad Car-
relliam Hi-
spullam.

Vbi supra.

milem, quem edidit Gerson de trahendis pueris ad Christum. Ac deniq; ob oculos illis ponebat ingens præmium, quod à Domino nostro tum in hac vita, tum in futura poterant sperare: si enim temporalis infantium educatio illi est accepta, & d *Exod. 1. 20* remuneravit d *obſettrices Aegyptias*, eò quòd pueros, filios Hebræorum ſeruaffent à morte, quam Pharaò Rex Tyrannus inferri eis iuſſerat: quanto magis remunerabit obſequia eorum, qui filiorum Chriſtianorum curam gerunt, quos in virtutibus educant: operam dantes vt eos ab ſpiritualli morte, quam Dæmon eis inferre molitur, eripiant.

A D confirmanda quæ diximus de cura & Zelo Patris Balthaffaris, referam hîc Caput quoddam litterarum, quas dedit ad Patrem Ioannem Bonifacium, qui huic miniſterio ſe dedicauerat, in quo exercendo vltrà quadraginta annos cum magno fructu perſeuerauit, etiamſi Pater noſter Generalis illum in initio ad ſtudia Theologica (ad quæ non vulgare talentum habebat) inuitaret. Nam pro humanitate illa ſibi oblata gratias agens, eam tamen non admittit: hac igitur occaſione Pater Balthaffar hæc ad illum ſcripſit: So-
 „ licitus eram de Electione à Patre noſtro Genera-
 „ li Reuerentiæ Veſtræ oblata: ſed magnum mihi
 „ fuit ſolacium, quod elegerit in iſto miniſterio
 „ pergere: in ea ſiquidem Profeſſione cum maiori
 „ ſecuritate R. V. operabitur ſuam & multo-
 „ rum ſalutem, qua magis opus habet; quàm
 „ Societas ipſa eiufdem Theologia; ad quam ſe-
 „ ctandam, ſi deſiderium altioris nominis, & Opi-
 „ nionis impulerit, meminerit bonum eſſe, quod
 iam

iam habet; illudque non debere à Religiosis qua-
 ri, sed se ipsos abijcere: quod si illud eis expedi-
 at, dabit illud Altissimus, qui nouit humiles eri-
 gere, & extollere: quare talis R. V. in Societate
 habebitur, qui reiecerit, quod multi sollicitè qua-
 runt: cùm illud in manibus suis haberet. Quod
 verò attinet ad hoc munus hîc vel alibi præstan-
 dum, vt non nocet, si Superioribus proponatur, i-
 ta absque vlla comparatione est melius, in vno
 loco cum magno suo solatio conuiuiscere, do-
 nec Deus Angelum suum mittat, qui serui sui
 mutationem ad locum alium instituat: vt sal-
 tem sic, qui vita sua approbet vitam Christi D.N.
 qui ubicun-que eum Patris sui ordinatio cõstitue-
 bat, ibi persistebat, donec ab eiusdem ore audiret
reuertere, à quo prius audierat, *e fuge*. Hanc ve-
 ritatem credat R. V. ab eo, qui ex corde illam in
 Dño amat; & qui pro eiusdem bono libenter eius
 præsentia caret; bonoq; nomine & auxilio, quod
 ex tali Patre Collegium hoc Metinense habere
 potuisset. Hoc dicebat P. Balthassar, eò quòd Bõ-
 nifacius tunc Abulæ doceret: sed optaret Metinã
 migrare, vbi ille erat Rector, cupiens sancta eius
 gubernatione frui: fidelis tamen Consiliarius po-
 tius respexit bonum consulentis, quàm propriam
 vtilitatem; cupiens omnes Societatis operarios,
 munijs suis cum magno solatio, & quiete atten-
 dere in loco, in quo Deus illos collocauit.

SE D, vt ad institutum nostrum reuertamur, nõ
 satis habebat Pater Balthassar, quòd Magistros i-
 psos ad suum munus rectè præstandum estimula-
 ret; sed specialem etiam curam gerebat ipsorum
 iuuenũ: quibus non solũ curabat fieri spirituales

bis & conuersatione tua erga proximos : quare ab illis verbis abstinete, quæ vel irâ, vel impatientiâ, aut turpitudinem redolcant; prauas Societates euitate, quæ sunt proborum morum venenum.

H V I V S M O D I consilia ac documenta tradebat iuuenibus; quos vt recollectiores seruaret, magisq; piè addictos ad Virginem sanctissimam redderet, valde fouit eius Congregationes, quæ tunc erigi cœperunt in hac Prouincia; & Villæ-Gartiæ vbi studia hæc valde florere cœperunt, ipso ibidem Rectore, assignauit illis Sacellum quoddam templi nostri; in cuius superliminari scribi curauit sententiam illam ex Pro- uerbijs: *h Multa filia congregauerunt sibi diuitias: h Prom. 31.29 tu supergressa es vniuersas.* Valde ego mirabar affectum eius ac deuotionem, quæ huic rei attendebat, cum aliàs grauissimis alijs occupationibus grauaretur.

§. II.

E O D E M Zelo studuit etiam promouere munus tradendi pueris rudiq; plebi doctrinam Christianam: quod Pater noster S. Ignatius tanti fecit, vt, ne abiret in obliuionem, aut contemneretur, voluit nominatim eius fieri mentionem in Votis solennis Professionis. Et constituit, vt Rectores Collegiorum primo muneris sui anno per dies quadraginta Christianâ doctrinam traderent, pro bono subditorum, qui in eo Collegio sunt, exemplo, & ad sanctum hoc Exercitium magis excitandum; & ipsis Professis idem fuit constitutum: vt intra primum Professionis annum per quadraginta etiam dies illam trade-

humile, sed excelsum valde iudicabat: ideoq; illud exercere non dedignabatur. Quare eò liberius illud etiam alijs commendabat, vt magna cum diligentia illud obirent, & ita singulis septimanis semel ad scholas puerorum accedebat, & Villagarcia mittebat nos binos ac pedites in diebus Dominicis ad vicinos pagos, vt inde ibi exerceremus: vt sic antiqui, & Tyrones ad Exercitium ad eò sanctum valde afficerentur.

CAPVT XXV.

*PROFECTIO EIVS ROMANA,
& fiducia in Deum, qua se ad eam disposuit,
diuinamq; Prouidentiam, &
Angelorum custodiam
expertus est.*



VM P. Balthassar esset Collegij Metinensis Rector, electus est Anno 1571. in Congregatione Prouinciali Procurator huius Prouinciæ, iuxta morem Societatis: quo singulis triennijs eligitur aliquis quatuor Votorum Professus, qui sit tot Religionis, Prudentiæ & experienciæ dotibus ornatus, vt Prouincia tota meritò possit illi sua negotia committere, vt præsens possit cum Patre nostro Generali ea tractare; ac deliberare, an necesse sit Generalem Congregationem cogere ad vniuersale totius Societatis emolumentum, cumq; ipse

S. 4.

aliquot

aliquot ante dies, suspicaretur, se eligendum, valde id timuit: tum, quòd videretur sibi parum aptus ad eius muneris executionem: tum quòd vereretur, ne profectio tam longa ipsum distraheret; ac in fervore Spiritûs, quẽ habebat, torpesceret. In his ergo angustiis recurrrens ad Deû D. N. obtulit se illi, ad quæcunque de ipso statuere vellet, & nominatim ad ipsâ profectiõem. Fingebat sibi hoc munus instar alicuius ingêtis arboris, ad quã in humeris portadã se obtulit, nec ramusculû, nec foliolû aliq̃ eius deponens. Tûc (vt in suo libello ipse notauit) infudit illi Deus tantam internã claritatẽ, vt omnes præcedẽtes tenebras expelleret; & animi debilitates exueret, & sequẽtes

„ has veritates doceret. Si Deus te educit, quid ti-
 „ mes profectiõem aut hostes? magnã potiùs gratiã
 „ existimare deberes, q̃ velit ipse Deus tua opera v-
 „ ti. Quid Moyses perdidit ex eo q̃ fuerit aggressus,
 „ quod ei Deus imposuit, ipse verò tantoperẽ hor-
 „ rebat? & quid est id velle refugere, nisi in eã ani-
 „ mi abiectiõem incurrere, quã Deus in ipso Moyse
 „ reprehẽdit, & nolle eũ tibi imperare (& in illã a-
 „ nimi imbecillitatẽ, quam ostendit Ierem. cùm di-

a Iere. 1.6 „ xit: a A, A, A, Domine Deus: ecce nescio loqui, quia
 „ puer ego sum? cui respondit Dñs: ego sum, qui ad
 „ loquendũ te eligo, & tu nõ scies loqui? & cũ Deus
 „ quẽpiam in re aliqua constituit, cui desit peritia
 „ ad eam præstandam: Deus eam infundit: si virtus
 „ desit, negabit ne illam ei? Moyfi deprecanti
 „ Officiũ, quod Deus illi iniungebat, dixit:
 b Exod. 4. „ b quis fecit os hominis, aut quis fabricatus est mu-
 „ tum aut surdum, videntem aut cæcum? nonne ego?
 „ multũ lucratus est Moyses quod aggressus esset ex

Obe-

Obedientia, quod Deus iniunxit, siquidem ad tā-
 tam cum Deo familiaritatem peruenit, qua bea-
 tior fuit in terra, & omnibus eius Regibus illu-
 strior, sapientior & sanctior. commissum sibi ne-
 gocium, fuit illi singularis beneuolentia & fauor
 apud Pharaonē & eius magnates; & quod Deus
 illi esset comes, rectitudo ac securitas fuit in eius
 peregrinationibus. Et mox orta in animo meo est
 magna interior fortitudo, & fiducia, quod esset
 mecum idem futurum, si cum amore & ex Obe-
 dientia professionem illam susciperem: & ita il-
 lam ex eo momento acceptaui, & commendaui
 Domino, eiusq; Sanctissimæ matri, & Sanctis Pe-
 tro, Paulo, & Iacobo Apostolis, & Sancto Anto-
 lino: petijq; supplex Spiritum Instituti nostræ So-
 cietatis: Qui iter imperat, ipse transitum securum
 reddet. Iacobo Patriarchæ in medio itinere, &
 cum valde incommodè haberet, ostendit se Deus,
 celosq; illi aperuit, & fauorem suum promisit;
 & qui ex domo paterna discedenti tot contulit
 beneficia; ad eandem redeunti, non iam soli ut
 prius, sed cum magno comitatu, iterum apparuit:
 & mutans illi nomen, tutum reddidit à violentia,
 & inuasionē, quam à suo fratre timebat. Et quid
 Abraham amisit ex eo, quod ex terra sua exierit,
 ut obediret Deo? quid Ioseph, eò quod fuerit à
 proprijs fratribus venundatus, & humiliatus in
 Aegypto? Hæc omnia sunt P. Balthassar's verba, à
 Deo ipsi inspirata, ut magnum animum fiduciam-
 que conciperet de Prouidentia diuina, si profe-
 siones, aut Officia admitteret ex Obedientia.
 Quare cum magno verborum pondere dicere so-
 lebat: excelsum & compendiosum omnium no-

„strarum necessitatum remedium esse, diligere
 „Deum, & procurare diligenter illi placere: nam
 „sic posse nos illi fidere: adè enim ipse Iustos dili-
 „git, vt nolite eos esse sollicitos, aut curam habere
 „de suis commoditatibus; sed vt totam suam cu-
 „ram in eam conijciant, quam ipsemet Dominus,
 c *Matth. 6.* „illorum gerit: & propterea illis dixit: c *quarite*
 33. „*primum Regnum Dei, & haec omnia adiicientur*
 „*vobis.* Si quem haberetis amicum adè vobis ad-
 „dictum, vt in vestri gratiam vestiret holoserico
 „vestros fatulos, eisq; splendida exhiberet conui-
 „uia: aliquod ne dubium posset vobis superesse,
 „an vellet ille taurundem vobis praestare, si indi-
 „geretis? non certè. At hoc est, quod dixit Chri-
 d *Matth. 6.* „stus D. N. si d *Pater vester caelestis lilia agri tanta*
 28. „*pulchritudine vestit, vt nec Salomon in omni glo-*
 „*ria sua sic fuerit coopertus; & si auiculas ipse alit*
 „in obsequium hominis: an dubitare licebit i-
 „dem ipsum praestitutum vobis, quando eo in-
 „digebitis? ô modicæ fidei homines, ista enim a-
 „nimi vestri defectio infidelium potius est
 „propria, quàm Christianorum: *Scit enim*
 „*Pater vester caelestis, quia his omnibus indi-*
 „*getis.*

Huius Dei Providentiæ magnam P. Balthas-
 sar experientiam habebat, quâ in sua fiducia val-
 de confirmabatur. Quare loquens de suis profe-
 „ctionibus dicebat: experimur Deum non depo-
 „uisse nostri curam in dispositione itineris singu-
 „lorum dierum, ita enim deducebamur, quasi à
 „duce Angelo, cum ea itinera non praëuissse-
 „mus, neq; in eis conueniens alimentum nobis de-
 „esset: quamuis particula aliqua crucis Christi no-
 bis

bis obtigerit in laboribus & hospitij, & in usu rerum, quæ erant propriæ pauperum.

SE D vbi maximè hanc Prouidentiam est expertus in rebus omnibus corporalibus, & spiritualibus, fuit hæc profectio Romana: in qua Deus plenè præstitit, quod promiserat. Nam faciens iter per Gallias, vbi hæreses insolenter ferueſcebant; & vbi postea tres alij graues Patres huius Prouinciæ, idem tenentes iter capti fuerunt, & crudeliter ab hæreticis habiti, vt paulò post videbimus. Ab his, inquam, omnibus periculis Deus eum eripuit, desideriumq; impleuit, quod tenebatur Sacrum Missæ quotidie celebrandi. Sciuit, & potuit magnum in omnibus suis spiritualibus Exercitijs ordinem seruare; & maiori diei parte, aut etiam toto dum in itinere pergeret orationi vacabat: & Pater Franciscus Vasquius (satis in hac Prouincia, ob singularem suam prudentiam & eximium ad conciones talentum, notus, qui simul cum eodem Patre, tanquam Boeticæ Prouinciæ Procurator proficiscebatur) aduertit, quotiescûque eum aspiciebat, esse relectum, & quasi in Dei præsentia constitutum; & idem seruauit in ipsa vrbe, in qua noluit distrahi excurrando ad videnda curiosa, quales sunt multæ in Vrbe antiquitates: Sed tempus, quod alij in ijs rebus consumeabant, expendebat ipse in prolixa oratione apud Sanctorum corpora, quos visitabat. Et quoniam adeò rara præbebat sanctitatis exempla, effecit Deus, vt omnes illum honorarent, ac venerarentur. Optabant illū ibi manere, vt Rector esset Magisterq; Tyronū: iudicantes benè collocatū fore in capite illo orbis,

eum

cum qui caput esset inter Tyronum Magistros, qui tunc essent in Societate. Sed vir sanctus stationem illam adeò publicam fugiens, demissè excusauit se. defectum prætexens, quem suæ Prouinciæ esset allaturus. Ideoque P. Franciscus Borgius, tunc Societatis Generalis, cuius insignis sanctitas & spiritus toti mundo valde est nota, illum permisit redire: tantiq; illum fecit, vt non solum multa ad vniuersale Societatis bonum spectantia cum eo conferret; sed interna etiam, & spiritualia, studendo penetrare, quantum Deus rerum illarum ei communicasset.

IN reditu etiam internæ eius perfectionis experimentum accipere voluit P. Iacobus Mironus, Assistens eiusdem P. Generalis Francisci Borgij, qui Pij V. Pontificis iussu veniebat in Hispanias cum Cardinali Alexandrino eius Nepote ad grauissima Ecclesiæ negocia, cui P. Generalis cum non posset ipsemet omnes Hispaniæ Prouincias visitare, constituit P. hunc Mironum, Lusitaniz Visitatorem, cuius antea fuerat Prouincialis. Hic, inquam, Pater constitutus Superior omnium è Societate, qui tunc illud iter in Hispaniam faciebât, præ alijs affectus fuit valde ad P. Balthassarem, ob insignem eius sanctitatem: apud quē valde contēdebat, vt socius eius esset in illa Visitatione: quod tamen ille demissè valde recusauit, asserens, se magno desiderio teneri ad quietem suam Metinensem redeundi, vt odore illo recrearetur, quem Probatio ex se afflaret, per Nouitiorum feruorē: nam id plurimum conferre ad excitandam animam à torpore: & Officiū Magistri Nouitiorū aptissimum esse omnium, quæ sunt in Societate,
ad red-

ad reddendum hominem sanctum. Hoc responsum audiens Pater Mironus experiri voluit, & clarius cognoscere virtutem P. Balthassaris, & ita illi dixit, ut benè attenderet occasionem illam, qua eius tunc esset socius, magni esse momenti: nam posse illum variarum Prouinciarum cognitionem & notitiam acquirere; & cum ipse Romam cum Patre Generali reuerteretur, maneret; tanquam Superior & Visitator omnium. cui P. Balthassar subridens respondit: O mi Pater, si scires paruum meam ad huiusmodi officia propensionem, & repugnantiam, quam ad illa sentio; & quanto pluris faciam per totam vitam in aliquo angulo ad odorem Nouitiatus manere: non me ad talia officia inuitares; quo responso accepto, miratus P. Mironus destitit à sua petitione.

SED audiamus rarum quendam casum, qui in reditu ex vrbe, transeunti per Galliàs ei euenit; in quo paternam suam Prouidentiam Deus ostendit, ex ingentibus eos periculis & laboribus eruens. Nam exeuntes post prandium ex quadam ciuitate, & ituros ad aliam quatuor miliaribus distantem, aliquis eos monuit, ne viam Montanam tenerent, eò quòd ibi essent grassatores; sed per quendam prata & lacum, siue paludes aquis plenas, per quæ loca tutò pergere possent. Peruenientes igitur ad prata, & aquam ingressi coeperunt bestia, quibus insidebant, mergi vsq; ad ventrem: & iudicantes, impossibile fore tantum spatium, quod supererat ita pertransire: siquidem initio aqua esset adeò profunda, ut timentes lammam aliquam, quæ necessariò videbatur ibi futura, hærerent omnes dubitantes, quid facerent: & tunc

tunc vocem audiuerunt pueri cuiusdam ad ripam
existentis ac dicentis: quod non bonam viam te-
nerent; sed vt declinarent ad semitam, quæ erat
circa lacum versus montem. Sed incepterunt dubi-
tare, an fortè Deus illis hoc significaret, ac pro-
pterea expediret, semitam illam tenere; an fortè
puer ille submissus esset à Prædonibus ad illos de-
cipiendos, quod re ipsa ita erat. quare ex Dei in-
spiratione decreuerunt inceptum iter tenere, quâ-
uis augeretur timor periculi imminenti, cum vi-
derent per eundem lacum venientem quandam na-
uim in qua multi erant reuigiles, rubris vestibus
induti: quo recedentes à parte montis versus ipsos
nauigabant: quare etiam timebant, ne illi essent
prædones quos volebant vitare: qui aduertentes,
ipsos non tenuisse semitam, veniebant, vt liberius ipsos
in medijs aquis spoliarent. Sed timor hic mox e-
uanuit: quia viderunt, illos ad terram descendisse,
& in alio itinere progressos. Solùm itaque ti-
mebant, ne fortè adhuc aberrarent: qui metus,
quò vltèriùs progrediebantur, eò magis cresce-
bat: adeò, vt cum medium circiter milliare per a-
quam essent progressi, iudicabant, temerarium es-
se, vltèrius progredi; & ita decreuerunt per ean-
dem viam retrocedere. Sed tunc viderunt Equi-
tem valde splendidum venientem versus ipsos,
per eandem viam, qua ipsi venerant; & ita per a-
quam currentem, atque si per terram curreret,
qui ad ipsos perueniens, humanissimè eos salu-
tans dixit: vt ipsum absque vllò metu sequerentur,
nam se optimè tenere viam, & ipsos saluos
deducturum. Acquieuerunt ipsi, adeoq; celeriter
perrexerunt, vt ante solis occasum ex lacu exiue-
rint.

rint. Et tunc Eques viam illis indicauit ad locum, quò peruenire cogitabant, nec amplius quàm medio miliari inde distantem, nec vllum esse periculum aberrandi. post quæ verba, omnibus videntibus, Eques euauit, & aduerterunt, eum neque vltèrius progressum esse, nec retrocessisse per aquam, nec ad vnum, nec ad alterum latus declinasse. Quare omnes agnouerunt singulare Dei beneficium, & aliquantulum hæserunt, gratias illi agentes. Aliqui fauorem diuinum hunc tribuebant sanctitati P. Mironij, quæ verè erat magna, & ille maximè instabat, vt per lacum progredirentur. Alij verò tribuerunt P. Balthasari, & continuæ eius orationi: par est autem credere Dominum nostrum vtriq; fauorem hunc exhibere voluisse, quorum oratio, vtpote valde Iustorù fuisset adco benignè in eius conspectu exaudita, adiuantibus tamen etiam orationibus reliquorum sociorum, cum ipse Saluator dixerit; *e quando duo e Matt. 18. vel tres consenserint super terram de omni re quam-* 19.
cunque petierint, eam obtinebunt à Patre caelesti.
 Sed non licet dubitare, Orationem P. Balthasaris, & fiduciam; quam de diuina Providentia ille habebat, magnum locum habuisse in foelici hoc euentu, quã voluit Deus nunc ostendere, quẽadmodũ fecit in alia huic simili occasione, cum ipse P. rediret ex Visitatione Prouinciæ Aragoniæ, vt postea videbitur. Nec dubitari potest, quin Eques ille fuerit Angelus Dei, habitu dissimulato: cum Angelis Custodibus hoc munus inter alia valde conueniat, iuxta illud Dauidis: *f Angelis suis man-* f Psal. 90. 11
dauit de te, vt custodiant te in omnibus viis tuis,
in manibus tollent te, ne offendas ad lapidem
pedem

pedem tuum. In his autem omnibus ex eo confirmor, quod tunc temporis P. Balthassar singularem habuerit erga SS. Angelos deuotionem, vt apparet, ex singulari quodam sensu, quem 22. Decemb. ipsiusmet anni 1571. quem ipse his verbis refert.

„ Cùm essem in oratione matutina hoc in me studium Deus ostendit, quod ego singularis eius fauoris loco habui. quod scilicet singulariter valde me inclinauerit ad Reuerentiam Angelorum, eius scilicet qui Beatissimæ Virgini Incarnationem filij Dei annunciauit; & eius, qui ipsi Christo passionem in horto oranti eum confortando prædixit; & eius, qui æterno Patri Sacrificium altaris quotidie præsentat, tanquam medium æstimationis & reuerentiæ his ministris habendæ. Item valde propendi ad tres alias eorum Societates, ijs scilicet, qui Christo D. N. oranti, pugnanti; & iter facienti astiterunt; & in eisdem tribus rebus nunc Iustis assistunt; Angelis item meorum officiorum, Custodi animæ meæ, & particularibus Patrum & Fratrum, qui meæ curæ cõmittentur. Et ab ea hora agnoui me teneri ad particularem eorum reuerentiam, ex Obedientia Domini, credens ipsum omnibus illis me commendasse speciali suo iussu & imperio. Cùm igitur S. hic vir aded fuerit Angelis piè addictus; & ei, qui Christum D. N. in suis itineribus ducebat, & nunc iustos ducit in ipsorum profectioibus: non mirum est, si aliquis eorum venerit ad eum in hoc itinere ducendum, & in reliquis, ita vt singulorum dierum itinera ita expedita haberet, quasi Angelus aliquis ea dirigeret; vt suprâ retulimus:

SAD non decet præterire absque magna consideratione

deratione duos titulos, siue nomina hinc ab ipso insinuata, ob quæ tenemur ad hanc deuotionem, & reuerentiam nostris Angelis exhibenda. Vnus titulus est, eò quod Deus D.N. id velit, ac præcipiat; quemadmodum enim diuina eius Maiestas Angelis suis mandat, vt nostri sint Pædagogi, & cultodes: cui vt obediant, id faciunt cum summo amore, ac diligentia: ita etiam iubet, nos eos amare, venerari, eisq; tanquam Magistris nostris parere, sequenti: & ipsorum directionem, & inspirationem in vtilitatem nostram tendentem. quemadmodum Princeps, qui iubet Pædagogum sui filij curam gerere, etiam iubet filium eidem obedire. Alter titulus est, ob ingentia bona quæ ab ijsdem Angelis accipimus, quæ maiora sunt, quàm cogitatione assequi possimus: quare lege gratitudinis tenemur eos diligere ac venerari, tanquam insignes adedò nostros benefactores. Quare omnes idem Angelo nostro dicere possumus, quod Tobias dixit suo, scilicet Raphaeli à quo mirabiliter deductus fuit in quadam perfectione: *g Si me ipsum g Tob. 9.1. tradam tibi in seruum, non ero condignus providentia tua.* Et quid mirum quod terrestris homo, tanquam seruus obsequatur coelesti Principi: cum ipse existens Princeps cælestis, dimittas se, vt Pædagogus & Custos sit hominis terrestris?

(*)

T

CAPVT

CAPVT XXVI.

*VISITAT DOMVM LAVRETA-
nam; & fert secum Exemplar Imaginis à
S. Luca depictæ; & magnam ostendit erga
Virginem sanctissimam, aliosq̃
Sanctos deuotionem.*



V o fecit P. Balthassar in hac
sua Romana profectioe, in
quibus magnam ostendit de-
uotionem erga Virginem Sa-
cratissimam, per quam singu-
laria à Deo Domino. accepit
beneficia, quemadmodum alij

Sancti, qui eidem Virgini piè addicti fuerunt: est
enim suprema hæc Virgo tanquam collum mysti-
ci Ecclesiæ corporis, per quod, ipsa intercedente,
caput eiusdem corporis Christus D. N. magnam
coelestium donorum copiam fidelibus suis largi-
tur, ijs præcipuè, qui in vitæ puritate, in doctrina,
& scientia spiritus eminent, cum feruenti Zelo a-

a Dan. 12. 3. nimas iuuandi: qui a *quasi stelle firmamenti ful-
gent in perpetuas aternitates.* Ex his stellis coro-

b Apoc. 12. 1. na illa conficitur Regina cælestis, per b *mulierem
illam in Apocalypsi significatæ, quam S. Ioannes
vidit, habere in capite suo coronam stellarum duo-
decim:* nam quemadmodum boni discipuli iuxta

c Phillp. 4. 1. Apostoli sententiam, c *gaudium sunt & corona
sui Magistri, ita hi Sancti sunt corona Sacratissi-
mæ Vir-*

mæ Virginis, utpote omnium Magistræ, à qua in-
 spirationes, & stupenda sensa accipiunt, eorum,
 quæ in eius obsequium facturi sunt. Et quamvis
 d *Draco ille magnus habens capita septem, cauda* d *Apoc. 12.4*
sua traxerit tertiam partem stellarum: calis; contem-
 datq; etiam illas trahere, quæ sunt in corona hu-
 ius Virginis: illa tamē viriliter eas defendit, pro- c *Eccl. 24.*
 fundas e *mittens in suis electis radices.* Et qui tene- 13.
 ram, substantialem, ac permanentem deuotio-
 nem er, a cum genuit, pignus magnum (teste S. *Lib de ex-*
 Anselmo) habent, quod i sint de numero præd. sti- cellentia
 natorum, de quibus ipse Saluator ait, quod f non *Virgi. c. 4.*
rapiet eos quisquam de manu eius, & de manu Pa- f *Ioan. 10. 28*
tris eius: ac proinde nec ex corona dulcissimæ suæ
 matris. Una igitur harum stellarum fuit Pater
 Balthassar, qui ab ipso Tyrocinio, singulari deuo-
 tione fuit supremæ huic Virgini addictus, cuius
 Officium tanta animi teneritudine recitabat, ut
 Pater Gaspar Astetus eius Connouitus, simul i-
 dem Officium cum eo recitans, obitupesceret,
 videns eius spiritus consolationem, & eleua-
 tionem, cum ad aliquos versus perueniebat: in
 qua deuotione adeo semper proficiebat, ut in-
 fernalis ille Draco, rabie quadam actus, quod
 in eo tantam videret deuotionem; omnem co-
 natum adhibuerit, ut illum deiceret, ac pro-
 sterneret, horrendas illi tentationes suggerens,
 ut à familiaritate cum Deo & Sanctissima eius
 matre deterreret. Et cum Pater in oratione exi-
 stens, hunc hostis conatum animaduërte-
 ret, dixit ei Dæmon apertè: remitte tu, &
 ego remittam; præcipuè, ut istam deuotio-
 nem dimittas, quam habes in istam mulierem,

quam Mariam appellant. Ex quo apparet, quàm esset grata Deo viri huius oratio; & quanta eiusdem ad Virginem Sacratissimam deuotio, quam Sathanas tanto odio prosequabatur. Sed hoc ipsum amplius Patrem exstimulabat, ad perdurandum, & amplius in ea crescendum, nullam prætermittens occasionem, quæ ad eum progressum occurreret.

HINC factum fuit, vt cum in profectioe Romana magnæ animæ suæ consolatione sancta loca visitasset ipsius vrbis, & aliarum Ciuitatum, per quas transire contingebat, valde cuperet etiam visitare sanctum locum Lauretanum, in quo est ipsamet domuncula, in qua Sanctus Gabriel Angelus Virgini Sanctissimæ annunciauit Incarnationem filij Dei, & altissimum hoc mysterium in eius purissimis visceribus est peractum; & vbi illa cum suo sponso Sancto Ioseph, & Sacratissimo suo filio, postquam natus fuerat in Betlehem, & in templo Hierosolymitano præsentatus, manserunt, antequam in Aegyptum fugerent; & post reditum ex Aegypto per multos annos. quæ domus miraculosè fuit per Sanctos Angelos Lauretum, vbi nunc est, translata, habeturque iure optimo, quasi vnus ex locis sanctissimis, qui sunt in orbe; & ita frequentatur ab omnibus piè eidem Virgini addictis, à qua ibidem magna beneficia & fauores accipiunt: & Pater Balthassar accepit, quàm diu ibi cum solito suo feruore, & Orationis continuatione hæsit: & quamuis ipse id occultauerit, sicut multa alia: possumus tamen aliqua deducere ex ijs, quæ idem Pater paucis post
annis

annis insinuauit, cum Vallis-Oleti, quasi ad Extremum, ex graui quodam morbo decumberet. Cùm enim Pater quidam illi ostenderet Sacratissimæ Virginis, & gloriosi eius sponsi S. Ioseph imagines, suaderetque vt glorioso illi sancto se commendaret, respondit ægrētus, optimè dicis: sic enim hæc Domina (indicans Virginem sanctissimam) mihi dixit. Pater autem ille admiratus ex tali responsionis genere, accessit ad socium itineris eius Romani, fratrem scilicet Ioannem Santium (hominē magnæ Religionis & Orationis quā hauferat ex sancti huius Patris continua familiaritate tam in illo itinere, quàm postea longo tempore, & tunc erat eius Infirmarius) eumque interrogauit, an aliquid sciret de P. Balihassaris deuotione ad S. Ioseph. Cui frater ille respondit: quodam die mane, postquam Pater in Lauretana domo suam orationem habuisset, cùm exiret ex templo dixisse ipsi, magnum se concepisse affectum deuotionis ad gloriosum Sanctum Ioseph. Ex quo facile intelligitur iuxta responsum nunc prædicto Patri datum, Angelorum Reginam singularem aliquam gratiam in domo illa sua Patri fecisse, ac tanquam Magistram ea illum docuisse; quæ ad eius salutem & perfectionem multum referrent: & inter alia commendasse deuotionem ad Sacrum eius sponsum: id quod satis apertum indicium est, Patrem multò maiorem deuotionem ad Sacratissimam ipsam Virginem habuisse. Nam quemadmodum, quos ipse Dei filius amat, eosdem impellit ad suæ matris deuotionem, in signum amoris, quem habent in ipsum; & vt ea via proficiant:

cient : ita eiusdem Domini mater , quos amat , monet , & hortatur , vt concipiant erga suum sponsum S. Ioseph affectum , ac deuotionem , testem amoris , quem erga ipsum habent ; & vt deuotio erga vtrumque perfectiores illos reddat.

ALIVD quoque fecit Romæ Pater Balthassar , ad fouendam suam deuotionem erga Angelorum Reginam , cuius imaginem , cum filio Dei in vlnis suis exactissimè depinxit deuotissimus Sanctus Lucas Euangelista , quæ etiamnum seruatur in Ecclesia Sanctæ Mariæ Maioris in Vrbe. Pater autem Franciscus Borgius , cum esset Generalis nostræ Societatis ob singularem in supremam hanc Principem affectum & deuotionem , cum plurimum apud Summum Pontificem autoritate valeret , eiusque fauorem experiretur , obtinuit facultatem , vt eius imaginis exemplar exactissimum & ad viuum pingeretur ; ex quo ipse postea alia multa fieri curauit , quæ ad varia loca deferrentur : vt hæc deuotio in omnibus locis cresceret. Horum exemplarium vnum valde elegans obrinuit Pater Balthassar , secumque tulit ad suam in omnibus periculis protectionem. Et cum Metinam , vbi erat Rector , peruenisset , curauit , pulchrè exornatam in sacello quodam eleganti & capaci collocari , vbi Tyrones ad exhortationes audiendas , & alia exercitia spiritualia peragenda conuenire possent ; & sic omnes conciperent magnam erga Beatissimam virginem deuotionem , per quam , obtinerent perfectionem , suæ vocationis propriam. Quod Sacellum

lum frequenter ipse visitabat , prolixas in eo coram Sacratissima Virgine fundens preces ; & interdum totas noctes ibidem manens : ex quo superiùs positi sequebantur euentus. Nec his contentus gestabat secum parvam eiusdem Virginis Icunculam , in signum magni erga illam amoris ; & tanquam tutum scutum aduersus tentationes. quemadmodum euenit illi , cum per septem integras horas in eam oculos suos confixit , ne alias mulieres aspiceret , vt superiùs est dictum. Singulariter autem colebat ipsius Virginis sacratissimæ festa , feruentiori se oratione ad ea præparans , in quibus singulares etiam experiebatur visitationes , & fauores internos : quorum vnum tantum hic subiiciam , quem in suo libello ipse refert , sic dicens : quodam die Conceptionis Virginis sacratissimæ duo sum interna sensa expertus : alterum fuit , in quo supplex Dominum orauit , vt cor mihi post tot annos , ad eum ipsum conuersum daret , quale Sanctissimæ suæ matri dedit in primo instanti suæ Conceptionis in mundo. Alterum fuit , vt quandoquidem se ipsum nobis dans , etiam æternum suum Patrem , ac dulcissimam suam matrem nobis dedit ; cum hac gratia det etiam aliam , vt scilicet nos ipsos eisdem tradat ; vt & æterno eius Patri , ac dulcissimæ matri eam reuerentiam amoremque quem par est , exhibeamus. Et siquidem S. Ioanni dixit : ecce mater tua ; & matri : ecce filius tuus : & ex tunc discipulus eam tanquam matrem suam habuit : ita nunc eandem det nobis in matrem : Hæc duo sensa valde infixæ habuit cordi

suo, & vt fidelis filius talis matris studuit non solum per se ipsum eam honorare, ei que obedire; sed etiam, vt alij idem facerent, contendit.

MVLTVM ad hoc illi contulit magna familiaritas cum P. Martino Gutierrio, qui fuit vna ex stellis splendentibus Coronæ ipsius Virginis, ob singularem in eam deuotionem, quæ sæpius illi apparuit, & semel quidem gratias ei agens, ob quandam quæstionem, quam ille iusserat tractari, in magnum ipsius Virginis honorem: in quam rem etiam P. Balthassar operam suam contulit; valde cupiens, foelicem eius exitum habere. Nam cum Pater Magister Ioannes Auila, author libri, qui inscribitur, *AVDI FILIA*, in Bætica pro Concione dixisset: gratiam Virginis Dominæ nostræ maiorem esse, & copiosiore, quàm omnium Sanctorum simul, tam Angelorum, quàm hominum, qui fuerunt, & erunt: existimantes prædicti Patres, hanc sententiam (quod verissimum est) ad magnam de Virgine Sanctissima opinionem, & æstimationem concipiendam multum conferre, egerunt cum P. Francisco Suarrio, (qui tunc studia Theologica priuatim repetebat, viro rari ingenij, nec minus quàm illi ad Beatissimam Virginem affecto) vt quæstionem quandam conscriberet, in qua ostenderet ipse sententiam illam valde esse probabilem, & Sanctorum doctrinæ, rectæque rationi conformem. Fecit tunc P. Suarius, quod præclari hi viri petebant, cum illorum magna approbatione: sed postea eandem quæstionem fusiùs amplificauit, & locupletauit in secundo suo Tomo in tertiam partem

S. Thomæ,

S. Thomæ, ubi magni sui ingenij ac deuotionis ve- *Disput. 18.*
 la foeliciter expandit, ostendens & firmans ac ex- *Sess. 4.*
 tollens gratiam, & excellentias sacratissimæ Vir-
 ginis.

ÆQUVM etiam erit, sancti huius viri pieta-
 tatem, ac deuotionem in ea profectione perpen-
 dere; non solum erga S. Ioseph, quæ fuit magna;
 & erga Angelos, de qua proximo capite diximus:
 sed erga reliquos etiam Sanctos, quorum sepul-
 chra visitauit, ac veneratus est, supplex eorum pe-
 tens intercessionem: quam etiam habebat, ad San-
 ctum, cuius ipse nomen gerebat; & ad Patronos
 Regni aut loci, in quo manebat; & ad alios ex im-
 pulsu Dei. Cum quibus dicebat, duplici ratione a-
 gi, quemadmodum cum intimis & familiaribus
 alicuius Principis: aut loquendo scilicet cum eis,
 & orando, vt pro nobis intercederent, à Deo quod
 optamus nobis obtineant; aut memorialia & peti-
 tiones eis offerentes, in quibus sermo fiat non cū
 eis, sed cum ipso cœli, terræque Principe: vt li-
 bentius ille per eorum manus, quam per nostras
 admittat: & hac ratione orationes offerimus
 Pater Noster & Ave Maria, & similes, quasi me-
 morialia, quæ illi diuinæ Maiestatì tradant, & v-
 troque modo egit Pater Balthassar cum Sanctis, à
 quibus magnos obtinuit fauores, & beneuolen-
 tiam, vt videre licet in ijs, quæ scripta reliquit, in
 quibus insinuat spiritualia sua sensa: nam ad fi-
 nem eorum, admirans ingens bonum, quod repē-
 re ad eum sentiebat, non suis meritis, sed Sanctorum
 intercessionì illud tribuebat, in cuius celebritate,
 Ecclesia, aut loco sibi dabatur; gratiasque pro ea
 humanitate & fauore illis agebat. Cuius rei hoc

Cap. 39.

tantum Exemplum subijciam, quod euenit decimo quinto Octobris, Anni 1574. euigilans enim quodam die manè dulcis valde, ac suavis cum quadam cogitatione, ac sensu, qualem nunquam in sua vita fuerat expertus, agnouit, quid sit anima aliqua cum Deo, & quid sine illo. Et cum, quod fenserat, explicuisset, (quod in Capite de Humilitate reddemus) hæc subiungit : cogitans, cui nam ego singularem hanc visitationem deberem, incidit mihi Sanctus Millanus, cuius erat festum illa die; (qui cum esset Pastor in quodam somnio mutatus omninò est, & sanctus effectus) cui ex Dei gratia ante aliquot annos valde fui addictus, ac piè deuotus. Recordatus etiam fui matris Mariæ Diatiz, insignis Dei famulæ, valde mihi Abulæ notæ, quæ in eiusdem Sancti templo requiescit. Et statim gratias egi diuinæ bonitati, eiusque Sanctis, quòd ita benignè me præuenerit immeritum.

f Psal 71. 14

DENIQUE magnam Deus seruo huic suo Reuerentiam dedit erga res omnes ad Sanctos, eorumque sanctuaria reuerentiam : nam cum die quadam meditaretur verba illa Psalmi : *f bonorabile nomen eorum coram illo.* Hæsi, inquit, sopitus, hoc est, magna animi suspensione admirans, cum attenderem, rationem & modum illum respectus ac reuerentiæ, (si ita loqui fas est) quam illa magni Dei & Domini nostri maiestas ad seruos suos habet, & cum illis agit ; etiam cum illos suorum defectuum monet, aut propter eos reprehendit ; didici ergo ab illa maiestate, magna eos reuerentia prosequi. Et iterum dicit : Sanctos esse tanquàm luminaria multa coram sanctissimo Sacramento ; & ra-

& radios veri Solis Iustitiæ ; stellas firmamenti ; torrentes magni fluminis fluentis ex sede Dei ; palmites vitis Christi D. N. de quibus nunquam loquendum nobis esset sine lacrymis, eò quòd mala nostra vita, qua ab illorum moribus degeneramus, illos confundimus : & meritò deberemus erubescere, quòd aliquæ teneræ & imbecilles Virgines tantû habuerint cordis & animi, vt excellenter adeò saluarentur ; nos verò tam procul ab eis retroque maneamus.

CAPVT XXVII.

*MANET IPSE LOCO PRO-
uincialis Romam cum duobus alijs Patri-
bus proficiscens : qui capti fuerunt
ab Hæreticis, pro quorum re-
demptione multum
ille laborauit.*



VM P. Balthassar in Metinen- A N N O
si Collegio quiete illa adeò si- 1573.

bi chara frueretur, venerunt
Anno sequenti noua de obitu
Patris Generalis Francisci
Borgij, sanctæ memoriæ :
propter quam causam neces-

se fuit, Prouincialem Congregationem habe-
ri, in qua pro more Societatis tres eligeren-
tur Romam profecturi, ad noui Generalis Ele-
ctionem. Ea Congregatio facta fuit Burgis, in
qua

qua præter P. Aegidium Gonzalium Abulensem, Castiliæ tunc Prouincialem, electi sunt duo alij antiqui, Sancti, valde spirituales, ac prudentes Patres, & in animarum gubernatione valde periti, & exercitati, Martinus scilicet Gutierrius Domûs Professæ Vallis-Oletanæ Præpositus, & P. Ioannes Suarius Præpositus domûs Burgensis: & tunc P. Balthassar Aluarius mansit Vice-Prouincialis, cum magna totius Prouinciæ delectatione, & satisfactione: erat enim valde notus, & charus, & magni ab omnibus fiebat. Fecit officium suum iuxta omnium expectationem & opinionem; & omnes cupiebant, venire ipsum ad sua Collegia, vt res suas cum illo communicantes consolarentur, ex magnoque eius spiritu fructum caperent. Sed breui tamen tristitia valde noua toti Prouinciæ venerunt, quod scilicet tres illi Patres cum fratre Coadiutore, qui illis ministrabat nomine Iacobus Derius, cum per Gallias transirent, capti essent in Cardellach ab Hæreticis Bannitis. Cuius infortunij monitus est P. Balthassar binis literis, Patris scilicet Ioannis Suarij, cuius stylus semper fuit grauis, concisus, ac sententiosus; & Patris Prouincialis Aegidij Gonzalij, qui quod esset vulneratus, fuit in scribendo breuior, sequere tulit ad literas sui socij. P. Martinus Gutierrius non scripsit, quia statim in custodia obiit. Existimaui ad rem fore, si vtrasque literas hîc subiungerem: tum vt obseruentur varij modi & rationes, quibus diuina Prouidentia, in suorum Electorum gubernatione, vitur: hos permitrens incidere in graua pericula: illos verò ab eisdem præseruans: tum etiam, quod pertineant ad hi-

ad historiam Patris Balthassaris, ad quem fuerunt
datæ.

*Littera P. Ioannis Suarj ad Patrem
Balthassarem Aluarium.*

NON est ignara R. V. consilij amicorum
mercatorum, ut iter nostrum per Galliam
dirigeremus, quod etiam fuit Victoriz
confirmatum, aduentu D. Francisci Reinolij; &
Gallarethæ, ubi vidimus Gabrielem Fonscetum;
ac denique Sangerij, cum iam quinquaginta mil-
liaria in Gallia confecissemus, ex profectio-
ne Francisci Retanij, qui omnes per Galliam transi-
uerant. Sed placuit Domino nostro his Patribus
benè merendi occasionem offerre, & mihi patiē-
di, cum eorum video afflictionem. Moniti fui-
mus, esse prope viam, quādam Lutheranorum Ar-
cem, à qua tamen nos per quatuor milliaria di-
scessimus: illi autem per suos exploratores in-
tellexerunt, quatuor Ecclesiasticos Hispanos illac
transire; accurrerunt ergo sex illorum Equites
benè armati, nosque interceperunt, & compre-
hendentes ab ipsa via ad quasdam sylvas nos de-
duxerunt, & exspoliarunt, auferentes modicam
illam pecuniam quam Lugdunum vsque habeba-
mus. Inde nos ad quorundam amicorum suorum
Arcem deducunt, ubi secundò fuimus examinati;
& vestibus, libellis, & quibusdam scriptis, quæ
anteà nobis reliquerant, spoliati; imò & ipsæ be-
stiz puluinaribus, catenis, & stapedis: etiam Bre-
uiaria, ac Diurnalialia, Cruces, Imagines, Rosaria,
& Reliquias nobis abstulerunt, eaque, non ut par-
erat;

erat; sed indignissimè, pro more suo tractarunt, Deils me ab intellectu cœcitate dignetur liberare: quæ valde temerè æstimat, & contemnit; amat, ac detestatur; sequitur, ac persequitur bonum tãquam malum, & malum tanquam bonum. Deus lumen det illis, vt tenebras deferant, in quibus cœci ambulant: quam apti fuissent Catholici! melius illis fuisset in Ecclesiæ Obedientia vitam agere. Inde nos ad arcem suam præproperè deduxerunt: quorum aliqui nos præcedebant, alij sequebantur, & alij in medio nostri pergebant, verbis nos afficientes iniurijs, exstimulâtes, & baculis impellentes ipsas bestias, imò interdum etiam aliquem insidentem. Nos interim in ipso itinere cõfessi fuimus, Deo nos commendantes: & calamitatem illam ac vitam ei offerentes. Agebant inter se, etiam vt audire possemus, an vellent nos occidere, an lytrum quærere? Alij dicebant, permittamus illos redimi; alij: nihil tale, sunt enim Hispani, & Sacerdotes: quorum Rex, occasione nuptiarum suasisit Regi nostro, vt Principes nostros, ac Duces occideret; &, nisi huiusmodi Sacerdotes essent; Religio nostra (ita enim suum errorè appellant) augeretur, & floreret. Si Inquisitio Hispanica nos comprehēderet; nullo pretio vellet dimittere. Hic dicebat viginti ego ducatos darem, vt aliquem illorum haberem, quem statim occiderem: ille, ducentos ego, ob similem causam. Cùm ad Arcem peruenimus magni, parui, & medij, viri & foeminx, etiam pueruli nos interrogabant, an Sacerdotes essemus, an Monachi, an Canonici, an aliquis nostrum esset Episcopus: omnibus autem, quòd verum erat respondebamus,

cum

cum tolerantia, & subiectione tanquam captiui: quisq; illorum iniuriam aliquam, aut contempnū obijciebat, prout Deus illis permittebat. Fuerunt nihilominus duo viri, & duæ foeminae, qui compassi sunt nobis dicentes: Deum iussisse, exerceri charitatem erga peregrinos, siue amicos, siue inimicos. Capitanei, præmissa consultatione, decreuerunt, nisi magna summa pro vitæ nostræ conseruatione sibi offerretur, nos occidere. Aliqui quasi occultè ad nos venientes, id significarunt; & paulò post vocamur ad ipsos Capitaneos, vt nobis id apertè diceretur. Nam sola spes magnæ illius summae illos detinuit, ne nos interficerent. Petebant quatuor millia ducatorum, & P. Prouincialis obtulit quadringentos; sed quidam illorum, qui nos cõprehenderant, audiens tã paruum pecuniæ summam, deduxit P. Gutierrez & me ad quãdã arcem, minitans nobis, quod vellet nos ex eius summitate præcipitare. Alius furiosè gladium nudans P. Prouincialem caesim & punctim percussit: voluit tamen Deus, vt vulnus non multum penetraret, gladio ad latus declinante: & ita vulneratum ad eandem turrim deduxerunt; & in ipso itinere alius minatus eidem est ictus similes prioribus. Cum illo ducebatur Frater Derius, qui quòd ei fuisset compassus idem etiam in turri sustinuit: in qua nos, quasi per quinque horas reliquerunt, excitato tantillo igne ex stramine; & inter quosdam pauperes rusticos illius Regionis etiam Captiuos; erat nobis solatio cum illis esse, cū videremus eorū fidē, patientiā, & cõstantiā. Cõmẽdauius nos Deo, Beatissimæ Virgini, Angelis, & alijs Sãctis. Túc cepimus cõsultare, quid nobis esset faciendū.

Ali-

Aliquis dicebat, non agamus de Redemptione: præstat mori tanquam Christianos, Sacerdotes, & hostes Hæreticorum: alius his addebatur: tandem aliquando nobis est moriendum, & fortè breui; nec fortè tam oportunā occasionē in vita nostrā inueniemus; & vtinam ipsi non obtulissent conditionem illam pecuniariā; nam certè occasio est præclara: sed denique non ego sum promeritus dulcē aliquā & honorificā mortem. Deceuius tandem, vt offerremus, quod videretur iustum pro redemptione: ne ob miseriam circa pecuniā nos interficiant: quò facto superest mori pro Christo, cui vitam nostrā offerremus. Tandem post multas propositiones & responsa, peruenit redemptio ad mille minimum coronatos, computatis expensis & præfectionibus: & loco coronæ Martyrij deduxerunt nos ad hospitium, vbi assignarunt cubiculum vnum, lectum, chī rurgos & victum. Non videbatur illis pro quatuor hominibus, nostris chartis, & mulabus quatuor, sufficere eam summā; quia mercator quidam non procul inde captus, pro seipso solo obtulerat plus quàm mille coronatos: sed primus eorum furor iam remiserat: aduertebant enim vtiliores sibi fore illas pecunias; quàm si furorem suum in nobis exquerentur. Sed & nobis non est visum fore valde graue Proninciæ hoc lytrum pro nostra libertate, & vita: præcipuè cum illic multi sint piè nobis addicti, qui bonam partem censeantur in hunc finem oblaturi. Sed aliud euenit maioris doloris argumentum, quod certè plurimas lacrymas à me deduxit, quam longo tempore fleuerim, Dāvs illas à me dignetur acceptare.

Hoc

Hoc autem fuit, quod P. Martino Gutierrio superuenit ingens lateris dolor, ex quo intra dies quinque obiit. Non potuimus illi administrare Sacramenta, nec Missam, & Vigiliis dicere, cum sepeliremus. P. Prouincialis iacebat prope in lectulo quodam ad terram, valde etiam ex vulnere suo afflictus: Frater Derius & ego illis ministrabamus, non iuxta desiderium nostrum, sed pro ut ibi licebat, subuentum P. Gutierrio est terna sanguinis emissionem, & elegmatis siue lambituius, & ille exspuebat optimè, in magna copia, sed materiam nigram. Quarto die adeò melius sensit se habere, ut mihi diceret: ex decem partibus morbi videri sibi non superesse nisi vnã. Cum ergo lætior esset, magnamque spem salutis concepisset, petijt, ostendi sibi, quæ exspuisset: & videns, esse nigra, statim iudicauit imminere sibi mortem. Communicauerat illi Deus ante dies paucos, magnum internum sensum huius veritatis, quod nullum sit bonum, nisi quod est æternum; neque malum, nisi quod æternum durat: & tunc incidit ei magna quædam animi lætitia, quam, veluti illa sese oblectans, manifestabat, dicens: Sitire; & tantum haurire, ut tibi satisfaciatur? ò quid erit! Incepit illi pectus intumescere, & oculi frangi, lacrymula decidere: & hora decima noctis, quinta diei animam exhalauit: quam spero, rectã peruenisse ad cœlum, ob eius magnam virtutem, & insignem doctrinam, bonumq; vitæ exemplum, quod præbuit in Ecclesia, & Societate; & ob fidem, patientiam, & constantiam, quam in hac occasione ostendit: quia tandem obiit suam sequens Obediëntiã, præmissa generali totius vitæ Cõfessione; & aper-

& apertè confitens coram hæreticis & Ecclesiæ Catholicæ hostibus, se esse filium eius, & sacerdotem in ea: mortuusque est vinctus ab ijs, qui illam detestantur, & persequuntur. vtinam anima mea eò perueniat, vbi eius esse existimo. Solatio mihi erat eius comitatus, speranti DEVM à malo me liberaturum propter illum. Eius morbus magnæ mihi fuit desolationi timenti, Deum, in poenam meorum peccatorum illum nobis ablatum. Suggerebam ei interdum, quædam de DEO, ac de altera vita, quasi oportune ea in memoriam illi reuocarem: Sed fateor me erubuisse, & quadam teneritudine affectum, dum suggererem. confeceram cruculam ex particula cere, quæ superfuerat: quam illi ad manus dabam, vt cum cruce & candela moretetur: dixique animæ commendationem ex paruò Diurnali, ex spolijs relicto; & iacui ad eius latus vsque mane absque vllò timore, & potiùs securissimus, & consolatus. Sepeliuimus eum prope quoddam templum, vbi Crux quædam esse solebat, cum lacrymis & orationibus secretis; quia nec nos aliud poteramus; nec homines illi tulissent. Reuerentia Vestra cum charissimis nostris Patribus, & fratribus nostrum hunc defectum supplebit, oblati Sacrificijs & Orationibus, & aliqua solennitate Exequiarum adhibita Salmanticiæ, aut Vallis Oleti: quæ omnia benè ipse est promeritus. Ego postquam Deus ad locum Catholicorum me deduxit, feci quod potui in meis exilibus Orationibus & Sacris quoad licuit. Significaui eius mortem hic, & scripsi Romam, & ad Prouinciales Galliarum, & Belgij, vt suffragia pro illo

illo curent. Et si enim confidam, illum his suffragiis non indigere: non tamen propterea decet debitum Officium à nobis negligi: & ille in eo loco est, vbi gratum se exhibere non negliget ijs, qui sancta intentione hæc fecerint. Discessus meus inde talis fuit: inuenerunt inter alia scripta schedam crediti siue Cambij, vt Lugduni traderetur P. Gutierrez, aut mihi, aut P. Prouinciali: quorū alter iam obierat; alter curando vulnere suo attendebat: quare solus supereram, cui pecunia numeraretur. Miserunt ergo me, vt acceptam illis mitterem, aut adferrem. Discedentem comitati sunt me cum quodā suo itineris Duce prope duas Lutheranorum arcēs. Trāsiui per duo loca, in quibus hærebant milites Catholici; sed aded pecunijs e-gentes, vt transeuntes deprædantur, & spoliatos occidant, ne deprehendantur: placuit autem Deo ob suam misericordiam & R. V. orationes: vt quoniam nostra captiuitas iam innotuerat; & pactū, vt ego pro lytro reddendo proficiscerer: constituerent apud se, permittere me transire donec pecunia accepta reuerterer. Inueni Patrem Edmundum Galliæ Prouincialē; & Rectorem Rotomagensē, decem miliaribus à Cardelach, vbi capti fueramus. Inuenimus tandem, Deo auxiliante per hos Patres lytrum pro nostra libertate. iudicarunt autem iidem Patres, me non esse aptum, vt illud ferrem; ideoque ipse P. Rector Eques, & quasi Nobilis aliquis armatus discessit heri, qui cum sit Gallus, linguæ, & iterum, Patriæq; morum peritus, speramus foeliciter eum retorā perfecturum: & habituros nos hic post nostram Captiuitatem lætū Pascha: & Deo adiuuante,

V.que R. sacrificijs & orationibus id impetrante, posse nos Romam adhuc tempestiuè peruenire: cùm sit viginti tantum dierum iter. Deus dignetur ita rem dirigere ad maius ipsius obsequium & gloriam. Amen. Lugduni die 10. Martij Anni 1573.

Litteræ Patris Aegidij Gonzalij ad Patrem Balthassarem Aluarium.

IN his reddam R. V. rationem exitus nostræ Captiuitatis, nãm de eius initijs non est quod referam, cùm intelligam P. Ioannem Suarium de eo plenè scripsisse. Usque ad P. Gutierrij morbum quidquid patiebamur adeò erat iucundum, ac dulce, vt magna voluptas videretur; externas illas molestias ferre, cum quibus tanta aderat inferior lætitia, ac iucunditas. Morbus qui ab ipso primo die valde periculosus videbatur, cepit nobis solitudinè quandam ac tristitiam adferre. Sed quauis ipse egrotus apertè ominaretur suâ mortem, quâ ipsa ægritudo satis indicabat: non tamen existimassem, Deû afflictis tantam additurum desolationè, nec tot simul incòmoda deglutièda, vt ego aiebam, præbiturû. Nec scio in viginti retro annis, me aliquid magis optasse, quàm nunc huius Patris sanitatè; nec grauius aliquid tulisse, quàm eius mortè. Plus dolor potuit, quàm ego, vt ordinariam moderationè superarit, mihiq; persuadeo, quemcuq; huius spectaculi spectatorem, comitaturum fuisse lacrymas nostras; quæ etiâ ipsos hostes ad cômiserationem impellebant. Paulò plus, quàm quinquaginta horis Deus hunc Patrè ad se

voca-

vocauit, generaliter confelsū: sepultus fuit prope Cardellachum, vbi nullum erat Religionis vestigiū. Sequenti die P. Ioannes Suarius discessit Lugdunū: & nos hic hāsimus, ego ex vulnere meo in lecto, vbi ex ingenti fētoze cuiusdā mulitis graui-ter læsi, aucta mihi est febris, & accessit fluxus: vnde notabiliter fui debilitatus. In septimana sãcta surrexi: solatium nostrum erat ascendere sub tectum, vt nos paululum colligeremus, & spiritu interessemus officijs, illius temporis, ac pietati populi Christiani: videntes interim in hospitio illo à mane vsq; ad vesperam vorātes carnes, & perpotantes absq; vlla tā sancti tēporis memoria: & ita transegimus dies illos, vsq; ad secundū Pascharris diē ad noctem, quo tēpore ceperunt angere labores nostri & calamitates; timebatur. n. obsidio illius loci ab hostib⁹; & videbatur, quasi dies esset nouissimi Iudicij, ex ijs quæ illa nocte, & duobus sequentibus diebus ibi gerebātur. nos aut, si locus fuisset obsessus, non aliud quā mortem ipsam expectabamus. Ided reliquerunt nos, qui nostri cubiculi curā gerebant, & qui vulnere meo medebatur. Cibus noster erant Castanæ, & caseus; & post hosce dies in magnis delicijs habuimus bovinam salsam, quotidie timores & præssurę renouabantur, vsq; ad Dominicam Quasi modò, in qua fuit quies, & vulnus meū, quod iam intus ex concreto purē cōputruerat, iterum aperuerūt, vt curatio de nouo inciperetur. Statim aut ad initium Aprilis iudicabant Capitanei, nihil se à nobis habituros: ideoq; furiosè ad me venerunt, vt significarēt, se velle nos interficere: quare sæpius de nostra morte consultarunt, per dies aliquot; donec

V 3

quatuor

quatuor tantum dies nobis præscripserunt, in quibus certi ipsi de nostra redemptione fieri possent. nec ullus inuentus fuit, qui etiam oblato precio, ex Arce exire, & Rotomagum ire vellet: ut quid fieret, intelligeret: nullas enim literas illic acceperant, nisi vnas à P. Suario. FERIA sexta omnem spem humani subsidij deposueramus, ob summas difficultates, pecuniam per tot milites securè adferendi. Et tandem nuncius venit à Rectore Rotomagensi, quo Capitaneus, & qui decreuerant nos interficere fuerant placati, fuit autem dies nona huius. quo tempore, siue malitia, siue ignorantia Chirurghi, femur meum concepit quoddam Apostema, ita ut vix possem incedere; & subsequuta est febris cum magna debilitate. Et tandem voluit Dominus noster, omnes difficultates vinci, ac die decima quarta lytrum peruenit, non sine magno periculo. & die sequenti latam omnes faciem nobis ostenderunt: & ipse Capitaneus cum quibusdam alijs nos deduxerunt, & aliquam partem itineris sunt comitati, scientes iam aperte, me Religiosum esse Societatis, quos illi, magnos suos reputant hostes. Et ut nostrum solatiū aliqua noua calamitate dilueretur, Frater noster Derius (qui pedes cōfecerat quasi duo miliaria) ob temporis æstum, & itineris defatigationem coepit ita debilitari, ut omnes redderet valde sollicitos, quia locus erat valde securus. Sed Deus breui eū confortauit, ut potuerimus pergere, usque ad undecimam noctis horam per montes & valles, in nullo loco hærentes ob imminencia pericula, & cum ingenti vulneris mei dolore. FERIA 5. ambulauimus tunc per loca Catholica, & FERIA 6. mane perueni ad hoc

ad hoc Collegiū, vbi iterū mihi vulnus aperuerunt, vt nunc tertio curaretur, nam pollex manus satis profundè per illud intrare potest: ideoque cogor hic hærere, vt saner. Non scribo R. V. quas disputationes habuerim cum Ministro in Cardellachio, quas non potui euitare. Ipse legit Cōstitutiones nostras, Regulas, & vitā P. S. Ignatij, quam in fine mihi restituit. Et propter hos libros, & litteras P. Ioannis Suarij, postq̃ a nobis discesserat, apertè ei dixit, me esse de Societate Iesu. Sit Deus in omnibus benedictus, multū procul dubio nobis profuerunt apud Deū Orationes totius Prouinciæ, siquidē nos adeò benignè suauiterq; tractauit. mihi aut̃ crux quidem & pudor est, quod cū sim inutilis, adhuc sim alijs adeò grans. Non licet nunc esse prolixior: quia adhuc nocet si scribam. Toti Prouinciæ, cuius semper sum memor, sæpius me commēdo; idemq; facit Frater Derius. Deus omnibus sanctum suum concedat amorem. Rotomagi 22. Aprilis. 1573.

HAB sunt hōrum duorum sanctorum virorum literæ, quos his calamitatibus Deus voluit exercere; sed ex eisdem eripuit, vt ad labores alios non minus graues disponderet. Sed sanctum Patrem Martinum Gutierrium voluit hac occasione remunerare, educens eum non solum ex ferreis compedibus; sed etiam ex carcere corporis ad cōfitendum sanctum nomen eius, & fœlici beataq; eius visione fruendum, quam tanto operè cupiebat. Mortis etiam ratio fuit eius desiderio conformis, instar scilicet Martyrij, quemadmodum testatur ipse Pater Ioannes Suarius: eò quòd prouenerit ex ictibus, & percussionibus, malaque tractatione

hæreticorum, Catholicæ fidei hostium, quam ipse publicè profitebatur. Cum enim P. ipse Martinus debilioris esset complexionis, quàm alij maius incurrit detrimentum; & cum esset Beatissimæ Virgini addictissimus, illa eum præuenit ad hanc pressuram. nam propè locum, in quo fuerunt capti, descendentes ex suis iumentis, accesserunt ad quoddam sacellum Beatissimæ Virginis, quod in ipsa via erat, vt orarent. Et ibi illa ei reuelauit fore, vt intra dies octo moreretur. Nec post mortem eum deseruit. nam, cum die Sabbathi secunda hbra matutina obiisset, ingressa est in cubiculum foemina quædam gallico habitu induta, sed honestissimo, cū tamen transuisset prope ipsos milites, & custodiâ Gallorū Hugonotorū: & locuta est cum P. Ioanne Suario (qui hæc retulit) eumque interrogauit lingua, quam Pater intellexit: num alicuius mortui corpus ibi haberent, & an esset decenter coopertum: cumque verè non esset aptè tectum, eduxit illa mundum linteamen, quod gerebat sub axilla, & illud honestè, valdeq; cōmodè inuoluit, suamq; benedictionem ei impertiuit: & Patri gratias ei agenti, & aliquā solutionem offerenti respondit: non propterea veni, & statim exiuit. Omnes autem, qui eam viderant, persuaserunt sibi, eam fuisse Virginem sanctissimam, aut certè ab ea missam in subsidium seruorum eius viuientium, & necessitatem defuncti. Sepelierunt eum extra Oppidum prope quandam Crucem, quæ stabat è regione cuiusdam templi. Fuit autem DEI Prouidentia, vt memoria loci, in quo fuit sepultus, non omninò euanesceret; nam post triginta annos Pater Iacobus Turrianus exaf-


ex affectu ac deuotione erga sanctum hunc virum Romam proficiscens Procurator suę Prouincię Peruanę, rransiens per Galliam, valde egit cõmendauitq̃ue Patribus Societatis, qui erant in Collegijs propinquieribus Cardellachio, vt inquirerent diligenter sancti illius corpus: quod illi ita sollicitè præstiterunt, vt verè certis signis ac testimonijs illud inuenerint: patriq̃ Turriano ex vrbe redeunti illud tradiderunt, qui secum in Hispaniam tulit Anno 1603. tradiditq̃ P. Alphonsio Ferrerio Prouincię huius Castellanz Prouincia-li. Et quamuis Salmaticense Collegium valde illud optaret, eò quòd sanctus vir per multos annos fuisset ibi Rector: adiudicatum est tamen domui Professę Vallis-Oletanz, vbi erat Præpositus, cùm electus fuit ad profectiõnem Romanam: vbi sanctum corpus cistę plumbez inclusum collocatum fuit in supremo summi Altaris gradu ad partem Euangelij, & superpositus est lapis cum hac latina inscriptione: Patri Martino Gutierrez Almodouar, huius domus Præposito, singulari pietate, virtute ac doctrina viro, in carcere apud Hæreticos Cardellacij in Gallia Narbonensi vita functo, Anno 1573. ætatis 49. Atq; huc inde translato Anno 1603. amoris ergo Patres DD.

§. I.

SED ad historiam nostram redeamus. Statim atque P. Balthassar has literas accepit, constituit, vt necessaria pecunia pro eorum redemptione quæreretur. Et quamuis quicunque alius fuisset Prouincię superior, magna id cura fecisset:

V 5 tanta

(tanta enim est in Societate charitas, vt non solum tantorum Patrum causa, quorum vita toti illi valde expediebat; sed cuiuscunque fratris Coadiutoris magna fuisset adhibita diligentia, etiam si tota propterea Prouincia debuisset debitis onerari) At P. Balthassar fuit res hæc faciliior, & expeditior ob notitiam & amicitiam, apud Metinenses & Burgeneses potentes ac diuites mercatores, qui suam correspondentiam cum Lugdunensibus habebant, quibus facillimum erat pecuniam assignare pro lytro Patrum soluendam. Nec defuit diuina Prouidentia in hac occasione. nam præcedenti anno ingressi fuerant Societatem Nouitij duo insignium facultatum, qui ex sua hereditate liberaliter obtulerunt tria millia ducatorum: tot enim necessarij censebantur ad rem omnino expediendam. Hac expedita diligentia, contendit Pater Balthassar properanter Burgos, vt negotio huic finem imponeret: & inde statim expeditiuit Fratrem Bartholomæum Vvæezanum adhuc Nouitium, sed gallicę linguę peritum: qui seculari habitu indutus, ne agnosceretur & ab Hæreticis caperetur, profectus est, secum habens schedas Cambij Lugdunum: vbi solutum id fuit, de quo pactum fuerat; & Patribus prospectum de ijs, quæ ad suum iter prosequendum erant necessaria.



CAPVT XXVIII.

*GRAVES MORBOS ET ALIAS
valetudinis difficultates hoc tempore pa-
titur: in quibus insignem patien-
tiam & perfectionem
ostendit.*



VONIAM P. Balthassar ma-
gnā prae se ferebat resignatio-
nem, & in rebus omnibus cum
diuina voluntate conformita-
tem: necesse erat eum probari
in rebus aduersis: vt contem-
ptus aliquos, & contra suum
honorem iniurias & alias corporis poenas, & ca-
lamitates ferret: nam S. Bernardo teste: non sa-
tiatur animus vanitate, neque corpus voluptate.
Qui autem perfectus esse vult: vtramq; vincat o-
portet; quæ vt ad terram penitus proijciatur: per-
mittit Deus, euenire opprobria, quæ multum con-
ferunt ad obtinendam humilitatem; ac proinde
facile expellunt vanitatem; mittit etiam ægritu-
dines, ac dolores, quib. patiëntia perficitur; exclu-
ditur verò voluptas, quā appetit sēsualitas. Voluit
igitur D. N. P. Balthassarē opprobrijs & contēptu
exercere, vt perfectè ac solidè humilis euaderet,
vt postea videbimus; & morbis ac doloribus, vt
esset perfectè patiens: Incepit autem ab his citius,
vt crescendi in virtutibus occasiōe ei præberet.

nam,

2. Cor. 12. 9 *nam, ut Apostolus dixit: a Virtus in infirmitate perficitur.* Cum autē dicitur VIRTUS, nulla in particulari expressa, significatur morbos lustris occasionem esse in omnibus crescendi, & ad earum perfectionem perueniendi, quæ ex splendore, quem tunc emittunt, agnoscuntur, & manifestantur, ad ipsius Dei gloriam, & fidelium ædificationem. Hoc autem maximè præstant duo morborum genera; quæ valde efficaciter solideque electos expoliunt: quidam sunt ferè continui, ita ut semper ægrotum malè afficiant dolore & pœna aliqua; non tamen cogunt iacere in lecto; aut Officia, & ministeria sua propterea intermittere; licet grauitè, & molestè illa præstent: alij sunt grauiorès, magisque acuti, qui interdum eueniunt, & aliquo tempore perdurant, in quo magis exercetur, perficitur, & agnoscitur ægrotantis patientia & mansuetudo; resignatio, & Obedientia; & charitatis præstantia, atque perfectio, præcipuè cum morbi adèd importunè veniunt, ut consilia, ac directiones Officiorum impendant; aut etiam vitæ finem minentur, cum maximè in illa floreret: & utroq; hoc genere exercuit Deus Patrem Balthasarem: & ipse in vtrisque insignem ostendit resignationem, & conformitatem cum voluntate diuina.

IN PRIMIS, in grauioribus morbis tanta erat eius patientia, ut & medici, & ipsi Infirmarij obstupescerent; nam, quemadmodum Iob suis doloribus dolorem augebat, sanien testâ radens: ita hic doloribus dolores addebat; nam, ut suprà insinuauimus, cum amarissimam sumebat purgationem, diutius eam in ore, quasi os ablucens, retinebat;

nebat; & cū maiori inappetentia laborabat, se ipsum cogebat ad comedendum, vt se mortificaret. Et vbi alij licere existimant (sicut reuera licet) in tali occasione leuamen aliquod quærere: ipse nouum aliquem cruciatum adinueniebat, dicens cum eodem Iob: *b quis det, vt qui cœpit, ipse me b Iob 6.9. conterat: soluat manum suam, & succidat me! & hac sit mihi consolatio, vt affligens me dolore, non parcat, nec contradicam sermonibus sancti.*

MAXIMAM pressuram surque virtutis experimentum habuit in ægritudine, quam hoc eodem tempore Vallis-Oleti passus est, post expeditum negocium Burgis, de quo proximo capite est dictum: cuius nonnulla indicia & præfagia habuisse videtur: eius enim socius retulit, eum cū in eam ciuitatem rediret, eamque à longe videret magno animi sensu dixisse verba illa nostri Saluatoris ad suos discipulos, cū suæ passionis calicem bibiturus ascenderet in Hierusalem: *c ecce inquit c Luc. 18.31. ascendimus Hierosolymam, & filius hominis tradetur: & ita euenit. adeo enim grauius morbus eum premebat, vt tanquam mortuus iam relinqueretur, iacto linteamine super faciem, & volebant Sacristanum monere, vt quasi pro defuncto pulsaret. Sed placuit Deo, vt miraculosè rediret ad vitam, quia exaudiuit plurimas, valdeque feruentes orationes, quæ pro eius salute, & vita, non solum in domo nostra; sed in alijs etiam Religiosorum Conuentibus huius Ciuitatis, à quibus id petitum fuerat, fundebantur; adiuantibus quoque multis pijs sæcularibus, qui omnes commiseratione tangebantur ob tantum totius Prouinciæ detrimentum, si in tali occasione tali viro, à quo illa guberna-*

nabatur, priuaretur. Aliqui foelicem hunc euentum tribuerunt sancto Extremæ Vnctionis Sacramêto (quod piè admodum susceperat) cuius virtus est sanitatem & vitam impertiri si ita expedit, etiâ cum naturaliter apparet impossibile. Nec defuit Prouidètia diuina in humanis medijs præsentî necessitati accomodatîs applicandis. cum enim superior domustam exiguam iam haberet spem de vita ægroti: iussit, Infirmarium, Ioannem scilicet Santium fidelem eius socium, ire dormitum, vt à prolixo labore requiesceret aliquatim: qui cum iaceret in lecto, vehementes quosdam sensit impulsus, quasi diceretur sibi, Surge, & præbe aliquid ægrotò, vt comedat: cui ad eò vehementi impulsui cū resistere non posset, surrexit, voluitq; aliquid ægrotò præbere, quod comederet: sed medici ipsi prohibebant, dicentes, id fore ad mortem illi accelerandam: sed Infirmarius tantam internam vehementiam sentiebat ad faciendum quod cupiebat, vt redierit ad Superiorem, à quo facultatem impetrauit præbendi aliquam substantiam, quam præparatam iam habebat, ægrotanti. qui statim atque eam sumpsit, coepit paululum respirare, & melius habere; donec sensim Deus ab illo periculo eum liberauit: in quo tamen periculo magnam vir sanctus lætitiâ præ se tulit, ortam ex plena conformitate voluntatis suæ cum diuinâ; & magna saluationis suæ securitate ac fiducia, quam Deus illi communicabat. Quare dicebat, se mortem non timere; nec rem vllam sibi molestiam adferre; aut cor suum creaturæ alicui adstrictum habere: sed potius sibi persuadebat, totum suum negocium foeliciter esse expe-

expeditum. At Prouidentia diuina satis tunc sibi esse existimauit, hanc ægroti voluntatem adedò resignatam: quare vitam illi produxit ad multa præstanda, quæ ipsius essent obsequij. Nec illud quidem molestiam aliquam ægrotanti adferebat, quod aliquid propter suam mortem Prouinciæ defuturum esset: hanc enim curam & cogitationem, sicut reliquas, diuinæ Prouidentia relinquebat, tanquam huius vineæ Domino, cui facile est, si aufert vnicum eius procuratorem, alium substituere, qui eandem curam gerat.

Ex hac ægritudine, qua Vallis-Oleti laborauit, orta est postea Quartana febris Salmantica; quæ & prolixior, & molestior esse solet ob internam tristitiam, & afflictionem, quam solet melancholicus humor adferre: quas tamen molestias adedò ipse patienter, & modestè ferebat, vt cum die quadam valde grauitè in ipso Paroxismo laborantem grauis quidam Pater visitaret, eiusque vultum compositum adedò ac serenum videret, ei dixerit: impossibile est, R. V. non affici magno dolore: cui ægrotus respondit, quasi nihili faciens, quod patiebatur: perinde est: quasi diceret: idem est mihi pati, aut non pati; vehementi laborare quartana, aut liberum esse ab ea: non enim aliud volo, quàm quod vult Deus: in cuius voluntate totum meum solacium consistit. Nihilominus cum adedò esset prudens, & proximorum ædificationis Zelosus, ne quid faceret, aut diceret, quod eos posset offendere, operam dabat, ne quis ipsum visitaret tempore, quo febris illa erat

erat vehementior : ne fortè ex humore illo melancholico verbum aliquod minus suaue excideret, quàm aliàs consueuisset: potius volens, cum solo Deo agere, & in illis angustijs ab eo solo solatium suum habere.

AD hęc, ex grauib; morbis, & prolixis peregrinationibus, ac continuis laboribus, quos in suis Officijs sustinuit, ortum est, vt valetudo debilis semper esset, & continuos quosdam morbos haberet, Vrinę, Renum, Podagrę, & alios similes satis graues ob diuturnitatem : quos ipse non solum patienter tolerabat ; sed ita etiam dissimulabat: vt nec domestici, aut certè paucissimi aliquid tale in eo animaduertent : accedebat enim ipse, ad omnes Communitatis actiones, & Officiorum, ac ministeriorum suorum, atque si nihil tale pateretur : id quod magnę virtutis indicium est. Imperfecti enim, etiam sine causa aliqua, valetudinis suę defectus facillè produnt ; vt humanū aliquod solatium obtineant; aut, vt sibi indulgeatur; & laus honorue deferatur; optantes, vt alij ex commiseratione commoditatem aliquam sibi adferant, aut magni ipsos faciant, eò quod aliquid patiantur; & cum non præbetur ipsis, quod optant, sequuntur murmurationes, & querelę; suisq; singularitatibus alijs molestiam adferunt; & domum ipsam perturbant. Viri autem perfecti, huiusmodi valetudinis defectus, tegere student, donec ipsi se manifestent, & vultus eos ipsos prodatur; aut remedijs alicuius sumendi causa, necesse sit eos aperire; aut vt imperfectum, ac debile aliquem, exemplo suo ad tolerantiam animent: Et vbi nihil horum exigit, vt tales defectus aperiant,

nullum

nullum alium testem habere volunt eius quod patiuntur, quàm Deum à quo & solatium & consolationem expectant; honoriq; sibi ducunt, talia pati, vt ipsi pláceant.

CVM præterea spiritualis crux ex opprobrijs ac doloribus conficiatur: gloriabatur, quod aliquid tale semper pateretur, dicēs: si ligneam crucem, cui Christus D.N. fuit affixus, propterea veneramur, quod sanctissimum eius corpus illam contigerit: cur non veneremur viam laborum eius crucem, quæ etiam cor eius penetrauit? & quæ admodum vel minima crucis illius particula magni sit: ita, aiebat, quemuis laborem aut dolorem siue magnum, siue paruum, quem Deus nobis mittat, esse magni faciendum, & quosunque afflictoſ videbat, hæc verba frequenter repetebat: arboris sanctæ crucis nec foliolum permittere debemus decidere in terram.

ACCEDIT, quòd cùm P. Balthassar adeò effet Zelans, & eminens in ministerijs erga proximos, voluit Deus, quiddam illis addi, quòd ea exercentis sanctitatem valde extollat: vt scilicet & præclarissima quæque præstaret, & simul tamen plurima & grauiã pateretur. Mirabilis procul dubio est, & stupenda vita iustorum, qui semper in aliquo lecto iacent, feruntque valde patienter, sicut Euangelicus ille Lazarus, graues dolores, vlcera, aliosue cruciatus: sed optandæ magis sunt ægritudines illæ, & valetudo ita affecta, quæ ita hominem affligunt, corpusq; continuè cruciant, vt vires nihilominus relinquunt, vt pro Ecclesiæ bono & animarum salute possint laborare. quod fecerunt clarissimi aliqui sancti, quales fuerunt San-

d. 1. *Timot.* 5.
23.

ctus Timotheus Episcopus & Martyr, de quo et
ius Magister S. Paulus ait, quod d *frequentes* pa-
teretur *infirmities*; nec tamen propterea cessa-
bat à grauib; occupationibus & laboribus Eu-
angelicæ prædicationis. Et sancti Gregorius,
Bernardus, & Franciscus, qui ad eò in vtroque ex-
celluerunt, vt non sciam, quid potius admirer, an,
quòd plurima sint passi, strenuè ad eò propter
proximos laborantes; an, quod tales labores
præstiterint tam grauià perferentes. vtroque
autem simul insignes coronas sunt promeriti.
tulerunt enim duas cruces, aut certè vnā
ex duabus partibus; confectā: parī scilicet
graues morbos ac dolores; & simul maxima
ac difficilia opera præstare, quæ magnos semper
labores coniunctos habent, in peregrinationi-
bus, profectionibus, defatigationibus, per-
secutionibus, calumnijs, & alijs tribulationi-
bus; & præterea, quod huiusmodi sit occasio, in
qua suæ charitatis erga proximos perfectio-
nem, & excellentiam ostendant: dum, ne proxi-
mis in aliqua necessitate constitutis subuenire
negligant, propriam sanitatem suā contem-
nant, & vitæ periculum subeant. Siquidem, te-
ste S. Thoma, meritò debet spiritualis proximi
vita propriæ corporali; & solatium animæ, eò in-
digenti, quieti proprii corporis etiam lassī ac de-
fatigati præferri. Hæc omnia præstitit Pater Bal-
thassar, vt ex ijs quæ retulimus faciliè constat: o-
stendit enim insignem suā charitatem in pro-
ximos: cū etiam ægrotus visitaret proximos æ-
grotantes, qui spiritualis solatiij causa eum accer-
sebant, tunc enim ipse eos accedebat, etiam si pro-
prius

prius morbus grauaretur: (vt in casu superius commemorato euenit) ne vel in puncto, charitatis suæ perfectio minueretur.

H I N C etiam oriebatur, vt ægrotis, & valetudinarijs valde compateretur, vt qui experientia nosceret, quid esset ægrotare, & imbecillem valetudinem habere: Nam talis experientia maxime generat huiusmodi compassionem. propterea enim Apostolus de Christo D. N. dixit: *e non habemus Pontificem, qui non possit compati infirmitatibus nostris: tentatum autem per omnia.* quare eos frequenter visitabat, verbisque lætis ac iucundis consolabatur; magnaque cura studebat, omnia illis necessaria, & quæ leuamen, & iucunditatem adferre possent, administrari: cupiens tamen, omnes diuinæ voluntati in ijs, quæ patiebantur, esse conformes; non dantes locum querelis, quas adinuenit, sibi que fabricat caro, apparente aliquo maioris pietatis prætextu. Quare cum ægrotum quendam ex nostris visitaret, feruentem valde operarium, & conquerentem ac lamentantem, quòd in lecto iacens, nec orare posset, nec Sacrum facere; confessiones excipere, nec alia ministeria præstare, quæ sanus faciebat, Pater ei sic respondit: pluris facit Deus, quod quis eum per mensem sustineat ac toleret; quàm quòd in huiusmodi ministerijs per integrum annum illi seruiat. Et ita instructum magisque animatum reliquit; & quidem iure: nam cum Deus vult Religiosum ægrotare, nihil ille tunc facere potest, quod eius diuinæ Maiestati magis placeat, quàm benè tolerare, quod ille mittit; & propterea, quòd ille mittat. Solet enim hoc

c Heb. 4. 15.

magis esse meritorium: eò quòd sit magis purum,
 & à propria voluntate, inaniq; sine ac terrenis vo-
 luptatibus exutum: quæ facile operibus illis mi-
 scentur, quæ sani præstant. Deniq; hæc cum diuina
 voluntate conformitas, illius erat in omnibus
 morbis solatium: inter alia interna sensa, quæ in
 suo libello adnotauit, hæc erant verba scripta:
 „ dicat ægrotus animæ suæ, quantumuis hæc febris
 „ corpus adurat, non volo sine illa esse: si ita Deo
 „ placet: & hac ratione consolabatur, & exhilara-
 „ bat ægrotos verbis, & literis, valde ad rem ad i-
 „ pso datis, vt inferius dicetur.

CAPVT XXIX.

*FIT RECTOR COLLEGII SAL-
 manticensis, datq; operam vt literæ cum
 spiritu coniungantur; magnumq; in
 Fratribus nostris studiosis
 feruorem excitat.*

ANNO
 1574.



LECTO nouo Societatis Ge-
 nerali P. Euerhardo Mercuria-
 no, mansit Romæ P. Aegidius
 Gonzalius factus Assistent, qui
 Prouincialis erat huius Pro-
 uinciæ Castellæ, in quo mune-
 re successit ei P. Ioannes Sua-
 rius; Pater verò Balthassar factus est Rector Col-
 legij Salmanticensis, licet prius fuisset nomina-
 tus Prouincialis Prouinciæ Toletanæ: sed ex illo
 morbo

morbo Vallis-Oletano adeò mansit debilis, ac tam difficilè conualuit: vt iudicatum fuerit, eum vires non habiturum oneri tanto pares: ideoque visum, vt Salmanticæ esset Rector: quò profectus est ad initium anni 74. Sed cum hinc eius imbecillitas, inde verò seueritas, qua proprium corpus tractabat, esset adeò nota: in ipsis parentibus Rectoris expressum fuit, vt in ijs, quæ ad propriam tractationem in victu, vestitu, & somno pertinebant, subiaceret iudicio Patris Michaelis Marci, qui tunc in eo Collegio docebat Theologiam, eratque in literis, Religione, & Prudentia vir eminens: cuius cura & attentio, etsi aliquid efficit, ne Pater Balchassar nimium in abstinentijs, vigilijs & alijs corporis asperitatibus excederet: non tamen tantum valuit vt non multò plura præstaret, quàm eius sanitas, & corporis vires ferre possent: supplente scilicet spiritus feruore, quod corpus debile ferre non potuisset: quod tamen multis morbis superius indicatis luit.

Cum igitur ferè omnes, qui in illo Collegio erant, ipsius fuissent aut Tyrones, aut spirituales filij Metinæ, aut aliàs cum ipso familiariter egissent, magno omnium applausu est exceptus, quare cum magna omnium consolatione, profectuque communi, & mutua animorum coniunctione (cùm aliàs valde multi essent, utpote in Collegio totius Prouinciæ maximo) foelicitè gubernare cœpit; & commodiùs dictamina illa, siue documenta gubernationis, quæ superius retulimus, constituere potuit; nominatim verò singularem adhibebat curam, vt stu-

diosi nostri literas cum Religionis spiritu coniungerent: quo nomine adeo feruentes ad illos exhortationes habebat, ob insigne donum & talentum quod à Deo acceperat; ut omnes adeo essent feruentes, atque si in ipso Tyrocinio versarentur, circa mortificationem, inquam, orationem, & exactum in omnibus spiritualibus exercitijs ordinem, sine detrimento tamen exercitiorum literarum, quæ ea moderatione tractabantur, ut spiritum non suffocarent: & si quis nimium se dederet deuotioni: etiam illum retrahebat, ut literarum studia non negligeret.

§. I.

VALDE igitur in suis exhortationibus curabat illis persuadere, aliquas veritates magni momenti: quarum præcipua erat, quod referret plurimum, spiritum cum literis coniungere, & virtutem cum scientia, dicens: hæc duo sunt sicut illæ duæ arbores, quas Deus plantauerat in medio paradisi, Arbor scilicet Vitæ, & arbor Scientiæ; & sicut duo luminaria, quæ toti mundo lucent, vnum maius, & alterum minus; & sicut vestimentum duplex, quo mulier fortis induit suos domesticos aduersus frigus nivium, malitiam scilicet, & ignorantiam: & sicut spiritus duplex, quem ab Eliâ discedente Elifæus sibi dari petijt, quæ S. Bern. appellat intellectum & voluntatem siue affectum. Hæc sunt tanquam duo Ecclesiæ testamenta, Nouum & Antiquum, Lex, & gratia; & tanquam duæ rotæ, quæ trahebant currum gloriæ Dei, in quibus erat spiritus vitæ;

*Serm. 6. de
Ascens. Do-
mini.*

vitæ; & quemadmodum duæ sorores Martha, & Maria, quæ mutuò se adiuuant, & cohabitant in eadem domo, nam quemadmodum Martha Mariæ sororis auxilium petebat: ita doctrina, quæ per ratiocinationem ad res multas & varias effunditur, opus habet spiritu coadiuvante, qui id præstat in multis rebus. Nam *Primum* dat illis auctoritatem: Quemadmodum enim (S. Gregorio teste) *quando vita contemnitur, etiam doctrina vilipenditur*: ita è contra, magni fit illius doctrina, cuius vita probatur. Deinde dat eis etiam vitam, nam (vt ait Apostolus) *a littera sola occidit; spiritus autem viuificat*, & *b. scientia sola inflat; charitas autem edificat*. Et *Va*, inquit Sanctus Augustinus, *scientie, nisi ei dominetur charitas*; Et David Domino dicebat: *c bonitatem, & disciplinam & scientiam doce me*, & idem S. Augustinus alibi, *amate*: inquit, *scientiam, sed anteponite charitatem*. Tertiò dat eis efficacitatem, vt persuaideant: possibile esse, quod docent: doctrina enim audita, & opere non perspecta, difficile addiscitur; sed si in paxi cernatur, statim fit facilis. Propterea Apostolus Timotheo dixit: *d attende tibi, & doctrina: hoc enim faciens, & te ipsum saluum facies, & eos qui te audiunt*. Quartò constantiam dat, & diuturnitatem in docendo: nam deficiente spiritu, caro defatigatur, & vires debilitantur.

Ex his aliã deducebat rationem, quam etiã valde commendabat: quod scilicet spiritus plurimũ iuuat ad fidem literis adhibendam. *Primum*, quia

conscientiam à culpis mundat, vt Deus, cuius, scientia est donum, mundæ animæ illam communicet. Et Religiosus, (inquit,) qui aditum ad sacras litteras quærit, laboret potius in declinandis peccatis, quàm in euoluendis commentarijs; in euellendis prauis propensionibus, quàm in videndis codicibus: vitæ enim puritas (vt ait Cassianus) aperit oculum, respicientem Deum: & oculum, cui Deus se non abscondit, etiam res eius non effugient; nec historiarum eius occulta.

Lib. 5. c. 33.

34.

Coll. 14. de

scientia spi-

rituali.

OPERAM quoque dabat, vt Orationis Exercitium illis persuaderet, tñquam medium aptissimum ad scientiam, dicēs: non minus orando, quàm studendo sciri, & in literis profici: expertus enim erat, quantam scientiam Deus ipsi communicasset per Orationem, vt suprà est dictum. In quem finem aliquoties repetebat exemplum à Cassiano relatum de Abbate Theodoro, qui puritate cordis plus scientiæ acquisiuit, quàm lectione multa & studio, & cum quendam scripturæ locum post longum studium non intellexisset; tradens se orationi, eum est perfectè affecutus.

ETIAM conabatur persuadere, mortificationem & ad scientiam acquirendum, & ad spiritum multum valere: si eam exercerent maximè in ijs, quæ studiorum essent propria, ad vincendas difficultates in eis occurrentes, & nominatim in his sequentibus. *Primum*, in vincendo tædio, quod incidit tempore, quo studendum est, ac desiderijs studēdi tempore, quo id prohibetur: quale est tēpus orationis, examinis, & similia. & ita animad-

uer-

pertent: neminem sequi Christum sine cruce, nec
 declinando ad sinistram propter tedium; neq; ad
 dextram, propter desiderium, sub prætextu, quod
 debeant oppugnare, aut defendere. *Deinde*, in vin-
 cenda repugnantia sese humiliandi, ad interro-
 gandum ipsum Professore, aut Condiscipulos;
 ad argumentandum, aut defendendum, aut re-
 spondendum interroganti. *Tertio*, ut non se ad
 altiora extendant, quam oporteat, aut ad alia stu-
 dia; quam quæ profitentur: curiositatem potius
 quam vtilitatem quærentes. *Quarto*, ut Maiorum
 ac Professorum consilijs ac directioni sese accom-
 modent, non verò propriæ; huic studio; & non il-
 li; hic & non ibi; hac ratione, & non illa; his re-
 bus, & non illis; his libris, & non alijs: nam hac
 ratione proficient melius, iuxta mentē S. August.
dicētis: non parua scientia est, scienti coniungi: ille In Psal. 36.
habet oculos cognitionis, tu habeto credulitatis. Estq; *Conci. 2.*
 ignorantia, & mera deceptio multorum, qui ob-
 eunt quidem occupationes Obedientiæ: sed mo-
 dum ac directionem eius prætereunt. *Quinto*, ut
 non excedantur limites Religiosæ modestiæ in o-
 stentanda sua Eruditione; aut in quærendo, quod
 eis non committitur, qualia sunt hæc argumenta,
 hi Actus, hæ Cathedræ; aut in acceptandis occu-
 pationibus ab obedientia impositis, quas ipsi re-
 fugiunt. *Sexto*, ut constanter sint dispositi ac pa-
 rati ad studia deferenda, quando iusserint Supe-
 riores: si enim Deus, illorum est causa: quomodo-
 cunque ille de eis constituerit, pax erit, & tran-
 quillitas. Et idem est ad obeundum ministerium
 hoc vel illud; hic vel in alio loco, ad Superioris
 arbitrium: hoc enim est boni spiritus indicium,

quo ad Religionem accessistis, ita enim Magistrū
 e Psal. 118. 6. vestrum imitabimini, de quo dicitur: *e Exultavit
 ut gigas ad currendam viam; secutus nimirum in
 omnibus, sui Patris obedientiam.*

QVARE, vt Exercitia literaria, & spiritualia
 se mutuò non impendant, pacificum, tranquillum-
 que eorum medium est, ea aggredi ex voluntate
 Dei, cuius opera se mutuò non turbant, aut impe-
 diunt; sed tenet ipse suas vias, quibus ipsum aman-
 tes, & obediētes locupletet. f Ego, inquit, *in vīs
 iustitiae ambulo, & in medio semitarum Iudicij: vt
 ditem diligentes me, & thesauros eorum repleam.*
 Magnum quid est, (inquit) Theologiam scire:
 sed quod in ea maximè excellit, est nosse ita vi-
 tam suam componere, vt in nulla re discedat ab
 eo, quod Deus vult. Qui valde anhelat & anxius
 est, vt sciat; dicat sibi ipsi: mihi neque possibile
 est, neque expedit prodire ad volādum, nisi Deus
 me deducat: & tunc mihi non deerit, quod
 nunc, ne ipsius voluntati desim, negligo. Vt autem
 volatus hic aliquando mihi sit possibilis & uti-
 lis, aliud habeo aptissimum medium, attendere
 scilicet, vt interim non recedam ab eo, quod
 eius diuina voluntas à me requirit: & hoc est su-
 premum quod ego addiscere possum: cuius con-
 trarium non scientia est, sed ignorantia; non est
 ambulare in luce, sed in tenebris, & S. Augusti-
 nus suadet: *nos igitur, quod nescire nos Dominus
 voluit; libenter nesciamus: satis enim nobis
 esse debet, quod ille ita velit, vt id
 nos libenter ample-
 ctamur.*

Praefat. in
 Psal. 6.

§. II.

IN eundem finem, spiritum cum literis coniungendi, tradidit ipse scripto aliquot documenta, quæ Studiosi nostri ad manum semper haberent: quorum summam hîc subiiciam: additis tamen aliquot verbis ad maiorem eorum explicationem, ut quicumque negotium hoc literarium tractant, eorum usum in promptu habere possint. Vita, inquit, & exercitatio studiorum Societatis est ex se valde quieta, & apta, ut rectè & ordinatè ducatur, &, si velint, possunt semper esse benè occupati, nec tamen mergi. Quare maioris culpæ reus erit, qui, ubi tantus est ordo, non ita vixerit. ad id autem iuuerint hæc documenta. *Primum*, dent operam, ut cor habeant valde quietum & expeditum ab omni anxietate studendi; & propterea festinandi in rebus ab obedientia injunctis: nam contrarium, cum omnes valde impedit; tum ipsos studiosos maximè; estque causa, cur actiones cum illa festinatione, minus rectè fiant, ipsumque cor maneat ineptum ad orationem & familiaritatem cum Deo. Curent etiam, ut in anima sua virtus & Religio optimum habeant locum; plurisque eas faciant, quam literarum Eruditionem: quæ sine illis plus nocet, quam profit: hunc enim sensum esse Societatis, ostendunt eius Regulæ. ita fiet, ut optimum tempus spiritualibus rebus tribuant; easque exactè valdeque perfectè, ac primo loco faciant: certò sibi persuadentes: nihil se propterea de Eruditionis incremento amissuros, iuxta illud Bonaventuræ: *Scientia, qua pro virtutis disciplina. c. 7. despi-*

In Spec. Di-
sciplina. c. 7.

despicitur per virtutem postmodum melius inuenitur.

Si vdeant puram intentionem in suis studijs, in lectione, & alijs exercitijs literarijs habere: hæc enim facit, vt illa sint Religiosa. Homines sæculares per studia sua quærunt magnum nomen, dignitates, diuitias, & huiusmodi alios sæculares fines: at boni Religiosi his omnibus aditum præcluserunt; nec in suis studijs aliud quærunt, quàm vt apta fiant instrumenta, quorum doctrinâ, vitâque exemplari homines Deum agnoscant, ament, ei que fideliter seruiant. Hæc doctrina est, quàm nostræ Constitutiones exigunt; quæ in eum finem est dirigenda, vt studijs ac ministerijs nostris animas Deo lucremur: hic enim est scopus ac finis præstantissimus, qui esse potest in terra; & (vt S. Dionysius ait) *rerum diuinarum diuinissimus*, quem Christus D. N. dum venit in mûdum, respexit: hoc enim insinuauit, cùm dixit: *a manifestauit nomen tuum hominibus.* & cùm sit adeo excellens, simul est ijs, qui eum respiciunt, vtilissimus, de quibus b Daniel dixit: *b quod fulgebunt, quasi splendor firmamenti, & quasi stella in perpetuas eternitates,* & S. Paulus scripsit Timotheo: *c attende tibi & doctrinâ: hoc enim faciens & te ipsum saluum facies, & eos qui te audiunt.*

AD HOC iuuerit, offerre frequenter studia sua Deo: nec illa vnquam inchoare, nisi præmissa flexis genibus Oratione: cùm enim Deus velit, peti à se gratiam, ad proficiendum in studijs; æquû est, id frequenter ac demissè facere; studendo etiam nimietatem mortificare, quæ profectum & intentionis puritatem impedit; ita vt nolint sese ante

tem-

tempus ostentare. Ideo enim (vt S. Bonauentura aduertit) iussit Deus in Leuitico : *d quando ingressi fueritis terram promissionis, & plantaueritis in ea ligna pomifera, auferetis praputia eorum; poma qua germinant, immunda erunt vobis; quinto autem anno, comedetis fructus, & poma qua profecerunt.*

De informatione Nouitiorum. c. 15. d Leuit. 19. 23.

CVR ENT præterea, ne temporis particulas, quas orationi dare poterunt, amittant; & si quid præterea opus erit ad spirituales suam reformationem, nō negligant: aduertentes, quòd licet designatum habeant vnius horæ tempus pro Oratione, id sit, quā sunt studiosi, non quā superbi, aut alijs spiritualibus defectibus subiecti: hi enim curare debent plus, & plus temporis orationi tribuere; & oportunè, importunè apud Dominum nostrum agere, donec tales defectus omninò exuant: plurimum enim refert Societati, & multò adhuc amplius nostra ipsorum: vt perfecti euadamus.

AVSPICENTVR studia, magno illa feruore cum spiritu coniungentes: nam ordinariè, quale initium fuerit, talis progressus erit, & finis: ita vt, si initia sint tepida, etiam reliqua tepescant; si aut feruentia, reliqua quoq; futura sint talia. Vehementer aut horreant. feruorem inceptum, remittere: ne contra se audiant tremendam illam Christi vocem, ad quendam ignaum: *e habeo aduersum te pauca, quod charitatem tuam primam reliquisti.* Quod si Deus aliquid contra nos habet: quomodo non trepidamus? quid igitur si multa habeat, eò quòd remiserimus aliquid de Obedientia Humilitate, Patiétia, & Charitate, reliquisq; virtutib?

S V M -

SVMMO studio attendant ad charitatis, mutuæq; coniunctionis conseruationem: cuius causa sex hosce defectus nominatim fugiant, tanquam valde perniciosos: habere scilicet strictam & particularem cum aliquo amicitiam, præcipuè quam tota cõmunitas notet; murmurare; conqueri de Magistris, quod prolixi sint, aut nimis breues; obscuri; aut superflua tradêtes: Opiniones sequi suis Magistris contrarias, res est odiosa; id autem alijs manifestare, quasi Magistri sui opinionem contemnendo, res est intolerabilis. Quodcunque indicium, vel insinuatio, quasi Magistri solutio illis non satisfaciat, est contra ædificationẽ; multoq; magis, si apertè id dicatur: quia videbũtur id sentire & grauiter ferre, ob læsam suam famam, quasi non potuerint satisfacere. Tenuis erga aliquem Professorẽ amor, eiusq; manifestatio est valdè perniciosa; sed multò adhuc magis certum quoddam genus factiuncularum, qua vnum Magistrũ alteri præferunt, edito aliquo manifesto eius indicio.

DE NIQVE cùm quisq; ex parte sua fecerit, quod poterit circa studia, & scientiam acquirendam: relinquat Prouidentia diuinæ studiorum, & exercitationum suarum exitum, conseruata cordispace & tranquillitate, etiam cùm non fuerit aded fœlix: quod non erit aded difficile, si in suis studijs solum Deum quærant. Si ego (inquit Dominus) causa sum eius, quod quæris, quocunque modo tibi eueniat contentus eris & pacatus; præstat autem sui curam habere; quàm, se neglecto, edere miracula.

HÆC monita scripsit P. Balthassar, suisq; fratribus studiosis tradidit, ad quorum praxim inducendam

cendam adhibebat media suauia quidem, sed efficacia, & proportionata; summam adhibens vigilantiam & curam, vt omnes domestici suas leges exactè seruarent, totumq; tempus præscriptū suis exercitijs tribuerent, non solum Orationi & Examine Conscientiæ, reliquisq; ad spiritum spectantibus; sed etiam literarijs, quibus nihil subtrahi permittebat, impositis etiam penitentijs ijs, qui rei esset, siue Magistris, siue discipulis. Et quoniam, quæ ad corpus spectant, etiam iuuant spiritualia; magnam quoq; rationem habebat, ne quid ex necessarijs illis deesset, vt omnem huius rei curam deponerēt. Et diebus recreationi siue remissioni destinatis, exirent ad cāpos ac se recrearent, conseruandæ sanitatis causa: vt sic refectis viribus, recenti feruore ad studia redirent. singulis mensibus conscientiæ rationem ab eis exigebat; frequentius alloquebatur, quando aliquam illorum necessitatem agnoscebat; excitabat, & animabat tam in rebus deuotionis, quàm studiorum, dans illis aliquod indicium opinionis suæ, & æstimationis de eorum laboribus: & in rebus omnibus adeò se Patrem erga illos ostendebat, vt ab omnibus amaretur, essetq; venerationi. Quare omnes valde confidenter ad eum accedebant in suis necessitatibus; & in omnibus, quæ ad animarū suarum bonum pertinebant. Quidam ex his studiosis Frater, (quod ipsemet factus postea Sacerdos retulit) cū vrgeretur grauissima desperationis tentatione, nullum aliud inuenit aptius remediū, quàm ad cubiculum sui Rectoris ipsa media nocte confugere: in quod repentē in tenebris ingressus eius brachia arripuit, & tremere fecit.

Exci-

Excitatus P. Balthassar quæsiuit, quis effet? Sed Frater tentatione sua turbatus, hæsit aliquantulum antequam responderet; & postea nomen suum prodidit. Tunc Pater valde quietè ac pacatè dixit: quid ergo mi Frater quæris tali hora? qui respondit: Pater morior, & rectà tendo ad Infernum. Quo audito, Pater commiseratione eius necessitatis motus, iussit illum sedere: & satis diu cum illo mansit, donec suauibus & efficacibus eius verbis omninò tranquillitati restitueretur Frater. In hunc modum, quietos & pacatos reddebat eos, qui aliquibus tentationibus agitantur, quemadmodum de Nouitijs est dictum.

DENIQUE suis exhortationibus tam communibus, quàm priuatis, reliquisque medijs, quæ suauiter & fortiter adhibebat, coniunxit Salmanticæ substantialem Tyrocinijs Metinensis feruorè cum studijs literarum, quibus aliàs illic attendebatur: cuius testimonium esse potest, quod perueniente ad illud Collegium Procuratore Indiæ Orientalis, & Insularum Japonensium, cum facultate P. nostri Generalis, vt aliquos inde secum acciperet, qui ad missionem illam adeò gloriosam, & arduam sese offerrent: extraordinarium eis feruorem Dominus noster communicauerit ad eam perendam, contemnèntibus Patriam, Consanguineos, Amicos & alias commoditates, se ipsos autem exponèntibus innumeris periculis, quæ mari terraquæ coeptum illud insigne habebat, ad loca adeò distantia, ad gentes barbaras, ac feras: & nisi numerus fuisset præscriptus, desolatum fuisset totum Collegium, adeò instantè & importunè omnes

omnes contendebant sancta quadam æmulatione alter alterum vincere, allatis rationibus à singulis, ob quas alijs essent præferendi. Et cum tunc fuissent vocati, quinque; tamen soli ad eam missionem sunt electi, alijs patientiam habere iussis; facta tamen spe quod oportuniori occasione essent exaudiendi: & sic omnes quieti & tranquilli manserunt, tanquam Obedientiæ filij: & in feruore spiritus, ut antea, progressi sunt.

CAPUT XXX.

*NOTABILIA EXEMPLA
duorum Fratrum studiosorum valde fer-
uentium, Ioannis Ortunij, &
Francisci Cordu-
bensis.*



VI insigniores fuerunt in feruore spiritus ex P. Balthassaris exemplo & auxilio fuerunt duo Fratres, Philosophiæ studiosi: qui recens ex Tyrocinio venerant, simul cum suo Magistro Oiedio, qui fuerat Collegialis in maiori Collegio Conchenfi, & Philosophiæ in illa Vniuersitate Professor, qui Ann. 1571. fuerat Societatem ingressus simul ferè curam omnibus suis discipulis: qui etsi omnes singulis erant virtutis, illorum tamen duo singulari edificatione totum Collegium facile superarunt: quorum heroicas virtutes perspectas habuit prædictus

dictus Pater Oiedius eorum Magister, quas mihi aliquoties retulit, & postea etiam scripto dedit, & visæ sunt mihi dignæ quæ huic historiæ inferrentur, non solum pro honore Patris Balthassaris, qui fuit eorum Magister spiritualis; sed etiam ut exemplorum aded illustrium memoria id efficiat nunc in religiosis studiosis, quod faciebat dum illi viuerent in eis, qui illos inueiebantur.

Frater Ioannes Ortunius.

PRIMUM locum demus Ioanni Ortunio, de quo ego ipse Patrem Balthassarem in quadam exhortatione audiui dicentem: se nunquam legisse in vitis Patrum Heremicorum res grandiores, quàm in hoc Fratre vidisset: cum Metinæ, ubi fuit eius Tyrocinijs Magister; tum Salmanticæ, ubi eius fuit Rector literis operam dantis. Ingressus est Societatem, cum esset viginti annorum, cum multis alijs anno septuagesimo primo, inter quos raro sanctitatis exemplo eminebat toto tempore Tyrocinijs: sed multò adhuc ampliùs breui illo tempore, quo superuixit cum Philosophiæ operam daret Salmanticæ. Erat præclari ingenij, magnamque curam in suis studijs ponebat; ipsa tamen, ut nec punctum remitteret de feruore virtutum: ipso enim opere facilè ostendebat, se multò pluris facere virtutes, quàm Eruditionem. Nominatim autem excelluit in Obedientia, & Mortificatione, tam interna, quàm externa, cum quadam modestia

destia, & adeò exacta ac immutabili morum cō-
positione, vt manifestum faceret testimonium
admirandi sui quieti, compositi, & valde morti-
ficati spiritûs. Erat tunc Collegij Subminister
Pater Ioannes Rodrigius, vir sanctus, valde ra-
citurnus, seuerus, pœnitens, & summè obedi-
ens in omnibus, quæ Pater Rector illi cōmitte-
bat, vt benè suo munere fungeretur. Commiserat
ergo illi, vt Fratres studiosos tam Theologos,
quàm Philosophos; (& hos maximè, quia erant
quasi Nouitij) benè exercet in mortificationibus,
& abiectis Officijs. Bonus ergo Subminister ex
se aliàs ad huiusmodi exercitia valde propensus,
accepto hoc Obedientiæ stimulo, valde dili-
genter ei satisfacere studuit. quare cùm omnes in
varijs occasionibus, cum multo ampliùs Ioannem
Ortunium (de quo maiorem habebat opinionem)
extraordinarijs exercebat probationibus. Expe-
ctabat ad portam scholæ, donec lectio absolue-
retur; & inde statim Fratrem prædictum, & Fran-
ciscum Cordubensem, (de quo paulò post dice-
mus) vocatos, mittebat ad culinam, vt ollas &
scutellas lauarent, & alias similes occupationes
obirent: quæ quotidie pro illis seruabantur: ad
quas multò lætiori vultu, quàm ad audiendas le-
ctiones accedebant; nullis querelis, aut tergiuer-
sationibus; ita vt nec insinuarent quidem, vt si-
bi liceret recens auditam lectionem repetere.
Et quamuis Professor hoc sentiebat, & pro suis
discipulis agebat, ne tali tempore occupare-
tur: illi tamen nihil aliud curabant, nisi vt obe-
dirent, seque magna animi quiete & læticia mor-
tificarent.

IOANNES Ortunius adeò excelluit in hoc, ut eius Obedientia videretur prodigiosa : adeò erat sincera, ad nutum, exacta, ac perfecta : ut in recensendis Exemplis apparebit. Quodam vespere in Hyeme, cum esset ingens tempestas ventorum, & niuium, Pater Ioannes Rodrigus in crepusculo vespertino offendit Ioannē Ortuniū in quodam transitu versus paruam Collegij aream; dixitque illi, Ioannes, exspecta hic, donec ego reuertar: habeo enim aliquid tibi iniungendum. Transiit Pater, sed ob alias occupationes oblitus est, quid Fratri illi dixisset. At bonus Ortunius, atque si fuisset saxum immobile; nec ad punctum inde se mouit, etiamsi ingenti frigore & vento ac niuib; grauitè offenderetur: nona erat iam hora noctis, & cum nec ad primam, nec ad secundam mensam venisset: aduertit hoc vnus ex condiscipulis, retulitque suo Magistro: adhibita est diligentia per totam domum, ut scirent, ubi esset: & non inuento interrogarunt etiam prædictum Patrem Ioannem Rodrigum, an fortè aliquid de illo sciret: qui, oblitus quid Ortunio dixisset, respondit: se nihil de eo scire. Redeunt iterum, ut illum quærant: & tandem valde tardè in eodem transitu illum inuenerunt, frigore valde afflictum, pedibus niue coopertis; quem cum Magister reprehenderet, & quæreret quid tali tempore & hora ibi faceret? magna pace & tranquillitate respondit: Patrem Ioannem Rodrigum iussisse illum ibi expectare, donec reuerteretur; &, quia necdum reuersus erat: ipse exspectasset. Obstupuerunt omnes ad exactam
adeò

adeò Obedientiam : & , omni dubio procul , nisi inuentus fuisset , mansisset vsq; mane cum magna animi sui lætitia.

IN area eiusdem Collegij erant tunc quidam lecti cum floribus , distributi à Patre Ministro inter studiosos , vt vnusquisque in suo tres aquæ situlas quotidie spargeret : quo flores (quia erat æstas) recentes conseruarentur . Quadam igitur hebdomada cum multum pluisset , nihilominus Ioannes Ortunius quotidie in designato sibi lecto tres aquæ situlas aspergebat , in conspectu multorum adstantium , monebat illum eius Magister , eò quòd in tantis pluuijs ipse adhuc lectum illum aspergeret : cui ille magna cum modestia & humilitate respondit : Pater iussus sum tres situlas aquæ quotidie hic spargere ; nec dictum fuit ; vt , si placeret , abstinerem . Admiratus Pater sanctam sui discipuli sinceritatem in obediendo cœcè , tacuit .

SED multò adhuc magis idem Pater obstupuit raram eius obedientiam in alia occasione . Audiebat cum nostris studiosis Fratribus Philosophiam Sacerdos quidam magnæ virtutis & exempli ; sed valde rudis & exiguæ adeò memoriæ , vt lectio , quæ per vnâ aurem ingrediebatur , per alteram exiret . Commisit Ortunio Professor , vt quotidie finita lectione , eam cum hoc Sacerdote repeteret ; & quantum posset , inuaret , vt eam caperet : fecit hoc Frater extraordinaria cura ac diligentia , perseverantia , ac amore , respondens illi ad omnia interrogata , quandocunque interrogaret , cum incredibili charitate , & nullo vn-

quam impatientiæ, aut tædij signo edito, etiam si aperte satis aduerteret : laborem suum esse inutilem; & absque vlla spe, quod ille esset aliquid profecturus. Et cum Professor Ortunium interrogaret : quomodo sibi cum socio succederet? solùm respondebat : ille facit, quod potest. Omnes mirabantur tantam eius tolerantiam : nam alij condiscipuli tertio die defatigabantur repetitione lectionis cum eo, sed Ortunius constanserat & infatigabilis in ijs, quæ facere iubebatur.

SED non præteribo, quod ei tunc evenit, quo ostendit, quanti ipse faceret ac veneraretur, quidquid vel umbram haberet Obedientiæ. Sedebant initio renouationis studiorum ad sanctum Lucam, super quosdam lapides, ut suam lectionem repeterent : quos videns Superior, dixit lepidè : *in mensibus erratis, super lapidem nõ sedeatũ*; ille, qui ad eò Obedientiæ studebat, verba Superioris ita seriò accepit, ut ex tunc, vsque ad finem Aprilis, etiam si socius super lapidem sederet, ipse potiùs staret : cum autem mensis Maius cœpit, ipse quoque sedebat : & cum aliqui hoc notarant : mysterium ab eo exquisierunt : quibus syncerrimè respondit : Patrem Rectorem dixisse, ne in mensibus, quorum nomina habent R. super lapidem sederent; ac propterea se vsque ad initium Maij non sedisse.

HANC eandem veritatem, & exactam rationem tenebat in omnibus rebus Obedientiæ, etiam minimis : sæpiùs enim evenit scribenti, ut vel ordinaria campana, vel nomine Superioris ad aliquid aliud vocaretur : & statim ingrediens,
cui

cui id licebat, chartamque videns, in qua ille scribebat, inuenit inchoatam literam, nec absolutam, ut celeriter, & sine mora, iuxta regulam iret, quod vocaretur. Hinc etiam ratio illa orta est, adeo exacte faciendi examen particulare de vno solo defectu pro more Societatis, obseruatis omnibus eius documentis usque ad minimum, adnotandi & conferendi defectus vnius diei cum altero; quod obseruauit etiam in extrema ægritudine, usque ad diem præcedentem ipsam mortem. semper enim habuit libellum, in quo eos notabat, absconditum, ne quis illum videret: in quo voluit P. nostrum S. Ignatiū imitari, de quo idem scribitur. valde. n. magno honori commodoque sibi ducebat, quod vestigia sequeretur S. Fundatoris, quæ D. N. tanquam Ducem ipsi dedisset.

QVI D. verò dicemus de ijs, quæ ille in Extremo suo morbo egit, ac perpeffus est? habuit. n. occultū quoddam vlcus cum ingenti cruciatu, quod prohibebat ipsū sedere quod per dies aliquot occultauit: tum quod non vereretur tantū periculū, atque reuera erat: tum quod ob insignem suam honestatem erubesceret Chirurgus illud ostendere. Dolor cogebat illum, aliquod signum edere, ut in schola non posset rectus sedere, sed quasi ad vnum, latus: quod Professor aduertēs, causā requisit: cui ille respondit, esse quēdā tuberculum in loco sessionis: tūc Professor replicauit: propter vnū tuberculū sic sedebis? cui Ortunius, optimè dicit, inquit, R. V. quare per tres sequētes dies, etiāsi graues dolores sentiret, recte sedit, nullo indicio suos dolores p̄dēs: sed malū adeo creuit, ut iussu Superioris oportuerit medico, & Chirurgus locū ostendere; quod vidētes,

statim agnouerunt ingens imminere periculum, Et cum malū ad interiora valde penetrasset, horrendas carnificinas, & cruciatus adhibuerunt: ipse verò tanquam saxum quoddam, nec manum cruciantis refugiebat, nec doloris vllum signum edidit, aut questus est: omnibus stupentibus heroicam adeò illius patiētiam, & animi fortitudinē. omnibus ipsum visitantibus lætum semper vultū ostendebat, & placidē ac iucundē respondebat: sum in manibus Dei, faciat mecum iuxta sanctissimam suam voluntatem: nec metuo de manu eius mortem, nec dolor me terret. Tandem peruenit ad extremum suorū laborum; & apertē est illi dictum, nullum superesse remedium. Gaudius est S. Frater, mortis suæ audito nuncio. Fecit Confessionem generalem P. Stephano Quedio Professori suo, copiosas fundēs lacrymas ob sua peccata, quæ tamen adeò erāt leuia, vt Confessarius affirmarit, non solū se non inuenisse vllū peccatum lethale, aut de quo, q̃ tale fuisset posset dubitari; sed neq; peccata venialia grauiā maliciōse, & aduertenter facta: cū tamen in flore esset tunc suæ iuuentutis, vt qui 23. ætatis annum non excederet. Peracta Confessione, magno cordis affectu, & lacrymis à P. Rectore petijt, vt iuberet, aliquid sibi importari, super quem posset expirare: nam magnū sibi fore solatium, quod posset videre se mori iuxta merita grauissimarum suarū culparū. His & alijs valde inflammatis amoris Dei affectibus, cum reliqua Sacramenta suscepisset, spiritum suum Deo reddidit, cū ea suauitate, & pace, quā sancta eius vita fuit promerita, quæ verē fuit admirabilis: eius silētium perpetuum, charitas erga omnes ingens

ingens, honestas, & puritas Angelica, etiam dum se indueret & exueret; tanta erat conscientia eius puritas, ut eius Magister, & alij etiam attentè obseruantes an defectum aut imperfectionem aliquam in eo deprehenderent, nihil tamen tale animaduertere potuerint. Ad solatium autem domesticorum habuit P. Balthassar quādam exhortationem de heroicis sancti huius Fratris virtutibus, de quibus dixit, quod superius insinuauimus: quæ non minorem adferebant admirationem, quam quæ de sanctis Patribus in Eremito existentibus referuntur. Sed cum Deus noster idem sit semper, nec manus eius sit abbreviata, non adeo mirandum est, quod & nunc adeo sit liberalis in gratijs ac beneficijs erga feruentes suos seruos, quemadmodum fuit in sæculis præteritis. Si enim voluerimus ipsius gratia cooperari, efficiet ipse in omnibus, & per omnes, qui se disposuerint, res verè admirandas, & infinita sua magnitudine & bonitate dignas.

Frater Franciscus Cordubensis.

SO C I V S Ioannis Ortunij in Tyrocinio & in Philosophia fuit Franciscus Cordubensis filius Ducis Cardonæ & Segoruz, Marchionis Comarenfis: qui cum fuisset Vniuersitatis Salmanticensis Rector, Deusq; eius cor tetigisset, ingressus est Societatem eodem Anno 71. fuitque Metinæ in Tyrocinio sub P. Balthassare, & postea Salmanticæ eodem Rectore, ubi Philosophiæ ac Theologiæ operam dedit. Ab ipsis initijs valde sibi cordi accepit, ad perfectionem anhelare:

adeò autem ipsum eius cor & viscera spiritus Societatis penetrauit, ut sæpe diceret: omnia quæcunque essent in Societate, valde sibi esse accommodata. In primis exercitijs, quæ fecit, tantum solatium & animi tranquillitatem dedit ei Dominus, ex eo quod talem vitæ statum elegisset, ut venienti ad ipsum visitandi causa Magistro Stephano Oiedio, (qui erat Collegialis in Collegio Conchenfi, cum quo arctam aliàs amicitiam colebat) nec potenti sibi persuadere, Franciscum adeò esse contentum, & pacatum sicut præ se ferebat, Franciscus, ut certum eum redderet, ac deceptionem illam ei retereret, cum aliàs non soleret iuramentum, etiam cum esset sæcularis, adhibere: tunc tamen adhibuerit, dicens: adeò sum contentus, mihi quæ certò persuadeo, hoc vitæ genus mihi maximè expedire ad profectum, & salutem meam: ut quamvis nunc mihi offerretur summi Pontificis dignitas, & quidquid mundus mihi dare potest: non tamen hoc genus vitæ pro illis commutarem, sed omnia (ut ait Apostolus) tanquam stercora & scoriæ arbitrarer; ob quod responsum ipsemet Magister, qui iam à Domino pulsabatur, constituit, idem vitæ genus arripere. Exercitijs finitis impositum illi munus est triclinij parandi: tantumquæ erat eius solatiû & feruor, ut flexis genib. scopis illud verreret; pavementum oscularetur, & proprijs lacrymis rigaret, permouens omnes aspicientes ad magnâ deuotionem. Excelluit valde in abnegatione & mortificatione sui ipsius; & ut magis profundæ humilitatis radices iaceret, horrebat quidquid mundus magni facit; tegebat quidquid alicuius honoris.

honoris occasionem ipsi adferre posset; offerebat autem se ad omnia, quæ maioris contemptus sui causa esse possent: & prudentia quadam plus quam humana cum hoc faceret ad se humiliandum, & abiiciendum: ita rem dissimulabat, ut non aduerteretur ea ipsum facere ex virtute, & studio; sed quasi nesciens, aut non potens aliter facere; ut etiam hoc magis contemneretur: cuius rei notabilia aliqua exempla subiiciemus.

Ut se mortificaret, valde delectabatur inferuire coco, non solum cum esset Nouitius, sed etiam cum studeret. Diebus festis, & consuetæ remissionis studiorum facultatem petebat eundem ad culinam, ut iuualet in verrendo, & lauandis rebus culinæ, in præparandis cibis: nam ego, aiebat, multum didici in hoc Officio, cum essem in sæculo; & vellem meam artem hic benè collocare, ut seruis Dei aliquis bonus cibus præparetur.

CVRAM quoque bestiarum & iumentorum libenter suscipiebat, ut pabulum, & reliqua necessaria illis ministraret, dicens, se etiam esse artis huius peritum. Peruenit tunc temporis Salmanticam Pater quidam in equo valde debili vicerato, & læso, quem fere decreuerant tanquam inutilem, liberum ad campos dimittere. Sed ipse cum P. Ministri facultate recepit in se equum;

*Is tunc erat
P. Gundisafus
Abulensis.*

cuius vulnera ipsemet abluebat, ac diligenter medicabatur: & conduxit pratum quoddam ex altera parte pontis, ut aliquo tempore ibi maneret: petijt facultatem, ut eo deduceretur; & concessa est in eo sensu, quod aliquis domesticus famulus duceret: sed ipse tantam videns se humiliandi oportunitatem, accepit gale-

galerum, & pallium detritum affumentisque plenum, & magnam quandam vacerram sub brachio, & funem, & bonam copiam stupæ in manibus, & equum ex capistro: ac deduxit per mediam ciuitatem cum prædictis instrumentis, ita detectis, vt omnes viderent: transiit propter Vniuersitatem eo tempore, quo multi Collegiales ex scholis exhibant; qui omnes subsistebant, aspicientes, & stupentes tantæ nobilitatis virum, & eiusdem Vniuersitatis aliquando Rectorem ita ambulare, cum tanto gaudio & vultu iucundo ac subridente. Hac igitur ratione equum illum duxit ad pratum cum insigni triumpho de vanitate & pompis sæcularibus; & cum maiori gloria, quàm Imperatores de suis hostibus per totam Urbem triumphare consueuerant. Superior, cum id intellexit, reprehendit eum, quod eam viam tenuisset; sed vir sanctus, qui singulari arte & gratia suæ humilitatis actiones tegere nouerat, valde pacatè illi respondit: mi Pater, ego, quia valde sum ignauus, cogitavi, quia via rectius, & breuius ad talem locum ire possem; & idè talem elegi.

SED ulterius progressa est eius humilitas. nam cum præstantis esset ingenij, & præclari iudicij, simplicem se tamen faciebat, & studio stulta aliqua dicebat, vt talis haberetur. Cum deberet in Triclinio concionem habere pro more fratrum studiosorum, mouit in ipsa concione dubium circa quoddam punctum vitæ illius Sancti, de quo erat concio; dixitque: duo exemplaria librorum, qui inscribuntur Flos Sanctorum, in eo puncto dissentire. Et cum respon-

spondendum esset, quid ipse de ea diuersitate sentiret, dixit: ego verò accedo ad exemplar Flos Sanctorum Cæsar-Augustæ excusum, eò quòd characterem habeat crassiores; & melius illum assequar. Et quamuis Auditores subriserint; ipse valde pacatus mansit, quasi iudicio suo ulterius progredi non potuisset; sed ita locutum, sicut reuera sentiebat. Et, ut magis ipse in humilitate exerceretur; permisit Deus; ut quidam ex studiosis non intellexerit spiritum; quo seruius hic Dei ducebatur; sed persuadens sibi, eum reuera esse adeò simplicem; atque præ se ferebat: idè valde ridebat; eiusque actiones aliàs quasi stultitias irridebat, tribuens illas intellectus hebetudini, & ineptitudini: nec in eius præsentia ab huiusmodi irrisionibus abstinerebat. Sed Franciscus verè humilis, commodam hanc in humilitate proficiendi, & simul charitatis exercendæ occasionem non prætermisit; sed studebat diligenter ei indulgere; eumque honore afficere, à quo ita contemnebatur. nam cum ipse mensæ ministraret, curabat optimum ferculum; quod ferebat, ei porrigere; & quando ad quotidianam recreationem se conferebat, aut ad hebdomadariam, cum exiundum erat ad campos, semper Franciscus ad Fratrem illum accedebat, ut alicuius contempus occasionem caperet. Et cum eius Professor Pater Oiedius id observaret, quæsiuit ab eo: quid hoc sibi vellet, quòd semper accederet ad illum Fratrem; totque daret indicia singularis cum eo amicitiae, non sine nota alicuius

cuius singularitatis. Et cum valde illum vrgeret, vt facti sui aliquam rationem redderet; quia sibi persuadebat, id non fieri sine aliquo mysterio: tunc Franciscus respondit, causam eam esse; quod Frater ille, & bene ipsum nosset, & pro meritis tractaret: at R. V. (inquit) & cæteri multum me honorant, quasi ego aliquid essem: quod nullum mihi adfert emolumentum: at iste Frater melius me agnoscens, eo loco me habet, quem ego promereo, irridens me & res meas: & hoc plurimum mea refert, ac propterea cum eo mihi merito agendum, vt soleo. Quo responso obstupuit eius Professor profundam sui discipuli humilitatem.

ALIVD quiddam Magistro ac discipulo euenit, in quo etiam suam humilitatem valde manifestauit. Nam cum diebus Dominicis Quadragesimæ ad Pagum quendam, duobus miliaribus Salmantica distantem, concionatum irent, & quidem pedites paulatim ambulantes, Pater ipse concionabatur, Franciscus verò Christianam doctrinam rusticos docebat: coniungebant se autem pueris multi viri & foeminae, & ferè Pagus totus ad vesperam, fecitque extraordinarium in eis fructum; tantumq; amorem homines illi in eum conceperunt, vt ad sequentem postea quadragesimam peterent mitti ad se eosdem Patres, vt bene illis facerent, quemadmodum in præcedenti quadragesima fecerant. Post paucas Dominicas ex rumore quorundam studiosorum, qui Salmantica ad eundem Pagum excurrerant, cognouerunt qui esset Frater Franciscus; ac propterea omnes inceperunt magnum ei exhibere honorem, imò aliqui Domi-
num

nū Illustrissimū compellāre coeperunt. Gravissimè hoc ille tulit, magnaq; dexteritate conatus est hanc illis opinionē eximere, dicens se fuisse cocū, & agricolam; & quod posset ipsos de Agricultura examinare. Sed cū hoc non sufficeret, ad illam opinionem deponendam; & cessandum ab honore magno ei exhibendo: institit ipsē apud suum Professore, ne amplius ad eum locum ipsum duceret; & apud Superiorem, nē mitteretur: quod tandem concessum illi est, ne affligeretur: maiorem enim ipse molestiam sentiebāt, quod videret, se in honore haberi; quā homines sæculares sentiant, quòd honore sibi debito priuentur.

UT autem appareat ex intimo eius corde hæc prodire, referam, quid ei cum quodam Fratre condiscipulo suo euenerit. conuenerant enim inter se, vt mutuò se monerent cum charitate de defectibus, quos alter in altero aduerteret; cumque alter frater ad Franciscum accederet aliquoties, peteretque, vt pactis initis staret; Franciscus se negligentiae accusabat, & emendationem promittebat: donec vrgenti ipsum sociò, quodam die respondit: occupationem internam, quam de suis defectibus habebat, non permittere, vt alienos obseruaret: & re ipsa erat ita: nam omnes alios honorans, se ipsum solum abijciebat: & lynceos oculos habens ad proprias culpas discernendas, cæcutiebat ad notandas alienas. De nullo vnquam malè loquebatur, sed omnes potius in sua viscera immitere contendebat, seruiens illis, indulgens, & quoad poterat infirmos consolans, promouens quod in se erat charitatem & sollicitudinem, quæ in Societate seruatur erga eos.

S E D

Erat Antomium Omistius

SED ad eius virtutis exercitationem permittit Deus; deesse ipsi hanc aliorum curam in eius morbis. Discesserat enim ex ciuitate Coadiutor Infirmarius; qui in eo munere præstabat: in cuius loco manserat focius eius Nouitius; qui fuerat in sæculo Agricola, literarum rudis; parumque industrius circa curam ægrotorum. Hoc itaque tempore Franciscus ipse incidit in graues tertianas febres: Infirmarius more suo pagano adeò negligenter curam eius gerebat, vt in deterius febris progredere-tur; non sine mortis periculo. Idem autem Franciscus factus Sacerdos retulit mihi postea quædam particularia, quæ Infirmarius ex ignorantia, erga ipsum egisset: vt vel tunc compassione quadam ego mouerer. vnum tantum referam quod accidit; quo die potio purgatiua erat sumenda: (erat autem dies Sabbathi) Nouitius cum esset planè recens; & in pago educatus, oblitus est in separata olla pro ægroto cibos præparare: quando autem dandum pro more erat ægroto iusculum; accepit partem pulli, & iniecit in ollam communis-tatis, in qua, pro more gentis, coquebantur ex-ta, & aliæ res similes: ex quo iusculo attulit poculum ad ægrotum. Sed cum ille gustaret, iudicauit expedire, non sumere. Post horam, cibum illi attulit partem illam pulli incoctam; & instar ligni duram, plenamque pinguedine, quæ supernatabat in olla, quando illam excepit: non potuit ægrotus nec bolum quidem deglutire, cum tamen ob magnam euacuationem & sudores, qui in fine paroxismi exhibant, erat valde


valde debilitatus : quare subsidio illo carebat, quod boni & periti Infirmarij in tali occasione præstare solent. nihilominus Franciscus nunquam est conquestus, nec signum aliquod impatientiæ dedit, nec verbum dicere volebat; donec aduertens periculum amittendæ vitæ, incidit illi scrupulus, an bona conscientia posset permittere, se mori potius, quàm verbum aliquod dicere. Nec audebat per seipsum ab hoc dubiō se expedire : quare ipso die purificationis petijt, vt quidam Pater senex, valdeque spiritualis (Pater scilicet Gonzalus Gundisalicus, qui habebatur seuerus valde in se ipsum) ad se veniret : ita existimans, se talis viri responso & consilio fore tutum. Venienti ergo retulit sub secreto quod agebatur ; & proposito suo casu, interrogauit : vtrum esset maioris perfectionis : tacendo finire se mori ; an Superioribus indicando præsentem necessitatem ; nam, se decreuisse, quod melius esset, eligere. O virum verè resignatum, & proprio amoris mortuum ! siquidem, ne vel vnum imperfectionis punctum omitteret, decrederat tantam molestiam ferre, & in ea quærenda vitam amittere : cùm faciliè potuisset occurrere, vel vno verbo rem Superiori proponendo. Audiuit prudens spiritus Magister propositum sibi dubium, & tanquam peritus medicus voluit probare, & promouere ægrotantis patientiam : dixitque illi, vt taceret, seseque totum manibus Dei traderet ; nec vellet gloriosam aded patiendi occasionem, quæ incogitanti euenisset, sine fructu prætermittere : his dictis, ægrotum reliquit

Pater, sed accessit mox ad Superiorem, retulitque quid ageretur. Statim autem magna cum charitate ac celeritate subsidium ægrotanti allatum est, ita ut hinc Frânciscus fructum magnum acceperit ex eo, quod tacere decreuisset, contempto sui periculi timore; inde verò necessitati eius occursum, ob industriam boni medici. Et omnes aduertimus: in Collegio, ubi tanta erat charitas, & sollicitudo erga ægrotos, non potuisse talem incuriam aut negligentiam absque diuinæ Prouidentiae consilio euenisse; sed ut magis se proderet heroica virtus ægrotantis.

PROFICIENTI Francisco his mortificationis exercitationibus Deus valde iudulgebat, eumque cælestibus suis donis multum ditabat, & nominatim in ordinarijs sacris communionibus; in quibus eueniebant illi res valde extraordinariæ; quamobrem cum ætatis satis multum haberet; curarunt Superiores ut secundo suæ Theologiæ anno fieret Sacerdos, ipso valde repugnante. Nam, licet magnus affectus ad frequentio-rem communionem, permouere ipsum poterat ad talem statum suscipiendum; at dignitatis magnitudo humillimum virum valde deterrebat. Factus Sacerdos, cum sufficientem haberet Eruditionem, voluerunt Superiores, ut Dominicis, ac festis diebus Confessiones audiret: Sed ipse ab eisdem petijt, ut hanc facultatem restringerent ad solos pauperes, mancipia, & plebem vilem. Quare ad hos tantum audiendos se accommodabat, & non ad alios: quod si quis altioris ordinis accederet, eum alteri Confessario commendabat: tantoque fructu Officium hoc præstabat, ut poenitentes cum magno

gno suo profectu ex pedibus eius discederent. Et cum extra Confessionem eos de rebus ad animam pertinentibus alloquebatur, id tanta cum humilitate, & humanitate faciebat, atque si æquè ipse abiectus esset, atque illi; quæ ut ipsi ita sibi persuaderent, diligentem dabat operam, ut sic ipse fructum hunc humiliationis non amitteret; illi verò alacriores essent ad agendum cum ipso. Etiam sese applicabat ad agendum cum famulis domesticis, nam à prandio illos accedebat, de quæ eorum officijs & occupationibus agere incipiebat, sed statim immiscebat sermonem de officio, quod bonus Christianus ut proprium & vnicum debet reputare, sua scilicet salute docebatq; eos Christianam doctrinam, ministrare Sacro: adeoque in modestia, externaque compositione, & frequentia Confessionis & Sacræ Communionis eos faciebat proficere; ut viderentur Religiosi.

STVDIIS finitis, iuit ad tertium annum Probationis Villagartiam sub eodem P. Balthassare, ubi simul eam peregrimus: & ibi testis factus sum insignium eius virtutum, in quibus consueto suo feruore progressus semper est ad mortem, quam eodem anno ibidem obiit, ut suo loco dicetur.



CAPVT XXXI.

*VALDE SERIO ATTENDEBAT
ut Professores essent valde perfecti: & in-
signis virtus P. Francisci Ribera,
qui tunc sacras literas
profitebatur.*



VAMVIS P. Balthassar valde attenderet, ut studiosi Societatis literas cum spiritu coniungerent, ut vidimus: multò tamen magis & optabat, & studebat, ut Magistri & Professores id ipsum maximè contenderent, utpote à quibus virtus, spiritus, & Religio discipulorum maximè dependeat. cum enim discipuli ut plurimum ament, magnique faciant suos Professores, à quibus scientias & eruditionem hauriunt: ita conantur eorum Religionem & sanctitatem, quam ab illis coli vident, imitari; à quorum verbis, & actionibus cum magna sua voluptate, & oblectatione virtutes discunt, quas in eis vident elucere, & quas plerumque se facere ostendunt, quam ipsas scientias; & iidem ipsi Professores exemplari sua vita sui ipsorum ac doctrinae suae magnam discipulis ingenerant opinionem: ita ut si in praxim aliquid sit deducendum, facilem eius reddant executionem. Nam

Serm. 167.

(ut S. Petrus Chrysologus dixit:) *Magisterij austeritas*

thoritas constat ex vita: docenda faciens obedientem perficit auditorem: contra verò praua aut imperfecta vita opinionem detrahij & honorem Magistro, & eius doctrinæ. In quem sensum etiam Sanctus Bernardus dixit: cuius vita despicitur, restat vt *Serm. 2. de Resur.*
predicatio contemnatur. Quamobrem valde optabat Pater Balthassar, Professores & Concionatores valde esse spirituales: & prius in se ipsis proficere, vt alios proficere facerent. Aiebat enim: valde dolendum esse charitas & memorias, sententijs & veritatibus esse plenas; animas verò, virtutibus vacuas; & inordinatè plane eos facere, qui quicquid studio suo comparant, ad aliorum profectum ita dirigunt, vt nihil sibi supersit: siquidem vnus ex proximis, & quidem omnium primus, cuius ratio sit habenda, ego ipse sum, iuxta illud Salomonis: *a bibe aquam a* *Prou. 3.15.*
de cisterna tua, & fluenta putei tui; deinde deriuentur riuui tui foras, & in plateis aquas tuas diuide: Addebat autem: viros eruditos sine spiritu, inanes, & elatos magnum Ecclesiæ Dei, & Religionibus adferre detrimentum; quòd si liberum sibi esset, huiusmodi homines adedò sibi placentes & florentes, (licèt sibi videantur Ecclesiæ ac Religionum esse columina) statim ad culinam mitteret, vt arrogantia, & lasciuiens ille affectus ibi mortificaretur, & exhalaret. Eruditos verò Dei cordi conformes, suamque scientiam cum spiritu coniungentes, in magno honore habebat, magni faciebat, Deoque D.N. valde commendabat; & in quibus poterat, subsidio & auxilio erat:

quia tales iudicabat, verè esse Ecclesiæ ac Religio-
nis columina. Hoc autem fauore prosecutus est
eum Deus, vt ij, quorum tunc curam habebat in
suo Collegio, tales verè essent.

A N N O 1575. **E**: nominatim, cùm ageretur de lectione scri-
pturæ Sacræ in eo Collegio constituenda, quæ
tanti est momenti; vt studiosi sacræ Theo-
logiæ, quæ illi maximè innititur, perfe-
ctiores euaderent, valde optabat, vt talis
aliquis Professor constitueretur, qui eminenti
doctrinæ, vitæ coniungeret sanctitatem:
& Dominus noster, votifecit illum compo-
tem, mittens ad illud Collegium P. Franciscum
Riberium, suum olim Metinæ Nouitium,
de quo & opinionem & pignus magnum
habebat: quod præclaris suis virtutibus ædi-
ficaturus esset, & valde excitaturus Fra-
tres nostros studiosos: earum hic summam
quandam subiiciam, eò quòd tot nominibus
ad eum spectare videantur, quem habuit in suo
Tyrocinio Magistrum.

F V I T insignis hic vir Collegialis insignis
Collegij Archiepiscopalis, quod est in Vniuersi-
tate illa Salmaticensi: & absoluto tempore ma-
nendi in illo Collegio redijt ad suum Oppi-
dum Villa-castinum, vnde erat oriundus: i-
bique coninebat se in studijs Sacræ scriptu-
ræ, in quibus valde excellebat, vtpote-
trium linguarum valde peritus, Latinæ, Græ-
cæ, & Hebraicæ. Voluit Deus supremis suis
consilijs vt in quibusdam rebus, quas ambiebat,
parum foeliciter illi cederet: quæ eius fuit magna
foelicitas. Nam transiens per illud Oppidum Pa-
ter

ter Martinus Gutierrez Salmaticensis tunc Collegij Rector (ubi eum nouerat, & cum eo egerat, eiusque Confessiones exceperat) eum uisitauit; & postquam de rebus alijs contulissent, dixit Doctor Riberius; se decreuisse, recipere se ad quandam domum illius oppidi, prope quoddam Sacellum B. Virginis, ad quam singularem haberet deuotionem; & inde uelle prodire, ut in vicinis locis conciones haberet: reliquum uero tempus consumere cum suis libris. & interrogauit P. Gutierrez, quid ipsi uideretur de illa uitae ratione: cui uir sanctus: Domine Doctor, inquit, placet huiusmodi mentis uestrae decretum; sed attendat, quod tunc retinet sibi optimum pignus, quod habet, propriam scilicet uoluntatem. Hoc uerbum ita cor eius penetrauit caelesti luce, & spiritus Sancti motione pulsante, ut statim decreuerit omnino mundo renunciare, & Societatis Institutum amplecti, in qua eadem studia & ministeria exercere liceret, absque ulla propria uoluntate: sequendo scilicet Obedientiam, quae nos cum diuina connectit.

Hoc absolute edito decreto, etsi per dies aliquot ibi haeserit, ut prospiceret quibusdam Dominabus cognatis suis honestissimis: tandem omnes vincens difficultates, uenit Salmanticam: ubi a Patre Martino Gutierrez receptus est in Societatem Anno 1570. & inde iuit Metinam cum Patre Balchillare, ubi experientia didicit, quod scriptum reliquit in quodam ex suis *Lib. 1. c. 2.* libris: quod scilicet uir esset magnae mortificationis, & orationis, ualde potens in uerbo, quo *Jo de IESU.* transfigebat corda; magnamque industriam ac dexteritatem haberet in deducendis animabus

ad Deum. Vfus ergo adeò excellenti Magistro, & naturali gratiæque talento, quod à Domino acceperat: ita spiritum Societatis hausit, quasi ab ipsa iuuentute in ea fuisset educatus: & in omnibus virtutibus valde excelluit, nominatim verò in ea, cuius amor eum ad Religionem allexerat, Obedientia scilicet, cuius leges & reliquas Superiorum Ordinationes exactissimè seruauit, non solum tempore sui Tyrocinij, sed etiam totius vitæ: ita vt neque studia, neque aliæ occupationes, quas habuit, potuerint ipsnm ab ea exactione impedire, aut ab exacta cuiusuis Regulæ etiam minimè obseruatione retardare. Et quamuis sæpius valetudinem haberet debilem; ac propterea indigeret, nunquam tamen interdum bibere voluit absque Superioris licentiâ; nec prætermittere cubiculi sui purgationem bis in hebdomada; nec domi, aut extrâ literas aut schedam aliquam legere, absque Superioris licentiâ; nec tale quid scribere, quin prius ad id licentiam obtineret; nec mittere nisi prius, quod scripsisset, ostenderet; imò aliquoties euenit, vt postquam ostendisset, aliquid addendum occurreret: & nec tunc literas claudere volebat, nisi prius, quod addidisset, ostenderet: cum enim id totum esset iuxta regulas, nolebat nec in puncto quidem ab eis recedere. Fuit insignis in modestia & totius corporis compositione, in suarum actionum moderatione; humilis supra modum, planè addictus, vt in suis dubijs alios consulere; & ab alijs doceretur, etiam minus peritis: valde humanus & affabilis in sua conuersatione,


& sua-

& suarum virtutum exemplo, valde se reddebat amabilem. Non erat eius feruor sicut iuuenum Tyronum, qui ollarum instar ad magnum ignem appositarum, vehementer feruent, & quod intus habent, strepitu quodam exterius effundunt: sed eius feruor erat grauis, substantialis planè, & pacatus, instar alicuius ollæ ad moderatum ignem feruentis, meliusque coquentis, quod continet: qui feruor est etiam diuturnior. Quare grauitate, ac pondere solidarum suarum virtutum omnes ædificauit, vbicunq; fuit; tam Metinæ, quàm Salmanticæ, vbi Scripturam sacram per multos annos cum magna omnium approbatione docuit; in quam aliquos reliquit scriptos libros, qui fidem faciunt insignis luminis à Deo ad eius intelligentiam accepti.

IN his omnibus multum iuuabatur Oratione, in qua multas diei, & noctis horas expendebat, sequens sui Magistri exemplum, & vestigia eiusdem orationis auxilio utebatur ad sacræ Scripturæ intelligentiam; cui interdum ieiunia, aliasq; poenitentias addebat. Et cum circa locum aliquem difficilem videret se implicatum, recipiebat se per dies aliquot ad exercitia spiritualia, & per huiusmodi media Dominus illi communicabat, quod quærebat. Persona quædam digna valde, cui fides adhiberetur, retulit, se, cum P. Riberius in festo S. Andreæ concionaretur, vidisse magnam lucem, quæ prædictum Patrem circumdabat, & in ea ipsum Christum D. N. qui magna maiestate, & pulchritudine sua illi assistebat, & vultu placido concionantem aspiciebat, vlnis suis super Patris humeros innitens, quasi sub sua eum protectione haberet.

In concionis progressu P. protulit hæc verba: O magni Dei nostri granditatem! quod non sit in tota Scriptura sacra apex, non refertus mysterijs veritatum: Deniq; tota est eius ore prolata, qui summa est veritas. Et tunc persona illa audiuit Christum Dominum iucunda voce sibi dicentem: Filia, hic est verè vir, qui sanum ac verum exprimit Scripturæ meæ sensum: ideoq; meas illi veritates infundo, qui nouit perpendere, & æstimare, quantum mihi constiterit, quòd eas fecerim hominibus innotescere, sanguinem scilicet meū. rectè tibi contigit, quod eum habeas Confessarium; crede quod tibi dixerit; nam in eo me ipsum inuenies; discesq; qua ratione meam debeas voluntatem exequi. Estq; mihi valde credibile, hanc reuelationem nō inanem fuisse; sed à Christo D. N. profectam: eò quòd nouerim, valdeq; familiariter egerim cum Patre ipso Riberio, in quo prædictas virtutes obseruauerim; ac Zelum, quo tenebatur intelligendi, legendi, & concionandi cum magna puritate literas sacras; & iuuandi, ac promouendi animas, in quibus omnibus cum magno feruore semper perseuerauit vsque ad mortem, quæ contigit mense Nouembri, Anno 1591. Cuius mors tam fuit preciosa, quā fuerat eius vita. Et tertio post die eadem persona, quæ prædictam habuerat visionē, statim post Communionē rapta fuit spiritu, visaq; sibi est, in coelo esse, vbi prædictum Patrem Franciscum Riberium vidit cū magna gloria, valde prope sedem Dei: ex cuius pectore ingēs lux procedebat in pectus eiusdem Patris, quem ingenti pulchritudine, ac læticia illustrabat, sibiq; vniebat; per quam maxima quæque intel-

intelligebat eorum, quæ in mundo docuisset : & eadem persona facta est capax, quod tantam lucem Deus huic viro dedisset, eò quod nunquam respexisset, aut curasset honorem inanem; sed ipsum Deum, vt & cognosceretur, & amaretur ab omnibus, & obsequium ei à suis creaturis præstaretur. Adiecit, quòd hæssisset in Purgatorio per horas; idque sine magno cruciatu: eidemq, commisit, vt cuidam alteri afflictæ personæ diceret : si in cœlo posset esse aliqua poena, se etiam illic eam sensurum, quòd videret illam talia pati: Sed quoniam æterna iam bona sibi patebant, quæ abundè remunerarent finitas calamitates, quibus afficiebatur, non poterat dolere, etiam videns eam talia pati: & ipsimet personæ, cui sanctus Pater apparuit, multa & præclara dedit documenta, vt posset in obsequio diuino proficere; eamque valdè est consolatus, quæ etiam multum indigebat solatio. Hæc omnia facile credi possunt de eo Patre, qui vitam suam in tanta puritate ac veritate duxit, sicut dictum est. Alia plurima de eodem venerando Patre referre potuissim; sed prætereo, iudicans, ea, quæ dixi, sufficere ad honorem Magistri, ac spiritualis eius Patris ex tanto discipulo.



CAPVT XXXII.

*MAGNUM FRUCTUM
facit in multis illius Vniuersitatis vi-
ris, & in alijs precipuis sa-
cularibus.*

ANNO
1574.



X illo Zelo, quo Pater Balthassar tenebatur animas iu-
uandi, dedit operam, vt ad
suum Collegium deduceret
Patrem Doctorem Ioannem
Ramirium, insignem nostræ
Societatis Concionatorem: vt
feruenti suo Zelo raroque talento, corda moue-
ret tam eorum, qui ad illustrissimam illam V-
niuersitatem confluunt, quàm nobilissimorum
Equitum ac Ciuium; ipso interim Patre Bal-
thassare accedente pro more ad agendum priua-
tim cum multis, cupientibus ab ipso deduci ad
perfectionem. Confluebant ad Collegium no-
strum multi studiosi, vt Societatis exercitia per-
agerent, sicut & nunc fit, quos sanctus ille Pa-
ter plurimum iuuabat, eiusque verborum ac
rationum vi aliqui decreuerunt mundo renun-
ciare, & nostram Societatem ingredi: quorum
vnus fuit Pater Franciscus Abulensis, cuius in
Societatem ingressus, cum stupendis aded circum-
stantijs positus fuit supra capite decimo-
quinto: sed non fuit minus insignis ingressus
in eandem Doctoris Augustini Mendiolensis,

Præ-

Præclarus Collegij Conchenſis Collegialis; & Philoſophiæ in illa Vniuerſitate Profeſſor; qui pluſquam à decem annis vocabatur à Deo ad noſtram Societatem; & quàmuis Pater Balthaſar illum moneret, & iuuaret, vt tali vocationi fidelem ſe præberet; ipſe tamen differēbat; ſe ipſum decipiens ob quaſdam obligationes, quibus putabat ſe teneri: & vt eis ſatiſfaceret, cœpit quærere quædam beneficia; & redditus Eccleſiaſticos, deſiderans peruenire ad altiſſimum locum, quem ipſius maxima talenta, & varia eruditio aſſequi potuiſſet. Sed cùm maximè ipſe eſſet in hiſce ambitionibus immerſus, voluit diuina bonitas, tales eius grefſus impedire; & graui ægitudine, quâ peruenit ad portas mortis, oculos eius aperire. Timens ergo periculum, & rediens ad ſe ipſum, deprehendit magnum ſuum errorem; quòd tam diu diuinæ vocationi reſtituiſſet. Cùm igitur die quodam, valde à morbo premeretur: magnumque conſcientiæ remorſum; & ſcrupulum lentiret, eò quòd non ſat ſpecificet deſiderijs à Domino ſibi datis: etiamſi aliquid occurreret, quo ſe excuſaret: fixit oculos valde affectuoſè in imagine Chriſti crucifixi, quam in ſuo cubiculo habebat: ex qua ipſemet C H R I S T V S eſt allocutus, eumque ob talem ditationem reprehendit, ac iuſſit, vt Societatem ingrederetur, inſinuans illi, ſe ſanitatē reſtituturum, vt id perficeret.

B O N V S ergo Doctor Mendiolenſis tali voce & mandato, hinc erubuit ob ſuam negligē-

gligentiam ; inde verò valde fuit consolatus ; & animatus ex tanto CHRIS TI Domini fauore : & ita decreuit certò ingredi Societatem. Petijt à Patre Rectore cum summa instantia, admitti. Pater Balthassar videns mutationem ; quam potens Dei manus illo pulsa infirmitatis fecerat in corde adeò immerso huic sæculo consulto & approbante Patri Prouinciali, ei significauit , vt cogitaret se esse Societatis ; & quando ita esset dispositus, vt posset ad Collegium venire, id faceret. Tantum animi ex huius nunciij gaudio ille accepit, vt licèt morbus grauis esset ; ac periculosus, adeò tamen contra illum nuncius ille præualuit, vt locum dederit surgendi, cum aliqua morbi remissione : & quamprimum licuit pedibus consistere , venit & ingressus est Collegium : vbi Pater Rector & cæteri nostri expansis vlnis , & cum magna charitate ac lætitia eum sunt amplexi. Tulit secum prædictam Crucifixi imaginem, sæpeque asseuerauit nostris domesticis, quod verè esset locutus , nec posse subesse fraudem ; sed veritatem maximam. Et ita affirmabant multi, quod sæpiùs ex eius ore id audiissent, paucis illis diebus, quibus in Societate vixit : nam eodem die, quo fuit exceptus, ita inuasit eum iterum febris, vt coactus fuerit statim ire ad lectum : in quo mansit vsque ad suum obitum, duodecim scilicet dies, postquam fuerat ingressus. Erat valde lætus, quòd videret, se mori circumdatum tot Religiosis, sibi que ipsi etiam ministrantibus : cum animo deliberato & firmo seruiendi D'E O D O M I N O.

MINO nostro cum magna perfectione toto tempore vitæ suæ. Sed Maiestas diuina deliberata & resoluta illa voluntate contenta, voluit illum ad se vocare, fortè *ne maitia mutaret intellectum eius, aut ne fictio deciperet animam ipsius.* omnes autem D E V M glorificarunt, quod admirandis vtatur medijs, ad saluandos suos electòs, per capillos (vt dicitur) eos trahens, quando ipsi nolunt sponte venire.

Sed redeamus ad Patrem Balthassarem, in eadem Vniuersitate cum multis grauibus & splendidis personis agentem, magnam de ipso opinionem habentibus, eiusque directione in rebus animæ libenter vtentibus. Inter hos fuerunt D. Teutonium, postea Episcopus Eburensis, qui sancto huic Patri semper confitebatur; & quopiam magno eum prosequabatur amore, multa in eo obseruauit singularia indicia sanctitatis: quæ postea retulit, vt huic historiæ infererentur. Egit quoque valde familiariter cū D. Sanctio Abulensi, qui nūc est Episcopus Nētesanus; & D. Christophoro Vella, qui postea fuit Archiepiscopus Burgenfis, & rem quandam notatu dignissimam in modum Prophetiæ testificatus est, quæ sibi in eadem ciuitate cū P. Balthassare euenit. cū. n. soli essent, dixit ei Pater: certū mihi est D. Magister, Deum vestra opera vtī velle in re aliqua plus quàm ordinaria: nec mihi vllum est dubiū; quare nec vos dubitate: quia breui id experiemini. Ita autē euenit: nam statim fuit promotus in Episcopum Canariensem, qui tamen, quod tanti faceret Patris Balthassaris iudicium, noluit suum consensum in
eam

Parte i.
cap. 6.

eam promotionem præbere; donec cum eo ageret, & ab eo postquam Deo negotium commenderet, intelligeret, quid sibi esset agendum. Pater Balthassar fecit cum toto Collegio orationem; & postea respondit; ut absque aliqua hæsitacione dignitatem illam acceptaret. Nā (ut S. Gregorius in suo Pastoralis ait) qui huiusmodi dignitatibus digni sunt, quemadmodum non debent eas sponte sua ambire, ita non debent reijcere cum illis constat de diuina voluntate; ut acceptis à Deo talentis possint fideles subditos adiuuare.

SIMILIA ei euenerunt ibidem cum Monialibus Carmelitis Discalceatis, quas ob singularem earum Religionem & spiritum libenter visitabat, & aliquarum Confessiones audiebat, eas consolans; animumque addens ad viam perfectionis ambulandam; & nominatim matrem Annam de IESU, quæ eius Conuentus erat Superior; & postea fuit Madridiensis; & aliorum: quæ cum omni asseueratione affirmabat: P. Balthassarem habere Prophetiæ donum: multis enim annis ipsi prædixerat ingentes labores & molestias, quas esset subitura in promouendis consilijs S. Matris Theressæ de IESU, Religionis eius fundatricis. Et cū illa de aliquibus, quæ ab illo audiebat, dubitaret ob ingentem difficultatē, de quā non sciebat, an posset superari: Pater ei affirmabat: omni dubio procul fore, ut ipsa experiretur. Et cū postea eidem Patri referret de aliquibus; quæ te ipsa perficiebantur, subridens ipse ei dicebat: gaudeo, ut assuescas credere Deo; & ijs, qui in eius nomine misericordias eius tibi prædicunt, & sanguine suo, si opus esset, subscribere vellet; quod

quòd easdem experturæ essent illæ personæ, quæ in huiusmodi occasionibus ac difficultatibus essent, quas ipsa expertura esset; & multo plura passura esset, quàm cogitaret. Id quod sensim re ipsa eueniebat. plurimæ enim valdeque notæ, & manifestæ fuerunt molestiæ, ac difficultates, quas Dei hæc famula in Religione sua perpessa est, vt tueretur, ac propugnaret, quæ Sancta eius mater constituerat, vt dictum est. Et ego certo mihi persuadeo Dominum nostrum ex amore, quo hanc famulam suam prosequabatur, voluisse eam præuenire per eius Confessarium reuelando ei molestias ac difficultates illas, vt ad eas ferendas se præpararet; pectusque ac fortitudinem contra eas indueret, iuxta commune illud dictum: iacula præuisa minus feriunt, ac proinde minus nocent.

Idem Monasterium ingressa est soror cuiusdam P. Societatis, vt esset Monialis, quæ tamen *p Hierony. mi Abulen* propter continuas suas ægritudines non potuit *sis.* perseverare. inde igitur exiens, contulit se ad Monasterium S. Elisabethæ, vt ab strepitu sæculi separata, cogitaret, quid sibi impofterum esset faciendum. Petente autem ipsa accessit ad eam P. Balthassar, vt consolaretur, & sic eam affatus est: ne existima parum me laborasse, vt tuum Spiritum agnoscerem; & mihi crede, quod te Deus amet: sed non vult te esse Monialem. Discalceatam: & hoc crede, quasi Angelus aliquis Dei id tibi diceret. Illa quidem tunc quieto & pacato fuit animo: sed aliquot elapsis annis, prædictionis huius oblita redijt ad idem Institutum in Conuentu Albano: & postquam magnam partem sui Novitatus, valde tranquillè peregisset, noluerunt

moniales ad Professionem illam admittere, nulla interim, cur id facerent, causa reddita; ideoq; locum deferere debuit. Quæ postea in memoriâ reuocans, quæ ex ore P. Balthassarisaudiuerat, consolationem accepit, & studuit in ipso sæculo recollectè ac religiosè viuere. Notum enim est: non omnibus, Religionis statum cupientibus, facere Deum hanc gratiam, vt in ea admittantur; sicut neq; omnibus Martyrium exoptantibus, illud cōcedit. Omnes tamen meritò conari debent vt votorum ac desideriorū suorū cōpotes fiant, ita vitam suā instituēdo, vt non degenerent à perfectione, quā quærebāt, in eo gradu, qui illis cōcedetur.

QVIDDAM aliud satis notādum euenit P. Balthassari in eodē cœnobio, vbi ostendit magnā suā charitatem, vt Cap. 17. fuit explicatum. Quæ charitas cū aded esset magna, nō satis habebat Religiosis fœminis prodesse; sed ad multas præcipuasque Dominas eius ciuitatis se se extendebat, adiuuans ad earū reformationē, cū aperta morū mutatione: cuius rei non pauca potuissent exēpla adferri. Quædā inter alias nobilissima Domina Anna Maria Guzman, cōiunx Dñi D. Henrici Bolanni, (qui tunc erat ciuitatis huius gubernator) ex consilio Sactæ matris Theresiæ de Iesu cœpit P. Balthassari cōfiteri: & post dies paucos ita mutata est, vt cū esset iuuenis, diues, & sæcularibus ornamētis addicta, ita ea abiecit, vt cōiunx lepidè soleret dicere. quis meā coniugē deformauit? Sed cū & ipse valde pius esset, non dolebat coniugē vanitates illas abijcere, & solidiorē animæ suæ curā gerere. Et ita perseuerauit, imò valde profecit postquam remansit vidua, progrediens semper in Orationis

Exer-

Exercitio, quod à P. Balthassare acceperat, in qua etiam multum profecit.

NBC minus profecit tunc Comitissa Montis Regij D. Maria Pimentella, vidua & senex: quæ tantum virum hunc Sanctum fecit, ut nullus eque ei satisfaceret, aut consolaretur, aut maiorem animum adderet ad progressum in servitio Dei; & ab momento quo illum novit, per reliquam vitam voluit eius iudicio & consilio gubernari, quamdiu presens aderat, aut si absens esset, etiam per literas ab eodem dirigebatur. Et quamdiu mansit ibi Comes Oliarius D. Henricus Gazmanius (optimè in Hispania ob inuictum eius animum notus) frequens erat apud ipsum P. Balthassarè, reddens ei rationem totius animæ suæ: cuius iudicio in omnibus rebus suis volebat dirigi, cum magna animi sui tranquillitate & pace.

Eodem tempore D. Ioanna Toletana Marchionissa Veladia, quæ longo tempore egerat cum P. Balthassare Abulæ, cum insigni Spiritus sui profectu, venit Albam, ubi Ducib. Ferdinando Alvario Toletano & Mariæ Toletanæ, & Enrichiæ eius coniugi retulit præclaras dotes, ac talia Sancti huius viri: quare illi magno desiderio tenebatur, eum videndi, & cognoscendi; ideoque Salmanticam quatuor tantum miliaribus Albam distante, eum accersuerunt: & venientem magna animi alacritate exceperunt: Et statim atque cum eo coeperunt agere, adverterunt verissimum esse, quod de illo audierant. Quare in eam familiaritatem perrexerunt: accedentes interdum ad eos visitandos ipso Patre, qui suis sermonibus, & rationibus, fecit illos in Societatem propensos, & bene affectos; rerumque eius verè capaces, retegendo quasdam deceptiones, ab alijs contra eandem Societatem sparsas. Magnaque cum animi admiratione referebant mutatio-

nem, & fructum animarum suarum ex verborum eius efficacitate. Eadem etiam opera plures alios in Oppido illo adiuvit, docens rationem orandi, in qua diu postea perseverarunt.

I B I D E M etiam egit valde familiariter cum ipso Marchione Veladio D. Gometio Abulensi, cui instillavit matris eius devotionem & propensionem in Societatem. eumq; instruxit in rebus ad Orationem spectantibus, in qua dicebat ipse Marchio, se invenire quidquid ad bonum animæ suæ, & gubernationē domūs ac Statūs sui opus haberet. Et postea ad maiorem lucem rerum spiritualium, maioremq; cum Deo D. N. familiaritatē contulit se Villa-Gartiam: (quod P. Balthassar migraverat) vbi hæsit per dies quindécim cum Patre agens de rebus suis, adeò demissè, atque si Novitius quispiam fuisset. Nec parvum splendorem ex hac cum Deo familiaritate acquisivit, ob quem fortè dignus factus est, quem divina Maiestas ad amplissima, & eminentia Officia eveheret.

E X I I T ex eodem suo Collegio etiam Vallis-Oletum, & ad alia loca in rebus gravissimis: nunquam tamen sponte sua, sed iussus à suis Superioribus, benè aliàs conscius obligationis, quā tenentur Prælati assistere suo gregi, quamdiu ipse Dominus aliud non constituit, ac iubet. Ita ille scripsit in Epistola quadam breui, sed valde spirituali ad Sororem Stephaniam, cuius supra meminimus, quæ valde cupiebat interessè Patrē suæ Professioni. Si fuerit (inquit) Dei voluntas, ut Professioni tuæ interfim, magno id mihi solatio futurum est: non enim promoui, ut in sanctam istam domum non habens dotem, nec merita admittere

rīs, ut

ris, vt tui statim obliuiscerèr, quasi qui mortuum ^{ce} sepelit, nec amplius eius recordatur. Quod si fortè ^{ce} nō licebit mihi interesse, hoc dico: q̄ ad tales nu- ^{ce} ptias magna requiratur puritas & sanctitas: hæc ^{ce} enim dos est, & supellex, quam dulcis tuus spon- ^{ce} sus requirit: quod si desit sanctitas, ne desit saltem ^{ce} humilitas; vt verecundia suppleat, quod deest in ^{ce} bona conscientia: & cum hac dispositione acce- ^{ce} des, vt amphoram non testaceam apponas ad Epi- ^{ce} stomium excelsissimi eius amoris diuini, cuius in- ^{ce} fluxu tota repleatur. Oret Dominum, vt me totū ^{ce} faciat suum, meumq; istuc aduentum dirigat, si ad ^{ce} maius eius obsequium id est futurum: aliàs Sal- ^{ce} manticæ manebō; quia non vult ipse, vt eius ani- ^{ce} mas præ ipso diligamus. Hoc scripsit P. Balthassar, & ita mansit Salmanticæ toto suo triennio; licet in vltimo anno excitata fuerit quædam tempestas ad ipsius humilitatis & patientiæ probationem: sed quoniam durauit toto sequenti anno, quod fuit Villa-Gartix, eam ibi referemus.

CAPVT XXXIII.

*MONITA EIVS CIRCA COL-
loquia de rebus Spiritualibus contra de-
prauatas phrasas Illuminatorum,
qui tunc temporis surre-
xerunt.*



CIRCA hoc tempus, Anno scilicet 1575, orta est hæresis, quæ dicitur Illuminatorum in Bætica Prouincia, cuius phrasas modusq̄ loquendi, perniciosus valde erat in materia re-

rum spiritualium quam ob rem puniti fuerunt illi hæretici Cordubæ à Sancto Inquisitionis Officio; & tertia Quadragesimæ Dominica eiusdem anni promulgatum est contra eos, edictum, quodamdam illæ phrasēs & modi loquendi tanquā aduersantes vero Christi D.N. & Ecclesiæ eius Spiritui ac Sanctorum. Hac occasione P. Ioannes Suarius huius Prouinciæ Præpositus Prouincialis, cupiens inter nostros, qui agunt de mentali oratione, ac de rebus spiritualibus, nullum esse nec odorem quidem aliquem tam deprauati idiomatis; constituit, vt P. Balthassar Aluarius, qui aded magnum lumen intelligentiamque internarum & spiritualium rerum habebat, breuem aliquem faceret tractatum de modo & ratione de eis loquendi, iuxta veritatem, & Ecclesiæ spiritum. Et quamuis P. noster S. Ignatius ad finem libelli suorum Exercitiorum posuerit decem admirandas regulas, ad sentiendum & loquendum iuxta Ecclesiæ Catholicæ veritatem: quasi spiritu prophetico deprauatos horum Illuminatorum aut tenebrionum potius loquendi modos præuidisset, ac proinde homines Societatis præuenire voluisset, vt eos detestarentur ac fugerent: At P. Balthassar eisdem Regulis alia multa adiecit iuxta specialem horum temporum necessitatem: fecitq; omnium illarum tractatum quendam valde perfectum: quē, vt pote cōplectentē multa documēta non exigui momēti, quæ valde dilucidē totā materiā cōplectūtur, existimaui ad rem esse, huic historiæ illū inserere, vt ex eo tanquā in speculo appareat, quā rectē Sāctus hic vir sentiret, loqueretur, & ageret de rebus spiritualibus; & quā procul abesset ab eo, quod aliqui postea ei imputarūt, vt suo loco dicemus. *Trā-*

Tractatus de modo & ratione loquendi de rebus spiritualibus.

CV M veritas medium quoddam teneat, errores verò ab eo ad alterum extremum recedant: oportet non solù sentire, sed etiam loqui cum moderatione, non ita res exaggeràdo, & extollendo, vt ad falsum aliquod extremũ accedere videamur: quã ob rē necesse est nostros admonere errorum, quos aliqui sunt conati proponere & in vulgus inducere sub forma idiomatis spiritualis, & titulo Orationis ac Mortificationis. Nã absque hac admonitione, non ita erunt in loquendo cauti, vt omninò euitent aliquam afflictionem in loquendo cum illorum verbis & phrasibus, qui re ipsa malè sentiūt. Ad quod vniuersim iuuerit plurimũ de Deo eiusq; rebus, & spiritualibus exercitijs ita loqui, quemadmodum S. Ecclesia Catholica Romana, eiusq; doctores & Sancti loquũtur, ad tuendã & propugnandã verã humilẽ, & synceram rationem agendi de rebus spiritualibus.

S. I.

DE ORATIONE.

IN PRIMIS non exaggeremus, neque adedò extollamus Orationẽ Mentale, vt voca'ẽ silentio omninò inuoluamus; ne videamur tanquã inutile eã præterire; sed potius simul cũ mentali eam cõmendemus. Et omninò fugiamus modũ illũ, quo aliqui loquũtur de Orantibus vocaliter, quasi cũ quodã contẽptu significetur, eos non habere spiritũ. Quare attẽdamus, vt cũ Orationẽ mentale cõmẽdamus, id fiat terminis cõmunib. & vsitatis more SS. tẽperãtes exaggerationes, nec confricantes

sermoneſ nōſtroſ cū illiſ, qui nūc exſurrexerunt; nec inſinuanteſ, non poſſe homineſ abſque mentali oratione vitam ducere, aut in gratia perſeuerare; neque ſolam hanc orandi rationem ſufficere, ad faciendum aliquem hominē perfectum.

ADDENDVM deinde; Orationem Mentalem non excludere reſ illaſ exterioreſ, quæ virtutem promouent: qualiã ſunt opera charitatis, ieiunia, &c. ſed eiſ potiùſ tanquam fructu ſuo valde proprio iuuari; & ex bono ac feruenti aut remiſſo earum vſu deprehendi veram eſſe orationem; aut ſub eiſ ſpecie latere fraudem.

TERTIO, ad hoc Exercitium nominatim valde conducere pias imagineſ, verba Dei, cōcitioneſ, & ſanctorū librorum lectionem: quam, quòd valde ſit neceſſaria, oportet omnibuſ, qui de hoc Exercitio agunt, commendare; vnicuiq; tamen iuxta propriam capacitatem. Simpliciſibuſ enim, & qui non cogitant alioſ docere, ſufficit lectio aliquorū librorum piorum, & vulgariū; quantum ſc. ad illorum directionem & pietatē promouendam cū conſilio prudentiſ Confellaſſarij ſatiſ eſſe videatur; magiſ autē Eruditiſ, & quibuſ ex Officio incumbit animas docere ac gubernare, magiſ neceſſaria eſt lectio Sanctorum ac Doctōrum antiquorū, qui in huiuſmodi Exercitijs à Deo fuerunt illuſtrati: ſine qua lectione non poſſet quiſ ſufficienter eſſe inſtructuſ, ad officiū tanti momenti rectē præſtandū. Et quāuiſ experientia ſapē ſuppleat defectum lectioniſ; at ſola non ſufficit, ſi lectio omnino deſideretur; ſicut neque hæc ſufficeret, ſi experientia deeſſet. Et quoniam vtraque eſt valde neceſſaria: vtranque oportet valde commendare,

QUARTO, cautè agendum esse in persuadendis prolixis orationibus, & nominatim in constituendo limite, ac termino duarum aut plurium horarum; aut cum promissione, quod habituri, aut percepturi sint magnas consolationes: cum hic non sit præcipuus Orationis finis; sed ipsum Deum quærere, ei que placere; morumque reformationem per tale medium obtinere. Nec tamen occultanda illis est doctrinæ Catholicæ veritas, quæ est ipsius Christi D.N. eiusque Sanctorum institutioni conformis; cum scilicet non propterea necessariz occupationes studij, Obedientiæ, aut Charitatis impediuntur, aut sanitas non læditur, præstare, orationem producere, ei que quantum fieri poterit incumbere. *Oportet semper orare*, ait *Luc. 18. 1.* Christus Dominus noster, & *sine intermissione orate*, Apostolus. Et secundum hanc doctrinam Sancti disposuerunt vitam suam. Neque est illis occultanda veritas promissionis Dei in Scriptura sua sacra, de gaudijs scilicet, & solatijs, quæ Deus animabus largitur; & experiri solent, qui verè, & cum humilitate Deum quærunt, & in familiari cum eo communicatione perseverant.

QUINTO declarandum est, vniuersim loquendo, Orationem non esse tantum pro perfectis; sed etiam pro imperfectioribus: nec arrogantiz tribuendum, quod imperfecti aliquid tribuât Orationi, & Meditationi, iuxta cuiusque statum: licet ad contemplationem, quæ vltimus est Orationis terminus, soli perfecti, & qui mundo sunt corde, perueniant.

Sexto. In tradenda doctrinâ de Oratione, talem discretionem esse adhibendam, vt habeatur

Lib. 6. Mor.
6.26.

tur ratio naturalis talenti, & constitutionis, & status eorum, qui docentur, & aliarum eorum circumstantiarum. Nam (vt S. Gregorius docet) quidam sunt à natura inquieti, & quasi inhabiles, & inepti ad quietem, quam Oratio mentalis requirit. Et tales non debent statim huiusmodi Orationi se tradere; sed actionibus virtutum, vocali Orationi, alijsque deuotionibus, ita vt sensim naturam suam flectant, seque disponant; vt liceat postea ad mentalem ipsam Orationem accedere. Alij sunt naturâ suâ apti ad hoc Exercitium: & hi possunt se in eo occupare. in quibus tamen attendenda etiam est Statuum differentia. Nam valdè occupati actionibus exterioribus, ad quas omninò tenentur: aut non possunt Orationi mentali vacare, aut certè interpolatè, & breui temporis spacio: ac propterea id solum eis est tribuendum, quod ferre commodè possunt; & quod eos iuuat, vt in virtute conseruentur, suisque obligationibus satisfaciant: & idem dicendum est de modo & argumento Orationis illis assignando. Sunt enim quidam naturâ suâ adeò parum apti, vt non possint assurgere ad excelsas valdè considerationes; & alij, apud quos maiorem vim habent considerationes de amore, & alij de timore: & in vtrisque attendendum est, vt eo modo deducantur, quo magis proficere possint: dando operam, vt vniuersim doceantur dirigere suas meditationes ad vitæ & morum reformationem; nec eo solo contenti sint, quòd modum discant de rebus spiritualibus cogitandi; sed simul studeant scire viam, spiritum, & cōscientiæ puritatem adipiscendi per huiusmodi rerum

rerū meditationem : Excitando se ipsos ad magis quotidie proficiendum per ipsius Dei gratiam, instructionem Orationis, eiusque lumen ; vt suis Superioribus magis obediētes sint ; iniuriarum ac defectuum proximorum magis tolerātes ; charitatem in suos & Extraneos magis exercentes ; studiosi & amatores stationum magis humilium & abiectarum ; refrānantes propensionem, ac desideria alius ascendendi, & plus apud homines valendi ; vincentes tristitiam, quod se videant apud alios, quasi in obliuione esse, nec tāti ab eis fieri, atque cuperent ; magis frangant propriam voluntatem, ac desideria obtinendi, quidquid appetunt, & statim quidem atque illud vellent, nam alioquin turbantur, & in verba incompōsita erumpunt, nisi pro voto eis eueniat. Hoc monitum est valde necessarium : eò quod sint multi, qui sub prætēxu prolixioris occupationis in cogitandis vijs internis, negligunt, aut certè minus, quàm par esset, contendunt proficere, & reformare se ipsos : quæ est deceptio, & illusio manifesta. Ex quo prouenit, vt post multos annos Orationis sint quasi in initio emendationis vitæ. Et magis adhuc cæcitas hæc se prodit, quia etiam sic decepti, quieti viuunt, & pacati, nec internis stimulis vrgentur, sed sibi ipsis quasi blandiuntur : cum tamen id alijs offēdiculo sit ; cedatque in detrimentum eorum, qui, ex ignorantia, cum illis, quasi cum viris spiritualibus agunt, quos existimant, rectā in vijs ac rebus suis progredi.

Cum quis alteri aperit, quæ in oratione sensit,

NON

non solum non errat, si secretum ab illo exigat; sed potius necesse est illud seruari: nisi cum ijs personis agatur, quæ adiuuare, ac dirigere ipsum possint; aut cum Superioribus, quibus, ratione Officij, debet eius conscientia esse aperta, nihil eis occultando, quod alicuius sit momenti; aut quando ob aliquam aliam causam expedire iudicatur, ut aliquid tale, ad maius Dei obsequium, manifestetur.

ADVERTENDUM etiam, quod Dæmon magis horret Orationis Exercitium, eò cum maiori tērationum numero, & grauitate adorantes accedere, milleque figuras & colores induere, ut nos ab ea retrahat: persuadens sibi, si ab oratione recedamus, etiam à recta vita recedere. Quare nos deferi debet huiusmodi Exercitium, nec superstitiosum iudicari. Sed tradendus est tamen modus, quo debeat se gerere, qui orat, cum tales ad sunt tentationes: ita ut non deferens Exercitia sua, Victor contra easdem euadat; & ita se ad has tribulationes ferendas præparet, ac præmuniat, ut non intelligat promitti sibi sensibiles Dæmonum apparitiones: quamuis neque negetur, quòd soleat interdum Dominus noster illas permittere in bonum, & utilitatem suorum Electorum; & simul auxilia, & interiorem lucem dare ad eas tolerandas, & vincendas.

S. II.

De sensis Spiritualibus, & quaratione Deus animabus se communicet.

PRIMUM, tanquam res certa statuendum est, Deum communicare, & ostendere se animabus in hac vita: non quidem per visionem claram, iuxta ordinariam legem; sed per fidem & gratiam, eiusque effectus: quod si alicui concessum est Deum ipsum in hac vita videre; id fuisse ex privilegio singulari, quod non est alijs attribuendum, nisi quos Scriptura sacra, aut Sancti insinuant.

DEINDE, hanc Dei communicationem eiusque praesentiam non consistere praecipue, & essentialiter in rebus sensibilibus: quamvis ex interna Dei communicatione, huiusmodi sensibiles effectus, consolationes, alijque boni motus, & impulsus sequi soleant: ut propterea huiusmodi sensibiles sensus, & motus non debeant quasi essent Daemonis illusiones uniuersim contemni: illa enim esset insignis caecitas, ac deceptio: sed bene sunt attendendi, ac prudenter examinandi iuxta Doctorum & Expertorum virorum consilium; & Regulas, quas Sancti de Spiritibus discernendis tradiderunt.

TERTIO, quamvis huiusmodi sensibiles consolationes, & solatia, Dei sint: non tamen in eis consistit sanctitas; nec tamen ea desiderare sanctitati aduersatur: ita tamen, ut non in eis tantumquam in fine sistatur; sed appetantur quatenus ad
bene

benè operandum, & alacriter ad perfectionem tendendum disponunt: nec eadem solatia sensibilia, certa sunt indicia gratiæ præsentis; nec eisdem carere, signum absentis. Quamvis Sancti sæpè soleant eadem ea ponere tanquam gratiæ Dei quæ præsentis in anima indicia, & coniecturas. in hac enim vita nulla possunt esse (viâ ordinariâ) certa gratiæ signa : licèt sæpè sint coniecturæ.

QUARTO : de huiusmodi spiritualibus sensibus loquendum est communibus, & vñtatis Sanctorum verbis, nec cum magna exaggeratione; nec sine cautela, ad ea accedendum : nam multi graviora detrimenta sunt passi, quod multum illis fiderint. Huiusmodi ergo res accipiendæ sunt, tanquam minus principales, & solum, vt ex eis emendatio vitæ sequatur; & nominatim humilitas & patientia erga proximos, ac desideria ex intimo corde ferendi contemptus & opprobria ab hominibus.

QUINTO : quod animæ gubernatio, & directio non debeat esse præcipuè ab huiusmodi motibus, ac sensibus; sed à doctrina Ecclesiæ : & nihilominus certum est Spiritum sanctum corda mouere, ac docere : cuius motus nunquam est bonis moribus contrarius, nec Ecclesiæ sensui, ac doctrinæ : nunquam tamen habendus est talis motus tanquam regula infallibilis, quod sit à Deo id, quod huiusmodi sensus proponit, dum impellit ad aliquid faciendum, aut reiiciendum; & multò minùs velle quis debet, alios per huiusmodi sensum, tanquam per certam regulam dirigere, nisi prius benè examinetur, &

Cum

cum alijs, vt prædictum est, conferatur, & consultetur.

SEXTO: quoad fieri poterit danda est opera, ne internorum sensuum exteriora signa præbeantur, corporis scilicet motibus, & gestibus: nam ordinariè motus, qui à Deo est, trahit ad interiora: licèt non aduersetur ei, quod se interdum indicijs externis prodat: quòd si tamen talia externa indicia extraordinaria essent, ac frequentia: censenda essent suspecta, ac proinde reiicienda, nullo modo ea optando, & potius à Deo tanquam magnum beneficium petendum, ne nos per tales deducat vias; sed per planam, tritamque fidelium.

§. III.

De Mortificatione Ecclesiastica, & vera.

PRIMUM explicetur: veram mortificationem, quam Sancti docent, non in eo consistere, vt caro ipsa eneruetur, aut mactetur; nec in magnis doloribus sustinendis, nec in eo, quòd sensus suis operationibus ita destituantur, vt exercere eas non valeant; nec in eo, vt natiuus aliàs color pereat, & pallor contrahatur; nec in alijs similibus rebus: Sed præcipuè consistit in subiyciendo Deo, & moderando cor nostrum, ac volutatem, & animi perturbationes spiritum oppugnantem: in compescenda scilicet, ac moderanda ira, vt patientes simus, vt iniurias toleremus, calamitates, & aduersos in rebus temporalib. euentus: quales sunt paupertas, ægrotudo, mors filiorum

rum, consanguineorum, & amicorum; in portandis & ferendis oneribus, & imperfectionibus aliorum; imò in ferendo nos ipsos, nostrasq; imperfectiones; quas cupimus, sed non possumus exuere, & emendare ita cito, atque vellemus; & idem est de aliorum moribus, qui sunt nostris contrarij, quales sunt sæpè inter parentes, & filios, & ipsos coniuges, inter vicinos & aduenas; inter famulos, & Dominos; Superiores, & subditos; Confessarios & poenitentes; ac denique in tolerandis omnibus, in omni tempore, in omni occasione, quæ quacunque ratione grauias nobis, & molestas videantur: similiter in moderando nimio honoris appetitu, ferendo patienter contemptu; imò excitando nos ad ea desideranda; & gaudendum, cum adsunt; & idem est de reliquis passionibus, qualia sunt inordinata deliciarum desideria; aut quæ agenda sunt, vt iuxta nostra consilia, & palatum fiant: ac denique consistit in continua quadam virtutum exercitatione: studendo cum Domini nostri auxilio dominari nostris passionibus; & habitus consequi, quibus faciliè & hilariter faciamus, quod intelligemus illius esse voluntatis, nostrâ abnegatâ; ac deuictis omnibus propensionibus diuinæ voluntati repugnantibus. Sic enim Sancti intellexerunt, & opere ipso exercuerunt propriam abnegationem, quâ Christus Dominus noster prædicauit: & hoc ipsum est, amplecti & tollere crucem nostram, & Christum sequi, quemadmodum Sancti declarant.

DE INDE, significetur: non omninò tolli aut euelli passiones, sed moderari tantum; ita vt non perue-

perueniatur in hac vita ad eum statum & trāquil-
 litatem, vt nulla vnquam carnis rebellio sentia-
 tur, aut passiones non aliquando exurgant, & mē-
 tem oppugnent: (non loquimur de priuatis & sin-
 gularibus priuilegijs) quare necessarium esse, pec-
 candi occasiones euitare. Et hoc nomine cum foe-
 minis agendum est semper cautē, grauiter, ac bre-
 uiter, &c. quemadmodum optimē docet prima &
 secunda regula sacerdotum nostræ Societatis. Est
 enim stultitiæ genus, sub prætectu mortificatio-
 nis, aliquem fingere se securum in blandis collo-
 quijs, & conuersationibus cum illis, & multò ad-
 huc magis, si ad tactus veniatur à puritate alienos.

TERTIO : benè explicetur in eundem finem
 (quem mortificatione intendimus) præter victo-
 riam internam, de qua diximus (quæ præcipua est
 huius negotij pars) plurimum cōferre etiam cor-
 poris castigationem per externas pœnitentias:
 quæ propterea valdè sunt necessariæ, quales sunt
 ieiunia, vigilæ, disciplinæ, cilicia, asper, & hor-
 ridus vestitus, non dormire in molli lecto, non
 vti linteis ad carnem; & aliæ huiusmodi, quæ (vt
 diximus) multum conferunt ad corpus spiritui
 subiiciendum: & ad satisfaciendum Deo propter
 culpas proprias, & aliorum, & ob alios bonos &
 sanctos fines. Est tamen aduertendū, quod quem-
 admodum non eadem sunt omnium hominum
 vires, nec ijdem status, aut similes occupationes:
 ita non possunt omnes eisdem pœnitentiæ gene-
 ribus vti: eò quòd hæc sint corporis debilitati ac-
 commodanda; & studendum, vt status, & occu-
 patio cuiusq; eas adhibere, & ferre possint. Qua-
 re ex hac hominum diuersitate oriri posset, vt

poenitentia, quæ alicui esset modica, alteri esset nimia; & contra: ac propterea in huiusmodi poenitentijs sumendis ordo meritò magnæque discretio est adhibenda. De qua re vniuersim loquendo, hoc solum dici posse videtur: quod personis Religiosis, in statu perfectionis ab Ecclesia approbato constitutis, sufficere debet poenitentia eiusdem Instituti; & quam Superiores illis permittunt: dando interim operam, vt in eis excellant, & progrediantur, quantum ratio viuendi, & occupationes ferent: accipiendo interim, tanquam aliquam poenitentix partem, & non paruam aliquam mortificationem, quod sit contentus recepto communitatis vsu in Habitu, Cibo, & Somno: ita vt neque exemptiones, neque singularitates, in delicijs, & locis, seu dignitatibus quærat (nisi manifesta esset necessitas;) & in omnibus se ipsum subijciat præscripto ipsum gubernantis. Sæculares personas (in genere loquendo) expedit allicere, & exstimulare ad externam mortificationem, & poenitentiam: plus tamen ad interiorem, & ad abnegationem propriarum voluntatum, quæ Dei voluntati, eiusque ac Ecclesiæ legibus aduersantur: nam vsus, & consuetudo peccandi magna est, ac libera; castigandi verò se, & aliquid patiendi, & abnegandi se propter Deum, etiam in rebus licitis, est quasi nulla: eò quòd per multos annos, multisque vijs ad res prohibitas se extenderit. Nihilominus certum est, cuius hominum generi, & præcipuè viam spiritus aggredi volentibus, expedire, (nisi errandi periculo exponi velint) gubernari in suis poenitentijs, (quemadmodum in Oratione)

ne) consilio Doctorum & expertorum virorum, qui nouerint limites præscribere, intra quos se debeant continere, iuxta suas necessitates, vires corporis, & spiritus, & dispositionem, aut indispositionem internam.

DE NIQVE proponendum, quòd externa poenitentia, & misericordia opera utilia sint, & interdum etiam obligatoria: ac propterea tanquam talia debent valdè commendari: supponendo tamen, non debere vllò modo sub prætextu incumbendi Orationi prætermitti, quando vel charitas ea exigit, vel præscribit obedientia.

§. IV.

De Obedientia.

PRIMUM, hæc debetur præcipuè Dei præceptis, & Ecclesiæ; & ijs personis, quibus quisque iuxta leges, & statum, in quo versatur, debet subiectionem: quales sunt Prælati Ecclesiastici, & sæculares, parentes, viri & similes: quæ Obedientiæ & obligationes, quibus omnes in suis statibus obstringuntur, præferri debent constitutis Orationis temporibus, præcipuè prolixioribus.

DEINDE, esse valdè utile, & in sancta Ecclesia vniuersim vsitatum, & vt tale approbatum, vt alij ab alijs Sapientioribus magisque expertis gubernentur, & dirigantur: obstringere autem se voto huiusmodi gubernationi, existentes extra statum Religiosum, etsi aliquando rectè fieri possit: Ordinariè

Bb 2 tamen

tamen id fieri non debere: nisi magna ac diligenti maturitate, & consilio præmisso. Nec tamen hoc est, quod sancti Officij Decretum damnat; sed aliud quid ab hoc diuersum, quod multis malis aditum præbet; affectum, inquam, inordinatum quorundam hominum deceptorum, qui, vt liberius tutiusque dominari possint facultatibus, & ipsis personis poenitentibus, eis suadent, aut etiam cogunt, vt statim, atque ipsis consistentur, voto quodam se obstringant, nihil se facturos magni aut parui, etiam ad quod diuino præcepto tenentur, nisi ex ipsorum præscripto, & Obedientia. Quamobrem necesse omninò est, nostris explicari, quanti sit momenti decima quinta regula Sacerdotum, de non admittenda Obedientia poenitentium: licèt ea regula facta sit ob alios sanctos, & iustos fines, valdè distinctos ab ijs, quibus sanctum Officium fuit inductum ad tale suum decretum constituendum, & promulgandum.

V.

De Confessione, & Communione.

PRIMUM, benè obseruandum, vt quando generalis confessio in casu necessitatis suadetur, id fiat, diligenter attendendo, ne cogatur poenitens huic vel illi Confessario eam facere; & multò minùs sibi ipsi: licèt meritò debeat commendari, vt viro alicui docto, & magnæ experientiæ fiat. Sed simul declaretur, in quibus casibus tantum esset utilis: & in his liberum relinquatur omnibus, sequi suam deuotionem in ea insti-

instituenda, aut prætermittenda; huic vel illi Cōfessario facienda; & in quibus sit omninò necessarium eā facere: & in talibus urgeat omninò, & absque vlllo scrupulo, vt eam faciant, cum illa tamen cautela, ac discretione, quam diximus. Declaretur item, interdum posse esse magis perniciosam, quàm vtilem talem Confessionem homini, verbi gratia, scrupuloso, & qui iam semel aut sæpiùs præmissis cum debita diligentia præmittendis, iudicio prudentis Confessarij eam fecisset.

DEINDE valdè attendendum, quomodo ijs, qui confitentur, persuadeatur, vt Nostrijs confiteantur. Maximè verò, ne hoc illis significetur: quod non rectè facient, si alijs confiteantur; item noster Confessarius sit facilis ad permittendum, vt eius poenitens liberè alteri confiteatur: quod si ille, ipso non monito, alium accederet: ostendat noster, id sibi placere; & ita in hoc habeat longanimitatem, & cordis latitudinem, etiamsi prudenter iudicaret, huiusmodi mutationem ex aliqua poenitentis imbecillitate ortam esse: & ne facilitas hæc poenitentibus annuendi, vt alteri confiteantur, sit illis noua: videant sanctum Concilium Tridentinum sess. 25. cap. 10. & regulam vigesimam nostrorum Sacerdotum. Et fortè hæc ipsa est causa, cur Tridentinum Concilium statuerit, vt etiam Religiosis libertas hæc daretur, alijs confitendi aliquoties in anno, quàm ordinarijs Confessarijs.

TERTIO, danda opera est, vt nimius poenitentium ad suos Confessarios affectus impediatur,

tur, & è contra: quod si non sufficeret, curandum esset prudenter, vt Confessarius mutaretur, attendita semper personarum qualitate, cæterisque circumstantijs, quemadmodum Regula decima tertia monet.

Q V A R T O, ne Confessarius in eo sit nimius, vt poenitentes omnia, ipsius iudicio & gubernatione faciant; multoque amplius subterfugiat immiscere se ipsorum rerum mutationibus: sed permittat potius, ipsos res suas gubernare: nec velit, illorum Eleemosynas, ipsius manu distribui multoque minùs, si qua esset suspicio, quòd earum aliquas in proprios vsus conuerteret.

Q V I N T O, diligenter aduertant, quibus frequentior communio concedatur: quemadmodum à Patre nostro Generali nominatim est nobis commendatum: Studendo scilicet moderari nimium communicandi affectum; & vt hæc phrasis: *esuries Domini*, diligenter perpendatur, præcipuè si de sensibili fame intelligatur: quamuis negandum non sit, affectum amoris sanctum hoc desiderium adferre, quòd fames appellari potest: quod & rectum est; & causa communionis, quando & sicut oportet: non verò inordinatè, aut sæpius in die: nam talis est illusio.

S A X T O: vt in sacra Communione omnes supersticiosæ cæremoniæ euitentur. quales essent plures simul formas accipere, aut vnicam, cum hac aut illa figura; talis, aut talis quãtitatis, præter id, quod est in comuni vsu; & *claudere oculos*, quando sanctissimum Sacramentum sumitur; aut in sacro Missæ eleuatur, aut similes aliæ.

SEPTIMO: ut phrasis illa modusq; loquendi extirpentur, quibus aliquæ uti solent: communica hodiè pro me, quia ego non possum; alio die ego pro te communicabo; offeras pro me hanc communionem, &c. nam ex huiusmodi loquendi modo colligere liceret, tales communicantes ita sentire, & existimare, ut quisque pro altero satisfaciat, etiam in communione, quæ fit ex obligatione; & eos quoad hoc non discernere inter communionem, & sacrificium Missæ: & idem intelligitur de Missæ auditione, si dicatur: audi nunc pro me Sacrum, ego alio die pro te audiam: nam æquè posset dicere: confitere hodiè pro me; & ego alio die pro te confitebor. Non tamen propterea impedimus, quo minus alter possit alteri applicare operum suorum satisfactionem, & impetrationem.

S. VI.

De Matrimonio, Castitate, ac Religionibus.

PRIMUM, ut moneantur, ne votum Castitatis foeminis consulatur, nec ordinariè approbetur absque magna cautela, & consideratione: & multò magis attendatur, ne votum non nubendi in sæculo mansuris consulatur. Videant nostri Confessarij Regulam vigesimam tertiam Sacerdotû, & ita nostri de Castitate loquantur, ut non possit ex eorum verbis accipi occasio cogitandi, aut dicendi, reprobari à nobis tãquam malum coniugium.

Deinde, ne cõsulatur, nec ordinariè approbetur,

vt foeminae habitum induant Beatarum, quem tota vita gerant, non suscepto statu Religioso. Perpendatur quoque valde vigesima quinta Regula Confessariorum, quae prohibet, genus aliquod vestimenti, aut particularis coloris alicui poenitenti praescribi. Multoque magis caueant, ne se ingerant in constituendo ordine, & gubernatione familiae minutim, & in rebus particularibus, vt superius etiam monuimus; & similiter foeminis statuentibus castè viuere, & ad aliquam propendentibus Religionem, ad quam aptae esse videantur, ne talia desideria illis dissuadeantur: inducendo, verbi gratia, ad habitum Beatarum induendum; aut ad manendum in saeculo sine illo; nisi fortè rarissimè alicui foeminae, attenta eius aetate, securitate, & particularibus alijs circumstantijs.

TERTIO: vt nostri de alijs Religionibus, earumque Exercitijs, & vita; & maximè de earum Institutis benè semper loquantur, & praecipuè nunquam de Religionibus foeminarum ira loquantur, vt velint aliquas virgines à tali Instituto amplectendo auertere, aut terrere.

QUARTO: vt de ipsa nostra Religione vniuersim, ac de rebus nostris, & nominatim de nobis ipsis: verè & humiliter sentiamus: parum & raro intus aut extra domum de eis loquamur; multò verò minùs eas exaggeremus, & extollamus, quasi nostram Religionem alijs; aut nos ipsos alijs religiosis praeferamus. Et inter agendum cum secularibus adhuc amplius decet nos continere: ita vt ex nullo indicio possint occasione sumere cogitandi, quod velimus nobis quasi viam spiritus attribuere,
& alijs

& alijs p̄ripere ipsam sanctitatē, eiusq; directio-
nē & Magisteriū. Eandem curā adhibere oportet
in loquendo de his rebus: de ingenijs scil. homi-
num Societatis, de exacta ratione studiorum, de
multis Subiectis, quæ illam ingrediuntur, & eo-
rum doctibus & facultatibus, de insignibus Con-
cionatoribus, de magna ad nos confluentium fre-
quentia, de Prælati ac Dominis nobis addictis;
de acceptione bonoq; loco, quem etiam apud
plebem habemus; de fructu, quem nostri faciunt
in Indijs Orientis & Occidentis &c.

HÆC sunt monita prudentis huius Magistri
ad homines huius Societatis, quæ pro tempore,
quo illa tradidit, valde fuerunt oportuna, & om-
nibus sunt semper magni momenti.

CAPVT XXXIV.

*QVO ZELO LITERIS SVIS AB-
sentes iuuabat, & quantam prudentiam
& efficacitatem in eis ostendebat,
subijciuntur aliqua exempla
valde spiritua-
lia.*



VAMVIS P. Balchassar valde
esset notus in Castillia, in qua
plurimos habebat filios spiri-
tuales, variasque personas, quæ
res suas libenter illi communi-
cabant: non tamen charitatem
ac Zelum suum angustabat ad

proximos praesentes, aut propinquos loco, vbi ipse manebat: sed etiam quando aliquarum curam animarum susceperat, extendebat se ad eas etiam absentes dirigendas, & adiuuandas, datis ad eas literis, praecipue ex Collegio Salmanticensi, vbi plures ex ijs, quas inuenire potui, sunt datae: in quibus magnam suam prudentiam ac Zelum ostendit, nec minorem efficacitatem, quam si praesens fuisset locutus: loquebatur enim ad eorum cor, ad quos scribebat, atque si praesens esset, & spirituales eorum necessitates videret. Ita vt sicut Apostolus, dicere posset, *a quales sumus verbo per Epistolas absentes, tales & praesentes in facto sumus*: nam spiritum, quem habebat in verbis, etiam in literis ostendebat; & earum spiritus indicabat, quem haberet in verbis. Et quemadmodum Apostolus, ita & ipse varios ob fines huiusmodi literas dabat: siue vt ad rectam viam eos deduceret, qui a bonis moribus, ad quos eos deduxerat, deuiassent; aut ad eos in fernore pristino conseruandos, aut ad extimulandos torpentes, animandos pusillanimes; consolandos, necessitatibus corporalibus aut spiritualibus afflictos; aut gratulandum eis de prosperis eorum euentis; aut denique ad respondendum dubijs sibi propositis de rebus ad animas spectantibus. Quamuis autem harum literarum multas viderim: quia tamen prolixum esset, eas omnes hic referre, praeter eas, quae in praecedentibus capitibus sunt positae, solum aliquas reddam valde spirituales, in quibus prodit se excellens Magisterium, & spiritus huius Sancti viri, ac Zelus in eius pectore ardens, quo cupiebat, omnes esse valde perfectos.

22. Cor. 10.

11.

§. I.

LAPSUS fuerat vir quidam nobilis ab statu virtutis, quem fuerat affecutus: timebatque ac de die in diem tergiuersabatur ad Deum conuerti: quod cum P. Balthassar intellexisset, commiseratione eius miseriæ motus, hanc ad eum Epistolam dedit, sicut Apostolus ad Galathas in simili occasione. Nescio, (inquit) quam viam aggre-
 diar, vt agam cum anima tua; pacis, an pugnae; silentij, an sermonis: omnes enim mihi oculos video, non gramine, quod recreat; sed ver-
 pibus & spinis, quæ necessariò lædunt, & cruentant pedes ingredientium. Quid faciam, quo vtar
 consilio? eligo nihilominus, infirmitatem meam pro-
 dere: sic enim, & mihi leuamen, & tibi aliquam afferam compulsionem. Per Iesu Christi sangui-
 nem peto, vt oculos aperias, tuique cordis duri-
 tiem aduertas, eiusque continuatam adedò resi-
 stentiam Vocationi diuinæ. Noli te defendere ab eo, qui non querit tuam mortem. Attende iustus,
 imò & flagella, quæ à potente eius manu sustines. Quomodo te illa non emolliunt? effodias pro-
 fundiùs, donec haurias aquas. si verba sua non au-
 dientes detestatur; qui eius flagella intelligere
 volunt, quàm ei adferrent horrorem? infortu-
 nium hoc omne mihi solatium auferet omnibus
 diebus vitæ meæ; bolus hic coget me apud altissi-
 mi tribunal clamare: ingratitude hæc est, & inur-
 banitas ab omni generoso animo aliena. nam qui
 generosi sunt, grati etiam esse solent; *quis te fa-* a Gal. 3. 1.
scinauit: frater, non obedire veritati, ambulabas be-
nè, b currebas benè: quis te impediuit, veritati non b Cap. 5. 7.
obedire? quando, quæso, Diabolus sanguinem suum
 in tui

„ in tui gratiam effudit: ut tantum amorem in eum
 „ conceperis? si, cui omnia debentur, fit iniuria,
 „ cum aliquid ei subtrahitur: quid erit si nihil ei
 „ reddatur? quid si omnibus ab ipso acceptis, quis
 „ abutatur? quid si ex ipsiusmet Dei beneficijs te-
 „ lam quis contra eum texat? intellige iam illum: ne
 „ fugias, ne obdurescas; ne liges, aut abbrevies ma-
 „ num Omnipotentis: qui plus te diligit erubescen-
 „ tem, & ad pedes suos prostratum; quam obstina-
 „ tum, & ipsum fugientem. Quod si tibi adeò te
 „ malè gerenti, toties ipse occurrit; & si eum hor-
 „ rens, internum tamen habest testimonium, quod te
 „ dilexerit, pacemque sponte obtulerit; si ipse læ-
 „ sus, & iniurijs affectus, ad te accessit, teque est
 „ amplexatus: cur te nunc contrahis? num quòd
 „ existimes: tibi accedenti portam ipsum occlusu-
 „ rum? noli, obsecro, hac noua iniuria illum affice-
 „ re: quod per oculos, quos in facie habes, obte-
 „ stor. Scio te eum non esse quem suorum consilio-
 „ rum, animique decretorum poeniteat; nec hor-
 „ reat, quod valde desiderauit, cum videt, se illud
 „ obtinuisse. Non ita est, non ita est. aut fortè cogi-
 „ tas, aliud nunc tempus esse, quàm cum amares. cur
 „ mutatus es? at Deus noster semper idem est: *ego*
 „ *Deus. & non mutor.* Huius rei Fidem habes, & in-
 „ stantiæ interioris, qua te vocabat, cum tu eum de-
 „ testareris: necessario igitur credere debes: si tu fe-
 „ ceris, quod ille iuber: facturum ipsum, quod pro-
 „ mittit; admittas ergo, idque tibi persuadeas: com-
 „ patiaris mihi si non vis tui ipsius cõmisereri; do-
 „ leas quod prauis tuis actionibus, multos scanda-
 „ lizes & crucifigas; conciplas tandem ex iniquita-
 „ te nauscam; horreas cibum, qui comedentem oc-
 cidit.

cidit. Quando tandem, toties peccando saturaberis? non valde citò Deum agnoueris, non nimis citò vitâ fungeris; nec malè feceris, cùm non fueris relictior eo, qui dicebat: *fero te cognoui Bonitas infinita!* absque solatio gemes, si attendas quot annorum, quot opportunitatum iacturam feceris; & quot occasiones tibi euangerint, & velut in sordes sint commutata: ego fidei iussor tuus ero, ego poenitentiam pro tuis peccatis agam, ea quæ flere iuuabo. Venias huc: offero enim tibi Dei misericordiam in eius nomine: requiesce per paucos dies; recipias te ad locum sacrum & tutum: qui & animam, & corpus tuum tuebitur; & prædelicijs, & auctoritate à quibus raptaris meliora largietur. Et quoniam verba mihi defunt ad continuum, quem in anima mea sentio, dolorem, explicandum, hic finio; & tu quoque finem impone Martyrio, quo me afficis. O si Deus oculos tibi aperiret, vt & te videres, & me: credo non haberes cor ad tantum malum studinendum. Deus tibi sit lux & fortitudo, vt vtramque hanc abyssum per-
spicere possis. Amen.

QVAB imago magis ad viuum expressa esse potest operarij alicuius Euangelici zelâtis ac sitiētis tanquàm alterius Apostoli Pauli salutem animarum, quàm hæc sit Epistola? quænam mater maiorem sensum de perduto filio ostendere potest, quàm magnus hic vir ostendit ob vnius animæ iacturam? quæ indicia magis aperta esse possunt, accensi erga proximos amoris? quis dolor adeò cōtinuus, quæ lacrymæ, qui clamores, & quis adeò liberalis animus, vt aliena mala tanquàm adeò propria suscipiat? verè Dei amor calamum sui
huius

huius serui mouebat; cœlestemque eloquentiam suâ largiebatur, ad expugnādū cor a Jēd induratū.

IN simili alia occasione scripsit ad quandam aliam personam, eodem quo superiores spiritu: his verbis.

Salmanti- „ ACCEPI tuas literas valde aulicas, & optaf-
ca 3. Jan. „ sem sanctiores. Si quam ego terribilem in mea vita
 1576. „ noui, tu es talis Quando tandem defines cum Spi-
 „ ritu sancto contendere? at qui certò scias, graui-
 „ ter ipsum duriterq; tecum acturum, adeone ama-
 „ bile est peccatum vt eius causa deferere velis Dei
 „ delicias & fauorem; teq; ipsam eius inimicitia in-
 „ dignationi subijcere? triste certè ac deplendū am-
 „ plexa es consiliū, quod teneram mihi compassio-
 „ nem attulit: nam cū Deus constituerit, vt omnis
 „ inordinatus animus, sibi ipsi sit poena; eaq; sit ex-
 „ secutioni mandanda: necesse erit eas sustinere-
 „ quas venenū adferet, quod nunc hauris, quia dul-
 „ ce sapit: angustias sc. quæ viscera tua grauiter tor-
 „ quebunt; tentatoris verò recreabunt (vt ex hoc tu-
 „ us, quem promereris, cruciatus crescat) triūphan-
 „ tis de victōria suæ prædæ, & irradientis celerita-
 „ tē, ad laqueum suū, & ad proprium nocumentū
 „ currentis: tunc experieris quid amiseris, & quid
 „ lucrata fueris, cum ignominiosè adeò re illi dedi-
 „ deris. Quod si hæc inferni species & vmbra suffi-
 „ ciet, vt in te ipsam reuertaris, sicut iuuenis ille Eu-
 „ angelicus fame vexatus & infamia, vt pulchritu-
 „ dinem domūs Dei diligas, & magnam eius abun-
 „ dantiam, ita vt crepare potiùs eligas, quàm ab ea
 „ recedere: occurram & ego tibi, quemadmodum
 „ Pater illius fecit. Quòd si cogitas, me ita suspēde-
 „ re, vitam sicut hætenus ducendo: tuam retege de-
 ceptio-

ceptionem: non enim ego temporis mei iacturam
facere volo, sicut tu facis, moriens quotidie sine
vlla, aut parua spe fructus. Deus te alliciat tra-
hatque, ut potest. Amen. Has scribo quartanæ Pa-
roxissimum expectans, ut tibi persuadeas me tui
non esse oblitum.

SATIS se prodit Sancti huius viri charitas, si-
quidem humor ille Quartanæ Febris qui vel dum
incipit se mouere, adeo solet cor affligere non tã-
tũ potuit, ut ipse ouis perditæ curã deponeret; sed
arrepto calamo sententias adeo efficaces scripse-
rit, ad eam Christi Domini gregi restituendam;
morbi enim non faciunt huiusmodi viros, negli-
gentes, sed compatiētes, nam etiam proprii cor-
poris cõmoditatem deponunt, & calcant, propter
spirituale proximi bonum, ut supra est dictum.

S. II.

ALTERI cuidam Dominæ valde Nobili *Salmãtica*
(quæ à tenera ætate mundo renunciãs am- *1. Aug. 74.*
plexa fuerat Institutum Monialium Carmelitarũ *D. Casilda.*
Discalceatarum) scripsit, docens viam & ratio-
nem fructum capiendi, multumque proficiendi in
eo statu.

CVM sæculum deserueris; abieceris procul-
dubio affectus eius, ac desideria, amoremque eius ti-
tulum, ac honorum; & conuerteris ad eos, qui
sunt in domo Dei, tanquam eius iam domestica,
qui splendidiore sunt, ac iucundiores illis. Quã-
obrem nec *nobilem*, nec *magnam* cõpellabo, si qui-
dẽ studes parua esse in oculis tuis; nec *Reuerentiã*:
quia, si apertos illos habes: aduerteres, contemptum
potius

„ potius tibi deberi : sed *Fœlicem* dicam , quæ talis
 „ existens , gratiam inueneris in oculis Dei altissi-
 „ mi , qui te ad tuas delicias , dulceq; solatium , elegit
 „ tantò oblato fauore , vt non possis de eo dubitare ;
 „ educēs te à sæculi strepitu , & occupationibus , quæ
 „ te diuississent , & à dulcissima cū eo familiaritate
 „ separassent , ne posses ea continuò gaudere : idq;
 „ adeo in conspectu totius mundi , vt plenus ille sit
 „ testibus excelsi huius beneficij . Superest igitur , vt
 „ cū sis à multis occupationibus expedita , causam
 „ & finem eius benè intelligas ; desq;ue operam , ne
 „ gratia hæc in anima tua sit otiosa . Quod si quæras ,
 „ in quo debeas maximè eminere ? dico : in te valde ,
 „ valde , valde humiliando . Ne existimes , te aliquid
 „ proficere : nisi te omnium minimam reputes : nihil
 „ enim honorabilius est in creatura , Christum D. N.
 „ agnoscente ; quàm quòd eidem sit in re aliqua si-
 „ milis . Et vix aliam inuenies , in qua magis ille sibi
 „ complaceat ; aut magis referat remanentes
 „ præcedentis amplitudinis tuæ odores ; aut
 „ magis nunc tibi expediat , quàm hæc : ideo-
 „ quæ Christus D. N. qui , quæ Deus est , no-
 „ stram nonit imbecillitatem , viasq; nostræ per-
 „ ditionis , & aptissima eius remedia valde seriò (vt
 „ S. August. aduertit) commendauit , vt disceremus
 „ ab ipso , quòd *humilis esset corde* . Humilitas in ver-
 „ bis ac cæremonijs seu moribus , quibus mundus de-
 „ cipitur , facilè obtinetur : at cordis , quæ Deo pla-
 „ cet , tardius & magna adhibita cura . Cum igitur
 „ Religionem sis ingressa , vt studeas illi placere :
 „ certò tibi persuadeas , tunc te maxime placitu-
 „ ram , cū omni tuo conatu contenderis precio-
 „ sam hanc margaritam comparare : nec ego de-
 „ sistam

sistam te iuare; donec illam obtineas. Non
 plura cū sermonem de Creatore habenti, graue
 sit decreaturis loqui. Hæc prudens hic vir scri-
 psit, benè conscius, quodd nobiles, & illustres hu-
 ius mundi, cū statum religiosum an plectuntur,
 nisi singularis excellentiæ cupiditatem frenent,
 non possint in statu perfectionis, quam profiten-
 tur, proficere, cuius fundamentum est cordis hu-
 militas. Sed quoniam etiam ij, qui orationi in-
 tumbunt, facillè hæsitant ob ariditates, & distra-
 ctiones, & ob nimias solatiorum anxietates, hanc
 illorum nimietatem, magna cum prudentia cor-
 rexit scribens ad grauem quendam Religiosum
 in hunc modum. Pax Dei, quæ omnem exsue-
 rat sensum, sit cum V. R. quæ pondus est & tran-
 quillitas, quam Deus ventis imponit exsurgen-
 tibus in Iustos, descendentes cum Christo in
 mare; & nunc, etiam in tuo corde agitantur;
 sed non te deseret idem Dominus, qui fecit pon-
 tus ventis. Non vellem videre te profectus tui,
 & spiritualium internorum sensuum aded cupi-
 dum, vt ex eorum desiderio turbari te patiaris;
 pacisque & internæ quietis iacturam facias; scri-
 ptum est enim: depone concupiscentiam, & in-
 uenies requiem. Pone finem desiderijs, nisi velis
 torqueri. Quod nisi feceris, ipsamet desideria,
 tui erunt carnifices; & instrumenta, quibus De-
 mon plures tibi adferet turbationes & molestias,
 quàm sint in aëre atomi: Renunciasti sæculo? de-
 fere omnino: Abiecisti res temporales? abijce
 & earum cupiditatem: ingressus es militiam
 Christi? ad conflictum, & pugnam te præpara: &
 a proposito tibi gaudio, sustine crucem, confusione

Salmanti-
 ca 28. Ian.
 1574. Ad
 P. F. Ioan-
 nem Ca-
 strium,
 Ordinis S.
 Augusti-
 ni, Eldanæ
 manenti.

„ *contempta*. Cupis proficere, tuæque Orationi be-
 „ nè attendere, ut placeas Deo? permittas, te ab eo
 „ gubernari: & incipias amorem, quem erga illum
 „ habes, in eo ostendere, quod sis contentus & pa-
 „ catus, quocunque modo & via voluerit ille te du-
 „ cere; & cum eo quod ille dare voluerit, modicum
 „ aut multum, aut nihil. Et crede certò, te magis illi
 „ placiturum, si gaudeas & tranquillus sis cum tua
 „ paupertate, quam diu ille te non eduxerit ex ea:
 „ quàm si obtineres imaginariam tuam celsitatem.
 „ Satis hætenus eo modo seruiisti Deo, qui tibi
 „ placuit: incipias iam eidem vel vnico die seruire,
 „ quomodo ipse cupit. Estne aliquis, qui velit mihi
 „ granitò seruire? dicit libellus, qui inscribitur Cò-
 „ temptus Mundi: & ipse Deus per Malachiam, cum
 „ quodam sensu, quod hunc defectum in suis dome-
 „ sticis animaduerneret, dixit: *b quis est in vobis, qui*
 „ *claudat ostia, & incendat altare meum gratuitò?* ne
 „ internam morum reformationem negligas; nec
 „ Magistrum ipsum internum, qui sensum ingerit,
 „ quid sequendum, quid fugiendum, & quid etiam
 „ tolerandum sit. Obedias exactè; esto vniuersim
 „ abnegationis propriæ voluntatis amator: com-
 „ mittas verò ipsi Deo proprium tuum profectum,
 „ ut pro libitu suo internum tibi sensum aut mittat,
 „ aut subtrahat: hoc enim solo nunc opus habes:
 „ nec verearis, præsentis defectus non spontaneos,
 „ fore impedimento: siquidem præteriti, cum essent
 „ maiores, non impedierunt, quò minus ad bo-
 „ num, quod nunc habes, perducereris.

b Malach.
 10.

„ ALTERVM verò illud quod te reddit in-
 „ quietum, dico esse manifestam hostis tentatio-
 „ nem: quod cupias mutare locum, quem habes
 „ ab O-

ab Obedientia tibi assignatum: donec ab eadem alius constituitur. Reuoces tibi in memoriam, quid Angelus dixerit S. Ioseph, cum Dei nomine iuberet, eum *c accipere puerum & matrem eius, & fugere in Aegyptum*: addidit enim; *13. & esto ibi usque dum dicam tibi*: quod ille exactè præstitit, manens ibi donec idem Angelus iussit redire in terram Israël. Esto ergo quietus; & solatium tuum habeas cum Iesu & Maria, quibus nec tu es melior, neque Eldanenses sunt peiores Aegyptijs. Et adhuc apertiùs se prodit tentationis inordinatio, quam ostendit labor discurrendi per pagos, per vicos, & Castella, cui Exercitio Christus Dominus noster dedit initium. Ne existimes parui tibi constitutum fructum animarum, qui constitit Christo proprium sanguinem: nec potes maius aliquid præstare, quàm quòd tibi ipsi moriaris: nam grano mortuo promittitur mediocris aut multus fructus. Et idèd, qui profitemur seruire Christo, exiguum, aut nullum ex laboribus nostris fructum percipimus, quia nec mundo, nec nobis ipsis mortui sumus.

HABET P. Balthassar valde oportunè scripsit proijs, qui & orationi, & iuuandis animabus se tradunt: paucis enim verbis docet eos præcipua puncta, ad proficiendum in utroque capite.

ALIAS quoque literas dedit valde spirituales ad quandam Societatis Patrem, conquerentem de ariditate, & varietate cogitationum, quibus in Oratione impediabatur. sic autem dicit.

Metina. 21., NESCIO cur de ariditate conqueraris, quam
 Iulij 1567., non ostendis in tuis verbis, sed fertilitatem & foe-
 ad P. Ioa., cunditatem magnam: quam si Dominus noster
 Secium., abscondit, non tamen eam subtrahit; sed occasio-
 nem & periculum eam amittendi. Ad puncta po-
 tuisset non respondere, cum apud te habeas tuum
 Moysen, cui Dominus noster tam multa loqui-
 tur, & quidem non belli aut pugnae, sed pacis, sibi
 & multis alijs, quasi vni illorum, de quibus Da-
 uid: *Suscipiant montes pacem populo*. Sit benedi-
 ctus, qui ad eum te dicit. Sed quoniam id cupis di-
 cam pro tuo solatio, quod mihi occurrit, etiam si
 eo non opus habeas.

AD primum, quod est maximè molestum, pu-
 gnā scilicet variarum cogitationum, dico: in-
 ternam amaritudinem ex eis prouenientem, oriri
 posse ex parua cum voluntate Dei confirmitate, &
 cuius manu, & pugna, & pax debent patienter, &
 cum gratiarum actione suscipi: & ubi amor cru-
 cis locum habet, libentiùs pugna accipitur. Con-
 feret etiam quod Parisiensis Doctor dixit: facien-
 tem in hac pugna, quod debet, maius habere me-
 ritum; quàm si iuxta suum palatum se cum Deo
 oblectaret. Accipias pro Excitatorio, & stimulo
 conuertendi te ad diuinā Maiestatem id ipsum,
 quod nos inuadit, & conatur ab eo separare; cum
 quibusdam amorosis & dulcibus querelis dicens:
 d Psal. 43., *Cur obliuisceris inopia nostra, & tribulationis no-*
 24., *stra? e vsq; quo Domine obliuisceris me in finem,*
 c Psal. 12. 1., *vsque quo auertis faciem tuam à me? quàm diu po-*
 nam consilia in anima mea dolorem in corde meo per
 diem? Memineris, deprauatam nostram naturam
 multis occasionibus & stimulis indigere, quibus
 impel-

impellatur ad conuerſionem ad Deum ſuum; & re-
 nerrimorum viſcerum diuine Maieſtatis, quibus illos mittit, aut permittit, vt nos ad ſuas portas contineat, multiplicans huiusmodi pulſus & clamores non in anno ſemel, aut in menſe, aut in die; ſed omnibus vitæ momentis. quod ſi hoc Exercitium progrediatur, vt oportet; ambulabis in præſentia Domini, quem deſideras, licet non tuo modo, ſed ipſius Domini; quod ſi ipſe Dominus, non verò tuum ſolatum in cauſa eſt, vt eius diuinam præſentiam optes: quidquid ipſe conſtituerit boni conſules, & optimum reputabis. Hæc ipſa præſentia adiuuabitur, ſi non neglexeris, quo ad fieri poterit, aliquid eorum, quæ præſcripſerit Obedientia; nec te mortificare prætermiſeris: neque enim abſque aliquo horrore crucem aſpicimus, niſi propter ipſum Deum; & quoniam ſenſum & dolorem, quem illa adfert, nulla re alia melius temperatur, quàm eiufdem memoriâ: ſi ſtudium te mortificandi eſſet continuum, ipſemet amor proprius ad hanc memoriam exſtimulabit, tanquam vulneris remedium, quod mortificatio in tua anima efficiet. Et pro animabus dolatione & expolitione indigentibus, optimus modus, meo iudicio, eſt, ambulare in præſentia Dei: acquiritur enim ſine magna difficultate, ita vt etiam rudiores intelligere illud poſſint: id quod curandum nobis eſt in omnibus virtutis exercitijs, vt factibilia eſſe oſtendantur: eius verò fructum copioſum experietur breui anima, quæ modo illo vteretur. quod totum intelligo, niſi Dominus noſter peculiare alios modos maioris emolumenti tibi oſtenderit: tunc enim audiens eius vocem, non deberes cor tuum

obdurare. Sed quâdiu De⁹ humanis industrijs dat
 locû, bonû consiliû est illas arripere, quæ maiori
 celeritate ipsa ligna, cortices, & radices, disturbât
 quæ quisq; in se sentit. Et sic respôsûm est ad utrû-
 que punctû insinuatû: pro Oratione q̃ cupis, vide-
 ris benè tetigisse punctû, vt sc. importunè inſtes a-
 pud Dominû, vt eâ doceat; & nisi destiteris, ex tẽ-
 pore obtinebis, q̃ optas: est enim donû Dei, quod
 humilibus datur. §. III.

SED quoniã aliqui, dũ humilitatẽ sectãtur, in-
 cidunt in pusillanimitatem, subiiciã hic aliã
 Epistolã ad aliũ P. Societatis, qui ad ipsum P. Bal-
 thassarẽ scripserat, se valde abiectõ esse animo ob
 suos proprios defectus: quorû causa existimabat
 Deũ procul à se recedere: quãuis subiecit, se non
 posse sibi persuadere, q̃ se Deus tã diu subtraheret,
 anxie ipsum quærenti: quod eũ non amaret; sed vt
 sic ille imbecillitatẽ suã agnosceret; aut vt eius fi-
 delitas verè probaretur. Ex quibus vltimis verbis
 occasionẽ accepit P. Balthas., ad hæc illi scribẽda.

O quàm fuerunt mihi grata dulciaq; illa verba,
 cũ omni sua deductione! Cũ illud audiui, intra
 me ipsũ dicebã: adhuc qui hoc habet, solatiũ ha-
 bet; & qui talẽ gloriã dat Deo, solidũ quid habet in
 eo, q̃ offert. Apud me certũ est, Deũ esse tecũ, & cõ
 placere sibi in tuis obsequijs; & cum ijs omnibus,
 qui veteri vita deposita, nouam amplectuntur, quæ
 est secundũ diuini spiritus veritatẽ, eo modo quo
 possunt: etiamsi mille imbecillitates, & plures er-
 rores, quàm sint capilli, admisceantur: Verum est
 quidẽ, non oēs hoc agnoscere; ideoq; aliud est, il-
 lud sentire; aliud, habere; distantq; hæc à se inui-
 cem, sicut Cœlũ à terra. De duobus illis discipulis
 iã lapsis in die Resurrectionis euntib; in Emaus atq;

*Estiman-
 sic. 8.
 Apr. 1576*

S. Lucas, quod ibant cū Christo D. N. & quod oculi eorū tenebantur, ne eū agnoscerent. Ibat Christus cū illis, & tamen sine eodē se esse existimabant: & sic ambulantes ad locū peruenerunt, vbi deceptio est reiecta. Sed & illi, & reliqui oēs eis similes in ipsa via experiūtur eius præsentiæ, & locutionis indicia, si attentē obseruent, quid interiūs in ipsis agatur: in ardoribus cordis, in Sacrarū scripturarum intelligētiā, & in monitis suæ reformationis. Dic igitur mihi, in quo differat ab hac gratiā illa, quā in tuo corde sentis, & alij similes sentiūt, cū super te, & illos fluunt interna monita rerū omniū, quæ sunt faciendæ, etiā minutissimarū; & reprehensionū, cū vel ad vnū capillū receditur ab eius interiori instructione: quib. monitis veluti digito quodā indicātur, quæ sint sequenda, quæ tolerāda, quæ fugiēda, & quibus resistendū? & super oēs has curas, & labores grauissimē ferunt internū sensum, ex eo q̄ neq; ipsi seruiāt Deo, nec alios seruire videant, prout ipsi dignū ipsū esse, & se tēneri intelligūt. nū ille dolor nō est inflāmatiō quēdā? omnino est. Si igitur ignis nō adest, quis illā efficit? quod si non est ab ipso Deo, quomodo in eius amorē inflāmat? hæc illa est facultas, in qua a *qui* a Ecc 1. *addit scientiā, addit & dolorē*; & hæc tribulatio, quā 18. sentiunt oēs, qui verē, ac serio Deo seruiūt; efficit: que vt dies cū noctib. iungant clamantes ad ipsum. Quidā dixit, & oēs experiuntur: b *tribulationē & dolorē inueni, & nomen Domini inuocaui* In qua non b Psa. 114. illos deserit, ait enim: c *cū ipso sum in tribulatione*; c Pal. 90. sed potius illos comitatur, confortans & sustentans eos inuisibiliter, ne pondere pressi, incurventur: & experientia illos docet: tā diu se consistere, nec amplius, quā ipse illos sustentet. Stāt igitur

- igitur: quia ipse illos stantes tenet, iuxta illud S.
d. 1. Pe. 1. 5. Petri Apostoli: *Qui in virtute Dei custodimini,*
 Eosdē et. ā impellit ad clamandū in tribulatione,
 ut auxilio ipsius emergant, & proficiant: Deus ve-
 ro invocatus honoretur, non deserētibus ipsis viā
 suā ob Martyriū, in quo gemunt, ut S. August. per-
 e *Psa 49.* pedit, cum explicat illud Psalmi: *e inuoca me in die*
15. *tribulationis, erua te, & honorificabis me.* Antiquo il-
 lo mundi Spiritu, quē antea habebant, in eundem
 mundū, & quidquid in eo splendebat, propende-
 bant; recenti autē, quem nunc experiuntur, senti-
 unt, se ad Deū inclinari, & affliguntur eò quòd nō
 possint eidē, iuxta votum suū, placere. Vnde igitur
 hęc mutatio illis prouenit, nisi à nouo spiritu,
 qui in eos venit? In quorū corde hoc facit Spiritus
 Domini, quod in corde ipsiusmet Dei: quod incli-
 nat ad se ipsum. Spiritus hic est Sāctus ille, de quo
 f *Rom. 5. 5.* Apostolus: *f charitas Dei diffusa est in cordibus no-*
stris per Spiritū S. qui datus est nobis; & S. Ioannes
 g *1. Ioā. 4.* *g in hoc cognoscimus, quoniam in eo manemus & ipse*
13. *in nobis: quoniam de spiritu suo dedit nobis.* Statuas a-
 pud te, in hac gratiā cum humilitatē admittenda,
 nullū subesse periculum sed placitum te Deo, si
 id feceris iuxta verbum S. Petri: *h sperate in eam,*
 h *1. Pet. 1.* *qua offertur vobis gratiam, in reuelationē Iesu Chri-*
13. *sti.* Ac duplicatum te lucrum reportaturum in ob-
 sequio diuino, per hanc fiducię viam quam per in-
 credulitatē, quam hactenus tenuisti. In quo tē-
 pore ausim dicere aptari tibi potuisse reprehē-
 sionē illam, qua Christus D. N. duos discipulos eun-
 tes in Emaus increpauit, cum dixit: *i O stulti &*
i Luc. 24. *tardi corde ad credendū.* Et quoniā in vltimis tua-
25. rum literarum verbis incipiebas viā aperire fidei
 scripturarū diuinarum, & veritati promissionum
 Dei;

Dei; veheméter sum ex eis exhilaratus. Deus te cō-
 soletur; sicut ego cōsolationē habeo de via tua; &
 ipse Dominus etiam gaudet, ut gaudium sit plenū
 sicut est in ipso, iuxta illud: *hæc locutus sum vo-* *k Ioan. 15, 11*
bis, ut gaudium meum in vobis sit, & gaudium ve-
strum impleatur. Gaudium plenum vult Deus in
 seruis suis: hæc enim vis est illa, qua curritur per
 viam mandatorum eius. Ne autem suspectam rem
 habeas, quasi tantus fauor, ac deliciæ, à gradu, &
 forte tua sint alienæ: legas S. Augustinum in hunc
 locum. Et nemearum necessitatum obliuiscaris:
 nam ego tuarum sum valdè memor. Nec plura:
 quàm quòd fuerim valdè prolixus erga eum, cum
 quo Deus tam diu colloquitur. ille sit in anima
 tua, totusque eius amor. Amen.

CAPYT XXXV.

FACTVS EST RECTOR COL-
legij Villa-Garciensis, vbi plurimum ui-
uit D. Magdalenam Vllloiam eius Fun-
datricem ad grandia illa, quæ in
Dei obsequium fecit.



BSOLVTO triennio sui of-
 ficii Salmanticæ circa finem an-
 ni 76, constitutus est P. Balthas-
 sar ex Vrbe Rector Collegij ANNQ
 Villa-garciensis, & Magister 1577.
 Nouitiourū, qui eò commigra-
 bant: eò quòd videretur locus

illis commodior: & quia Domus Metinensis non
 capiebat omnes; & quia in Prouincia aded ampla,
 atque est hæc Castellana, opus erat duabus domi-

bus Probationis, vt in altera ij Tyrones collocarentur, qui non possent sine aliquo incommodo esse in altera. Quare mox atque eò peruenit, dedit operam constituendo Tyrocinio, cum eodem feruore, ac perfectione, quâ fecerat Metinæ, vt Capite 19. suprâ, & sequentibus dictum est; in quibus aliqua fuerunt posita, quæ in hac domo euenerunt, & adhuc ponentur alia inferiùs Capite 47.

ALTERA etiam ratio, cur P. Balthassar factus fuerit illius Collegij Rector fuit, quod D. Magdalena Villoia Vidua (quæ fuerat vxor Ludouici Quijadi Præfecti Aulæ Caroli Quinti Cæsaris, Duxque Generalis Peditum Hispanorum, Præses Consilij Indici, ac Dominus eius Oppidi, & aliorum vicinorum, qui obiit Anno 1570.) id valdè instanter petiuisset propter notitiam, quam habebat de magno Spiritu sancti huius viri, cum quo aliquoties fuerat locuta transeunte per Vallis Oletum, vbi illa aliàs manebat: tantique eum faciebat, vt literas ad eum Salmaticensis Collegij Rectorem daret, in quibus rationem ei reddebat animæ suæ, & ille ita respondebat, vt planè satisfaceret. Accessit etiam informatio Patris M. F. Dominici Villoij eiusdem Magdalenzæ fratris (viri singularum dotium, & grauissimi inter Religiosos S. Dominici, qui postea fuit Episcopus Mechoacanensis in Indijs Occidentilibus) qui diu valdeque familiariter cum Patre Balthassare egit Abulæ, Metinæ, & Salmanticæ; & experienciâ ipsâ cognouerat magnum eius donum ad animas deducendas ad perfectionem.

ET cū videret, decreuisse sororem suam fundare domum illam Villa-garciensem, suavit ei, ut hunc Patrem peteret, qui esset ibi Rector, & simul ipsa ab eo dirigeretur in rebus animæ suæ. Petijt itaque illum, & facta est voti sui compos, ita foeliciter, ut non cessaret gratias Deo agere pro hoc beneficio. Decreuerat hæc Domina, statim atque facta fuit vidua, recipere se ad serviendum Deo in illo insigni Monasterio (quod vulgo Guelgas appellant) Vallis-Oletano, in quo erat Abbatisa soror viri sui: sed quia illa litem intentavit circa bona sui fratris, non est exsecuta hæc Domina sui animi decretum: sed quamvis in priuata quadam domo in media ciuitate habitaret: adeò tamen recollecta mapebat, atque si in ipso esset monasterio. Confitebatur in domo Societatis Professa Patri Ioanni Bradanos per viginti septem ferè annos, qui cum magno eius profectu eam exercuit, quia ad nutum illi obediebat: & interdum conferebat se Villa-garciam, vbi Pater Balthassar commodam habuit occasionem tradendi illi spiritualia Societatis exercitia; & instruendi circa modum orandi, & familiariter cum Deo agendi. Habebat spirituales ad illam exhortationes; & quotiescunque illam alloquebatur, colloquium erat semper de Deo: ex quo illa affirmabat, se nunquam vidisse hominem ita altè de rebus spiritualibus loquentem; neque magis industrium, & aptum ad impedienda colloquia secularia, & inserenda spiritualia; eaq; cum fructu prosequenda, ita ut etiam per multas horas talia eius colloquia

non adferrent fastidium. Et re ipsa ita erat, quod illa nunquam defatigabatur, sed potius huiusmodi rebus audiendis multum delectabatur; & ita sua interiora P. Balthassari communicabat, sicut solent Nouitij suo Magistro. Hoc modo instituta D. Magdalena, coepit cum spiritu exaltare multas & magnas Eleemosynas, quas faciebat: quæ erant triplicis generis: quædam reparabant miseria, & necessitates corporales pauperum; aliæ altiùs ascendebant, vt hac scilicet via etiam confuleret spiritualibus animarum necessitatibus; & aliæ denique aliquid vltra addebant, ad augendum scilicet diuinum cultum, Deumque Dominum nostrum ampliùs honorandum in ijs, quæ ad id sunt dedicata.

IN primo genere fuit valdè liberalis, & profusa, vt omnis generis necessitatibus subueniret. Vallis Oleti in Xenodochio Esigueuio duodecim lectos collocauit, vt suis expensis totidem pauperum ægrotorum ratio haberetur: in quem finem sexcentos aureos singulis annis largiebatur: id quod per octodecim annos præstitit: Xenodochio verò Resurrectionis toto eodem tempore, assignauit singulis annis trecentos aureos; & Villagarcia crexit Xenodochium cum sufficientibus redditibus ad medendum pauperibus ægrotis ex locis, qui fuerant suo marito subditi. Magnas quoque Eleemosynas dabat ad collocandas in matrimonio pauperes pupillas, & ad succurrendum necessitatibus occultorum pauperum, quos pudebat publicè mendicare. Quod, vt cum maiori fidelitate, & liberalitate fieret, designauit ad tempus virum quendam honoratum valdeque pium, qui

qui huiusmodi occultas necessitates inuestigaret, & quid ad earum reparationem opus esset: & quæ sic inueniebantur, curabat in charta scribi, & manu propria subscriptam tradebat indigenti, assignato die, quo venturus esset ad ipsius domum pro tali eleemosyna: adeoque erat ad dandum propensa, & sollicita, ut statim atque mane satis tempestiuè excitabatur, iubere solet, domesticos surgere; & videre, an pauperes aliqui iam accessissent, ut statim eos expediret, ne hoc nomine detinerentur. Statim atque surgebat duo marsupia accipiebat, vnum minuta pecunia plenum, ut ordinarijs pauperibus distribueret; alterum verò maiori argenteis, scilicet (Reales vocant) pro occultis: quando pauper accedebat, accepta ab eo charta à se subscripta, largiebatur Eleemosynam in ea expressam; & quamvis ultra eam quantitatem ordinariè nihil adderet: quando tamen necessitatem maiorem cognoscebat, etiam plura addebat. Omnibus præterea mendicis ad domus suæ portas accedentibus (qui frequentes valde erant) eleemosynam ex maternis visceribus largiebatur, ita ut nullus omnino accederet, etiamsi bis aut ter in die, qui absque eleemosyna recederet. Toto ferme anno occupabatur in emendo panno, & tela ad vestes & indusia pauperum conficienda. Per manum cuiusdam Canonici Zamorensis, & aliorum Religiosorum, distribuit multa millia aureorum in subditos viri sui, ut sic eius charitas, & misericordia ad multas, & in varias partes extenderetur.

SA D multò liberaliorem se ostendit in reparandis spiritualibus necessitatibus, adiuuans magno

gno Zelo salutem animarum. Cuius rei causa misit duos Patres Societatis P. Ioannem Turrianum, Algerium; & P. Gabrielem de Portu Marrochium, dans singulis octo millia aureorum, ad redimendos captiuos; commendans eis, vt eos primū redimerent, qui in maiori periculo essent fidem abnegandi. Quod Patres ita perfecerunt, & Turrianus in charta rationes omnes notatas obtulit: sed bona Domina confidens Deo, & Societati, nunquā eas legere voluit. In eundem etiam finem ingentes fecit Eleemosynas, vt leues foeminae ex malo statu educerentur, & in domo quadam Probationis, quae est in ea Ciuitate, collocarentur, vbi cogitarent de aliquo statu honesto suscipiendo; ac docerentur piē, & Christianē viuere, & in hunc finem etiam auxit mille aureis annuis, & centum panis oneribus Monasterium Conuersarum eiusdem Ciuitatis, in quod illae reciperentur, quae ex improba vita conuersae, vocationem & talentum haberent, vt fierent moniales. Sed ne proprius finis, & scopus huius operis, qui (quod attinet ad redditus ab ipsa assignatos) erat, aberrantes animas ad viam rectam reuocare, temporis decursu mutaretur, acceptatis in eodem monasterio non huiusmodi conuersis à praua vita foeminis; sed honestis Virginibus (pro quibus Vallis-Oleti alia sunt monasteria) fecit ipsa declarationem quandam generalem, quam ad finem huius Capitis reddemus.

SE D multò adhuc magis eximiam suam charitatem, & magnificentiam ostendit in ijs operibus, quae solum respiciunt bonum animarum, & cultum Creatoris earum: idque cum tanta profusione

fusione fecit, vt stuporem adferat. Existenti illi
 die S. Matthiæ Apostoli in sua Oratione matuti-
 na, dedit Deus sanctum quoddam desiderium, vt
 esset particeps foelicis sancti Apostoli sortis, do-
 cendo Christianam doctrinam, Confessiones exci-
 piendo, sacramque Communionem in Ciuita-
 te Ouetensi, & toto Asturicēsi Principatu: in quo
 desiderio totum Orationis tempus fuit elapsum.
 Consuluit mox Patrem, F. Dominicum Vllodium
 fratrem suum, tunc Vicarium Prouincialem il-
 lius Prouinciæ Hispaniæ: qui respondit, si per
 te ipsam concionari, & Confessiones excipere
 velis, illusio est. Sed illa statim addidit, non
 quidem per me, sed expensis meis curando, vt ad
 huiusmodi munia exercenda mitterentur Reli-
 giosi, quibusego ad sustentationem sumptus da-
 rem. Cui prudens Frater respondit: id verò bo-
 num est, & propterea accipies Apostolicum præ-
 mium. Quod si velis doctrinam & Sacramenta
 in illis locis, procura PP. Societatis, quos Deus
 in huiusmodi missionibus iuuat & fouet. Et sic
 decreuit pia Domina opus illud solidius facere,
 & in ipsa ciuitate Ouetensi Collegium Societa-
 tis fundare in eum tantum finem, vt Patres ibi
 alerentur, qui animas iuuarent, doctrina & In-
 stitutione destitutas, quales tunc maximè in eo
 Principatu erant. Approbavit consilium illud
 etiam Pater Balthassar; & animauit, vt statim
 exsequeretur, quo meritum esset maius, ob ex-
 actam, & ad nutum Obedientiam diuinæ in-
 spirationi præstitam: & vt fructu, quem spera-
 bat, adhuc in vita sua frueretur: & ita statim mil-
 le aureos dedit, ad emendam domû; & mille alios
 annuos

annuos ad sustentationē, quibus alios mille adiecit: adeoq; largiendo se effundebat; vt cū P. Ioan. Suarius Prouincialis noster vellet distinctè rationes ponere, vt P. Generalem informaret (propter quandam occurrentem occasionem) ipsam Dominam interrogaret, quantum in vniuersum dedisset; Regium quidem, sed humilem animum præferens: Certè, inquit, non scio: propter Deum dedi, ipse rationes nouerit. Voluit Collegij templum titulū habere S. Matthiæ; cō quòd in huius Sancti Apostoli Festo Deus ipsi desideria dedisset tale opus aggrediēdi. Quare dicere solebat; quod quando Deus hoc ipsi desiderium dedit, videbatur, ipsi dedisse totam illam terrā, quasi in Commēda, aut quod Deus talem Commendam ex gratia ipsi dedisset: id quod ex amore, quo illam tractabat, & quidquid ad eius promotionem, & progressum pertineret, procurabat, satis apparet. Fiebat extraordinarius fructus in illā plebe, quō Patres Societatis colligere cōperūt in illis Missionibus, cū bini ad concionandum, & confessiones audiendas per totam Regionem exirent; educentes plurimas animas ex multis ignorantibus, & inueteratis peccatis. Et cum Patres Domine huic dicerent: in multis principatus illius Oppidis ob nimiam paupertatem, seruāri sanctissimum Sacramentum cum exigua valdè Reuerentia: iussit illa fieri quingenta ciboria siue Custodias argenteas, & aliqua lignea tabernacula inaurata, & distribui per illa Oppida, vt cum maiori decetia seruaretur. Eodem spiritu, & in eundem finem decreuit postea fundare aliud Societatis Collegium Santanderi, vt & ibi attendere-
tur do-

tur docendis & iuuandis animabus, in syluis & montibus illis derelictis. Eratq; hoc eius desiderium ad eò vehemens, vt Confessarius eius dixerit: illam, siue dormiret, siue vigilaret, siue comederet, siue quid aliud faceret, non posse eam cogitationem ac desiderium deponere: eò quòd amor Dei, & animarum Zelus illam impelleret, & instigaret. Assignauit statim mille aureos annuos, & intra breue tempus alios mille adiecit. Et vt appareat intentionis eius puritas in horum Collegiorum fundatione, etsi sufficentibus redditibus ea dotasset, vt ex relatis constat; ac propterea voluerit pro se offerri suffragia Sacrorum & Orationum quæ pro more Societatis solent pro Fundatoribus offerri: noluit tamē ius Patronatus retinere, quod poterat, quia verè ei debebatur: sed libertatē eis reliquit, vt si Prælatus quispiā, aut opulentus alius augere vellet eorum redditus: & esse Fundator, ac Patronus, illum pro tali possent admittere. Hæc enim nobilissima Domina non proprium honorē ex huiusmodi operibus; sed diuinum quærebat; neque nomen suum in terra perpetuare, sed gloriam Dei in eadem crescere, ac dilatari:

§. II.

SED vbi magis illius feruor præluxit, fuit huius Collegij Villa-Garcensis fundatio, vt-pote opus præcipuum, sibi que reliquis; quæ fecit, charius. cupiebat enim omnibus vijs ac modis, ibidem augeri Dei obsequium, & animarum profectum, & vtilitatem. Quare voluit, vt in eo pueri ex tota vicinia docerentur legere, scribere, & Arithmeticam; & humaniores literas alij

Dd multi;

multi, qui ex diuersis locis eò confluunt, & insigniter in virtute ac literis proficiunt. Et præterea voluit, eandem domum esse etiam Tyrocini-um Societatis, in qua in Spiritu & Religione instruarentur, qui essent per totum mundum postea dispergendi, & Christianam doctrinam, ac perfectionem docturi, quam ibi didicissent. Item vt Collegium illud (quod, in loco paruo situm, separatim magis ac expeditum esset à concursu hominum sæcularium) esset quasi domus quædam spiritualis recreationis, ad quam ex tota prouincia concurrerent Patres Societatis ad solatium aliquod spirituale, in maiori refectione & familiaritate cum Deo sumendum: & vt confortati odore Nouitatus valde feruentis, redirēt cū nouo spiritu & animo ad laborādū in suis ministerijs erga proximos. His rationib. animabat P. Balthassar pijsimā hanc Dominam, vt opus illud valde perfectum faceret, quæ ex se ipsa satis benè erat animata: quia decreuerat, proprias facultates coniungere cū facultatibus viri sui Ludouici Quijadi, qui fuerat Dñs Villa-Garciensis: & iusserat ibidem fieri sacellum, cum valde tenuib. Capellanijs, p̄ suo sepulchro: nisi vxor sua vellet etiā ex communibus vtriusque facultatibus monasterium aliquod ibidē erigere. Sed utrūq; illa præstitit: nam pulcherrimū templum exstrui curauit, & simul esset vsui Patribus Societatis, & duodecim Capellanijs, cum quodam Capellano supremo, quas fundauit ac sufficientibus redditibus dotauit, in duplum scilicet, quàm vir eius designauerat: vt Officium diuinum, & Sacrum Missæ quotidie cātarent: ac diebus solennioribus etiam adhibito
orga-

organo, cum ea solennitate, quæ solet in Cathedralibus Ecclesijs adhiberi. Et ideo constituit, ut octo Capellani esset Musici, & vnus Capellæ Magister; & præterea vnus Organista, & sex chori iuuenes, & Sacristanus cū separata Sacristia præclaris ornamentis instructa; quorum omnium curam & gubernationē dedit Societati, & ad maiore omnium firmitatē curauit, rem totā Summi Pontificis bullis & literis confirmari. In eodem templo curauit fieri Sacellum separatum, in quo reposituit multas & præclaras reliquias, pulchrè exornatas P. Balthassare Aluário rem ita dirigente, ut ibidē etiam collocaretur sanctissimum Sacramentū: quò Nouitij cum maiori deuotione in sacrarium & sanctuariū illud se reciperent ad suam Orationē & Examen habendū. Et suprà oēs reliquias, quæ distributæ erant per quosdā gradus curauit collocari pulcerrimā saluatoris nostri imaginem, altitudinis hominis; quam iussit ipse depingi à quodam nostro Patre Nouitio insigni pictore, cui nomen erat Ioannes de Rupe, & fuerat Portionarius S. Ecclesiæ Salmanticensis; quem cæteri Nouitij suis orationibus iuuerunt, ut imago euauderet valde pia, sicut verè est. Iussit etiam in superliminari sacelli hanc scribi sententiam: *Ego sū vitis, vos palmites*: ut insinuaretur, sacellum dedicatum vtriusq; simul: verè scilicet vitis Christo Iesu, & eius palmitibus, scilicet sanctis.

AB SOLVTO nouo tēplo, mense Ianuario Anni 1580 institutā est magna solennitas, ut ex antiquo templo transferretur ad hoc nouum, sanctissimum Sacramentum; & ossa defunctorum, quæ in antiquo deposita erant: ad solennitatem

venit ipsamet Domina cum duobus suis fratribus, D. Rodrico Villoio, Marchione de Mota, & P. F. Dominico Villoio, cum aliis præcipuis, & nobilissimis Dominabus ut viderent, quam benè illa suas facultates in usum & commoditatem Societatis collocaret. Venerunt etiam ex nostris P. Iacobus Auellanedus tunc Prouinciæ Visitator, & P. Ioannes Suarius Prouincialis, & alij multi graues Patres: quos omnes excepit P. Balthassar iam Rector cum magna charitate & humanitate pro more suo, constituens, ut omnibus plenè prospiceretur de rebus necessarijs. Peracta est solennitas cum magna pompa & omnium approbatione: sed proximo die aliquid accidit, quod illam lætitiā diluit ac temperauit. In qua re P. Balthassar heroicam suam Obedientiam, & resignationem; Fundatrix verò ipsa strenuum suum animum, & pietatem prodiderunt: cuius ego sum testis, quia tunc ibi agebam tertiam probationem. Cupiebat pijsima hæc Domina illo die cum Fratribus suis, Fratria, ac Neptibus pro valedictione ingredi Collegium, ut lustrarent, quæ ædificata iam erant, de qua re prius aliquid erat actum; sed P. Visitator erat huius sententiæ, quod non liceret illi intrare: sciebat enim à tempore quo ipse fuerat in vrbe, quā seuerè & strictè Sua Sanctitas volebat, in huiusmodi ingressibus agi; quod etiam ostendebat Proprius Motus Pij V. quod adhuc vim suam retinebat. Et quamuis Patres Prouincialis & Rector securum illum reddebant, & certum ex iudicio Iurisperitorum, tam nostrorum, quàm aliarum Religionum, quod hæc Domina, eò quod esset Fundatrix, tantæq; circumstantiæ in

eam simul concurrerent, posset licitè intrare: ille tamen à timorata aut scrupulosa sua conscientia impulsus, decrevit, vt non ingrederetur. Ipsa nihilominus decreti huius signa, post Summum Sacrum ingressa est cum fratribus suis: & illis adhuc in infimo transitu manentibus, casu omninò id cognouit P. Visitator: qui à suo scrupulo iterum impulsus, P. Balthassarem ex suo cubiculo vocatum, seriò iussit ad D. Magdalenam ire, ac dicere, vt exiret. Et quamuis P. humiliter proponeret magna incommoda, quæ hinc oriri possunt; pauca verò, sic nihil ei diceretur, præcipuè cum ipse Visitator ad id facultatem non dedisset: ipse tamen iterum iussit, vt sine ampliori replica faceret, quæ iubebatur. P. Balthassar, licet id valde sentiret, eò quòd res in se adeò esset gravis; & quòd ipse totumque Collegium, & Societas ipsa tota tali Dominæ esset obstricta: subiecit tamen iudicium proprium, suamque voluntatem negavit, & tanquam Obedientiæ filius, eam in hac occasione manifestè ostendit: nam statim obsecutus est, & quo potuit optimo modo, ad eam iuit, eiq; quòd iussus erat dixit. Grauius illa id sensit, & omnes sunt conturbati; & præcipuè Marchio eius Frater, qui non multum alias tales suæ sororis expensas probabat, chirotecas suas commotus, in terram abiecit, dicens: pluris hoc facio, quàm si Regnum Castellæ mihi fuisset datum: vt videas, inquit ad sororem, cum quibus hominibus tuas exponas facultates, & quàm se tibi gratos ostendant. Torum hoc P. Balthassari fuit magnæ mortificationi; & quidem, vt ipse aiebat, maximæ, quàm in tota vita sua habuisset; eò quòd in ea magnam suam

propensionem abnegasset, quâ semper conatus est valde gratum se exhibere suis benefactoribus, & nominatim tantæ benefactrici, & in tali occasione. Sed & illa egregium suum animum, pectusque Christianum ostendit: neq; enim tantus hic sensus & dolor effecit, ut illa Societate amare desineret, eiq; benefacere, & Confessarijs eius confiteri, ut solebat, nec vel punctum amisit amoris & reuerentiæ erga P. Balthassarem: potius quamprimum domum reuersa est, misit, qui ipsum consolaretur; petens ne tanti rem ipse faceret, ut grauius eam ferret, sibi enim eius animum & voluntatem satis notam esse, nam cum adeo esset prudens, & pia, advertebat, illud provenisse ex vehementi timore, aut Zelo, quoq; P. Visitator tenebatur, ne Deum offenderet, aut leges Ecclesiæ violaret; non verò, ut ipsi displiceret. Postea verò multa occurrerunt, in quibus Societas studuit illi ut par erat, gratificari: & illa vehementer recreabatur, cum redibat Villa Gartiam, & videbat puerulos ex scholis, qui ferè erant ducenti, exire sibi obuiam, cum lepidis suis saltibus; & ipsos studiosos ex scholis, quæ adhuc dum ipsa viueret, valde florebant, sicut & nunc: quia sunt plures quadringentis. Valde enim recreabatur videns, ingentem fructum fieri in tanta iuuentute, & tam splendida, quæ eò confluebat ex Zamora, Tauro, Vallis Oleta, & alijs vicinis locis; imò etiam remotis valde ciuitatibus ob singularem eius loci ad studia collectionem: letabatur videns, quanta solennitate Officia diuina à Capellanis peragerentur, Nostri diligentem eius rei curam gerentibus; exultabat animo, cum videbat raram no-

stro-

strorum Tyronum modestiam; & cùm intelligebat insignia dona, quæ Deus illis communicabat; multoq; magis ob spem, q̃ illi ad bonum multarũ animarum destinaretur; & ob singularem curam, quam videbat in alijs ministerijs erga proximos, tam illius loci, quàm vicinorum adhiberi. Quæ omnia cùm videret, valde semper fuit procul ab eius cogitatione, vt operum, quæ fecerat, pœniteret. Nam præterquam quod ea fecit à Deo D. N. permota, non satis sibi erat, quod sancta sua desideria cum suo Confessario conferret; sed de huiusmodi rebus perpetuis consulebat etiam graues & doctos viros: & omnia, quæ erga societatem fecit contulit cum viris sæcularibus, quibus multum tribuebat, præcipuè cum Licentiato Ferdinando Villa-Fannio, viro graui, prudenti, sapienti & magni consilij: qui etsi nobiscum aliàs non ageret: ea tamen approbabat, & ad ea præstanda animum addebat: vt hinc appareret Dei potius manum esse, quæ ad ea facienda impellebat. Vt autem illa omnia solidiora ac firmiter perpetuò essent: obtinuit à Summo Pontifice breuia cum omnibus ad id necessarijs clausulis. Et vltimò edidit quoddam scriptum, in quo constituit Rectorem Collegij sui Villa-Gartiensis protectorem omnium piorum operum, quæ ipsa instituisset ac fundasset: vt attenderet an conditiones & onera, quæ illis imposuisset, seruarentur; & nisi re ipsa satisfacerent, substituit ipsum Collegium Villa-Gartiense, vt redditus, quos illis assignauerat, ad se acciperet.

H A B C fuerunt insigniora externa opera
Dd 4 huius

propensionem abnegasset, quâ semper conatus est valde gratum se exhibere suis benefactoribus, & nominatim tantæ benefactrici, & in tali occasione. Sed & illa egregium suum animum, pectusque Christianum ostendit: neq; enim tantus hic sensus & dolor effecit, ut illa Societate amare desineret, eiq; benefacere, & Confessarijs eius confiteri, ut solebat, nec vel punctum amisit amoris & reuerentiæ erga P. Balthassarem: potius quamprimum domum reuerfa est, misit, qui ipsum consolaretur: petens ne tanti rem ipse faceret, ut grauius eam ferret, sibi enim eius animum & voluntatem satis notam esse, nam cum adeo esset prudens, & pia, advertebat, illud provenisse ex vehementi timore, aut Zelo, quo P. Visitator tenebatur, ne Deum offenderet, aut leges Ecclesiæ violaret; non verò, ut ipsi displiceret. Postea verò multa occurrerunt, in quibus Societas studuit illi ut par erat, gratificari: & illa vehementer recreabatur, cum redibat Villa-Gartiam, & videbat puerulos ex scholis, qui ferè erant ducenti, exire sibi obuiam, cum lepidis suis saltibus; & ipsos studiosos ex scholis, quæ adhuc dum ipsa viueret, valde florebant, sicut & nunc: quia sunt plures quadringentis. Valde enim recreabatur videns, ingentem fructum fieri in tanta iuuentute, & tam splendida, quæ eò confluebat ex Zamora, Tauro, Vallis-Oleto, & alijs vicinis locis; imò etiam remotis valde ciuitatibus ob singularem eius loci ad studia collectionem: letabatur videns, quantâ solennitate Officia diuina à Capellanis peragerentur, Nostri diligentem eius rei curam gerentibus; exultabat animo, cum videbat raram nostrorum

strorum Tyronum modestiam; & cùm intelligebat insignia dona, quæ Deus illis communicabat; multoq; magis ob spem, q̃ illi ad bonum multarũ animarum destinaretur; & ob singularem curam, quam videbat in alijs ministerijs erga proximos, tam illius loci, quàm vicinorum adhiberi. Quæ omnia cùm videret, valde semper fuit procul ab eius cogitatione, vt operum, quæ fecerat, poeniteret. Nam præterquam quod ea fecit à Deo D. N. permota, non satis sibi erat, quod sancta sua desideria cum suo Confessario conferret; sed de huiusmodi rebus perpetuis consulebat etiam graues & doctos viros: & omnia, quæ erga societatem fecit contulit cum viris sæcularibus, quibus multum tribuebat, præcipuè cum Licentiato Ferdinando Villa-Fannio, viro graui, prudenti, sapienti & magni consilij: qui etsi nobiscum aliàs non ageret: ea tamen approbabat, & ad ea præstanda animum addebat: vt hinc appareret Dei potius manum esse, quæ ad ea facienda impellebat. Vt autem illa omnia solidiora ac firmitiora perpetuò essent: obrinuit à Summo Pontifice breuia cum omnibus ad id necessarijs clausulis. Et vltimò edidit quoddam scriptum, in quo constituit Rectorem Collegij sui Villa-Gartiensis protectorem omnium piorum operum, quæ ipsa instituisset ac fundasset: vt attenderet an conditiones & onera, quæ illis imposuisset, seruariantur; & nisi re ipsa satisfacerent, substituit ipsum Collegium Villa-Gartense, vt redditus, quos illis assignauerat, ad se acciperet.

H A B C fuerunt insigniora externa opera
Dd 4 huius

a *Prov.* 31 10 huius verè a fortis mulieris, cuius valor & precium est tanquam rerum preciosissimarum *procul & de vltimis finibus* terræ aduenientium : cuius tamen maior præstantia est in virtutibus, & operibus internis, quæ externa comitabantur, vt se ipsam multò magis in eis perficeret. de quibus in proximo capite fusiùs.

C A P V T XXXVI.

*P A T E R B A L T H A S S A R
literis suis eandem Dominam iuuat,
quam Deus ad insignem per-
fectionem eue-
xit.*



VM D. Magdalena Vllloia Val-
lis-Oleti ordinariè resideret,
P. verò Balthassar in Villa-
Garcensi eius Collegio, inde
illam suis literis, aptisq; con-
silijs iuuabat; semper illam ad
perfectionem, suiq; ipsius ab-
negationem exstimulans: quæ res magnis huius-
modi personis valde est difficilis: eò quòd con-
sueuerint valde suis appetitionibus obsequi, ac
proinde eas inortificare horreant. Ad eam igitur
probandam, & experimentum aliquod in hoc ge-
nere accipiendum, ac simul eandem exstimulan-
dam, inter alias literas, hæc ad illam
circa festum Natalis Domi-
ni dedit.

§. I. DEVS

§. I.

DEVS infans in Betlehem natus, in anima etiam D. V. nascatur: solus enim ille nouit eius festa benè celebrare: in cuius anima fit internè, quod externè ostenditur. Non cogitabam ad V. D. scribere, tam parum assuetum habentem cor suum ad abnegationem propriæ voluntatis. vt offensionem potius reputet, quàm obsequium, si literas accipiat, quæ ad eam abnegandam vrgeant. Det ipse Deus maiorem animum, ac desiderium, eandem propriam voluntatem persequendi. Amen, Amen, Amen.

OPULENTIA instantium festorū, & egestas, qua intelligo laborare D. V. humilitatem ad eandem celebranda, mihi persuaferunt, quod hac vice saltem gaudebis potius, quàm dolebis, his acceptis Monitis.

PERPENDERIT procul dubio D. V. in elapso Sancto hoc Aduentus tempore insigne Dei erga nos beneficium, quo vult ad nos venire; & animæ foelicitatem, quæ promerebitur eum apud se in domo propria videre: & quoniam spero de eius misericordia, quòd V. D. eum videbit, & cum eo gaudebit: visum mihi est monere, eum huius esse ingenij, (si velis multum illi placere) vt statim atque in mundo natum videris, ad eum accedas, siquidem ipse pro te etiam venit inter cæteros, quos honorare, & sua præsentia recreare vult: & vt studeas te totam in spectaculum illud sanctum, quod ante oculos fidei tuæ videbis, transformare, sicut faciebat grex ille Iacob, in eas virgas, quas ante se habebat. Nam quod spectaculum

» admirabilius, quam Deum ipsum fieri infantem,
 » Angelis stipatum, & pannis inuolutum? Discas
 » ex eius Magisterio (siquidem exemplum eius est
 » lux nostra) salutarem scientiam te humilian-
 » di; teque ex corde à propria opinione, & æ-
 » stimatione deiiciendi; & exuendi ab omnibus re-
 » bus præsentibus: (vereor, enim, ne te non fa-
 » tis ab illis expedias) & sic demum te ad e-
 » ius imitationem (ut magis illum allicias) tra-
 » ctandi, quasi in omnium hominum esses obli-
 » uione, omnibus esses crucifixa & contem-
 » pra; imò neque hoc simpliciter attendas; sed
 » ut magis gaudeas, quòd videas te illustrari &
 » honorari ex insignibus Domini tui. Cogita,
 » quòd quamuis tanta ipse nostri gratia præ-
 » stiterit: adhuc nos non studeamus illi placere;
 » sed eum potius contristemus, adeoque affliga-
 » mus, ut cogamus in ipso præsepio flere. O
 » scelus ab omnibus creaturis detestandum! quòd
 » te, Domine, flere faciamus? & tamen adeò
 » parum curemus, ut neque in eius cogitatione diu,
 » & libèter hære velimus? Hæc duo magnâ S. Cy-
 » priano admiratione adferebât: alterû quòd Deus
 » multa ex seipso hominibus dederit; homines verò
 » parû ex se ipsis Deo; multa ipse bonitatis suæ ma-
 » nifestauerit in eo quod fecit: ex qua tamen boni-
 » tate parum nos profecerimus; alterum tædium &
 » morositas, qua imus ad Christum, scientes, eum
 » esse nobiscum; & celeritas, qua ipse viam percur-
 » rit, ut ad nos perueniret. Desseamus, Domine, du-
 » ritiem & cæcitatem nostram; & æternum Patrem sup-
 » plices oremus, ut qui filium suum nobis dedit, diui-
 » nû quoque mittat spiritum, quòd possimus rectè illi
 » serui-

seruire, ac placere, & humiliter reuereri, & cū hic sit ignis, quem ipse misit in mundum, vt ipsius amore accenderetur: petamus ad nostra etiam corda mitti, vt ea inflāmet: non. n. profuerit ipsum in mūdū venisse, nisi etiam ad ea perueniat. Viamus igitur in posterum desolati & afflicti: siquidem videntes, nos à tanto tamque benigno Domino amari, isto tamen igne non vrimur. Horreamus vitā, quæ non collocatur in reddendo debito nostro penso. Quis nobis prospiciet? ad quem ibimus, vt nobis medeatur? redeamus iterum ad æternum eius Patrem, primamque petitionem millies repetamus. Accedamus ad ipsum IESVM: vt qui veniet Saluator noster, hoc erga nos præstet officium: accedamus ad Spiritum sanctum, vt eum in nobis clarificet; ad rusticos pastores, vt nos doceant; ad matrem eius sanctissimam, & S. Ioseph vt pudore nos suffundant. Quid fecerint illi, eorum Domino iacenti in præsepio? quid eorum oculi aspexerint! quid eorum corda cogitauerint! ibi (ait S. Cyprianus) non erant panni preciosi: & si fuissent, non habuissent spectatores: nam infans iacens in præsepio, omnium oculos, & corda ad se trahebat: vt nollent effūdere se ad quærendum in creaturis solatium, quod præstantius, & ex omnibus simul inueniebant in suo Creatore. Nudi erant parietes, sed corda plena & ornata diuinis donis. Nihil ibi oculis carnis diuinum apparebat; sed spiritus oculis omnia diuina erant: nullū natale adeo egenū, nec ullū adeo opulētū: nullū humano solatio magis destitutū; nec diuino magis abūdās. In publico homo; in occulto Deus; quod exterius apparebat, alijs

„ alijs erat simile; quo latebat erat super omnes: at-
 „ tende mixturam, pannos, & Angelos; lacrymas &
 „ musicam. eamus ergo Domina, ad Angelos, vt hoc
 „ nobis aperiant, scientiamque doceant, qua scia-
 „ mus rem æstimare, adorare, ac celebrare sicut ipsi
 „ fecerunt, cùm primùm illum in mundo vide-
 „ runt: hoc siquidem est opus, quod nobis in eo fa-
 „ ciendum incumbit; & nullius alterius ratio vlla
 „ habenda. Talem sui opinionem & æstimationem
 „ det IESVS D.V. vt non amplius sua sit, aut alicu-
 „ ius alterius, nisi ipsius IESV solius. Amen. Amen.
 „ Amen.

EX literis satis apparet tenera Sancti huius vi-
 ri deuotio, ac dexteritas, qua sensim eam Domi-
 nam expoliebat; cuius curam susceperat, dirigens
 eam ad perfectam suarum propensionum mortifi-
 cationem, per quam ad perfectionis celsitudinem
 peruenitur. nam (quemadmodum in alijs literis
 hoc ipso anno datis eidem Dominae significauit)
 per hanc semitam vniuersalis abnegationis pro-
 priæ voluntatis ad tantam sublimitatem ascendit-
 tur: & in eisdem literis dicit: eam hunc defectum
 admisisse, quod tam breuiter sui rationem reddi-
 disset, quasi non habens, quid de suo profectu ape-
 rirer: non etiam habuisset defectus, quos manife-
 staret: ex quo apparet, Dominam illam per literas
 consueuisse reddere Patri rationem rerum suarum
 internarum, eiusque iudicium, & consilium peti-
 uisse circa ea, quæ esset factura. Quod verò Pater
 præcipuè ei commendabat, illud erat: vt studeret,
 in rebus omnibus quærere solum Deum; & cor
 suum à personis, & creaturis exuere, sicut facie-
 bat à diuitijs. quam lectionem optimè illa est asse-
 cura;

cuta; adeoque serio studuit exsequi, quod suadebatur, ut nulla personarum, quantumvis consanguineæ aut affines essent, affectio, cor ipsius occuparet; aut ab eo retraheret, quod voluntatis Dei esse intelligebat: cum qua tantam consecuta est conformitatem, ut nihil ipsam turbaret, aut eius patientiam læderet; nec vlla res sufficeret, ad interrompendum bonum hoc propositum, & animi affectum, quo dicebat: fiat voluntas Dei. Recreabatur, & oblectabatur tanquam filia, cum Deum appellaret patrem: nec vnquam finem faciebat gratias agendi ob tantum beneficium, quo voluit, hoc nomine à nobis compelliari. Nunquam parum aut multum comedebat, quin tardè satis præmitteret Pater noster, teneram faciens reflexionem ad Verbum Patris: & inter comedendum sæpe exaggerabat valde apud circumstantes hanc gratiam: imò ipsum prandium sæpe interrompebat ob delectationē, qua, de hac gratia loquendo, afficiebatur. Tertiò quoque die magna cū deuotione & lacrymis cōmunicabat, ita ut ipsa frequentia tenerum eius sensum non imminueret: cuius causa, quàm diu benè habebat, cōferēbat se ad domū nostram professam cum sola vna matrona & viro quodam, cui inniteretur, nolens curru aut gestatoria sella uti, ut & in hoc heroicam spiritus paupertatem, & in medijs tot diuitijs, cordis humilitatem præ se ferret. Siquidē diues ac liberalis in alios, in se ipsam erat pauper & parca, in vestitu, mensa, lecto, domestica suppellectili, & famulorum comitatu: nec aliud quicquam horum retinēs, quàm quòd esset omnino necessariū: imò etiam in necessarijs aliquid sibi subtrahebat, non

non ex paritate, sed ex virtute: tum, vt plus haberet, quod pauperib. largiretur, tum, vt se ipsam mortificaret, Christumq; D. N. in eius paupertate, & contemptu amplius imitaretur, vt P. Balthassar illi suadebat.

CONSOLATIVS verò est illam non parum in eo dolore, quem sensit ex morte D. D. Ioannis Austriaci, filij Caroli V. Imperatoris, quem ipsa simul cum viro suo Ludouico Quijadio in domo sua ab infantia educauerat, & tanquam filium eum diligebat, sicut & ille eam tanquam matrem: qui cum ex Hispania discederet in Belgium, cum magna teneritate ei valedixit: placuitque Deo D. N. accipere eum ex hac vita in flore suæ ætatis, & sui honoris ac dignitatis initijs, Anno 1578. Erat tunc P. Balthassar Visitator Prouinciæ Aragoniæ, in qua versabatur, & nuncius de prædicta morte peruenerat ad illum Valentij: & inde literas consolatorias scripserat ad prædictam Dominam in hunc modum.

§. II.

11. Decēb. „
1578. „

SPIRITVS Sanctus solatio sit & leuamini D. V. qui ad reponendum adeò fecundi anni fructus erit benè necessarius. Non scripsi D. V. statim atq; intellexi transitū ex hac vita ad eā, quæ est omnibus æterna D. D. Ioan. Austriaci: quia & ego æquè opus habui consolatione, atque D. V. Sed aduertens, talem nuncium eò fortiùs D. V. icturum, quò tanquam mater, propinquior erat; & eum tægebat quem maximè in hoc mundo charū habebat: existimaui, non amplius differre hoc scribendi officium: cuius hoc sit initiū, quod officii, eius serenitati, & V. D. in hac calamitate debitum

bitū valde diligēter præstiterim; & quidē cū ma-
 iori desiderio, vt optatū fructū adferret; Patrique
 Prouinciali huius Prouincię cōmiserim vt idē per
 totā Prouinciā cōstitueret. Quod si gubernatio li-
 bera mihi fuisset, iuxta vōrū meū, prius ipse, quā
 hęc literę cōparuissem, vt sensum meū præsens o-
 stenderem: sed tales Deus terminos constituit, vt
 licet quis maximē ad eos transgrediendos pro-
 pendeat, id tamen facere non possit; nec maior sit
 prudentia, quā intra illos se continere, eosq; a-
 dorare. Sit igitur ipse ob id, quod fecit, in æternū
 benedictus: nā cū mortuo id esset optimū, nobis
 hic remanētib. cogitādū illud ac deflēdū reliquit:
 id q̄ valde nobis erat necessariū, vt & nobis esset
 optimū tanquā Dei opus, sciētis, eadē operā vigi-
 lātē remunerare, & dormitātes monere, & puni-
 re, nō tamē absq; cōsolatione: habet enim eiūs di-
 sciplina vitā, si benē eiūs opera perpēdātur, nō hęc
 rēdo in externa superficie, sed penetrādo ad eorū
 interiora, in quibus medulla latet: *si sic viuatur &* ^{a Isa. 38. 15.}
in talib. vita spiritus mei, corripies me, & viuificabis
me: dixit Rex Ezechias Deo occasione instructio-
 nis alteri, ac monitorū huic similiū, licet illi gra-
 uissimorū. si sic, inquit, in hac peregrinatione vi-
 uatur, & in huiusmodi angustijs cōsistit semita spi-
 ritus mei: reuereātur, & adorēt omnes tua cōsilia
 Deus, & te in eis: nā huiusmodi calamitatū insti-
 tutione, & me corripies, & simul viuificabis. Lectio
 nē, ō Domina, pręlegit nobis Deus sufficientē pro
 tota vita; modò sciam fructū ex ea capere: & vestre
 Dominationi admiscuit internū solatium, vidēti
 dulcissimū Dominū festinātē, vt ē periculo animā
 illam eriperet, quā D. V. & ipse tenerē diligebant;
 & quam

„ & quam ab æterno ipse præelegerat adeò singulã-
 „ riter ad Regnum suum: quem voluit in campo
 „ ipso mori, pro defendendo Patris sui honore, sic-
 „ ut ipse: fieriq; sibi similem in causa tam præclara,
 „ & vniuersali gloriæ suæ, & in cordis puritate:
 „ cuius tot sunt testimonia tam eorum, qui prope,
 „ quàm qui procul cum eo egerunt, & ipsius morti
 „ præsentēs fuerunt. Habet verè in eo & in D.V. lo-
 „ cū quod Christus Dominus noster dixit suis disci-
 „ pulis, contristatis ex eius verbis, quibus prædica-
 „ bat, se ab eis discessurum ad Patrem: *b si dilige-*
 „ *retis me, gauderetis utique, quia vado ad Pa-*
 „ *trem: quasi dixerit: plus ponderis habere debe-*
 „ *ret in oculis vestris bonum meum, quò conso-*
 „ *laremīni (etiāsi aliquod ex eo incommodum*
 „ *vobis eueniret) quàm defectus, quem vobis fin-*
 „ *giris ex mea absentia, ut tristemini: præcipuè cum*
 „ *contrarium sit verum, quasi opus quod ego Deus*
 „ & Redemptor vester facio: *expedit enim vobis, ut*
 „ *ego vadam.* Et quoniam huic verbo non fuerunt
 „ increduli, cū postea, adueniente spiritu San-
 „ cto, illud intellexerunt, noluisse pro vniuerso
 „ mundo non fuisse ita gestum: adeoq; senserunt, se
 „ mutatos in solatio & profectu suo, & æstimatio-
 „ ne Christi, qui totum erat ipsorum bonum: ut ipsa
 „ experientia didicerint, non esse aptius aliud scire
 „ aut velle, quàm Deo curam omnem remittere; ut
 „ in ipsis, & in rebus omnibus pro libitu faciat, aut
 „ reddat infectum; nolentes aliud velle; aut eli-
 „ gere; quàm quod ipse constituet, venerantes cum
 „ magno silentio, quod humani ingenij debilitas
 „ in eius consilijs non assequitur: nam, etsi nobis
 „ occulta sint, nullo tamen modo erunt iniusta.

Hæ

Hæ literæ valde sunt consolatæ piam hanc Dominam, quam tamen Deus benè præuenerat cum ipsa ingenuè ac liberaliter se ipsam, & res omnes suas, etiam dilectissimas, ac preciosissimas ei tradidisset.

I M P O N A M V S nunc finem insignis huius Matronæ virtutibus, addentes ijs quæ dicta sunt, heroicam cordis eius humilitatem: videbatur enim sibi, parum, aut nihil esse, quidquid faciebat, aut largiebatur pro Christo D.N. Et hoc est quod magis admirabar quoties cum illa loquebar (quod non raro fiebat:) nam cum aliquoties agerem gratias, quod nobis benè faceret: respondebat modo quodam adeò demisso, & ex corde verè prodeunte, quasi nos potius ipsi benè faceremus accipiendo, quod illa dabat; quàm ipsa nobis idem dando. Idem autem iudicabat ac sentiebat de reliquis eleemosynis. Et reuera ita est, quod qui puris oculis maiestatem Christi Domini in suis pauperibus agnoscit, aduertit, se non tantum beneficium pauperi conferre, cum dat eleemosynam; quàm pauper faciat ipsi, dum eam acceptat: non quia talis est homo; sed quia is, qui in ipso illam recipit, est ipsemet Christus, qui eam remunerat, reddens centuplum in bonis spiritualibus, & postea in æternis. Ex hoc animo proueniebat ipsi, vt in suis bonis distribuendis non tam videretur eorum Domina; quàm dispensatrix, & Dei ipsius eleemosynaria; quemadmodum Regum & Principum Eleemosynarij eleemosynam distribuunt, ex bonis illorum: idque ipsa faciebat cum tâta pietate, atque si mater esset omnium egenorum; & vnica protectrix

Ee omnium

omnium desertorum, ac desolatorum. Placuit Deo accipere ad se Patrem Balthassarem multis annis ante ipsam, quo tamen toto tempore perrexit ipsa in vitæ suæ ratione, crescens & proficiens in omni virtute, & hac ratione cursum suum cum magna gloria cucurrit, donec annis & meritis plena ad eius finem peruenit. Exposuerat in eleemosynas non solum omnes fructus reddituum suorum; sed etiam, dum viveret, magnam eorundem reddituum partem tradiderat, exuens se illorum iure, ut pia perpetua opera, quæ fundauerat, magis firmarentur: & quod tempore mortis supererat etiam testamento distribuit pauperibus, constituens hæredem charum suum Collegium Villa-Garciense. Incidit in morbum ex lateris dolore: & cum periculum prævideretur, primo die communicavit, & iterum septimo, qui fuit ultimus, omnes septem fuerunt illi valde graues, quoad corpus; sed magni solatij spiritualis. nam ferè continuè erat in oratione, quæ se Deo commendabat. inuisentibus ipsam minimum quod poterat attendebat; maximè autem, ut pauperibus eleemosynæ traderentur. Astiterunt illi die noctuque Patres Societatis; & hunc Dei fauorem tunc est etiam experta, ut venirent Vallis-Oletum grauiissimi Patres, quos illa nouerat, & charos habebat, & P. Ioannes Monte-Maioris tunc Rector Collegij ipsius, qui profectus in urbem, Prouinciæ huius Procurator, redierat ante duos dies, quàm illa moreretur; & illam est consolatus, adiunxitque ad hanc eius profectionem. Sed omnes habebant parum,

rum, quòd cum illa agerent : Dominus enim ipse satis benè occupatam secum habebat. Vltimum ferè, quod locuta est, hoc fuit. cùm aliquod refrigerium ex haustu aquæ accepisset, coniectis in crucifixum oculis, dixit: Domine, cùm tu esses in hac pressura , in qua ego sum, non fuisti aqua frigida recreatus , sed felle & aceto , miserere pauperculæ huius & miserabilis ancillulæ. Mortua est foeliciter feria quinta vespertina in die S. Barnabæ, Anno 1598. cùm esse ætatis 73. annorum. Magnus fuit sensus & fletus omnium pauperum ex eius morte, & ipso die distributi sunt inter eos 400 aurei.

SRVDVIT Societas in hac occasione gratitudinem suam ostendere erga tantam benefactricem. positum est tūc eius corpus in quadam cista, & paruo tumulo: & conuenerunt ad locum, vbi mortua est, omnes de Societate , qui sunt in tribus locis in hac ciuitate ; ad Officiū decantandum. Et nocte illa manserunt apud corpus duodecim illorum: altero die mane omnes conuenerunt ad domum professam , in qua fuit magnus tumulus erectus, cum multis facibus, ac decantatum Officiū cū ea solennitate, qua in Societate fieri potest. Curatū est, vt omnia Sacra, quæ illa die in tota Vallis-Oletana Ciuitate dicerētur, offerretur pro ei⁹ anima: vesperi institutū solēne funus, ad q̄ cōuenit sūmi tēpli Capitulū cū toto Clero, & omnib. Religionibus, quæ ad huiusmodi funera cōuenire solent; quibus liberaliter datæ sunt consuetæ eleemosynæ. Adfuit quoque tota Nobilitas, quæ tunc erat Vallis-Oleti : & cum hac pompa & comitatu corpus eius in sarcophago

positum portarunt grauiores Societatis Patres usque ad alteram partem pontis: ubi positum in lectica, comitantibus triginta ex nostris Patribus cum accensis facibus, vexerunt ad Villagarciense eius Collegium, quo cum P. Prouinciali conuenerant grauissimi quique totius Prouinciæ Patres, & sollemnissimas celebrarunt exequias, in quibus P. Anton. Padillius cum solita sua grauitate, & pro ut argumētum dignum erat, concionem habuit. Continuantur autem semper suffragia, explendo exactissime quidquid illa in suo testamento constitutum reliquerat.

Cum primum Salmaticensi Collegio, ubi ego tunc eram, eius mors innotuit, scientes quantum Societas tota tantæ Matronæ esset obstricta, non fuimus contenti facere, quod præscribit nostra Constitutio, ut per vniuersam Societatem singuli Sacerdotes nouem Sacra pro illa offerrent, tanquam trium Collegiorum fundatrice; sed solennes quoque exequias disposuimus, conuocantes præcipuos totius Vniuersitatis, & Academiæ, qui libentissime ad illud Officium conuenerunt: concionatus est Pater Iosephus Acostus tunc Collegij Rector, & insignis aliàs concionator, qui in eleganti & accurata illa concione præclara defunctæ opera retulit & adumbravit, quæ illam comitata sunt usque ad locum gloriæ. Idem fecerunt in alijs huius Prouinciæ Collegijs in testimonium eiusdem gratitudinis: cuius etiam causa fusior hic esse volui, ut sit continua memoria in terra, eius quæ talia opera fecit, ut excellenter Regi cæli seruiret ac placeret, ubi eam credo iam cum illo regnare in throno insignis gloriæ.

CAPVT XXXVII.

FRUCTVS QVEMP. BALTHAS-
sar in quibusdam precipuis personis fecit,
quarum uni duas praelaras de-
dit meditationes de Proui-
dentia diuina.



ETIAM SI Villa-Garcia Op-
 pidum sit paruum, potuit ta-
 men P. Balthasar suam chari-
 tatem etiam ibi in proximos
 ostendere, & exercere sua ta-
 lenta ad eos lucrandos: &
 quamuis consueuisset agere cū
 personis nobilibus, nouit tamen etiam plebeis &
 agricolis se accommodare, humaniter valde cum
 eis agendo, ac etiam diutius hærendo, ostendens
 vultum hilarem ac beneuolum, quando ipsum
 conueniebant, quasi aliud non haberet, quod age-
 ret: quam ob rem magni ab illis fiebat, & amaba-
 tur: implebat enim illud Apostoli: *a* *Gracis & bar-* *a Rom. I. 14*
baris, sapientibus & insipientibus debitor sum ad
 prædicandum & docendum omnes Euangelium
 Dei, sed multo magis id præstitit cum præcipuis,
 personis tam sæcularibus, quàm Ecclesiasticis &
 Religiosis variorum Ordinum, venientibus ad
 illum angelum, vt de rebus animarum suarum
 cum ipso conferrent; & octo, aut quindecim dies
 sese ad orationem & alia spiritualia exercitia re-
 cipere,

ciperent, directionem ab ipso acceptam sequentes. Inter alios duo fuerunt insigniores & frequentiores, D. Franciscus Reinofus tunc Abbas Vfilliensis, qui & in Ecclesia Palétina dignitatem habebat, & postea factus est Episcopus Cordubensis: cuius aliqua mentio facta est capite 16. & eius ex Fratre Nepos Hieronymus Reinofus, eiusdem Ecclesiæ Canonicus, vir valde exemplaris ac Zelofus, qui alios Canonicos & Portionarios eiusdem Ecclesiæ nunc hos, nunc illos, secum ducebat, ut Exercitijs spiritualibus, & talis Magistri doctrina fruerentur: id quod per multos postea annos persecuti sunt, extimulante eos Palentix feruens quidam Societatis Pater Andreas Assensius, qui diu egerat cum Patre Balthassare de materia Orationis. Qui referre solebat, se aliquando valde pusillo fuisse corde, nec ausum fuisse motionem spiritus sequi, à quo internè sentiebat se ad res maiores perimoueri: cumque rem cum P. Balthassare contulisset; ipsum deceptionem illam retexisse, & animasse, ut eam motionem sequeretur, tanquam apertè Spiritus sancti: & hac ratione adeò sibi & alijs profecisse; ut cum exiguum aliàs haberet naturale talentum: quia tamen valde aptum erat per gratiam Dei: fiebat, ut viri valde graues & præcipui illius Ecclesiæ, ac Ciuitatis eum reuererentur: nam (ut quidam eorum mihi retulit) sancta sua sinceritate fiebat dominus cordium, & omnes prudentibus eius consilijs parebant: certoque tempore conferebat se cum illis Villa-Gartiam, ut exercitia spiritualia illis traderet, & simul faceret. Confluebant quoque Villa-Gartiam viri seculares valde illustres, quales

quales erant Marchio Veladius, de quo supra; D. Ignatius Fernandius Velascus Comestabilis Castellix, & gener eius D. Franciscus Borgius Marchio Lombaius, & postea Dux Gandix, qui tunc habitabant Villalpandi, tribus tantum inde miliaribus: quò P. Balthassar sæpius se conferebat, id petente D. Anna Aragonia Ducissa Frias, Societati nostræ valde addicta; quæ cupiebat, Comestabilem virum suum etiam esse addictum, & confiteri, suaque negotia cum aliquo ex nostris communicare: quod eo usque non fecerat. Sed statim atque P. Balthassarem nouit, tantum erga eum amorem concepit, vt res omnes suas in eius manibus poneret. confessus est illi generaliter, & ab eo accepit vitæ instituendæ rationem: quare aliquoties Villa Gartiam se conferebat solum ad colloquendum, & communicandum res suas cum illo: & ita eum reuerebatur, vt in eius conspectu non auderet loqui de rebus de quibus in sæculo agitur; sed potius ipse delectabatur valde, cum eum de Deo loquentem audiebat. Marchio Lombaius etiam eò se contulit, vt inquietè faceret exercitia spiritualia, quæ Pater Balthassar illi tradebat; & permittebat eum interesse Exhortationibus & Conferentijs, quas ad Nouitios habebat; & vt in ipsis Conferentijs diceret suam sententiam sicut alij, quando ordo ad ipsum veniebat. Finitis Exercitijs, cum eum videret adeò mutatum ex refectione priorum opinionum ac deceptionum, fecit P. vt omnes simul Nouitios in Aula Collegij, vbi ad exhortationes audiendas conueniebant, ille alloqueretur, & ageret de refectione deceptionis circa

sed cognitionem etiam ac zelum, eorum, quorum curam in se recipiebat: ac propterea eas hic subiiciam.

MEDITATIO prima sic habet: constituta in conspectu Christi D.N. eiusque Curiae coelestis, coram cuius Maiestate geritur, quidquid tibi evenit; & qui suos fideles plus diligit, quam ipsimet se ipsos diligant. tria haec puncta perpendes.

PRIMUM, est ex S. Dorotheo: ut fides nostra valde excitetur ad apprehendendum, quod pullus in rebus humanis eventus adeo ingratus, turbatus & qui nos premat, evenire nobis possit absque Providentia divina; ubi autem Dei Providentia est, omne etiam bonum adest, & omnia ordinantur ad animae bonum. Quare in omni genere Eventuum molestorum dices tibi ipsi, paupertas, & exiguae facultates temporales, res est valde ingrata ei, qui ratione sui Status & amplitudinis tenetur ad graviora onera portanda: at paupertas cum Dei providentia coniuncta, magnam procul dubio, & securam vitam adfert. Quod alij tui obliuiscantur, contemnant, & res tuae inuertantur, magna est anxietas, & pressura: eadem tamen sub directione ac providentia Domini nostri, magnum procul dubio thesaurum continet ei, qui scit in tuto illum collocare.

SECUNDUM punctum est: hoc supposito, quod quicquid in hac vita merito potest nobis sollicitudinem adferre, id sit, quod spectat ad animam, eiusque maiorem profectum; & quod pertinet ad vitam corporis eiusque sustentationem. Circa utrumque horum necesse est valde bene perpendere habere Christi Domini nostri verba,

„ quibus æterni sui Patris erga nos prouidentiã o-
 „ stendit, quæ verba, nostris cordibus infixæ valde
 „ habere debemus, tanquam certæ pignora proui-
 „ dentiæ eius, vt rectè intelligamus ac deducamus
 „ in opus quid sit nobis faciendum, quando aliqua
 „ harum vel aliarum rerum nobis deest. Dicit ita-
 „ que Christus Dominus noster apud sanctum Mat-
 „ theum: *a orantes* (in rebus scilicet animæ) *'nolite*
 a Matt. 6. 7. 25. *'multum loqui sicut Ethnici. putant enim quod in*
 „ *multiloquio suo exaudiantur*, quasi vi suarum ra-
 „ tionum, velint ipsum Deum conuincere & vrge-
 „ re. *Nolite ergo assimilari eis. Scit enim Pater ve-*
 „ *ster, quid opus sit vobis, antequam petatis eum. Nec*
 „ *soliciti sitis dicentes: quid manducabimus, aut bi-*
 „ *bemus, aut quo operiemur: hæc enim omnia gentes*
 „ *inquirunt. Scit enim Pater vester, quia his omnibus*
 „ *indigetis.* Perpendens ergo hæc verba facias in te
 „ ipsam, reflexionem; & ex sollicitudine quam tibi
 „ adferunt filij tui, maximè, quibus non est adhuc
 „ prospectum, conijcere licebit, quam solidè hæc
 „ cura inerit Deo erga suos: quare cum ipsi sit cura
 „ de eis, tutò poterunt ipsi sollicitudinē, quam de se
 „ ipsis habent, deponere, & in ipsum Deum reijce-
 „ re, vt S. Petrus fieri iussit dicens: *b omnem sollicitu-*
 b 1. Pet. 5. 7. *dinem vestram projicite in eum: quoniam ipsi cura*
 „ *est de vobis.*

„ TERTIUM punctum erit, considerare: eum,
 „ qui securos nos reddit de hac æterni Patris erga
 „ nos prouidentia, non esse quemcunq; hominem;
 „ sed ipsummet eius filium naturalem, Christum
 „ Dominum, ac Redemptorem nostrum, qui opti-
 „ mē nouit, quid in eius pectore lateat; illudq; no-
 „ bis ad magnum nostrum solatium, manifestat, iu-
 „ rta il-

xta illud, quod scriptum est : *et unigenitus filius*, ^{c 102.1.18.}
qui est in sinu patris, ipse enarrauit. Cum quo in-
 stituendum est colloquium & orandum, ut cum
 ipse fidei nostræ det intellectum : eundem etiam
 tibi det, quando & sicut magis expediet, circa fidē
 eius providentiæ : ut quemadmodum per eam to-
 tum bonum tuum dirigit: ita scias solatium acci-
 pere ex quocunq; eius euentu; eumq; tanquam de
 manu eius æstimare, & ex eo proficere. Finē verò
 impones, dicta semel precatione Dominica, in
 qua dulcis hæc & paterna providentia pulchrè
 depicta continetur.

H A B C prima fuit meditatio, quam Pater Bal-
 thassar piæ illi Dominæ dedit. Sed referam hic
 sancti huius viri humilitatem, quam ostendebat,
 in quacunque occasione occurrente, accipiendi
 & audiendi aliorum iudicium & consilium, et-
 iam inferiorum. Nam cum ipse hæc scribe-
 ret, ingressus ego sum, ut meæ conscientię
 rationem ei redderem, (eram enim in ter-
 tia probatione) dixitque mihi : se scribere tria
 prædicta puncta de Providentia diuina, ut mitteret
 ad illam Dominam afflictam. Cui ego di-
 xi, me tria alia valde apta legisse in quodam
 Dialogo Sanctæ Catharinæ Senensis, de perfe-
 ctione, quæ ipsemet D E V S illi tradiderat.

Statim ille magna humilitate (qua non sum
 parum ædificatus) ea petijt à me, &
 misit ad illam Dominam, in
 hunc modum.

(.·.)

gimini, & ad virtutem ducamini : qua ad verū & “
supremum bonū vobis ignotum peruenitur. Hinc “
etiam intelliges, me Deum tuū scire posse, ac vel- “
le bonum tuum, plus quam tu scias, possis aut ve- “
lis. Hanc lectionem prælegit Christus Dominus “
noster Sanctæ Catharinæ, & in ea V. D. & omni- “
bus.

HIS meditationibus & alijs similibus, quas
ponebat ijs. cum quibus agebat, illorum ne-
cessitati, & capacitati accommodatas, valde eos
in virtute promouebat : quemadmodum cum
prædicta hac Domina fecit: quæ tantum erga eum
amorem ac reuerentiam concepit, vt in eius con-
spectu esset tanquam aliqua infans; ac dicere so-
lebat, cum alij Patres Societatis, quantumuis gra-
ues, Villalpandum veniebant, ac de rebus diuinis
loquebantur : qui illos audiebant, adhuc pote-
rant aliquid, & ipsi dicere, & quasi in partem ve-
nire sermonis de illo argumento : at quando P.
Balthassar loquebatur, cum tanta Superioritate
& granditate sermonis id faciebat, vt omnes, ipso
loquente, tacerent, audientes, quasi pueri in eius
comparatione. Et quando literas ad ipsum scri-
bebat, ponebat in Superfcriptione: Domino meo,
Patri, Magistro Balthassari Aluario è Societate
Iesu Patri meo.


EODEM amore & reuerentia eum prosequen-
bantur duæ eiusdem Dominae filia, quas instru-
xit, & excitauit, vt aliquid temporis darent men-
tali Orationi; & amplecterentur aliqua mortifi-
cationis exercitia : persuasitque eis, vt eleemosy-
nam, quæ quotidie pauperibus dabatur, ipsæ ma-
nu propria traderent; & posito antipendio super
vestes

vestes preciosas, distribuerunt ex olla ad id præparata, quod singulis esset dandum: & interim Pater ipse doctrinam Christianam pauperes illos docebat, & postea dabantur illis ollulae, & scutellæ cum suis portionibus. Et quadam vigilia Corporis Domini, ob reuerentiam sacratissimi Sacramenti, conuenerunt illæ ad præparandum ipsum templum, quarum duæ totum purgarunt, tertia lampadem accommodauit, & vltima exornauit altaria, præsentibus aliquot famulis, & Patre vno Societatis ad portam, ne alij, dum illæ suam explebant deuotionem, ingrederentur. Solebat præterea ipse illas dexterè ac prudenter mortificare, prolatis ad eam rem aliquibus verbis, quarum vna natu minor dicebat, nullum vnquam ad eam ipsam mortificasse in vita sua, atque ipse Pater, verbis quibusdam, quæ illi quidem decidere, sed cor tamen suum penetrare videbantur. Sed cum videret, id fieri in bonum suum; etiamsi grauitè ipsa premeretur, non tamen propterea remittebat aliquid de amore & reuerentia erga illum: sed tantam potius fidem ad eius verba habebat, vt quoties in aliqua pressura constitutam se videret, statim peteret literas, quas à P. Balthassare habebat, quibus ad locum doloris appositis, leuamen statim sentiebat.

Q V I D D A M etiam notabile euenit proficiscentibus hisce Dominabus cum matre sua Villalpando Vallis Oletum, & in curru gynæcei vehebatur simul Comitula de Hara, tantum quadrima, vt se cum illis recrearet. in descensu autem montis Villanublino irritati equi illum

*D. Agnes
Velasca Co-
mitissa Mō-
ris regij.*

illum currum trahentes, adeò furiosè cur-
 rebant, vt præcefferiint reliquos currus, & le-
 cticas, quibus illæ Dominæ vehebantur; & ita
 Aurigam excusserunt, vt nullus ad eos acce-
 dere auderet. Omnes famuli pedites, & equi-
 tes videntes ingens periculum, quod immine-
 bat, nec posse remedium vllum adhiberi, ve-
 hementer omnes turbati sunt: accidit autem;
 vt Pater Balthazar tunc temporis per eandem
 viam propè ipsum currum ambularer, & vi-
 dens periculum, recurrit ad orationem, sup-
 plex Deum orans, ne illæ personæ perirent. Et
 placuit Maieſtati diuinæ, illum exaudire, &
 ita conſtiterunt Equi, vbi iam iam fuiſſent præ-
 cipitati, cum certo periculo, quòd fuiſſent
 omnes contriti & confracti, præterea, quæ
 illo curru vehebantur, etiamſi grauiter con-
 cuterentur, vt facilè poteſt intelligi, nullum
 tamen detrimentum ſenſerunt. Omnes ma-
 niſeſto miraculo tribuerunt, quòd D E V S
 per Orationem ſancti huius Patris edidiſſet,
 qui mox etiam ad gratias D E O a-
 gendas ſe conuertit pro tan-
 to beneficio illis
 collato.



CAPVT XXXVIII.

*HOC TEMPORE PROFECTVS
est Burgos ac duabus personis suis co-
gnatis modum quendam vi-
tae valde ordinatum
tradidit.*



a 1. Reg. 15.
22.

V A M V I S P. Balthassar adeò mortificatum haberet affe-
ctum ad suos cognatos, vt
nullo prætectu vellet illos ac-
cedere, vt suprà est dictum:
pluristamen faciebat à Obe-
dientiam, quàm victimam (vt
ait Scriptura): obediendo enim mortificabat &
sacrificabat proprium iudiciũ & voluntatem,
quod Sacrificium magis Deo placet, quam morti-
ficatio non visitandi cognatos spontè assumptà,
cũ Superiores iustas ob causas iubent contrariũ
fieri. Quare hoc ipso tempore iussus ab Obedien-
tia profectus est Burgos, petente id Doctore D.
Ioanne Diecz-Moralio Salcedio, Archidiacono,
Larano, & Canonico sanctæ illius Ecclesiæ, ac
Censore siue Pro-Episcopo, Cardinalis Patieci, e-
ius Archiepiscopi, & postea Inquisitore Vallis-
Oletĩ, qui habebat apud sed. Edwigam Aluariam
eiusdem P. Balthassaris sororem, viduam, quæ fue-
rat vxor Fratris ipsius D. Ioannis, & alteram so-
rorem suam D. Elisabetham Salcediam, vtramque
exemplaris virtutis, valdeque exercitatas in
Ora-

Oratione, & pœnitentia; quas P. Balthassar seriò constituit iuuare, vt in Oratione & familiaritate cum Deo, reliquisque virtutibus perficerentur: Ne autem quæ illis tunc dicebat obliuioni traderent, scriptum reliquit ordinem; ac occupationum totius diei distributionem adeò spiritualement, & piam; eiusque qualitatis personis accommodatam, vt operæ precium existimauerim scriptum illud hic inferere, vt similes aliæ eodem vti possint; & Confessarij ipsi intelligât, quâ ratione sint dirigendæ, quæ cupiunt esse perfectæ.

Vt autem, quæ hic præscribentur, melius intelligantur, supponendum est: P. Balthassarem (vt cap. 14. suprâ est dictum) omnibus, quos circa Orationem instruebat, post peractas Meditationes de peccatis; & quatuor Nouissimis; consueuisse consulere, vt verò se traderent meditationi mysteriorum Dominicæ passionis, ob ingentes fructus ex eis proueniennes, ad feruentius perfectiusque exercendum dolorem peccatorum, sui ipsorum, mortificationem, amorem Dei, & proximorum virtutesque omnes excellentiùs acquirendas. in quem finem eis inculcabat: ne existimetis, vos aliquid fecisse; donec Christum crucifixum in corde vestro gestetis, (vt in eodem loco suprâ fuit significatum) per continuam memoriam; cognitionem, amorem, & imitationem supremi huius Redemptoris; & virtutum heroicarum, quas in ipsa cruce exercuit. His præmissis, ordo orandi, vitamque instituendi, quem ipse illis præscripsit, sic habet.

STATIM atque euigilaueris, reuoca in memoriam mysterium, tunc meditandum: ne aliæ cogitationes

rationes præueniant, & cor effundant, & in Oratione distrahant. Ingressa locum Orationis asperge te aqua benedicta, vertesque arenarium horologium in signum horæ futuræ Orationis; & vno, vel gemino passu, antequam genu flectas, subsistes paulisper, cogitans, ad quem sis accessura, vt cum eo agas; & mox inclinato capite, in testimonium reuerentiæ interioris ad maiestatem illam diuinam, flexisque genibus gratiam petes, vt cogitationes tuas, verba, & opera ad eius diuinum obsequium dirigere dignetur: interim perpendes, quàm deceat, creaturam, vt rectè agat, totam à suo Creatore dependere, sine quo, & eius auxilio, nihil boni possit; nec vel vnicam quidem cogitationem bonam etiam minimam habere.

P O S T E A ita mysterio meditationis te præsentem facies, quasi in ipso Oratorio, & ante oculos tuos illud gereretur: cumque vt plurimum Meditationis argumentum futurum sit de mysterijs Passionis, hæc erit ratio seruanda, vt primum ipsum Dominum ores, vt qui te suorum meritorum fructusque suorum cruciatuum participem facit: communicet etiam sanctas cogitationes, & sensa sua, vt de eius mysterijs rectè cogites, ac sentias, prout ipsi magis placebit, tibi que erit vtilius. *Primum* igitur cogita; quis ille sit, qui patitur: quòd scilicet sit Deus. *Deinde*, quid patiatur: idque non tam mentis ratiocinatione considerans, quàm oculorum mentis aspectu videns, quales contemptus, opprobria, cruciatusque sustineat. *Tertiò* eius patientiam in cruciatibus sustinendis aspicias; humilitatē in contemptibus; charitatem in odio, & inuidia hostiū suorū tolerādā: & ob-

& obſtupescens, quod sic tractetur, interroga: in-
 finitæ Maieſtatis Domine, quis timor, quodue cō-
 modū facit te talia pati? & mox animæ occurret
 interior reſponſio: nec timor, quia ſum Omnipō-
 tens; nec lucrū aut commodū, cum ſim Deū, nec
 vllō indigeā extra me; ſed amor ſolus, quō te pro-
 ſequor: Et in hoc verbo AMORIS cū magno ſenſu
 ſubiſtes, donec anima ſentiat, ſe propēſam & ob-
 ſtriſtam ad oſtendēdam Deo ſuo amorem eadem
 via, qua ipſe ſuū oſtendit: ſuſtinendo ſcilicet, de-
 fertiones, contemptus, aliorum ingenia, & mores
 tuos contrarios; ſel & alia, quę tibi diſplicēt. Nam
 ad medirandū vtiliter, vtriq; attendendū eſt: con-
 ſiderationi ſcilicet myſteriorū, & propriorū mo-
 rū reformationi: cogitādo, quid poteris ſuſtinere,
 q̄ aliquo modo reſpondeat ijs, quæ ſuſtinuit ipſe
 Chriſtus: excelsior. n. orādī & proficiēdi ſcientia,
 plus in eo cōſiſtit; vt benē aliquid ſuſtineas teque
 humilies: quā quōd cōſolationes & ſolatia ſētias.

IN præcipuis feſtis haberi poterit de ipſorū my-
 ſterijs oratio: quod ſi fuerit dies cōmunionis præ-
 mittitur oratio de ſanctiſſimo Sacramēto; veſperi
 autem, aut poſt gratiarum actionē, de ipſis feſtis.

IN ariditate, obſcuritate, aut cordis duritię,
 & in quocunq; alio interno impedimēto, cogita,
 tua peccata ibi ſe inferere: quæ ſi non agnoueris
 ex ea parte, qua Deum offenderunt: agnoſce ex
 duritię, & impedimento, quod tibi reliquerunt;
 humiliare, dicasq; Deo: hæc, Domine, meæ ſemē-
 tis eſt meſſis, hic præteritorū meorū annorū fru-
 ctus: ſiquidē impedimētū hoc à peccatis meis pro-
 cedit, quibus te irritaui; q̄ neq; tu mihi fuiſti pro-
 merit⁹: neq; ego tibi debui. Doleo, ac poenitet me:

„ & vellem lacrymas, sensumque eorum habere,
 „ qui tibi maximè placuerunt; sed qua parte poena
 „ est, & punitio eorum, à te ita constituta, gaudeo
 „ ego: ut qui talia fecit, ita illa luat. Perduret res,
 „ quàm diut tibi placuerit, etiam per totam vitam,
 „ quæ extendatur, ad mille annos. Et quoniam Deus
 „ in suis est creaturis, illis in suis locis manentibus,
 „ si te noueris benè humiliare, poenamque, quam
 „ ipse mittit, libenter suscipere: magnam senties
 „ quietem, & solatium. Quod si voti fies compos,
 „ perges, quæ te Deus deducet; sin minus hanc hu-
 „ miliationis & fiduciæ viam tenebis, quæ tutissi-
 „ ma est.

„ **Q**UOTIDIE quadrantem minimum horæ, le-
 „ ctioni tribues spiritali libelli de imitatione
 „ Christi, aut pij alterius; per quadrantem item an-
 „ tequam incumbas, conscientiae tuæ examen insti-
 „ tues; præscribas tibi certum tempus incumbendi,
 „ & surgendi; imminuendo vespertinas occupa-
 „ tiones, quò te recipias tempestiuè. Octauo quo-
 „ que die confitearis & communica; & aliquando
 „ etiam intra septimanam cum approbatione tui
 „ Confessarij: cuius iudicium tam in hoc quàm alijs
 „ quotidianis poenitentijs sequeris; & præferes
 „ cuicunque alteri deuotioni, aut seueritati pro-
 „ pria tua voluntate assumptæ: sic enim Deo magis
 „ placebis, tutiusque progredieris; scribesque mihi
 „ singulis mensibus, quomodo in his tibi succedat:
 „ primum de sanitate; deinde de interna tua recol-
 „ lectione; tertio de lectione; quarto, de confessio-
 „ ne, & communione; quinto, an aliquam habeas
 „ calamitatem aut molestiam, quæ te exerceat; aut
 „ recens beneficium, & solatium, quod exstimulet.

HANC

HANC viuendi formam reliquit Sorori, & eius sociæ, non solum scriptam, sed animabus etiã impressam: tanto enim spiritus feruore eas alloquebatur; vt, quamdiu eum audiebant, lacrymas semper funderent ex deuotionis igne, quem intus sentiebant. allocutus sum ego aliquoties Inquisitoris sororem, quæ diu in hac ciuitate mansit, & aduertit, plurimum eam in virtute profecisse. Fuit singularis in magnis poenitentijs ciliciorum, flagellationum, & ieiuniorum, quatuor diebus in septimana & sæpe in pane & aqua; nunquam in lecto iacebat, & integras sæpe noctes transigebat in oratione. Nihil in libro S. Catharinæ Senensis, cui valde erat addicta, legebat, quod attineret ad poenitentiam & asperitatem, quod ipsa non vellet executioni mandare. Vndecim annos ante mortem obstrinxerat se voto gestandi ferream catenam corpori accinctam, die, noctuq;. Et cum ex continua eius gestatione vlcus quoddam fuisset factum, balsamo sibi medebatur: & quamuis morbus, ex quo obiit, quatuor mensibus durauerit: nunquam tamen catenam deposuit, nisi biduo ante mortem: ne, cum ferali amictu induenda esset, aduerteretur illam habuisse. Admirabilem ostendit in prolixo illo morbo patientiam, & per multos annos in dentium doloribus: ita vt nullus de his doloribus, aut quod aliquid sibi deesset conquerentem audiret; sed semper vultum serenum, latumque ostenderet; utpote, quæ semper esset, quasi in oratione. Et sic tandem vitam suam sanctè finiuit, præmiumque obtinuit, quod pia Sancti P. Balthassar's monita fuisset secuta.

CAPVT XXXIX.

*PROFVNDAEIVS HV MILITAS
in Officiis honoratis, & prosperis euenti-
bus: & insignes sensus circa ean-
dem virtutem.*



VAE haecenus retulimus de P. Balthassare, omnia fuerunt valde prospera, ipsique fauentia tam in Officijs, quæ gessit, quàm in agendo cū proximis: dedit enim illi Deus præclaros & stupendos euentus, ex quibus (vt haecenus ostendimus) magnam authoritatem & sanctitatis opinionem acquisiuit, habitus ab omnibus valde spiritualis, prudens & in omni virtute præstans, tam inter homines Societatis, quàm inter sæculares multos, magnos, & illustres Dominos. Sed antequam exortam hoc tempore tempestatem aduersus eum, ad eius splendorem obscurandum excitatam referamus, expedit profundam eius humilitatem ostendere, quam in medijs tot honoribus, & prosperitatibus seruauit: quod indicium est heroicæ eius sanctitatis. Si quidem (vt Sanctus Bernardus ait) magna & rara
 » virtus profectò est: vt magna licet operantem,
 » magnum te nescias: & manifestam omnibus tuam
 » te solum latere sanctitatem. Mirabilem te alijs
 » pparere, & te contemptibilem te ipsum reputare.

Serm 13 in
Cantica

tare. Hoc ego ipsis virtutibus mirabilius iudico. Et alibi dicit: non est res magna, humilem esse cum quis parui sit: magna tamen virtus est humilitas honorata: rara avis in terris, aut non sanctitatem non perdere; aut humilitatē sanctimonia non excludi: & difficile valde est, in loco esse excelso, & altum non sapere, res quidem valde inusitata, sed quo minus visitata, eo gloriosior. Hic autem vir Dei, magna gloria dignus fuit, eò quòd rem adeò raram & in virtute præclaram obtinuerit, conservans humilitatem & nihil amittens sanctitatis, neceuanescens ex honore & opinione eius.

VIRIUS hæc (vt S. Bonaventura ait) tres complectitur gradus: se ipsum scilicet vilem iudicare; desiderare ab omnibus talis haberi; nec extolli ex donis Dei, quantumvis magnis: & in omnibus tribus fuit insignis P. Balthasar, vt sensim explicabimus.

Serm. 45. in Cantica.

Epist. 42. circa mediæ.

Process. 6. Relig. cap. 21.

§. I.

PRIMUM, quemadmodum valde illustrabatur cælesti luce in cognitione Dei, eiusque magnitudinū: ita etiam excelluit in cognitione sui ipsius, & propriæ abiectionis, quæ solet illam comitari, cum perspicit & agnoscit aliquas veritates, quibus perfecta humilitas nititur: quarum vna est agnoscere plurimas misérias, quibus homo ex se ipso subiaceret, nisi Deus, aut præferret, aut eripiat ab eis: in qua veritate agnoscenda valde fuit illustratus, magnaque interna sensa circa illam habit, quæ ipse refert in suo libello. Quodam die mane (inquit) euigilaui valde

"Mense Oct."

1574.

„ iucundus ex quadam cogitatione, & sensu, qua-
 „ lem in mea vita non habueram; agnoscens, quid
 „ sit anima aliqua cum Deo; & quid sine eo: & quòd
 „ sine Deo sit ipsamet deformitas, ipsamet nox, &
 „ ipsamet mutabilitas; est cinerum cumulus ante
 „ faciē vehementis venti; est solaris horologij acus
 „ siue lingula, antequā polū rectā respiciat: deniq;
 „ homo sine Deo stultus, & stupidus omninò est: cū
 „ Deo verò omninò contrarius; quia est sicut Deus.
 Et qui tales habebat sensus, cū è somno vigilabat:
 signū est, frequēter se in huiusmodi cogitationib.
 exercere cum vigilabat: Nec sine causa Deus illi
 iucundum hunc & gratum saporem in eo sensu
 communicauit: nam etsi videatur, insipidum quid
 agnoscere propriarum culparum deformitatem,
 ignorantiarum noctem, instabilitatem decreto-
 rum animi, & quam sit cinis cū vehementes
 tentationum vēti contrā spirant, & irrequietem,
 quam sentit, cū est sine Deo, nec diuinum hunc
 polum respicit: at Deus D. N. nouit has cogitatio-
 nes suauissimè condire ea tranquillitate, quam a-
 nima sentit, hinc videns suam miseriam; inde ve-
 rò ab eadem, si Deo coniungatur, liberari.

DEDIT præterea idem Dominus noster ma-
 gnā huic Patri lucem, ad perpendendos valde
 suos defectus, quamuis paruos; & quā vilem i-
 psum redderent: & præcipuè, quod Dei ipsius do-
 na inepta sua mixtura valde defœdarent, vt cō-
 stabit ex quodam sensu, quem in suo libello indi-

16. Nou.
 1563.

„ cauit, sic dicens: cum peterem à Deo D. N. vt co-
 „ gitationes, verba, & opera mea purè ad suum di-
 „ uinum obsequium dirigeret: euigilanti mihi &
 „ semidormienti quodam mane oblatum est, quasi

in mo-

in momento, quod nunquam ego vel cogitare
 potuissem, & multò minus petere: nam nulla mea
 dispositione præcedente, insignem quandam in-
 ternum habui sensum, quod vita nostra spiritua-
 lis sit tanquam preciosissima tela aurea: & quem-
 admodum in ea non est exigua deformitas quod
 filum aliquod rude crassumque inferatur; nec
 paruum detrimentum, quod in excellenti & præ-
 cioso panno rudis & inepta aliqua raritas appa-
 reat: ita non exiguum damnum censendum est
 mixtura propriarum cogitationum, verborum, &
 operum quæ nos assuimus ijs, quæ Deus nobis in-
 spirat: quale est quod vni cogitationi, quam diui-
 na eius maiestas cordi nostro suggerit, nos admo-
 ueamus ex capite nostro duodecim, quæ illam
 obscurant; & vni verbo, quod nobis inspirat, vi-
 ginti quatuor inania, quæ nos loquimur, adiun-
 gamus, effundendo nos ipsos sine causa & ratio-
 ne; & vni operi, quod nobis imponit, quatuor aut
 sex nobis ipsis addamus. Tela enim hæc, ut præ-
 ciosa sit, texenda est diuinis cogitationibus, ver-
 bis, & operibus: quare ijs, quæ ipse inspirat, bo-
 num aliud frustum cum eius auxilio addere nos
 decet, ut tela crescat: at ex huiusmodi mixturis
 rudibus, ac crassis non leue accipit detrimentum:
 nam in his externis & materiatis, sensum habemus
 apertum & acutum: qui in spiritualibus clau-
 sus est, & obrusus. Deducamus hoc ex rebus his
 externis: certè non leuiter displicet, nostrumque
 palatum offendit, quod post singulos bolos ex
 fructibus alicuius patinæ aliquid inueniamus
 corruptum; & in botro post singula bona grana,
 putridum aliud occurrat: quod si ita eueniret in

„omnibus, quæ in mensa nobis apponuntur, surge-
 „ remus ex ea, iudicantes, nō satis nobis fuisse pro-
 „ spectam. Similiter, quod in vno lactucarum le-
 „ cto non nisi sex inuenirentur bonæ; & in pyro
 „ fructibus referta, duodecim tantum pyra essent
 „ apta; & in lateritio muro duodecim inueniri la-
 „ terum ordines nō agglutinosos; & in aliqua ima-
 „ gine, quam vel vnus defectus deformaret, nihil
 „ inueniri præter vnū aliquid in eius facie benè de-
 „ pictum; & in charta valde alba ac nitida post sin-
 „ gulas voces esse lituras, & maculas. Hæc non sunt
 „ exigua detrimenta, nec reddunt res parum viles.
 „ Tale igitur est animæ malum, à qua Deus inte-
 „ gram exigit puritatem: quod malum ex mixtu-
 „ ra oritur cogitationum, verborum, & operum,
 „ quæ progenies sunt propriæ voluntatis, cum de-
 „ berent esse diuinæ: non est malum hoc somnianti
 „ oblātum; sed verum, ab ore Dei prolatum, quod
 a *Isaia* 64. „ nobis obijcit, quod a *uniuersa iustitia nostra*
 6. „ *sint quasi pannus menstruata, & abscondit faciem*
 „ *suam à nobis.* Nec hoc est maximum malum, sed
 „ secundum accedit, quod talis vita modusque a-
Psal. 105. „ gendi noster non humiliet nos: cum tamen similis
 43. „ agendi modus Patres nostros humiliauerit, vt
 „ ait Dauid; nec facit nos interius erubescere in
 „ conspectu ipsius Domini. Artifices illi, quos no-
 „ minauimus murarium, pictorem, & scribam val-
 „ de erubescerent coram quibuscunque, etiam vul-
 „ garibus hominibus, ipsorum defectus aduertent-
 „ tibus; & nos non erubescimus coram tanto Do-
 „ mino. Ille non est nobiscum contentus; & nos su-
 b *Hier.* 3. 1. „ mus etiam læti, & pacati: b *facta est nobis frons*
 „ *mulieris meretricis, noluimus erubescere?* Hister-
 cium

tium accedit malum : quòd tot mala & mixtura
 adeò vilis non sufficiat ad nos humiliandos : cùm
 tamen vel modicum bonum, quod faciamus, abũ-
 dè sufficiat, vt inaniter extollamur, & vel illud
 modicum si non omninò pèreat, saltem sit etiam
 offuscatur. Vel vnum granulum auri, quod vi-
 demus in luto; particula alicuius gemmæ fimo re-
 cta, flos aliquis multis spinis stipatus pulchra sunt
 bona, sed foetidis & abiectis rebus admixta. quid
 turpius; aut quid magis còterat cor nostrum?
 sensum hunc miseriæ nostræ Deus illi est largitus:
 quo ille valde se humiliabat, & in suis oculis eru-
 bescebat. Et in eundem finem magnum alium de-
 d^o illi sensum recogitanti de suis defectibus,
 sub hac similitudine : Quando tandem disces
 mundè scribere, & sine lituris? quando æ-
 qualiter lineas duces, ac rectè? quando be-
 nè characteres efformabis, celerique manuscri-
 bes? quasi dictum sibi existimaret : adhuc es
 infans, & Tyrò in virtute : nec didicisti rem ali-
 quam facere perfectè.

S V V M quoque nihilum dedit ei agnoscendum,
 & quam parum nostræ diligentiæ valeant, vt in
 obsequio Dei progrediamur ob nostræ disposi-
 tionis imbecillitatem, adferēs ad id quòd S. Apo-
 stolus dixit : *c non est volentis neque currentis, sed*
Dei misentis. Dei enim misericordia nos pro-
 mouet : cuius non minus est capax qui debilis est,
 quàm qui fortes esse videntur. Cùm quadam die,
 inquit, abiectum valde ac desolatum me viderem:
 & anima mea ad Deum sicut terra sine aqua
 clamaret : incidit tenera quædam cogitatio:
 quàm rectè, apteque Deus constitueret vt,
 q quid

quidquid anima habet, & potest, sit à dulcissima eius manu: ut tum sit bonum, quod habebit; tum possit multum habere, & tutò possidere, ipsumq; Dominum largitorem agnoscens, seipsam in reddenda ei gloria propterea occupare. Et hinc sensus ille oriebatur, quem percipiebat ex sua à Deo in rebus omnibus dependentia, magnaue de se ipso diffidentia. Quodam die, inquit, retexit mihi Dominus deceptionem meam circa fiduciam in me ipso, in modum videntis aliquod phantasma, ex quo terretur & obstupescit. Prius mihi in euentu duarum Missionum ostenderat, me posse cor- dicitus illi fidere in omnibus; & nunc, quod mihi ipsi in nullo, nec quoad virtutem, nec quoad scientiam. In exhortationibus deficiebant mihi verba, & suspensus hærebam; aduerti, virtutem, quam illis dabāt, vitam esse ipsius: ideoque decreui me ipsum deferere, & ad ipsum transire. Vidi clarius quàm digito mearum manuum, securitatem in meis periculis, fuisse eius protectionem; meamq; scientiam in loquendo esse, quod ipse ex sapientia sua mihi dedit; & hanc solam portionem ac lectionem esse, quæ opus cum lucro faciat, & ita intellexi, debere nos in rebus omnibus ab ipso, & infinita eius misericordia dependere.

DENIQUE: ut in hoc primo humilitatis gradu esset perfectus, concepit Sanctum quendam timorem, ne peccaret; bonumque amitteret, quod habebat: ne, si amitteret, non posset fortè illud recuperare: qui timor sollicitum valde in eius conseruatione faciebat. Et existimans, quasi nihil esset, quod haberet; seque esse valde in initijs, optabat semper vltcrius progredi, iuxta illud Ecclesiastici

fiastici de viro humili: d *cum consummauerit ho-* d Eccl. 18. 6.
mo, tunc insipiet; quasi non incepisset. Et hinc de-
 sideria illa oriebantur, quibus petebat à Deo, vt
 ipsum ad se conuerteret, quasi conuersus non es-
 set. Et refert ipse in suo libello; quod in mense
 Februarij Anni 74. cum iam adeò profecisset, vt
 superius vidimus, oranti inciderit dubiũ, an Deus
 veller ipsum conuertere? sed expeditum id fuisse
 interno quodam sensu de fiducia in Dei miseri-
 cordia; posito exemplo in se ipso: si quis, inquit; te
 offendisset, & aduerteret se malè fecisse: an non
 tibi placeret? omninò. Quòd si lux & cognitio e-
 ius iniuriæ faceret illum erubescere ac dolere; te
 seque subijcere cuius poenæ in satisfactionem ob
 talem culpam admissam, subeundæ; cuperetque
 ac statueret non repetere similem stultitiam: An
 non multò amplius gauderes? procul omni dubio. Quòd
 si per se ipsum ad hoc præstandum non suf-
 ficeret, an non eum iuuares, vt cœcitatem suam
 agnosceret, & animum ad hæc omnia præstan-
 da conciperet: saltem quod ad te ipsum spectat, ad
 iniuriam dico tibi illatam? ita certè. Quod si in-
 iurius ille. esset tibi valde obstrictus, tuque opta-
 res ab illo diligi, eumque ad tuam amicitiam re-
 dire: id ipsum tu desiderares, & vt faceret adiua-
 res duplici nomine, tum propter tuam iniuriam;
 tum propter ipsius perditionem: nam ex tali eius
 conuersione, pro iniuria tibi illata satisfaceret, e-
 iusque ruina repararetur. Si igitur tu hæc omnia
 erga eum, qui te offendit, fecisses: quomodo du-
 bitas, Deum idem velle de te, & libenter visurum,
 quod à peccando desistas, ad eum te conuertas, at-
 tendas stultitiam tuam, eamque desleas, teque sub-
 iicias

» iicias omni poenæ & satisfactioni, quam à te re-
 » quisierit, & donec ad eum peruenias gradum, ut
 » vel solùm, de recidiuo in similem, aut etiam mi-
 » norem offensionem cogitans, contremiscas? quod
 » si tū inferentes tibi iniuriā in hīs omnibus velles
 » iuuare : cur diffidis Deum suos adiuturum?
 » & , cū ad se redierint ; recepturum ; primum
 quidem propter se ipsum, deinde propter illos:
 quia ad ipsum spectant, eosque patris. instar
 amat, cupitque se ab omnibus amari. Hac ra-
 tione animabat se humilis hic Pater: nām vera
 humilitas non est timida, nec animum abijcit, aut
 desperat: potius, quò suis viribus minus
 confidit, eò fidit amplius Deo; & videns, se
 nihil in se posse, sperat, quòd in Deo poterit
 omnia.

§. II.)

AB hoc humilitatis gradu progressus est ad
 secundum, quo gaudebat vilis haberi apud
 alios, & ut talis ab eis tractari. Ac propter-
 ea pro viribus tegebat dona à Deo accepta, siue
 naturalia, siue supernaturalia, quæ præstare apud
 homines viderentur. Et cū in initijs repugna-
 tiam aliquam in hoc sentiret, quia videbatur ma-
 gnum quid facere, talia occultando: hæc illi oc-
 » currit cogitatio: an non filius Dei plura occulta-
 » uit, ac dissimulauit? & statim quieuit, & erubuit;
 » maioremque adhibuit curam in occultandis mi-
 » sericordijs Dei erga se, quæ multæ valde erant.
 » Ac propterea paucæ innotuerunt. Contra verò
 » valde fuit promptus ad suos defectus natu-
 rales


rales manifestandos, dicens: se, nec eruditionem, neque ingenium, nec aliud quicquam habere, ob quod magni esset æstimandus; neque id solùm, sed sua quoque peccata in eundem finem aperiebat: quemadmodum fecit apud Patrem Aegidium Gonzalum Abulensem, Prouinciæ Castellæ Visitatorem, cùm ipse esset Rector Metinensis: nam prima vice, qua eum ex instituto fuit allocutus; vt rationem suæ conscientiæ extra Confessionem pro more Societatis redderet: aperuit illi omnia totius vitæ suæ peccata, ita vt Pater ipse Visitator non potuerit illum prohibere. Ex quo adeò obstupuit, ædificatusque est, vt ad Sacrum faciendum se conferens, vix aduerteret, quid faceret, adeò erat attonitus, ex heroico humilitatis actu Patris Balthassaris. Hoc retulit ipsemet Pater Visitator, ad Sancti huius viri humilitatem manifestandam: & ab eo tempore per totam vitam magni semper illum fecit; nec sibi potuit persuadere, verum esse, quod postea de ipso vulgabatur: id permittente Domino nostro, vt innotesceret, quam vera & solida essent desideria, quibus optabat vilis haberi. Siquidem in ipsis contemptibus nihil remittebant. Est autem hæc magis heroica humilitas. nam etsi Dei dona occultare ad hominum honorem fugiendum, sit excellens humilitatis actus; & excellentior adhuc, propria peccata occultosque defectus, ad opinionem de se hominum, propriamque æstimationem obscurandam manifestare: multò tamen excellentior magisque heroicus actus est, quando huiusmodi honoris iactura & con-

conferenti. (pro vt moris est in Nouitiatu) respōdit semel, se valde erubescere, quod res tam parua, res adeò magnas impedirent. Quod verbum adeò profundè ad Patris Balthassaris cor penetravit, vt multa interna fensa Deus illi dederit circa illud; & quamuis sæpius repeteret huius veritatis considerationem, nunquam tamen tædio propterea afficiebatur; sed semper quasi recens videbatur ipsumque recreabat.

AVDIVIT alia vice Patrem quendam dicen- *Pater Ioan-*
tem, quendam paruum puerum interrogatum, cur *nes Salsus*
præcipuus quidam Nobilis in quodam paruo pa- *scripsit ac re-*
go habitaret, respondisse: eò quòd bona sua ibi *tulit.*
haberet. Vir hic Sāctus, qui ex rebus omnibus spiritum eliciebat, ex hoc deduxit, quod Christus D. N. iam in cælo gloriosus etiam inter nos remansisset, eò quòd hic haberet sua bona, animas scilicet suas, vt eas custodiret, eisque prospiceret: propterea enim tempore Sacræ Communionis dicitur: *Corpus Domini nostri Iesu Christi custodiat animam tuam in vitam æternam*, semper scilicet, donec ad illam peruenias. Postquam autem pium hunc sensum habuit, dixit Patri, qui hæc retulerat: hoc ego habeo, quod quilibet puer me etiam doceat: ac propterea subditi ipsi aliqua interdum ei dicebant, quæ ad hoc eius institutum tendere videbantur, respicientes ad humilitatem, qua ex omnibus proficiebat. Quidam ei dixit, se legisse apud S. Thomam: in prima mundi ætate non fuisse idololatriam; eò quòd memoria Creatoris tunc esset recens: & hoc videri valde ad rem ad virtutem Orationis intelligendam, quæ, cùm renouet Creatoris memoriam, efficit ne inordinatè ad

creaturas afficiamur. Quæ sententia adeò profundè pectus viri Sancti penetrauit, vt aliquamdiu suspensus hæserit : & postea petijt, ostendi sibi locum S. Thomæ, vt rem melius assequeretur: Mecum etiam ei accidit, quod Capite 34. fuit insinuaturn.

ETIAM SI tot gesserit Superioris Officia, nunquam tamen aliquis in eo, vel arrogantiam, vel vllam elationem aduertit : in omnibus enim incedebat sicut alij; & ad res humiles & abiectas erat primus ; & valde singularis in deferendo alijs, etiam subditis. Cùm esset Nouitiorum Villa-Gartix Magister adeò venerabatur fratres studiosos, qui studijs finitis ad tertiam mittebantur probationem, vt cùm ego vnus eorum essem, valde erubescerem, quòd tanto me honore afficeret: & cùm domo egrederetur, cum socio graui aliquo Patre, non erat modus, vt ipse ad socij dexteram, sed socius ad ipsius dexteram, ambularet: & quando peruenit Toletum, eius Prouincix Præpositus Prouincialis, in primo suo ingressu flexit genua, vt subditorum manus oscularetur, vt postea dicetur.



CAPVT XL.

ORITVR MAGNA QVAEDAM
tempeſtas obeius Orationis modum; in
qua heroicam ſuam humilitatem ac
patientiam, qua ſuos tulit con-
temptus oſtendit:



VAMVIS excellens ſit ac glo- **A N N O**
 rioſa humilitas, quæ in medijs 1576. & 77.
 honoribus & proſperitatibus
 retinetur, necdum tamen benè
 probata, profundè radicata,
 totamque ſuam perfectionem
 habere cenſetur, donec con-
 temptus & aduerſitates accedant: in quibus (vt
 proximo capite dicere cœpimus) lepiẽhenditur:
 an verò ita demiffè iuſtus de ſe ipſo ſentiãt; & cu-
 piat ab alijs cõtẽmni: nam, cùm id euenit, gaudet,
 vidẽs ſe pro meritis tractari; & humilitas, quæ an-
 tea erat vera, iam ſit chara; cùm ſuos contemptus
 amat, & in eis exultat. Tunc etiam manſuetudo
 elucet, qua iræ impetus, in cõtẽmñentes exurgẽs;
 refrænatur; patientia, quæ moderatur triſtitias ex
 eo proueniẽtes, quòd ſe videat cõtẽmni; dilectio
 inimicorũ, quia, contra ſuũ honorẽ aliquid faciẽ-
 tes, diligit; beneq; loquitur de ijs, qui malè de ipſo
 loquuntur; fiducia in Deum, quia non abiicit ani-
 mum, etiamſi videat ſe ab alijs abiici; amor deniq;
 ipſius Domini, cui eadẽ cura & ſtudio hoc tẽpore
 ſeruit, atq; in altero. Ac propterea Chriſtus D. N.

Homil. 8. in
Matt.

(vt S. Chrysostomus aduertit) delectatur, quòd ipsius Electorum vita contexatur ad similitudinem suæ, & Apostolorum suorum varijs hisce euentibus honorificis, & contemptiuis; prosperis & aduersis: vt sic omnibus superiores euadant: & si prosperi eos extollunt, aduersi demittant; & si hi illorum animos deiiciunt, illis eos resument & foueant: & sic, vt Apostolus dicit: euadant fideles Christi ministri, strenuè pugnantes *a per arma iustitiæ à dextris & à sinistris, per gloriam, & ignobilitatem: per infamiam, & bonam famam; vt seductores & veraces:* ita vt non propter occurrentes calamitates desint suorum ministeriorum fidelitati.

§. I.

TALIS fuit Pater noster Balthassar, quem Christus D.N. in huiusmodi euentibus voluit probare, permittens, vt eius honor in re, quam maximi faciebat, tangeretur: in his enim solet Deus suos probare, vt quòd probatio magis premet, eò humilitas, & fidelitas in ea præluceat, ac emineat. Sæculares probat in honoribus, ac delitijs temporalibus, quibus illi delectantur; viros eruditos in opinione Eruditionis, quam ipsi magni faciunt: At viros sanctos, qui virtutes, resque spirituales omnibus præferunt, in ijs probat, quæ ad illas pertinent. Et quoniam P. Balthassar hæc tantum in precio habebat, in hoc ipso illum probauit: statuens, vt non solùm internos multos labores sustineret, ariditatis, obscuritatis, duritiei, aliasque similes probationes superius insinuat as; sed

sed etiam per externam tempestatem, quæ coepit tempore, quo erat Salmanticæ Rector, & progressa est etiam cum esset Villa-Garcia: permisit enim, ut aliqui eam de ipso opinionem conciperent, quod esset valde rudis, illusus, ac deceptus; ac proinde alios quoque deciperet: nescientes enim excelsum orationis donum, quod illi Deus communicabat: existimabant, esse à Sathana transfigurante se in Angelum lucis: & ideoque urgebant eum, ne talem viam teneret. Nec defuit, qui minaretur velle se rem ad sanctæ Inquisitionis Officium deferre; veritus fortè ne quem errorem inbibisset Illuminatorum. Suspiciabantur, ipsum contemnere communem orandi modum, per meditationes & mentis ratiocinationes in Societate usurpatum, & à Sanctis approbatum; velle verò nostros per singulares alios, & parum tutos modos deducere: quamobrem bono Zelo viri aliqui graues illi aduersabantur. Nec mirum hoc est, neque in Ecclesia aut Institutis religiosis nouum: quòd inter viros ipsos Iustos (absque tamen aliqua culpa) sit interdum ex Zelo sancta quædam dissensio, ut contrarias sequantur opiniones & sententias: quia quisque credit, suam esse veram; aut certam veritatem defendentes, existimantes tamen, alium contra illam sentire; quamuis in tali cogitatione decipiantur. Si enim ipsi custodes Angeli solent in rebus aliquibus sibi inuicem repugnare, cum Dei voluntas non est ipsis manifestata, quemadmodum refert Daniel Propheta, quod Angelus *b. Princeps Regni Persarum restitisset Angelo Custodi Hebræorum*: mirandum non est huiusmodi pugnas inter homines, etià iustos,

b Daniel. 9.

& sapientes inueniri: qui quod homines sint, facilius veritatē aliquā ignorant, aut decipiuntur, cogitantes, aliquem ei aduersari, qui maximē illam amat, actuetur. Hoc itaque euenit P. Balthassar, de quo graues aliqui, valdeque Religiosi viri, & optimam habentes intentionem, ex aliquibus indicijs suspicabantur, quae diximus; eaque detulerunt ad P. Generalem Euerhardum Mercurianum, cui cum P. Balthassar non ita esset notus, atque eius praedecessori P. Francisco Borgio; & quae eas scribebant, erant viri alicuius auctoritatis, & habentes zelum boni communis: voluit P. Generalis, rem benē examinari, eamque totam commisit P. Visitatori, quem miserat in Hispaniam P. Iacobo Auellanedio; qui dum visitaret Collegium, cuius P. Balthassar tunc erat Rector, statim iussit, tradi sibi ab eo omnia sua scripta videnda, & examinanda quae Pater promptissimē tradidit, cum tanta subiectione, atque si esset aliquis Tyro, nullo verbo obiecto, & opposito toto tempore, quo P. Visitator illa apud se habuit. Et cum alij viri pii & eruditi eum de hoc argumento alloquerentur: ille tacebat, & ferebat; ac permittebat se probari, examinari, & contemni, rare in ea re humilitatis, ac patientiae indicia praebens. Eodem tempore aliqua etiam falsa illi obiecerunt: quae tamen ita transire permittebat, atque si ad ipsum non spectarent; & re ipsa faciens, quae alijs facienda proponebat: non esse perfectam humilitatem absque humiliatione, neque patientiam absque vehementibus congressibus; & praecipuam virtutis partem in eo consistere, ut quis talibus occasionibus & oportunitatibus vi

non

non negligat; & ipsum profectum maximè confitere in eo, vt quis nouerit benè se humiliare, tolerare, & tacere; exponendo etiam periculo honorem, existimationem propriam propter Dei amorem. Quod vt confirmaret; eisq̃ue, qui in suo Collegio versabantur animum adderet, dixit ipsemet in quadam exhortatione, quod semel honorem suum periculo exposuisset; & ex tunc incepisset Dominum plenè, vt dicitur, manibus dona, ac beneficia ipsi conferre. Occasio autem fuit, quod in quadam Congregatione Provinciali aliquid satis graue de se fuisset dictum, propter quod fuit publicè coram omnibus Patribus reprehensus. Ipse autem hærebat cogitans, an expediret reddere sui rationem: eò quòd quidam ex grauioribus & Sanctis Patribus, qui ibi aderant ei suadebat, vt faceret: siquidem ad eò verè id poterat facere; imò illum vrgebat & obstringebat, vt faceret, eò quòd bonum ipsius nomen in materia virtutis tanti esset momenti, tam erga domesticos, quàm erga externos. Sed cùm illud consilium propensionem suam naturali valde arri-deret, noluit illi fidere, sed locutus est cum quodam alio Patre valde fideli Dei seruo, qui dixit ei: si taceret, nec publicè aut priuatim in ea causa pro se responderet, fore id magnum & gratum Deo Sacrificium: Et ita fecit, successitq̃ue illi ad eò benè apud Deum Dominum nostrum qui liberali sua manu heroicum illud silentium remunerauit, vt sapius gratias illi egerit pro tam bono cōsilio; quod postea in omni occasione occurrente seruauit;

& in ijs, quas nunc referimus, quàm diu Superiores non iubeant ex obedientia, sui rerumq; suarum rationem reddere.

IN IERIŒM, totum ipsius solatium erat in Oratione & Sacro ad Deum suum recurrere: à quo responsa accipiebat, quæ ipsum consolabantur, animumque in his pressuris addebant, vt ex ijs quæ ipse in suo libello refert, apparebit. Dicens, quod cum esset corde valde compressio, ex re quadam sibi aduersa, existenti in Sacro, Dominica nona post Pentecosten, dederit ei Deus quatuor interna sensa, quibus cor fuit dilatatum. *Primus* sensus fuit ex verbis illis Apostoli, quæ habentur in Epistola: *c fidelis Deus est, qui non patietur tentari te supra id, quod potes.* *Secundus* fuit ante Sacram Communionem, dicens ei internè: si Religioni huiusmodi fel deesset, quid tibi mei càsa ferendum superesset? & tunc mihi occurrebat, quòd si ego essem qualis deberem, debuisssem potius similes fellis haustus, imò etiam amariore optare; & si huiusmodi difficilia & ingrata vitæ iusti desint, idem esse, atque si Christi Domin. coronæ spinæ deessent, aut auri cuspides, preciosæ vesti. *Tertius* fuit ipso tempore, quo sumpturus eram sacratissimum Sacramentum, audiui enim internam quandam vocem dicentem: hoc fac pro te quid tu fortè facies? quasi hoc dixerit: Offer, & accipe (quod facis) corpus & sanguinem meum: ex quo vires accipias ad tuas ferendas angustias: proprijenim tui commodi causa, quid tale esse potest, quod tu non facias, ferasve libenter? *Quartus* fuit in gratiarum actione post Sacram communionem, quasi internè hæc verba audiret;

c 1. Corint.
10. 13.

diret; conquiesce, & in hoc solare, quod hæc tua pressura geratur, vidente & cognoscente Deo, qui etsi posset, non tamen illam remouet, etiamsi plus te diligat, quàm tu te ipsum. His solidis adeò rationibus animabat Deus D. N. hunc seruum suum, vt demissè valde ac patienter huiusmodi pressuras, & internas, externasque difficultates & molestias ferret.

IPSE quoq; se ipsum animabat, & spiritum resumebat, alloquens se ipsum, dicensq; sibi: erras, si cogitas, te integrum, & non benè contusum peruenturum ad cælum. Cælorum enim regnum est detruncatorum regnum, têtatorum, afflictorum, contemptorum, & qui has & similes alias ærumnas & calamitates experti sunt. Quomodo igitur auderes inter tot adeò celebres ac decantatos Duces, & Capitaneos comparere, adeò timidus; vt si Deus causam & litem tuam tibi ipsi decidendam committeret; eam contra te ipsum decideres? Deus vult, te hoc intelligere preciosum esse bonum, quod quærimus, pro quo obtinendo tanta toleramus. Si cupidus quispiam in sua vinea colenda multas pecunias, & tempus expendisset: & post magna indicia copiosi fructus, videret eā grandine confringi ac destrui: quid is in animo sentiret? quod si grandines ipsæ, aureæ essent; quātam acciperet consolationē? multò siquidem maius esset illi lucrū, quàm esset iactura vineæ. Aurei sunt lapides, valdeq; preciosi, contēptus vehemēter locupletantes eos, qui nouerūt esse patientes.

IN huiusmodi etiam occasionibus dicere solebat: debere vnumquemq; attendere: omnes, qui sunt in cælo Sanctos, ipsum aspicere, & expectare, quo-

Matt.

re, quomodo ipse difficultatem illam superet, & ex ea proficiat. Et Christus ipse Dominus noster dicebat: *discite à me, quia mitis sum & humilis corde*: attendens, quomodo nos in his difficultatibus geramus, iram mansuetudine frænantes; & contemptum humiliter tolerantes: saltem, ne ipse iure cōqueratur, quòd eius verbum, & exemplum parvi faciamus. Cogita, inquit, quid sentiat Superior, si se primò veniente ad communes Collegij occupationes: id non sufficiat, ut alij ad easdē exactè & ad nutū cōueniā; & se ad domū purgādā, scutellas lauādas demittēte, alij non imitētur, & se ad cōmunē orationē surgēte, alij ex ignauia in lecto remaneāt? Si igitur homo pulvis grauius fert, verba & exēpla sua optato fructu carere: quid sentiet Christus, si verbo suo non obediatur, & exemplum obliuioni tradatur?

Ex S. Bern.
Ser. 3. de Na-
tinit.

§. II.

EX ijs considerationibus spiritum resumēbat in suis tribulationibus, ex quibus valde profecit: quia non solū non ostendit irā, aut indignationem aduersus contemnentes, & persequentes ob causam prædictā; sed magnum potius amorem, & gratitudinem, quasi ab eis singulare aliquod beneficium accepisset; id quod est raræ virtutis indicium, ei valde similis, quam Christus ostendit blandius, ac tenerius cum suo venditore & preditore agens. Ita ipse in varijs occasionibus ostendit. Nam Fratri cuidam valde sibi familiari Salmanticæ dicenti: iniquè agere quosdam Patres, malè de ipsius rebus sentiētibz. Sermonem interruptit, dicens: istos Patres veneror ego, & super caput meum pono: eò quòd plurimum

rimum eis debeat anima mea; & per quos magnū bonū & vtilitas mihi prouenit. Et cū Villa-Gartiam ituro, vt Rector ibi esset, vbi erat quidam illorum Patrum futurus ipsius Subditus; idem frater dixisset: ibi poteris ei ostendere, quā malē tecum egerit, respondit ei P. Balthassar: quem ego ibi magis venerabor, & frequentius consulā, erit iste Pater. Et cū in eodem Collegio, valde Subministro commendaret, vt singularem adhiberet curam, ne quid Patri illi deesser, ei que valde indulgeret, Subminister, illius rei benē conscius, admirans dixit Patri Balthassaro, cur V.R. iubet tali homini indulgeri? respondit ei Pater cum magna mansuetudine & charitate: id facio, vt illum lucrer: quem si ego non lucrabor, ipse me lucrabitur. Alius quidam eiusdem Collegij retulit eidem, quæ de ipso dicebantur: Pater verò audiens subrisit, editis singularis lætitiæ indicijs. Quod aduertens, qui illa referebat, interrogauit, cur ipse adeò exultaret? Pater cum singulari lætitia respondit, quia nunc video, Deum mihi benē velle, quem per suorum amicorum viam deducit: nam diu fui sollicitus, quod videretur Dominus mei oblitus.

IN simili etiam alio casu, cū ipsi referretur quiddam satis graue, quod insignes quidam Patres bono Zelo contra ipsum fecissent: hoc respondit: in posterum certē quotidie istos Patres singulariter Deo in Sacro commendabo; fecitque quod dixit, explens ad literam, quod Saluator noster dixit: *a. orate pro persequentibus & Mat. 5. 44. & calumniantibus vos, vt sitis filij Patris vestri, qui in calis est.* Hac ratione valde proficiebat ex
occa-

occasionibus à Deo sibi oblati, ut ei pacem, hac via cōmunicaret: quam ita consecutus est, ut animum haberet omnibus euentis, prosperis & aduersis superiorem; nec ullus posset cor eius commouere, aut turbare.

Ex hoc inuictō eius animo oriebatur vis & efficacitas illa, qua in suis exhortationibus loquebatur de amore & affectu ad opprobria & contemptus ferendos: Auditores exhortans, ut cūm occurrerent, gauderent: quia expertus ipse erat, quātum ex eis proficeret. Imò interdum, ut paulò superius diximus, se ipsum ponebat exemplum, ut nos in re adedò difficili magis exstimularet. In eum finem audiui ipsum in quadam exhortatione referentem; quid euenisset in itinere, cū ipse ex Collegio Salmanticensi, ubi fuerat Rector, veniret Villa-Gartiam, ut Rector ibi esset: nam quidā, qui simul proficiscebatur, interrogauit socium Patris, quis ille esset, vnde veniret, & quò proficisceretur? quæ sunt ordinariæ quæstiones de huiusmodi viris in itineribus. Cui cū socius, quod verum erat, & iam diximus, respondisset: Viator ille, quasi rem valde perpendens, respondit, quòd qui erat Rector adedò præclari Collegij quale est Salmāticense, descendat, ut Rector sit in alio Collegio, quale est Villa-Gartiense: id non est absque aliqua causa non bona. Insinuās (ut alij quoq; qui simul proficiscebātur, cogitarūt) esse genus quoddam exilij & poenę ob aliquos eius defectus. Sanctus Pater, cū hoc audiuit, lætatus est ex tali cōtemptu, dicens nobis: huiusmodi contēptus absq; propria culpa esse bonos bolos sine villo osse. Et huiusmodi dedit ei Dominus multos, ut pinguesceret,

sceret, & cresceret in spiritu. Nam omnes, quos retulimus, non solum fuerunt absq; illius culpa; sed, quod amplius est, propter causas adeò sanctas, ut gloria potius dignus esset, siquidem crucem conscendit, non ut bonus latro, qui suis peccatis eam erat promeritus: sed ut ipse Christus, qui, cum esset innocens, cruci fuit affixus propter egregia sua opera. non benè ab alijs cognita, quorum causa dignus erat, qui ab omnibus hominibus honore afficeretur, & adoraretur. Similis etiam fuit Virgini Sacratissimæ, (cui erat pijsimè adductus) quæ ob conceptum filium Dei, quod opus erat æterna gloria dignum, venit in suspensionem apud S. Ioseph suum sponsum: quasi esset adultera. Quamvis nec Sanctus ille sponsus in ea suspitione fuit culpæ alicuius reus; ut qui rei adeò inusitatæ causam ignoraret: tunc autem multò melius sapiunt contemptus, cum nec contempti præcedit culpa; nec contemnens Deum offendit, propter zelum coniunctum cum ignorantiâ, quæ illum excusat à culpa. Nam licet sancti lætentur, dum contemuntur: gaudium tamen illud diluitur à tristitia, quæ oritur ex iniuria Deo, ab eum contemnente facta; & spiritali iactura, quam idem contemnens facit: dulcissimum tamen, ac iucundissimum est, contemptus & ignominias pro Dei honore tolerare absque vlla contra eundem admissa iniuria: tales autem fuerunt, quas Pater

Balthassar sustinuit, ut
dictum est.

(* *)

CAPVT

CAPVT XLl.

OCCASIONES HVIVS TEMPE-
statis, & responsio ad difficultates con-
tra Orationem quietis & silentij
propositas, & utriusq;
exitus.



DE O magna est nostra miseria,
 & iniqua astutia Sathanæ, do-
 norum Dei hostis, vt se in An-
 gelum lucis trāsfiguret ad nos
 decipiendos; accepta ex ipssi-
 met donis occasione tentatio-
 nis; quā conaturea destruere.

Sed quemadmodum suam ipse malitiam osten-
 dit, malum ex tantis bonis deducendo: ita Deus
 D: N. infinitam suam bonitatem & Omnipoten-
 tiam ostendit, dum ex malis deducit bona;
 nam licet permittat aliquos indiscretos cum Ze-
 lo quidem, sed non secundum scientiam, abuti
 frequentia Sacramentorum; Oratione men-
 tis, & ipsa contemplatione: cum tamen id per-
 mittit, magnum aliquod bonum quærit; aut
 ipsorum, qui ita impingunt, sed postea se emen-
 dant; aut aliorum, qui cauti ex eo euadunt; & ex
 alienis erratis discunt, recte agere, & interdum
 ad exercendam & probandam humilitatem &
 patientiam Magistri, permittit errare discipulos:
 quorum ignominia solet apud homines opinio-
 nem imminuere Magistri, quasi ignorantis disci-
 puli

puli errorem aut excessum ipse approbet: Id itaque euenit Patri Balthasari Aluário propter aliquos discipulos ex multis, quos habuit Ecclesiasticos & sæculares, dedentes se orationi: qui; contra ipsius Magistrimentem & intentionem, quædam faciebant, ac dicebant, quæ viris grauib; ac zelantibus occasione erant, non sentiendi benè de earatione orandi, quam illi sequebantur; ac pròinde nec de ipso Magistro, cui eam illi tribuebant, quasi per os discipulorum ipse loqueretur.

HANC suspicionem auxit, quòd aliqui ignorantes, aut parum prudentes contemnebant modum orandi mentaliter, per mentis ratiocinationes, affectus, petitiones, & colloquia cum Deo D.N. quem Pater noster S. Ignatius in libro spiritualium suorum Exercitiorum docuerat; ac dicentes: huiusmodi Exercitia esse, quasi vehicula infantum; quæ non sunt ipsis vsui, nisi dum non possunt per se ipsos ambulare: nam statim atque id didicerunt, vehicula deferunt, & proprijs pedibus ambulant; euntes cum minori labore quocunque volunt; & Spiritum sanctum nolle alligari ad regulas & præcepta orandi; sed inspirare vbi, & quomodo vult; eiusque inspirationem sequendam esse cum libertate spiritus. Quare potius vt arrogantes, quàm experti, exiguum suam ostendebant prudentiam & experientiam, volentes deducere omnes per eandem viam, quam ipsi tenebant: abducentes eos à communi & trita: qui erat manifestus error, ac deceptio contra mentem ipse dixit, & sapius docuit: Et ipsa experientia & sensum Patris Balthasaris, vt expressè hanc

hanc fraudem illi retexit, qui ordinario orandi modo, quem per sexdecim annos tenuit, tribuebat beneficium à Deo sibi collatum, quo ad Extraordinarium exaltaretur; & hoc deficiente, recurabat ad alterum, tanquam ad locum refugij. Cùm ergo de hac re sermo increbresceret, vt de veritate decerneretur, statuerunt Superiores huius Proinciæ, vt sui & modi suæ Orationis rationem redderet P. Generali Euerhardo Mercuriano, ad quem prædictus rumor iam peruenerat. Ipse verò promptissimū se ad id exhibēs, secessit ad domum recreationis Collegij Salmaticensis, vbi tunc erat Rector, & colligens se per quindecim dies in oratione, & consideratione rerum suarum internarum, scripsit relationem superius capite 13. positam, eò quòd tunc donum hoc cæleste illi contigerat.

SED aliæ quoque difficultates contra eius modum Orationis sunt illi propositæ, ortæ, & acceptæ (meo quidem iudicio) ex ijs, quæ audiuerant, & viderant, non tam in ipsomet Patre Balthassare, quam in alijs ipsum sequentibus, seque tanquam eius discipulos gerentibus: iusserunt ergo, illum ad eas respondere. Cuius causa Tractatum quendam confecit, in quo fusius ea, quæ ad orationem quietis & silentij, vt vocant, pertinent, explicauit: quorum aliqua posuimus in capite 14. & sequentibus; alia hic subiiciemus, referentes responsa ad præcipuas difficultates illi propositas, vt sequitur.

(*) (*)

S. I.

PRIMA difficultas est, quod in eo quiete Orationis modo, in qua anima nec meditatur, nec ratiocinatur, videtur nihil fieri; sed amitti tempus, quod vtilius expenderetur in virtutum actionibus exercendis. Ad quam difficultatem respondetur: In eo orandi modo non solum non praetermitti fieri aliquid; sed potius multum fieri: & vt S. Bernardus ait, hoc Officium esse negocium negotiorum; & operum maximum opus, de quo Dauid dixit, *vacate & videte, quam suavis est Dominus*; & S. Augustinus: otium Sanctum quaerit charitas veritatis. Ex actibus autem, quos anima ibi facit, satis apparet, eam non otia-ri: quamuis enim cessent intellectus discursus circa particularia mysteria: non tamen cessant affectus voluntatis in conspectu Dei, quem fidei oculis aspicit; nunc enim reuerentiam ei exhibet, nunc admiratur ob ea, quae Deus illi reuelat de se ipso ac suis perfectionibus; interdum gratias agit, interdum gaudet, quod illum videat, seque in eius conspectu: sicut homo aliquis manet coram alio, quem valde amat, magnamque sentit ex eo solatiū; alias se ipsum, voluntate omnem, & omnia sua eidem Deo offert; petitque inprimis dari sibi se ipsum, deinde eius dona: non vt in illis conquiescat, sed vt per ea tanquam per gradus ad ipsum conscendat; aliquando cor suum breuib. imò nullis verbis aperit: Deus enim statim capit egeni necessitatem; si vel se coram ipso constituat, (sicut facit pauper collocans se coram diuite, nihil loquendo: eius enim necessitas & indigentia satis loquitur) exspectans Dei miseri-

Ad Tract. de Monte Dei Psal. 59. de Cinit Dei cap. 19.

Hh

cordiam

cordiam cum plena suæ voluntatis resignatione: quamuis tali visitatione indignum se iudicet: aliàs denique se componit iuxta varios affectus; ac sensa; quæ Spiritus sancti vnctio suggerit, qui præcipuus est huius facultatis Magister, iuxta illud S. Dionysij ad S. Timotheum: *conuerte ad te radium.* ex quo admiranda illa vnio prouenire solet, quam idem sanctus *ignoti cum ignoto* appellat: quod est supremum mysticæ Theologiæ: quam vnionem, qui non est expertus, non satis poterit explicare, sed eam nunc insinuasle sufficiet.

SE D hinc secunda oritur difficultas. quòd enim quis, meditatione prætermissa, expectet, donec Deus loquatur aut inspiret, aut aliquid reuellet, videtur quodammodo tentare Deum, & error affinis deceptioni Illuminatorum. Ad hoc respondetur: Orationem sine mentis discursibus; & per solos affectus; tùm sit supremum culmen huius Exercitij; non inueniri in Tyronibus, nisi speciali Dei merore ad eam præueniantur; aut in ijs, qui longo tempore meditationibus se exercuerunt: ex quibus transeunt ad hunc Orationes quietæ modum, lumine, quod ipse Dominus communicauit, & adhuc communicat. Quare quod quis tunc abstineat à ratiocinationibus circa res particulares pertinentes ad ipsas Dei perfectiones, aut ad nostram reformationem, quæ alio tempore fieri potuerunt; non est censendus Deum tentare: vnumquodque enim exercitium exigit suum tempus; quemadmodum etiam in meditatione non semper est petitio, nec semper gratiarum actio. Cùm igitur ad hunc orandi modum non perueniatur, nisi per Dei vo-

catio-

cationem: placet illi, vt vocatus, exerceat se tunc temporis, non desiderandis, aut expectandis reuelationibus; sed agnoscenda diuina eius præsentia, & exercendis in eius conspectu prædictis affectibus. Nec vllam hoc cum Illuminatorum rebus affinitatem habet: illi enim omnia ex arrogantia & superbia faciebant; nec vocati à Deo, nec dispositi ac præparati, vt oportebat: ac propterea in illo Orationis modo Deum tentabant: nihil enim intelligebant; sed omnino distracti, tempus ibi consumeabant, nec fructum vllum ad morum reformationem ex eo hauriebant. Modus autem hic Orationis ad contrarium omnino impellit; & nisi hoc adsit, non patet ad illum accessus; & qui illum aggreditur, nec tamen fructum percipit, non tolerat illum; potius à se repellit, ac, vt arrogantem, reprehendit: non enim potest cum tuta quiete, & absque reprehensione iusta ante Deum comparere, qui eius spiritui repugnat: spiritui sci puritatis & sanctitatis, reformationis & subiectionis, quæ diuinæ voluntati debetur.

Sed statim occurrit tertia difficultas, eò quòd non sciatur, quando hæc via tenetur ex Dei vocatione, & non ex parua humilitate, & cupiditate iucunditatis ac dulcedinis Dei, qua etiam amor proprius alitur & fouetur: sed respondetur ex effectu tanquam vestigio quodam, quod modus hic orandi relinquit, agnosci, eum esse Dei: quemadmodum ex fructibus dignoscitur arbor. Nam modus hic quando rectus est, & à bono spiritu prouenit, cor ipsum colligit ad Deum, mollescit, subijcitq; eius ordinationi; illudq; impellit,

Hh 2 vt re

ut re ipsa Deo tradat, quidquid ille petierit de se, suis delitijs, commodis, & honore: intelligens, quod, qui tantum obtrinet, ut Deum sibi habeat amicum, valde multum acquirat: pro quo si dederit omnia quæ possidet, commodo satis precium acquisiuerit: nam qui dederit Deo quidquid ipse petierit: confidenter poterit ab eo petere, quod sibi maximè expedit: inclinatur quoque sic orantem, ut studeat assimulari exemplari perfectionis ipsius Christi Domini, nominatim in sui ipsius contemptu, & vniuersali propriarum voluntatum abnegatione, & fidelissima ipsius Dei voluntatis executione. Quia per hos effectus & alios similes in se ipso experiri, tutus esse potest, quod sit à Deo modus illuminationis, qui ad eos extimulat & impellit.

Sed statim locum huius quarta difficultas:prehenditur enim, eorum hanc viam tenent, occultè, & minimè id sentientes, aut cogitantes, inaniter extolli, præferre se ordinariū meditandi modum tenentibus. Ex quo prouenit, ut pertinaciter modo illi adhærescant, nolentes subiicere se iudicio superiorum, suorumque directorum, quos vident contrarium sentire, quàm ipsi: quia se existimant spirituales, ac propterea se posse omnia iudicare, & à nemine debere iudicari. Sed facilè huic difficultati respondetur. Huiusmodi, & quoscunque alios defectus in tenentibus modum hunc orationis obseruatos, non ab ipso modo, sed ab imbecillitate, in dispositione, aut imperfectione ipsius orantis (qui corrigi & emendari debet) prouenire: non tamen propterea modum ipsum esse damnandum: Nam similes defectus

fectus accidere solent vtentibus ratiocinatione,
 & interdum quidem maiores, nam & ibi facile o-
 ritur vanitas ex præclara aliqua in ratiocinando
 inuentione: non tamen propterea quod vnus aut
 plures abutantur aliquo mentalis orationis mo-
 do, ille censendus est malus, aut deferendus: nam
 tunc etiam ipsæ meditationes, & Sacramento-
 rum frequētia essent omittendæ, propterea quod
 aliqui eis abutantur, aut potius propter defectus
 in earum vsu admissis. Ex quo fit, quod si Superio-
 res, aut qui tales orantes dirigunt, eum orandi
 modum prohiberent. illi censerentur rei, nisi tali
 prohibitioni parerent: Et tamen nisi probationis
 causa, non possent Superiores tuta conscientia
 talem prohibitionem facere: cum & ipsi tenean-
 tur animas per viam spiritus dirigere, per quam
 Deus illas ducit, & illi proficiunt, & multi san-
 ctieam tenuerunt, ac tenent, vt prædictum est.
 Quam diu tamen Superiores id non prohibue-
 rint, non erunt illi rei, si eo modo vtantur: aut
 existiment, se posse iudicium ferre de rebus spi-
 ritualibus, quas ipsa experientia melius didice-
 runt; quàm qui talem experientiam non habent:
 quemadmodum non est damnandus Iurisperitus,
 propterea q̃ existimet, se melius posse iudiciũ fer-
 re de rebus, quarum notitiam suo labore & studio
 comparauit, quàm qui tali studio nunquam incu-
 buit: neq; est contra humilitatem Dei, quod quis
 eius dona agnoscat, vt ait Apostolus: *a nos non* a 1. Corint. 2.
spiritum huius mundi accepimus, sed spiritum qui 12.
ex Deo est, vt sciamus, quæ à Deo donata sunt
nobis.

Ex his abundè satis fit quintæ difficultati,

H h 3 quod

quod scilicet multi adeò se huic orandi modo tradant, vt quasi in continua sint ecstasi, oblitì obligationum charitatis & Obedientiæ, & verè mortificationis, ac solidarum virtutum acquirendarum, solum contenti, quòd quasi versentur in nuptijs, indulgentes sibi dulcedine talis Orationis: ideoque retento nomine spiritualium virorum, substantiam vitæ spiritualis non curant. Ex quo etiam prouenit, vt alij subtrahant se ab agendo cum proximis, & iuuandis animabus, vt semper sint suæ Orationi immersi; ex qua, quòd non vtantur ratiocinatione, non eliciunt veritates, quas possint proximis, quibuscum agunt, proponere: quod totum repugnat ei Instituto, cuius scopus est, hac ratione proximos iuuare. Item alijs eundem orandi modum tenentibus vires corporis debilitantur, quæ essent ad satisfaciendum status & Officij sui obligationibus necessariæ.

Sed huiusmodi defectus verè ex ipso modo Orationis proueniunt, sed ex imprudentia, ac discretionis defectu eo modo vtentium: qui propterea corrigi debent & moneri. quòd si contenti sint eo solo, quòd sint intra se recollecti, non verò studeant mortificationi, alijsque virtutibus acquirendis: verè decipiantur; & nisi modum ponant, seque emendent, suspecta haberi potest talis recollectio, nec diu in ea perdurabunt: quamuis, quòd aliqui sint defectus, non est tantopere mirandum: cum omnes aliquos habeant, etiam, qui benè alias habent. Ex quo fit, vt cum charitatis aut Obedientiæ, aut Officij necessitas exigit, vt agatur cum proximis: ipsamet contem-
platio

platio tales exstimulet & ad id præstandum impellat, quemadmodum Sanctus Gregorius, & Sanctus Bernardus dicunt: & experientia ipsa dicit in ijs, qui suam Orationem bene instituunt. Sed ubi non sunt eiusmodi necessitates, aut obligationes Obedientiæ, nec sanitas corporis læditur: non est malum Deo hoc modo Orationis vacare, iuxta regulam S. Augustini: otium sanctum querit charitas veritatis; negocium iustum suscipit necessitas charitatis: quam sarcinam si nulus imponit, intuendæ vacandum est veritati. Quapropter poterit quis huic Orationis & contemplationis modo se tradere, postquam Obedientiæ & charitatis obligationibus satisfecerit; salua etiam corporis sanitate: nam si vires corporis debilitarentur, quod eo uti nesciret, aut nimium illum continuant, aut ex capitis debilitate pergere non posset: merito deberet à talimodo abstinere, etiamsi ipse modus ex se talen debilitatem non adferret: cum alias minushic defatiget ac debilitet, quam ille, qui sit permentis ratiocinationem. Ac propterea Sancti, qui hunc modum tenebant, diutius poterant in Oratione perdurare. Quod si in talimodo non plures habentur conceptus; acqui-
runtur tamen plures virtutes, quæ Deo magis placent: cuius auxilium tempore necessitatis experiuntur. nec illis nocet, non attendit tunc, ut singulares conceptus inveni-
rent, quod alio tempore fieri potest; & præsta magnum feruorem & spiritum ex Oratione haurire, ut exprimere possint, quod alias senserunt ac perceperunt.

*In id Iob 7.
si dormiero,
dicam: quan-
do confur-
gam. Serm.
52. in Canti.
Lib. 19. de
Civit. Dei
cap. 19.*

SEXTA difficultas est, quod hic Orationismodus ita hominem ad se trahit, ut videatur omnis deuotio ad Sanctos, & antiquas receptasq; Orationes vocales euanesce: ideoque negligi petitionem rerum necessariarum pro Ecclesia, & rebus particularibus. Ad quod respondetur: hæc reuera non euanesce; sed potius pluris aestimari, tanquam media, per quæ tales perueniunt ad id, quo magna quiete fruuntur. Et cum alij aptiores sint ad vocales Orationes, quam ad mentalia exercitia; ideoque eas suadent illis spirituales Magistri: ita alij è contra minus habent Orationis vocalis, quæ tanquam medium est ad internam deuotionem inflammandam. Ideoque S. Thomas ait: cum non est in præcepto, debere interrumpi cessare, quando animus iam sentit se inflammar: expedit enim obtento iam fine frui, non lætando multum in medijs. unde videmus, multos viros prouectæ & excellentis virtutis non alio hærare in Orationibus vocalibus, atque alio incipientes, aut ipsosmet, cum incipiebant: non quod eas spernant, aut parui faciant; sed quod ad corda sua ad Deum eleuanda, non multum opus habeant motibus huiusmodi externis. Et de P. nostro Sancto Ignatio refertur in eius vita, quod non posset in Officio recitando progredi, propter copiosam, quam habebat cum Deo D. N. communicationem; & quod eius socij impetrauerint à Summo Pontifice dispensationem, ut intermittere illud possit, eò quod totam ferè diem in eo conumeret, hærens in singulis ferè verbis, ut visitationi Dei locum daret: & quam diu illud diceret obligatione tenebatur, necesse fuit ei satisfacere,

etiam si

etiamsi tota die in eo occuparetur: alioquin irreuerentia fuisset, & ingratitude citò se ab eo expedire. Quare, vt aures Deo ipsi præberet, & internis sensibus attendere, vocalem orationem cum legitima facultate reliquit; non tamen mentalem; cui etiam non totum tempus impendebat, vt alijs quoque obligationibus satisfaceret. Nec tamen in hoc Orationis modo omittuntur Petitiones; sed potius non petendo, occulto quodam modo plus petitur; quia eo tempore occupatur orans in re magis Deo grata; ac proinde melius impetratur quod petitur, quia dantis Domini voluntas magis ad dandum allicitur. Et cum Deo nota sint illarum necessitates, & animus serui sui, earum reparationem optantis, nec tamen expressè tunc petentis, vt totus in eo, quod ipsi placet, occupetur; ac diuinæ eius prouidentię confidens, curat eis tanquam ad se pertinentibus in tempore prospicere: quemadmodum solent Domini, fidelem aliquem famulum habentes, qui magno cum amore ipsis seruit, attendere vt etiam ipso non petente, eius, & ad ipsum spectantium necessitatibus subueniant: maximè cum ad aliquid expressè petendum alia sint tempora; illud verò non sit aptum ad expressam petitionem. Siquidem spirituales Magistri communiter dicunt: quando Deus cum benedictionibus dulcedinis aliquem præuenit, excipiendam talem visitationem cum humilitate: nec ad alios conceptus, aut affectus diuersos diuertendum, etiamsi in specie boni esse videantur: hostis enim semper conatur nos decipere; & ijs, quæ nobis dantur, defraudare; aut ipsa nostra ignorantia eisdem nos spoliabit, sub præ-

textu gratias tunc agendi, aut magna quædam pro hoc vel illo petendi : quod licet in se bonum sit, non tamen expedit eo tempore fieri , quo Deus vocat & impellit ad aliud.

§. II.

SEPTIMA difficultas est, quod hic orandi modus videatur hominem retrahere à communi Institutione circa modum orandi, quem P. noster S. Ignatius tradidit, Doctoresque communiter commendant ; ac proinde diuisionem quandam inter eiusdem communitatis homines efficit, his hanc viam, illis illam tenentibus. Sed facilis est ad hanc difficultatem responsio , dicimus enim: hunc modum potius fauere communi: nam, cum Dominus noster speciali sua inspiratione ad hunc non impellit, à communi inchoandum est, à quo alter hic modus oritur : median- te enim meditatione quies obtinetur contemplationis. Et author Exercitiorum ex speciali gratia ab eis ascendit ad hunc modum, cum de eo dicatur : potius se habebat *passiue* fruendo sibi oblati ; quàm *actiue* quærendo per ratiocinationem , vt aliquid inueniat : quia iam tunc quiescebat , quasi qui ambulando ad terminum peruenisset. Quamuis autem communis orandi modus debeat ordinariè omnibus proponi : si tamen Dominus noster aliquem statim in initio ex speciali fauore collocet in oratione quietis, debet ea via iuuari : & eadem ratione ijs, qui per aliquot annos in ratiocinationibus & meditationibus sunt versati , beneque profe-

profecerunt ; & ad hunc orandi modum cum interna quiete , & in Dei conspectu , & per modum contemplationis sunt benè dispositi , licebit consulere , non quidem , ut meditationes omnino deferant ; sed , ut sensim remittant aliquid de ratiocinatione , addant verò plus aliquid de affectu : quasi satis de ratiocinationibus habentes , affectus illos in se excitent , quos superius retulimus. Et hoc est quod Pater noster Sanctus Ignatius dixit in Additionibus suorum exercitiorum : ut in quo puncto quæsitam devotionem inuenerimus , in eo hæreamus absque anxietate ulterius progrediendi , donec nobis satisfecerimus. Et idem consilium ei dari potest , qui ex imbecillitate , aut ex alia causa non potest rectè longas habere ratiocinationes : ita tamen , ut in omnibus sequatur iudicium eius , qui in hac causa iudex esse potest : cuius dictamen prudentiæ , & regulis superius positis innixum , accipi potest pro sufficienti Dei vocationis & voluntatis indicio : qui solet tales adiuuare , & quando minimè cogitabunt eos ad contemplationis quietem exaltare. Neque hoc est diuisionem facere in communitate : nam modus orandi per affectus cum exigua ratiocinatione in genere , est multorum ; cuius quod maximè est perfectum , est paucorum : semper enim perfectio inuenitur in paucis : & vtinam essent multi , ut torpentes excitarent : quare ambulare hoc modo per viam particularem non nocet ; Deus enim non confert


valde

valde particularia dona ijs, qui via vitaque comuni sunt contenti.

HÆC est summa & substantia eorum, quæ P. Balthassar tractatus continebat: ad cuius finem hæc verba adiecit, ad P. Visitatorem huius Prouinciæ, ad quem illum dirigebat, hoc mihi occurrit respondendum V. R. circa hunc orandi modum: per amorem Dei (cui V. R. placere desiderat) illud videat, ac examinet; mihi quæ & reliquis huius Prouinciæ, quorum iudicium & consilium requirent ij, qui videbuntur à Deo per hanc viam duci, præscribat, quid accipere, & quid omittere debeamus: per hoc enim medium ex ipsius bonitate spero, indicium nobis & illis daturum suæ sanctæ voluntatis.

EXITVS huius tempestatis, quod ad ipsum P. Balthassarem eiusque modum Orationis foelix fuit & prosper: nam cum hæc causa esset à Superioribus alijsq; viris grauib; examinata, soleatq; Dominus noster humiles, exaltare, eorumque tueri honorem, quem ipsi tacentes & sustinentes ob diuinum eius obsequium periculo exponunt, ita rem direxit, vt eius innocentia & veritas omnibus innotesceret: non solum ob ea quæ in suis relationibus dixit: sed multò magis ob heroicam humilitatem & patientiam, quam in hac occasione ostendit. quæ virtutes magnum præbent testimonium innocentiae patientis: bona enim conscientia, quæ tuta & secunda est coram Deo, magnam adfert animi fortitudinem, pacem, & quietem, in ijs, quæ ab hominibus patitur. Et ipsemet modus, quo in sui reddenda ratione vsus est, adeò fuit humi-

humilis, ac subiectus, ut admirationem Superioribus attulerit. Quare ipse Pater Visitator Iacobus Auellanedus, videns hominis demissionem & subiectionem, quâ ipsi tradiderat sua scripta examinanda, & quibus ad ea quæ ipse interrogauerat responderat, dixit: nihil sibi tantam attulisse admirationem, & ædificationem in hac Prouincia, atque P. Balthassaris animi demissionem & candorem in agendo; & Pater Generalis Euerhardus Mercurianus, licet non approbauerit, quod hic orandi modus ita communiter spargeretur, ideoque generalitatem illam moderatus sit (ut paulò post videbimus) magnam tamen opinionem & æstimationem de Patre ipso Balthassare concepit; eumque ad duo officia vnum post alterum maximi honoris & momenti, quæ Societas habet in Hispania, promouit, ut inferiùs dicetur. Eadem hæc tempestas siue tribulatio fecit eum magis innotescere; (cum aliàs ex eadem putaretur magis humiliandus & confundendus) & accelerare in cursu, qui non erat diuturnus futurus: ut gloriosior esset eius corona.



MAGNI MOMENTI AC TRITISSIMUM esse modum orandi per Meditationes affectus, & Colloquia cum Deo; ac proinde omnibus esse proponendum & commendandum.



E, quæ proximis capitibus diximus, occasionem præbeant minoris faciendi ordinariam & tritam Sanctorum viam circa mentalem Orationem; nec vllus authoritate propria audeat imites ac terminos ab antiquis Patribus nobis præscriptos transgredi: necessarium existimaui: valdeque vtile, summam quandam facere præcipuarum rationum quæ confirmant, & extollunt Orationem per mentis rationationes, ac meditationes circa mysteria diuina cum Sanctis affectibus, petitionibus, & colloquijs cum Christo D.N. ad quæ illa mouent, & impellunt nostram voluntatem.

SIT itaque prima & fundamentis ratio, quod cum proprius & immediatus Orationis mentalis (quæ opus est intellectus nostri, fidei lumine illustrati) finis sit; supremam illam cognitionem assequi; de qua Christus D. N. dixit æterno suo Patri: *a hac est vita aterna, vt cognoscant te. solum Deum verum, & quem misisti IESVM Christum filium tuum: certum est; neminem posse in hac*

hac vita perfectam æternæ participationem (quam beatitudinem inchoatam appellant) consequi, nisi per contemplationem perfectam, in qua excellentissima & suprema hæc duo obiecta (Deus qua Deus, & Christus verus Deus, & homo) cum ea claritate perspiciuntur, quæ simul cum fide esse possit. Et quamvis Deus ex sua speciali gratia infundat interdum huius cognitionis magnitudinem & claritatem, non præmissa ex parte hominis diligentia: est tamen præsumptio temeraria; & censebitur tentare Deum, qui tale donum speret, aut petat, non præmissis diligentijs, quas idem Dominus iubet, tanquam dispositiones ad illud consequendum. Hæ autem (vt Sanctus Thomas ex Sancto Augustino, & Sancto Bernardo in Scala spirituali dixit) sunt Lectio; Meditatio, & Oratio: legendo scilicet scripturam diuinam, in qua est vita æterna; & libros pios Sanctorum, vbi illa declaratur; meditando attentius diuina mysteria, perscrutando & penetrando ad profunda eorum, ac mente ab alijs ad alia discurrendo, vt melius illa capiantur; & orando & petendo à Deo lumen ad ea bene intelligenda. Ac propterea saluator ipse suis discipulis dixit: *b petite, & dabitur vobis: quærite & inuenietis*: ignauus enim aut arrogans, qui non vult petere: non est dignus accipere; & qui non quærit, non inueniet; & nisi pulset, non aperietur ei. Necesse itaque est, virum Christianum fidem suam excitare, animæque potentias applicare, ac lectione, meditatione, & oratione, quotidie laborare, vt voti sui compos fiat.

2.2.9.180.
Art. 3. in
Corpo. 6.
art. 4.

b Matt. 7.7.
Lucæ. 11. 9.

HVIC Dei Christiꝓue cognitioni coniungenda est sui ipsius cognitio, miseriarum, & peccatorum suorum, & grauitatis eorundem: quæ etsi adeò sit homini propinqua, non tamen obtinetur, nisi quis per meditationem in se ipsum ingrediatur, expendatꝓue omnia damna, & pericula, quibus expositi sumus, & quæ nostris peccatis sumus promeriti. Necesse etiam est ratiocinationis oculos, ad ea extendere, quæ in morte & iudicio particulari & vniuersali euenient; ac similiter cogitatione descendere ad intuendum, quid in Inferno & purgatorio agatur; ascendere verò ad ea in cælo videnda, quibus beati perfruuntur. Quæ omnia, secundum ordinariam legem & viâ, non obtinentur nisi per meditationem: quæ clausos hosce libros explicat & aperit, ad occulta in eis contenta perpendenda. Et quamuis S. Augustinus in sua Oratione ad Deum clamaret: *Dominè nouerim te, & nouerim me*; non tamen sola ea petitione contentus erat, vt speraret, Deum duplicem illam cognitionem sibi infusurum; sed laborabat suis meditationibus, vt illas assequeretur; & reliquit libros de eis; vt, qui non possunt, aut per se ipsos non nouerunt meditari, defectum hunc suppleant lectione eorum, quæ alij sunt meditati: facientes quodammodo propriam meditationem ex aliena. Ad hæc præcipuus Orationis mentalis finis est, voluntatem permouere ad nobiles illos actus exercédos, quos dicimus affectus amoris Dei, doloris peccatorum, resignationis propriæ, & alios similes. Quamuis enim Deus noster tanquam voluntatis nostræ Dominus, possit illam, vehementibus suis inspirationibus vel in momento

momento permouere: ex lege tamen ordinaria, vult hominem, mentis discursibus ac meditationibus voluntatem suam impellere, & allicere ad res illas sanctas, quas meditatur. Nam qui non aliud facit, quam accedere ad ipsam Orationem, relinquens Deo, vt ipsum moueat: facile inueniet se deceptum; & nisi ad aliquid ferio cogitandum se applicet, totus erit distractus, aridusque manebit; tempus amittet, & erit ociosus. Nam quemadmodum necesse est ligna ordinatè componere, & ad prunas exsufflare, vt ignis accendatur, & flamma excitetur: ita necesse est lectione, & meditatione veritates cumulare diuinorum mysteriorum; & exsufflare, prunasq; piorum desideriorum irritare, quæ nos ad Orationem habendam impulerunt: vt magnus ignis amoris Dei, contritionis, aut aliarum virtutum accendatur. Quam ob rem S. Basilii, cum dixisset, bonum affectum consistere in vehementi quodam Deo placendi desiderio, cum firmitate & constantia, addit: eum affectum generari per meditationem & considerationem diuinarum perfectionum ac beneficiorum, quæ accepimus à Deo.

*Regula 137.
ex Brenio.*

ACCEDIT, quod orare, propriè sit loqui & conferre cum Deo de negotio nostræ salutis. Et quamuis Spiritus sanctus sit, qui doceat nos *cogitationibus inenarrabilibus postulare*; & animæ lingua (vt S. Bernardus ait,) sit ipsa Deuotio, sine qua nemo potest cum verbo diuino colloqui: de lege tamen ordinaria huiusmodi deuotio (vt ait Sanctus Thomas) non habetur, nisi per meditationem, aut contemplationem: cum autem hæc sit paucorum: deuotio ordinariè oritur ex meditatione,

c Rom. 8. 26

Serm. 45. in

Cant.

2. 2. q. 82.

Art 3.

tione, quæ etiam docet, & ostendit, quæ sint à Deo petenda; & rationes, ac titulos ad impetrandum afferendos; oblationes Deo offerendas: educendo hæc omnia ex ipso mysterio & meditationis argumento: ac propterea vt vocalis Oratio attentior magisque deuota sit, multum refert si aliqua eam præcedat meditatio; eritq; fructus eius copiosior, si intellectus, sensum penetret, & assequatur verborum, quæ orat.

Ex his desumitur alia valde efficax ratio: nam præcipuus Orationis mentalis fructus est morum reformatio; vitiorum ac passionum mortificatio, & virtutum omnium exercitatio: qui tamen fructus, est dispositio ad perfectam contemplationem; in qua ratiocinationes illæ ac discursus cessant; & originem suam ducit ab ordinaria Oratione, quæ meditationibus innititur, vt dictum

2. 2. q. 180.
artic. 2.
In q. 182.
art. 1.

est. Nam (vt S. Thomas ait) virtutes morales, quæ passiones nostras compescunt, sunt dispositiones ad perfectam contemplationem necessariæ. Et Cardinalis Caietanus, eiusdem Sancti commentator, id ampliùs explicat præclaris hisce verbis:

- » Notent tamen, qui alios in via Dei instruunt, ad
- » profectum spiritualem, & diligenter efficiant, vt
- » prius in vita actiua exerceri faciant, quos edocet
- » seu instruunt, quàm ad contemplationis fastigium
- » suadeant. Oportet siquidem prius passiones do-
- » mare habitibus mansuetudinis, patientiæ, &c. li-
- » beralitatis, humilitatis &c. & sedare, quâ ad con-
- » templatiuam vitâ ascendere. Et ob defectû huius,
- » multi non ambulâtes, sed saltâtes in via Dei post-
- » quam multû temporis vitæ suæ contèplationi de-
- » derût, vacui virtutib. inueniuntur impatientes, iracundi,

cundi, superbi, si in huiusmodi ranguntur. Et pro-
pterea tales, nec actiuam, nec contéplatiuā, nec ex
vtroque compositam habuerunt, sed super arenā
fabricarunt. Et vtinam non sit frequens defectus
iste: Hæc Caietanus quæ sunt S. Gregorij, Bernar-
di, Isidori, aliorumque Patrum & spiritus Magi-
strorum doctrinæ valde conformia.

lib. 6. Moral.

c. 27. Serm.

48. in Cant.

Necessitas igitur est, vt omnes per meditatio-
nem attédant vitiorum suorum radices, eorumque
remedia inueniendæ; eaque cogitent, quæ voluntatē
ad ea applicanda alliciant, vt à suis vitijs perpur-
getur, iuxta illud Dauidis: *Meditatus sum nocte
cum corde meo, exercitabar, & scopebam spiritum
meum:* Ex quo fit, vt qui Orationi quietis & filētij
se dedūt, non iacto prius hoc fundamēto, & absque
speciali Dei motione, vitam ducāt infructuosam,
vtpote debili, aut falso innitentē fundamento; vt
propterea eorū Oratio: otiositas potius & spiri-
tus remissio appellari debeat: accidit, n. illis quod
auiculis è nido suo ante rēpus prodeuntibus: quæ
neque in altū volare, neque ad ipsū nidū redire valēt:
ideoque in terrā lapsæ vitā amittūt: ita hi, nec rectè
meditari norūt, nec in Dei cōspectu quieti cōsiste-
re; sed sēper in cogitationib. terrenis vagātur, eoquē
tētarint ante tēp^{us} ad sūmū spirit^{us} culmē p^{er} volare.

d Psal. 76 7

Esiquæ hoc adeò verum, vt ipsismet, qui ad
quietis Orationē cōscenderūt, opus si non obli-
nisci & omnino deferere exercitium meditādi, &
aliquid de mysterijs diuinis cogitādi: eò quod fauor
& motio Dei, quæ illos ad tantā quietē exaltauit,
sæpe cessat: vt tūc necesse sit, ipsos potētij suis o-
perari: nō. n. esse debēt tāquā naues eminētioris la-
bri, quæ nō nisi vëto moueātur; sed quasi triremes,

Ii a

aut

aut parvæ naues, quæ, vento deficiente, remis impelluntur; utroque verò deficiente, immobiles manent quasi in malacia: ita, inquam, vento specialis diuinæ motionis cessante, & non adhibita cooperatione, & industria nostrarum potentiarum, manerent otiosæ, & hærentes in via sua spirituali.

P R A E T E R E A, cùm sit æquum in mentali Oratione omnes conformari spiritui Ecclesiæ in festis, quæ illa celebrat, Christi Domini, & Sanctorum eius, nisi usus adsit meditationis horum mysteriorum, non aderunt, nec percipiuntur interna de eis sensa; nec materia ad colloquendum cum spiritu de eo, quod in pia meditatione non sensimus: nisi fortè aridè, ut solent Iurisperiti ex solo studio loqui: quare, quos ipse Deus per hanc ad eò excelsæ Orationis viam deducit, illustrare solet diuina sua luce ad hæc ipsa mysteria in talibus festis contemplanda: quod signum est, placere Deo, ut reliqui, per ordinariam viam ambulantes, ratiocinentur ac meditentur circa eadem mysteria.

I T E M, quod maxima nostra refert in hac vita, sunt solidæ firmæque virtutes, ut sint diuturnæ, nec ventis tentationum, aut varijs internis mutationibus moueantur: qui autem solis teneris affectibus, & suauitatibus Orationis (quæ dicitur quietis), innituntur, solent esse parum firmi, nec diuturni: eò quòd sensibilis deuotio tenerque affectus facilè mutetur & euanescat. Ac propterea S. Bernardus Eugenio Pontifici dixit: *noli nimis credere affectui tuo, qui nunc est*, eò quòd facilè so-
leat in contrarium mutari: quare virtus illa fir-
mior

mior ac solidior est, quæ innititur viuis rationibus ligantibus & convincētibz intellectum, quæ luce sua deceptionem retegunt, veramque ipsiusmet virtutis opinionem & æstimationem adferunt. Et quamvis Oratio extraordinaria, quam Deus ipse largitur, secum adferat huiusmodi rationes ac refectiones: ordinaria tamen lege illæ non obtinentur, nisi profundis meditationibus mysteriorum fidei, quæ sunt fodinæ & fontes ex quibus illæ eruuntur.

DENIQUE qui de Oratione agentes virtutes quærunt quibus Deus & Evangelica perfectio honoretur, meritò habere debent animum à proprijs consilijs ac iudicijs valde exutum, ac expeditum; nec præscribere Deo tempus visitationum, & misericordiarum suarum. Quare suspecta res esse debet, si quis generalem aliquam Regulam constituat, quòd scilicet, qui talem, aut talem adhibuerit diligentiam, per tot annos, aut menses, talem à Deo fauorem, aut virtutis gradum sit cōsequuturus. In qua re ab aliquibus notatur Cassia- *Colla 12. c. 15* nus, quòd præscripserit tempus aliquod ad Castitatis perfectionem obtinendam ei, qui adhiberet diligentias ab ipso ibi indicatas. Hoc enim non tam consistit in industria, arte, aut tempore, cum sit opus gratiæ & peculiaris Dei providentiæ, *qui unicuiq; diuidit pro vt vult, & quando vult.* Quare Orationis & virtutis exercitium incipientibus, plurimum refert, ordinariam tritamque viam tenere, & feruenter cooperari ex parte sua ordinariæ Dei directioni & gratiæ, remoris impedimentis, & præscriptis medijs adhibitis depositis curis & anxietatibus profectum, per vias

Extraordinarias, quos profectus meritò committent pronidentiae Dei, ut pro suo libitu dirigat, ac disponat quod magis expediet: suam interim stationem non deferentes, donec audiant: *amice, ascende superius.*

Ex dictis colligitur, omnes, qui dedunt se Orationi, siue seculares siue Religiosos, quod in ipsis est, inchoare ac progredi debere per viam hanc meditandi ordinariam, donec Deus D. N. illos vocet, & ascendere faciat speciali vocatione ad alium modum excelsiorem: quae vocatio statim atque innotescit, admittenda est. verumque enim extremum est valde perniciosum: tam illorum, qui absque hac vocatione, temere aggrediuntur, quod suas superat vires: quam illorum qui diuinæ vocationi resistunt, quando eis constat, Deum illos speciali alia via velle deducere. cuius rei iudicium erit apud prudentem & expertum spiritus Magistrum, cui ex Officio incumbet, benè examinare & intelligere speciales vias, per quas spiritus Domini suos deducit seruos; eosque ab eis non abducere; sed ut rectè tendant, & cum fructu progrediantur iuuare: nam in ipsarum meditationum via solet esse etiam magna varietas. Quosdam enim Dominus noster deducit per meditationes rerum terribilium, quae scilicet timorem incutiunt; alios per meditationes vitae passionisque Saluatoris, aut beneficiorum diuinorum; alios denique per alias, faciens, vnumquemque maiores motus, sensusque in his, quam in illis percipere; & in eisdem oportet illos iuvari: spiritus enim Magistri non aliud sunt, quam Dei Cooperatores & Adiutores, ad deducendas

cendas animas : ipse autem Deus præcipuus Dux est & Magister, quem reliqui sequi debent, ut dictum est. Quando autem ipse Deus speciali gratia non præuenit, sequendæ sunt generales regulæ in eius Ecclesia nobis relictæ. Sed tam hæ, quam illæ speciales, & omnes diligentia ac industria dirigendæ sunt ad excellentissimum omnis bonæ Orationis finem & fructum, amplectentis quæcumque suprâ retulimus.

CAPUT XLIII.

*HOMINES SOCIETATIS EVM
orandi modum sequi debent, qui in nostris
traditur exercitiis; eorum excellentia ex-
plicatur; additur q̃ quadam valde
spiritualis utilis q̃ de eisdem
exhortatio.*



ATIONES in proximo capite positæ sufficienter declarant excellentiam, & securitatem cuiusmodi Orationis, quem Pater noster S. Ignatius in suo exercitiorum libro tradit: estque in Societate in communi usu:

in quo libro continentur res omnes necessariæ ad perfectam mentalem Orationem, quam possunt homines quærere, cooperantes sua diligentia & industria Dei motioni, eiusque gratiæ quæ semper nos præuenit excitatque, ut illi cooperemur. Ponuntur enim in eo præparationes

ad Orationem; argumenta & mysteria meditationum; affectus ex eis deducendi; colloquia cum Deo instituenda; ratio, & modus potentias animæ ad hæc omnia applicandi, fructus & profectus, ad quos hæc sunt dirigenda; reflexiones & examina circa eadem instituenda, ad puriorem & excellentiorem fructum colligendum: tradit etiam modum ad contemplationem & perfectum Dei amorem ascendendi, & internis sensibus cum quiete ijs fruendi, quæ in ipsa meditatione occurrerunt. Quod eorum fusiùs declarauimus in nostris libris Meditationum, & Ducis spiritualis.

§. I.

NVNC subijciam speciales aliquas rationes, ob quas homines Societatis debeant hunc Orationis modum, quem P. noster S. Ignatius in suis exercitijs nobis reliquit, tenere, magnamque eorum opinionem habere. *Prima* est, quod ut Philosophi dicunt, res omnes eisdem causis conseruantur & augentur, quibus fuerunt generatæ: cumque Societas in suis initijs fuerit per hunc modum Orationis sensim generata, quo (ut P. Ribadenerius lib. 1. vitæ S. nostri Patris cap. 8. ostendit) vocati fuerunt & inceperunt primi nostri Patres, & ad magnam sanctitatis celsitudinem peruenerunt: Eadem igitur via nos eorum filij & successores ire decet: per quam, nisi nobis ipsis desinamus, ad eandem perfectionis altitudinem perueniemus.

DEINDE ex traditione habemus, quod Deus D. N. reuelauerit Sancto nostro Fundatori ac tradiderit

diderit hæc exercitia: (vt statim videbimus) nec dubium, quod non sint ipsi pro se solo tradita, sed vt per ea, religionem hanc Societatis plantaret, ad cuius foundationem eum elegerat; eaquæ filijs ac successoribus suis communicaret; essentquæ præcipuum armorum genus, quibus bellum Dæmonibus inferrent; animarum verò salutem promouerent; & ipsa experientia, id ita esse ostendit stupendis mutationibus & fructibus, quos in plurimis omnium statuum personis protulerunt: æquum igitur est, eum nos modum amplecti, & sequi tanquam nobis à Deo D.N. in magnam nostrā vtilitatem traditum. Et liceret etiam ipsos homines Societatis, qui nunc viuunt, testes huius vtilitatis adferre: ipsis enim manibus (vt dicitur) palpant spiritus renouationem, quam sentiunt ex eo, quòd singulis annis recipiant se ad hæc exercitia per octo decemue dies facienda.

AD cuius rei Confirmationem oportunum existimaui, specialem quandam reuelationem hic referre, quam spero omnibus futuram consolationi. Ex multis personis, altissimæ Orationis, quibuscum egi (quæ non fuerūt paucæ, postquam cum eis ago) fuit quædam, cui Deus D.N. & Sanctissima eius mater extraordinarias valde fauores, & misericordias exhibebant: de cuius sincera veritate, cum aliquid dicit, habeo eam moralem certitudinem, quam in huiusmodi rebus homo habere potest. Illa inquam mihi dixit, quæ referam. Cum illa intelligeret, homines Societatis, ad hæc exercitia facienda, se colligere Anno 1600. pro more nostro recepto: voluit & illa in domo sua se colligere, vt eadem faceret modo, quo pos-

fer. Cumque coepisset, & mane quodam in sua Oratione esset cum Domino, vidit oculis mentis venientem, & ad se appropinquantem Sanctum quendam Angelum insignis maiestatis: quæ obstupescens nesciens quid hoc esse posset, dixit ei ille se esse Archangelum Gabrielem, & missum à Sacratissima Virgine, ut ipsam saluaret, & quædam significaret. Illa, quæ valde erat humilis, hoc audiens, magis obstupuit; seque contraxit, petens ab Angelo, ut priusquam referret, quæ in mandatis habebat, permitteret ipsam diutius cum Deo D. N. de re adeo graui tractare (quod in huiusmodi occasionibus facere solebat.) Angelus, cui valde placet humilitas, & cautela; sanctaque illa ex reuerentia contractio; respondit, id sibi valde placere. Quare eo, quasi ibi non esset, prætermisso, accessit ipsa ad Dominum nostrum, (quem ubique præsentem esse fides sancta nos docet) magnoque animi sensu affectu suam ei miseriam & vilitatem proposuit, humiliter petens misericordiam; & ut ab ea dignaretur auertere quidquid sanctissimæ eius voluntati conforme non esset. Cumque in his & alijs huiusmodi petitionibus aliquamdiu hæssisset, audiuit internam Domini vocem dicentis, ut quæ Angelus dicturus ei esset, audiret. Et illa certior & securior interius facta quod totum illud esset Dei opus, cum in modum quo diuina sua Maiestas cum seruis suis agere so-

S. Thomas 2. 2. q. 171. a. 3. let, & cum suis Prophetis faciebat, audiuit flexis genibus, & magna cum reuerentia quæ S. Angelus in commissis habebat. Qui Reginae celestis nomine ei dicebat: exercitijs quæ facere cogitasti per mentis ratiocinationes & meditationes magnitudo-

gnitudinem Dei & infinitorū bonorum, quæ per Christum vobis cōmunicantur, (in eum ferè modum quo fiunt in Societate) singulare obsequium Reginae nostræ præstabis; significat enim tibi se fuisse & esse tanquam patronam & fundatricem illorum Societatis exercitiorum: nam se adiuvissē ac docuissē S. P. Ignatium v̄t ita fieret, ideoque hoc nomine initium se dedisse huic operi: imò & se toto tempore vitæ suæ in Sanctis huiusmodi exercitijs fuisse occupatam. Hæc fuit reuelatio de cuius veritate (vt dixi) perpensis omnibus circumstantijs eius, cui facta est, non possum dubitare. Certoque credo, non illi personæ factam fuisse reuelationem propter se; sed propter nos: vt scilicet Societatis homines, ac cæteri, qui sanctis his meditationibus exercentur, aliquod eis tempus seorsim tribuentes, pluris ea faciant, & ad ea continuanda magis animentur: siquidem talem habent fundatricem, protectricem, & adiutricem, qualis est ipsa Virgo Sacratissima, Dei mater, quæ etiam ea fecit, licet cum maiori excellentia absque vlla comparatione, quàm nos, voluitque rem hanc nobis manifestare, vt illustrissimum & sanctissimum eius exemplum sequeremur.

ALIA quoque ratio valde efficax permouere nos debet ad hunc orandi modum, eo quod Oratio non sit proprius finis Societatis, nec aliarum Religionum mendicantium, quæ cum proximis agunt: sed earum tantum, quæ solitariam vitam ducunt; sed instrumentum quoddam vniuersale, quo simul cum alijs medijs vtimur, ad virtutes cōsequendas & animas Deo lucrandas: quare eam Orationis formam sequi debemus, quā Dominus noster

noster nobis designauit, tanquam proprium aptumque medium ad nostri Instituti finem consequendum. Ea autem forma est, quam noster Fundator nobis reliquit, quæ aptissima est ad finem prædictum; proinde perfectè per eam obtinebitur.

HAS & plures alias rationes collegit breuiter ac pulchrè Pater Ioannes Suarius, huius Prouinciæ Præpositus Prouincialis, in quadam exhortatione, quam ex hac occasione tunc habuit. Pater noster Generalis Euerhardus Mercurianus grauitè tulit, cum ex literis nostrorum intellexit aliquos singulari quodam spiritu, non satis composito, contemnere rationem & formam Orationis nostrorum exercitiorum: velleque inducere quandam nouam rationem orandi. Et ita de hoc argumento literas dedit, tum ad P. Balthassarem Aluarium, tum ad P. Prouincialem huius Prouinciæ, mense Martij Anno 1577. & has ego vidi, & ex eis accepi aliquas rationes earum, quas in proximis duobus capitibus posui. (idem autem & illæ continebant, quæ ad Patrem Balthassarem dabantur) vtriusque autem commendabat, vt iuxta ea, quæ in eis continebantur, dirigerent iuuarentque nostros, vt modum Orationis nostrorum exercitiorum magni facerent, & sequerentur. Quod vt exequeretur P. Prouincialis, (cum ego Anno 1578, in hoc Sancti Ambrosij Collegio vltimo anno Theologiæ studerem) exhortationem spiritualem ad nos habuit valde refertam spiritualibus monitis, sanctisque documentis pro ijs, qui Orationi incumbunt, quam ego statim in libello meo adnotauì, visumque mihi est ad rem fore, illam

 hic

hic inferere eisdem ferè verbis; aliquibus tamen additis ad ampliorem eorum, quæ dicuntur, explicationem.

§. II.

Exhortatio P. Ioannis Suarij qua ostenditur, quanti sit momenti, quamq; tutus modus Orationis in exercitiis nostris præsriptus.

RATIONI omnino consonum est, nos gaudere, gratiasque Deo D.N. agere, quòd nobis modum præscripserit rectum ac securum cum ipso agendi, qualis in nostris exercitijs continetur. *Primum*, quia si Aduocatus & Iudex, & vnusquisque alius cupit, datque operam, vt rectè suo munere fungatur, eò quòd agi videat de suo honore, facultatibus, aut vita: quantò magis optare debet religiosus rectè in suo munere agere, hoc est in agendo cum Deo: cùm in hoc non solum de facultatibus, aut temporali vita agatur, sed de ipsa æterna. *Deinde*, quia si magni sit, quod qui aliquò proficiscitur, sciat se bonam viam tenere, absq; metu aberrandi, aut retrocedendi: quantò maioris erit solatij ei, qui agit de Oratione, quòd sciat se rectam tenere, ac tutissimam viam: esset enim valde molestum, si post aliquot annos in Religione & Oratione positos, deprehendat homo, se esse deceptum, eò quòd rectam viam nò tenuerit. Quod autem nostrorum exercitiorum via recta sit ac tuta, intelligimus *primò* ex fructu, quem

quem videmus ea fecisse in multis animabus, & stupendas vitæ mutationes in multis omnis status personis. *Deinde* quod (vt Pater noster Euerhardus Mercurianus mihi dixit) Romæ ex traditione habeatur, Patrem Iacobum Lainium dixisse, Deum D.N. exercitia Patri nostro Sancto Ignatio tradidisse. *Tertio* quod præ omnibus solatium adfert & securos nos reddit, est approbatio Vicarij Christi quæ constat ex Bulla Pauli III. ipsi libello exercitiorum præfixa, in qua illa approbat, valdeque commendat, & exhortatur fideles, vt eis vtantur. Quæ regula ita est infallibilis, vt non possit ei subesse falsum. Quod si modo ad eò solido, & approbato benè vtamur, securi poterimus comparere coram Deo in die nouissimo: vt qui modum & viam ab ipso nobis præscriptam tenuerimus: quod si decepti viximus, ab ipso Deo eiusque Vicario decepti fuerimus. Sed cum sit impossibile, quod nos Deus decipiat; & quod eius Vicarius in ijs, quæ toti Ecclesiæ proponit; aberraret: ideo nos eum modum tenentes nec decipimur, nec erramus.

Ex his sequitur securitatē Orationis non consistere in sensis ac delicijs spiritualibus; nec in eò quòd quis sibi satisfaciat; sed in vera Ecclesiæ, nostræque Religionis obediētia exhibita. Multos enim vidimus, internas delicias ac sensus habentes, & lacrymas fundētes, esse tamen deceptos, eò quòd sicut Saul, proprium iudicium sequantur, quod est Dæmonium voluntarium, errorum seminariū & hæresum scaturigo. quod ipsemet vidi Hispaniæ, vbi erat quidam hæreticus Iulianus Villauerdius, missus à suis vt ageret cum hæreticis, qui tunc occultè

occultè versabantur in Hispania. Captus fuit, & iussu Inquisitorum egi cum homine, eiusque affectum deuinxi: & cum ei dicerem, me salutem eius valde desiderare, respondebat: se etiam desiderare meam; sed hoc interesse, quòd ego existimarem: me salutem consecuturum per ea quæ docet Ecclesia; se verò, per id, quod ipsi videbatur. Loquebatur cum magno sensu de ipsius Dei rebus & interdum lacrymas fundens dicebat: Benedictus Deus qui consolatur nos in tribulatione nostra. Sibi quæ satisfaciens de via illa sua, dicebat: ipse enim ipiritus testimonium perhibet &c. existimabat infœlix: spiritum sanctum internum ei testimonium reddere, quòd bonam viam teneret: quod tamen non Sanctus; sed proprius, cœcus, & obstinatus spiritus dictabat. Combustus est viuis, cum tanta teneritate, ac lacrymis vt omnes obstupescerent: prudentes tamen aduertebant, Sathanam se transfigurasse in Angelum lucis, vt eum deciperet, ac obduraret. Hoc autem inter nos & illum discrimen erat: quod ille proprio iudicio duceretur, nos autem obedientia sanctæ Ecclesiæ: quam certa fide credimus à Spiritu sancto regi, ac gubernari: at iudicium proprium est dæmonium, quod appellant meridianum. Etiam Pater Magister Auila, post multos annos in Oratione positos,prehendit, se in multis quidem rectè ambulasse, sed in multis etiam aberrasse; & de vtrisque monebat me & quosdam alios Patres, qui morabamur Montillæ: exhortans nos ad gratias Deo agendas, quòd nos ad securam Obedientiæ vitam vocasset.

VT ergo ad modum Orationis nostrorū exercitio.

citiorum veniamus, suppono *primum*: quamvis verum sit, posse Creatorem absque vlla prævia causa creaturam suam consolari: ordinariè tamen consolari ac promouere adiuuantem se: quare incumbenti & contendenti contritionem habere, Deus dat deuotionem; & pugnanti, suasque tentationes & passiones vincenti largitur Manna absconditum.

DEINDE quamvis charitas sit, quæ nos faciat incipere, progredi, rectèque finire viam spiritua-lem: ipsamet tamen charitas incipientes inclinât ad poenitentiam & mortificationis actus elicien-dos; Proficientes, ad actus ædificationis sui & proximorum, imitantes virtutes in vita & passio-ne Christi D. N. prælucentes; Perfectos impellit ad actus amoris & gaudij de perfectionibus Dei & Christi D. N. & ex benè factis, ac malis tolera-tis eius causa.

TERTIO, quòd licet cor, in quo virtus aliqua aut spirituale donum prædominatur, ex omnibus substantiam hauriat virtutis illius prædominan-tis: exempli causa, si prædominatur spiritus hu-militatis, aut contritionis: etiam ex ipsa Christi Domini nostri resurrectione, & ex ipsis Dei pro-prietatibus & perfectionibus humilitatem hau-rit & contritionem: quemadmodum noster Pater Franciscus Borgius adeò excellebat in humilita-te, vt ex omnibus, quæ gerebantur, & accidebant, se ipsum humiliaret, & confunderet: at, nostris peccatis ita exigètibz, non videmus nunc aliquid tale multum eminere. quare talem materiam nos oportet assumere, quæ ex se animam ad id adiu-uet, quo iuxta suam dispositionem opus habet.

QUARTO,

QUARTO, in nostris exercitijs materia est & forma præclara adactus triplicis viæ, Purgatiuæ, Illuminatiuæ, & Vnitiuæ, hoc est ad purgandam, proficiendam, ac perficiendam animam cum auxilio Dei aptissima. Ad primam viam, sufficientem & optimam præbent materiam exercitia primæ hebdomadæ, de peccatis scilicet, morte, iudicio, & inferno; ad secundam exercitia secundæ, & tertiæ hebdomadæ de Incarnatione scilicet, vita, passione ac morte Christi Domini nostri: ad tertiam exercitia quartæ, de Resurrectione scilicet, Ascensione Christi, & amore Diuino.

QVOD ad modum & formam attinet: *primum* est necessaria præparatio, iuxta illud Sapientis: *a ante Orationem præpara animam tuam.* Quod *a Eccl. 18. 23.* fiet, si diligenter Additiones, & Regulæ seruentur, quæ ad benè Orationem habendam præscribuntur; si interdiu cor & sensus custodiantur, adhibito examine generali & particulari defectuum occurrentium: vt his purificata anima, possit sine impedimento agere cum Deo. *Deinde* addenda est cooperatio ipso tempore Orationis exercendo potentias animæ, memoriam intellectum & voluntatem, sensusq; interiores, cogitando de ipso mysterio; & discurrendo per ea, quæ in ipso continentur; excitando voluntatem ad amorem, aut odium boni aut mali, quod in eo apparet; & internos sensus applicando ad virtutis suauitatem & dulcedinem; vitij verò horrorem & amaritudinem degustandam.

TERTIA est applicatio ad finem Orationis, ad fructum ex ea hauriendum: & hoc est, quod noster Pater S. Ignatius sæpius repetit in exercitijs,


tij, cùm dicit: reflectar super me ipsum, ad fructum aliquem percipiendum. Circa quod quinqueres magni momenti sunt obseruandæ. *Prima*, tempus ipsum Orationis non esse expendendum in rebus & virtutibus generatim perpendendis: exempli causa, quàm sit præclara res humilitas; quàm præstans charitas &c. Sed oportet reflexionem ita fieri super me ipsum, vt videam, quantopere hac virtute vel illa indigeam; & consilium accipere, & constituere apud me de ipsa emendatione; petita à Deo ad id gratia, & proposito emendationis sæpiùs renouato: alioquin æquè carnales manebimus, & passionibus nostræ æquè excitatæ ac viuæ, atque antea: nam tormentis in altum explosis, arx nec deiicitur, nec læditur. *Deinde*, quòd ordinariè progrediendum sit iuxta prædictum ordinem: nam licet tempus Orationis in eliciendis actibus amoris Dei, eiusque perfectionibus considerandis expendere, valde sit bonum: at si quis passionibus suas viuas habens & immortificatas; & cùm de eis mortificandis ac moderandis agere deberet, in illis actibus hæreat: is verò error est, ac deceptio: & huiusmodi, quos tunc faceret, actus, non amoris Dei; sed amoris proprii censerentur: & sic perueniet ad domum superbiæ, quam ædificauit amor sui: veritas Dei est, quæ accipitur meditanda; sed applicatio potest esse Dæmonis, qualis fuit illa, quam adhibuit in secunda Christi tentatione. *Hunc tertium* sequitur obseruandum, quòd fructus

ctus ex meditatione capiendus, est morum meo-
rum emendatio : vt benè faciam, & patiar pro-
pter obsequium Christi Domini nostri, & vtili-
tatem meam, ac proximorum, iuxta illud: *b Bona* b Matt. 7. 17.
arbor bonos fructus facit. Quarta est executio
eorum, quæ benè proposuimus & constitui-
mus. Ad quod nominatim iuuant examina, ge-
nerale & particulare; & aliqua pœnitentia ob ad-
missos defectus: *c Regnum enim calorum vim pa-* c Matt. 11. 12.
titur, & violenti rapiunt illud : expugnatur enim
illud regnum bonis editis operibus, sibi que
ipsi vim inferendo, vt ea contra propriam pas-
sionem exerceat. Quinta, hoc totum consistit in
eo, vt applicatio rectè fiat, ad id exuendum & e-
uellendum, quod profectum nostrum impedit;
aut virtutem illam acquirendam, quæ nobis ma-
ximè deest. Ad quod præstandum tutissima est
Superioris aut Confessarij directio: quæ in genere
tunc recta censebitur, si tendat ad nostram abne-
gationem & mortificationem; ad veras solidas-
que virtutes acquirendas; & proximos nostros in
eadem reiuuandos; particularem verò directio-
nem regulæ reijcit, ad considerationem & ordi-
nationem Superioris, dicens: *quod ad Orationem*
& examina pertinet ipse cum vnoquoque con-
stituat. Superior enim & Confessarius gene-
ralia monita & documenta singulis debent pru-
denter, iuxta cuiusque capacitatem & necessita-
tem, applicare.

H A B C fuit prudentis huius & in rebus spi-
ritualibus experti viri exhortatio : ex qua hanc
tantum deduco conclusionem contra arrogan-
tes, quod licet nos non debeamus diuinum

spiritum astringere , aut Regulis nostris , & præceptis orandi illum subijcere : ipse tamen vult , vt nos ipsos astringamus ac subijciamus legibus ac Regulis illis , quas in sua Ecclesia nobis præscripsit ; sanctosque Patres docuit , quos nobis Duces & Magistros dedit : nobis autem illæ sunt , quas Pater noster Sanctus Ignatius in libro suo spiritualium exercitiorum præscripsit : quæ ferè sunt , quas communiter docent Sancti , ab omnibus Iustis seruandas : nolle autem vllis regulis astringi , est mera carnis libertas ; & arrogantia superbix valde perniciosæ : quæ pro libitu suo internos proprii spiritus impetus sequitur : quos iudicabit fortè esse Dei , erunt autem Dæmonis. Quando autem Dominus aliquem voluerit per viam priuatam & extraordinariam deducere , posuit ipse in Ecclesia & Religionibus suis Magistros , qui nouerint , eum dirigere iuxta id , quod intelligent esse voluntatis & gloriæ Diuinæ , qui est admirabilis in modo & ratione suos electos deducendi : sicut fuit

cum Patre nostro Balthassare,
de quo agere per-
gimus.



CAPVT XLIV.

CONSTITVITVR P. BALTHAS-
sar Visitator prouinciæ Aragoniæ, ubi ma-
gnam nostri fratris Ioannis Ximeni.
virtutem cognouit, eiusq; rela-
tionem confecit.



VM P. Balthassar adeò foelici-
 ter ex prædicta probatione e-
 uasisset, Pater Generalis Euer-
 hardus optimam de eo habens
 informationem, cum consti-
 tuit Prouinciæ Aragoniæ Visi-
 tatorem, sicut alios Patres ad
 alias prouincias visitandas mittebat, qui omnes &
 grauissimi erāt, magnæq; apud omnes opinionis,
 eò quòd Generalis locum & vices in eo munere
 obtinerent, cum non posset ipse per se prouincias
 visitare. Discessit statim, vt satisfaceret Obedien-
 tiæ: functusque est Officio illo, modo quodam
 adeò exacto, vt tanquam exemplar esse possit om-
 nibus simile munus gerētibus. Quare P. AEgidius
 Gonzaluus Abulensis tūc Romæ Assistens dixit, P.
 nostrum Generalem dixisse: ex sexdecim Visita-
 tionibus, quæ tunc in Societate erant institutæ:
 hanc habuisse singularem eminentiam. Nam P.
 Balthassar primum omnium studuit conseruare
 vnionem & pacem cum reliquis Superioribus,
 quoad fieri potuit: vt omnes simul reformationē
 spiritus, quæ in votis erat, aggrederentur: in qua
 ipse

ipserarò quodam sanctitatis exemplo in rebus omnibus præcedebat: id enim magnam conciliat gubernanti auctoritatem; redditque omnibus amabilem; & efficit, ut quæcunque ordinat ac præscribit, facile & cum alacritate recipiantur. Sed hanc unionem nominatim habuit cum P. Prouinciali Petro Villaluio (qui postea etiam fuit huius Prouinciæ Castellanzæ Præpositus Prouincialis, & retulit de ea visitatione, quæ iam dicentur) viro verè spirituali, valdeque candido: de quo P. Balthassar dicebat: se inuenisse hominem habentem veram virtutis opinionem & æstimationem: quare statim atque mutuo senouerunt, & agere coeperunt, ita inuicem dilexerunt, & vniri sunt: ut nunquam in iudicijs & consilijs mutuo discreparent, ac dissentirent. Nec id est mirum; nam statim atque Prouincialis aduertit magna dona P. Visitatori à Deo collata, ita eam reuerabatur, ut quoduis eius responsum ac decretum iudicaret, quasi è cælo elapsum: eiusque dictamina esse tanquam prima principia in materia spiritus & gubernationis.

Hoc totum ex eo etiam procedebat, quod ipse P. Balthassar visitationem cuiusque Collegij, prius cum Deo D.N. communicaret; instanter orans, ut ad maiorem ipsius gloriam & Subditorum utilitatem illa cederet: ideoque antequam eam inchoaret in quocunque Collegio aut domo, recipiebat se per dies octo, aut quot commodè poterat, ad spiritualia exercitia Orationis & lectionis pro more Societatis faciendæ: quo tempore nolebat, quemquam secum loqui; sed totum transigebat cum Deo. Qua ratione

ne præter bonum exemplum, quod omnibus eius Prouinciæ dabat, eosdem etiam alliciebat, & quodammodo impellebat ad idem faciendum: talemq; de eo concipiebant opinionem qualis ipse reipsa erat; quare tanquam virum Sanctum eum æstimabant, ac reuerabantur; foelices seipsos iudicantes, quòd talis Superior sibi obtigisset, valdeq; anxie oprabāt, statim illi cor pectusq; suū aperire, eiusq; volūtatī & manib. sese tradere. prudenter iudicantes: eum, qui tantam haberet cum D.N. familiaritatem & consuetudinem, non posse in sua gubernatione à recta via aberrare. Elapsis diebus suæ recollectionis, incipiebat agere cum domesticis omnibus, quos audiebat cum magna quiete, quam diu illi aliquid, quod dicerent, habebant. cui rei tempus semper tribuebat necessarium, siue cum minori siue cum maiori ageret, iuxta singulorum necessitatem, & non ob respectus humanos; qui sæpe in causa sunt, vt sine magna vtilitate tempus transigatur. Postquam eos audiebat, consolabatur, & ad perfectionem & familiaritatem cum Domino nostro exstimulabat. Nec defuerunt, qui experirentur eius lucem & spiritum Prophetiæ, quem hic interdum ostendebat: vt eos ad obsequium Diuinum magis animaret. De vno minimū Patre illius Prouinciæ intellexi, quòd antequam esset Sacerdos, dixisset illi Pater Visitator quædam euentura; & ita euenierunt, sicut dixerat. Hac diligentia & verborum efficacitate in exhortationibus, quas ad omnes cum solito spiritu & feruore faciebat, magnum in omnibus fructum fecit, ita vt eius discessum grauius sentirent, ob conceptum iam in eum

amorem; & fructum, quem ex eius consuetudine, perceperant.

VISITATIONEM incepit à Collegio Cæsar-Augustano, vbi thesaurum quendam absconditum cum magno suo gaudio reperit: Agens enim cum alijs domesticis de rebus animarum eorum, inuenit Fratrem quendam Coadiutorem Ioannem Ximenum virum excellentis, sed occultæ virtutis. Erat is natione Valentinus, ex quodam loco in Montanis nomine Viar, qui consilio cuiusdam pij Eremitæ statuit ire Valentiam, vt Societatem ingrederetur, in cuius consilij executione duo illi euenerunt magna indicia diuinę vocationis; & ad magnam sanctitatem electionis. Alterum fuit, quod accedente in mediõ itinere, hoste, ad eum tentandum, vt in patriam suam rediret, & cum matre, ac fratribus pauperibus maneret: ipse Diuino spiritu afflatus, hoc se voto insigni obstrinxit: Deus, ego tibi promitto, me iturum, vt Patribus illis, amore tui seruiam; promitto etiam tibi, Deus meus, nihil me facturum, quod non sit amoris tui causa: ego enim nescio, quo eam, vt alicui seruiã, nisi tibi: qui Deus meus es, ac Dominus meus. Cum hac ingenua ac generosa promissione tentatio euauit, suumque ille iter persequutus est, Valentiam vsque: vbi alterum ei mirabile euenit: cum enim à Patre Prouinciali Antonio Cortesio, magni spiritus viro, peteret in Societatem admitti; & Prouincialis cum Consultoribus ageret, an Ximenus recipiendus esset? illi, qui cum eo iam pro more Societatis egerant, iudicarunt hominem pro ea esse inutilem; & cum secundo ac tertio ad consultandum de ea re conuenirent

uenirent, eò quòd Prouincialis valde propenderet ad eum recipiendum. Ij tamen idem semper, quòd priùs, dixerunt : sed ipse P. Cortesius interna Dei motione impulsus, & vtens communi & familiari sua phrasi, quã in rebus affirmandis vti consueuerat, dixit: *in rei veritate* eum recipiemus in Sanctum, eò enim hic homo tendere videtur: & ita eum admisit. Exitus autem comprobauit, eius resolutionem fuisse à Deo cum illa prophetica phrasi. Paulò pòst missus est ad Collegium Cæsar-Augustanum, vbi ferè semper manebat ruri in prædio quod Ias vs de Monte appellatur: vbi nocte dieque tanquam mancipium laborabat, quamuis sæpe ad Collegium veniebat: vbi ligna in vehiculo, & aquam in vasculo, & res alias seruitio domestico necessarias vehebat: amplectens, cum magna lætitia, laboriosa ac difficilia munia, in quibus alij magnam sentiunt repugnantiam. nec defuerunt illi contemptus occasiones, ob falsa testimonia in ipsum prolata: quibus tamen ipse nouit vtiliter vti. Et quoniam exterius erat vir simplex ac syncerus, & ex altera parte tanquam humilis, dona à Deo sibi collata occultabat; (quamuis communiter seruus Dei haberetur) non tamen habebatur, nec æstimabatur, quanti eius virtus & spiritus merebatur: donec Pater Balthassar rationem eius animæ accepit, ac de spiritualibus rebus cum eo agere cœpit. Qui cum tantam cælestem lucem haberet, & earùdem rerum experientiam, statim agnouit, quantum thesaurum Maiestas diuina in eius anima recondidisset. Non satiabatur audiens referentem misericordias, quas à Deo accipiebat: & tantum temporis cum solo, & toties

agebat, ut domestici, id aduertentes, scire auerent causam tam frequentis & prolixæ communicationis inter vnum Coadiutorem, & Visitatorem adeò grauem: qui tamen, nihil hos rumores curans, oblectabatur eum audiens; ei que oculos interdum aperiens, ut agnosceret, magnique faceret dona ac beneficia, quæ illi Dominus largiebatur; ac se disponderet, ad alia maiora quotidie recipienda; reliquos etiam, qui in Collegio erant, capaces eius sanctitatis reddidit; ut quem antea non nouissent, nunc noscerent, & magni facerent. Ac propterea inter alia, ex sua humilitate, dixit se multa ab hoc fratre didicisse ad Orationem spectantia. Quod si talis Magister discebat aliquid ab eo, qui se profitebatur eius discipulum: signum est, discipulum in aliquo æque in altum volasse, atque ipsum Magistrum.

Cum igitur in hac historia aliquas res notabiles retulerimus de aliquibus Patribus, & Fratribus studiosis Societatis, quos ipse P. Balthassar in spiritu iuuit: oportuum erit dicere aliquid de Fratre vno illiterato, qui in Sanctitate & scientia spiritus multos eruditos & literatos superauit: quem idem Pater non solum multum iuuit breui tempore, fecitque eum mundo innotescere; sed quod amplius est ex Diuina & speciali Dei Prouidentia, fuit virtutum eius historicus: quare ab ijs incipiemus, quæ cum iam redisset ex visitatione Villa-Gartiæ de eis scripsit, respondens ad literas cuiusdam Patris Prouinciæ Aragoniæ, qui foelicem boni huius fratris exitum eidem Patri significauerat, petens ab illo, ut quidquid de eius virtutibus nosset, ad ipsos scribere non recusaret.

Litera

*Litteræ P. Balthassaris Visitatoris ad Pa-
tres & fratres Collegij Societatis
IESV Caesar-Augustæ.*

LITTERAS V.R. 10. Martij datas 25. eiusdem
accepi : ad quas respondere hæcenus distuli
ob graues occupationes. Quod ad vitã atti-
net F. Ximeni bonæ memoriæ, pauca ego scio; sed
illa tamen bona & certa, ab ipsomet mihi dicta;
dignaque quæ magni ab omnibus fiant; ab ijs præ-
cipuè, qui illis maximè indigemus, vt nos excitèt,
valde procul ab eis remanentes. Mi Pater, multa
splendebant in Fratre illo, Dei seruo, mundo qui-
dem incognito, sed Christo D.N. notissimo, &
charissimo : quædam erga Deum, alia erga se i-
psum, alia erga superiores & proximos.

ERGA Deum in particulari magnam habebat
fiduciam (quam ipse vult seruos suos habere)
de optimo eius ingenio, & visceribus tenerrimis,
quæ nobis in sanctis suis Scripturis reuelauit : &
hæc erat firmum eius gubernaculum, maxima-
que fortitudo in omnibus laboribus, & aduersis
euentibus, cum incidebant : in omnibus enim &
per omnia se in eius vlnas conijciebat, eadem om-
nino ratione, successus omnes magnos & paruos
accipiens. Oriebatur hæc eius fiducia ex eo,
quod experientia didicerat ; & ex profunda qua-
dam reuerentia in agendo cum Deo, coniun-
cta cum fidelissima & promptissima Obedien-
tia in omnibus, quæ intelligebat sanctissimæ e-
ius voluntati esse grata. In cuius confirma-
tionem aliqua particularia præferam, quæ magni
facie-

faciebat, valdeque tenerè, tanquam singularem Dei misericordiam instar miraculi referebat: quale fuit illud, quo mulus ipsum ex fluuio Ibero, ubi iam submergendus erat, liberum eduxit. Superiori enim ipsum mittenti ad vehendam aquam, dicebat, se non habere sufficientes vires, ad mulum continendum; & fluuium valde creuisse: ac propterea periculum esse, ne ad quemuis motum, & mulus & ipse submergerentur: & res ipsa, ut ipse verebatur, euenit: mulus enim, cui insidebat, ingressus est ad impetum fluminis: & cum se iam videret perire, dixit Domino nostro cum magna fiducia: ô Domine, iam hîc nullum est remedium, nisi à te: nosti Domine, me Obedientiæ proposuisse virium mearum imbecillitatem: ideoque absque mea culpa in hoc periculum incidi. O rem miram! in eodem puncto mulus substitit, & in posteriores pedes erectus extremitatibus eorum valde cautè innitens, quasi homo esset, coepit retrocedere: & inusitato adeò modo inde exijt, ut quasi miraculum iudicaret. Hæc autem experientia eius, quod in Deo habebat, diues illi fuit fodina, valdeque efficax ad ipsum à mundo euellendum ipsi verò Deo solidè adhærendum. habebatque de ipsius manu efficacia auxilia, ut fortiter ipsi adhereret: *inprimis* magnam cordis à rebus omnibus expeditionem: de quo interdum dicebat: nihil melius, quàm expedire cor ab his rebus terrenis, Deoque omnino tradere: nam statim tot beneficia donaque super eum descendent, ut vix possit ad tot simul accipienda attendere. *Deinde* pacem quandam & solatium plenum, in omni genere euentuum. *Tertio* tantam cordis sui ad Deum conuer-

conuersionem, vt quasi nunquam eius aspectum Deuseffugeret. *Quarto* magnam in Oratione sentiebat dulcedinem: & concesserat illi Deus, vt breuis somnusei sufficeret, quò posset plus temporis, solus, & in quiete & silentio noctis, cum occupationes Obedientiæ cessarent, nec externa adessent proximorum impedimenta, Orationi dare. Nam cum præ defatigatione ex continuato per diem labore, vix in nocte consisteret, sumeretque necessarium tunc alimentum, (nam sic laboranti fratri cibus & potus sufficiens maximè iuxta ordinem Obedientiæ, & ad peragendum in suis laboribus, tantum abest, vt spiritum impediatur, vt potiùs eum adiuuet, nam (dicebat idem frater) Equi trahunt currum, non currus equos; si autem hi non comedant, nec trahere poterunt) tres aut quatuor horæ pro somno ei sufficiebant; & secunda, aut tertia post mediam noctem horam vigilabat: & quod reliquum erat noctis pernoctabat in Oratione Dei in subdiali turris domesticæ: vbi suadebat, vt ego deambularem, experturus, quid illud esset. Cuius rei commodiùs gerendi causâ ab externis exuendi, induendi que obstaculis Deus voluit eum esse liberum: dormiebat enim à longo tempore indutus, assentientibus Superioribus: quæ ratio tunc Orationi erat comodior, tum sanitati non nocebat: nihilque in corpore nutrieat sordium, quæ ipsum molestant, aut in expurgandis occuparent: sed animæ & corporis munditia fruebatur. Eius Oratio communiter erat de Christi Domini Passione, ob quosdam rhythmos, quos de ea referens, magnos sentiebat internos animi motus, vt non posset sibi à lacrymis

mis temperare. Sed hæc tunc ipse aperiebat, cum suæ conscientię rationem redderet, vt iuxta Obedientiæ præscriptum, syncerè & candidè cum Superioribus ageret: & adhuc multa præmittebat ad pudorem & ruborem suum spectantiâ. Vnum autem dicebat, recenti memoria retinendum. Nam interroganti mihi, de eius Orationis argumento respondit: Cogito, Pater, de Christi Passione: nihil enim aliud est, de quo sit cogitandum: nam in ea omnia continentur.

ERGA seipsum; ultra religiösam vitam, alijs similem, contemptum insignem habebat cum interna appetitionum & cupiditatum suarum mortificatione; quæ Dei voluntati aduersarentur. Id quod seriò omninò seruabat: eò quod experientia didicerat, statim atque aliquid horum ipse prætermitteret; Deum sibi deesse; portionemque ordinariam sibi subtrahi, quam ipse omnibus huius mundi rebus proferebat; & cum qua excitatus viuaxque in Dei seruitio versabatur; viresque sentiebat aduersus omnes molestias, illud impediētes.

ERGA alios talem etiam sui contemptum præferebat, vt certò statueret, quasvis molestias, & iniurias aliorum ferre; easdem verò alijs pro viribus præcauere; & omne potius obsequiū (quod in se esset) eisdem exhibere: & hæc scaturigo fuit illi vitæ principium, & ingens thesaurus. Nihili faciebat verbum illud quod alios terrere solet: Quid homines dicent? gaudebat viles adeò vestes gestare, vt nihili ab alijs fieret, & contemnere-tur. Quare de hoc agens argumento dicere solebat: quid ad me quod me homines æstiment?
& quid

& quid illud mihi proderit? potius si mei meminere, & aliquam rationem habeant, posset me impedire, sed obliuisci & cōtemnere me, potius iuuaret. Hoc igitur, dicebat, velle deberem & querere: non verò, quòd meum profectū retardat.

ERGA Superiores elucebat in eo magna quædam reuerentia & respectus; vt qui clarissimis eos oculis intueretur, tanquam Dei vices agentes; & animi quoddam decretum non transgrediendi eorum mandata, etiam difficillima, pro vlla re huius mundi. Ideoque aiebat, Huiusmodi Superiores ponere ego debeo super oculos meos, quantumuis me illi mortificent, & (vt illius verbo utar) me velint etiam sine causa & ratione exactissimè perficere, & omnibus numeris absolutum reddere.

ER hīc mihi retulit quiddam sub magno secreto, quòd sibi ante aliquot annos cum quodā accidere: in quo existimabat Superiorem excessisse limites ipsum premendo, in materia honoris, quæ valde ad viuū tetigisset, in qua tamen re virum se ipse præbuit, tam in vsu talis occasionis, Deo illa offerendo, vt fructum ex ea caperet; quā in ea occultanda: ne defectus eius alijs innotesceret, à quo fuisset adeò læsus & iniuria affectus. Et quāuis ex modo, quo ille casum referebat, videbatur reuerā Superior excessisse, non adhibendo ei fidem, nec admittendo rationes, quibus ipse; quod obijcebatur, excusabat: nihilominus, quod res proficisceretur à bono profectus ipsius Zelo: eam probationē direxit ipse ad maiorem ipsius Obedientiæ æstimationē, suūq; maius bonū: hoc enim initium fuit & fundamētū quo ipse magn⁹ & excellēs
inspi-

in spiritu euaderet: quòd scilicet sponte sibi moreretur, vt viueret Deo, reseruans & in loco tuto talem occasionem eiusque fructum reponens: Interroganti etiam mihi, quomodo se cum Deo haberet? respondit: antequam omnino me Obedientiae subijcerē, ac traderē, semper eram inquietus, nec benè mihi succedebat: at postquam id facere decreueram, & re ipsa præstiti, adeò benè me habeo, vt nesciam, quid ultra desiderem: quòd si Obedientia ipso tempore Orationis in aliqua alia re me occuparet, nihil curarem quòd eam nō haberem: modò ego obedirem; adeoque lætus & pacatus currum sequar, atque si in ipsa Oratione manerem: præcipuè cū neque sic Oratio impediat, nam etiam currum sequens suos de passione rhythmos repetebat, ac meditabatur, suasque Dominicas preces, earumque mysteria recolbat.

ERG A, proximos valde sitiebat eorum salutem, & vt omnes Deum agnoscerent, eiusque legem sanctissimam custodirent: ex quo oriebatur internum quoddam consilium ad homines iuandos: cū omnibus enim rusticis, & ignaris hominibus occurrentibus, ita colloquebatur, vt inciperet ab aliqua re, quam illi libenter audiebant; sed mox transibat, ad id quod ipse cupiebat, fructum scilicet animarum eorum, & ita miscebat sermones de Deo. præcogitabat autem, quæ illis esset dicturus: & talem scientiam ac peritiam ipsius grādi accommodatam Deus ei dederat, adeoque suauiter agebat, vt ordinariè eos lucraretur, & in moribus ac vita mutaret, quibuscum agebat. Et huiusmodi rerum particularia quædam refere-

referebat, quæ dictis eius fidem faciebant: quosdam enim homines, accepta occasione, reprehendebat; alijs modum præscribebat & ordinem vitam suam more Christiano instituendi; & adiecit: hucusque se non fuisse ausum apertè de Deo cum omnibus loqui; sed cum magna cautela, & aliquibus tantum; sed imposterum se confidenter de Deo cum omnibus collocuturum: hoc autem ita tenerè proferebat, vt lacrymæ ex oculis fluere. Semper loquebatur de verbis Dei, ita in eos sermones prorumpens, vt non posset se continere: cuius rei in isto Collegio vestro satis multi sunt testes, qui ad prædium ibant, omni exceptione maiores. Cuius sinceritatem, & cordis veritatem, foelicemque in huiusmodi sermonibus progressum & exitum aduertens, non habui animum eos illi prohibendi; cum tamen prius, ad rem ipsam attendens, cogitasset eum monere, vt sibi ab eis temperaret. Rerum internarum magnam habebat lucem; eamque satis ostendebat; cum in prædio aliquid proponebat ex ordinatione Obedientiæ. Quidquid hætenus de eo scripsi & plura quæ vobis sunt notæ, bonum testimonium & confirmationem habuerunt ex eius adeo exemplari fine vitæ, & ex die mortis, quem nouit & significauit octo dies antequam accideret; cum tot alijs particularibus circumstantijs vobis satis notis. Superest nunc, vt cum ego hic retulerim, quæ memoriæ occurrerunt ad vestrum solatium; & quia id a me petiistis: vt & vostantundem ad meam petitionem faciatis, mittendo ad me descripta, quæcunque de eo collegistis, & rhythmos præterea, quos ipse fecit & in prædio canebat; & quos

de passione Domini in suo curru meditabatur; & simul indicâdo, vnde esset oriundus, & cuius ætatis, & quot annis in Religione vixerit: nam diem obitus eius iam noui: quem Deus vtrique nostrum det æquè felicem: sitque Iesus in anima R. V. totusque eius amor & solatium Amen: VILLAGARTIAE, die Sanctorum Philippi & Iacobi, 1579: Hæc est virtutum Ioannis Ximeni series & relatio, quam bonus eius Superior & Pater scripsit: prodens eadem opera satis apertè propriam facultatem ac talentum ad cognoscendam virtutem & spiritum suorum subditorum, qui vt bonus Pastor benè suas oues nouerat:

CAPVT XLV.

*QUAEDAM ALIA IOANNIS
Ximeni memoranda, & nominatim
quæcum Patre Balthassare
ei euenere.*



PRÆTER eâ quæ P. Balthassar in præmissa sua Relatione scripsit, operæ pretium erit quædam alia addere, aut ab eodem Patre verbo relata, aut certa alia via cognita, de ingenti & præstanti huius fratris religione, & spiritu, qui semper fuit valdè propensus ad rationis dictamen sequendum, & in eadem propensione plurimum profecit in ipsa
reli-

religione ; ex præclaro sententiæ illius sensu, quem supra insinuauius , sequendi scilicet di-
 camentum superiorum ; Dei , Prælati, & Ra-
 tionis ; quâuis omnes tres sint vnus , ipse sci-
 licet Deus: qua via valdè in omni virtute profi-
 ciebat. cap. 21.

Ab ipsis etiâ suæ religionis initijs magnum
 studium & vim adhibuit, vt persequeretur, & re-
 pugnaret omnibus naturæ propensionibus, stre-
 nuè retundens eius impetus; & omnes ab ea pro-
 uenientes repugnantias viriliter vincens. Quan-
 do ex prædio ad Collegium redibat aliquid por-
 tans, præter exercitium Orationis se ipsum in-
 terrogabat, sibiq; respondebat. exempli causa: quò
 vadis Ximene? ad Collegium, vt paululum ibi qui-
 escam. Quod si statim atque perueneris, iubereris
 hunc aut illùm laborem subire? respondebat, non
 iubeunt: quia sum valde defatigatus. Quod si
 nihilominus id facere iubereris? dicebat: liben-
 ter faciam. Idq; statim confirmans, dice-
 bat: utinam, Deus meus, id iubeant. Nec
 raro, Deo ita volente, vt eius votis satis-
 fieret, euenit, vt statim atque fatigatus
 ex campo redibat; id ipsum ei faciendum
 imponeretur, de quo ipse in itinere ratio-
 cinabatur: & tunc id faciebat promptissi-
 mè ac diligentissimè; & nominatim, si fir-
 mum ex stabulo auferre, aut communia lo-
 ca purgare, aut huiusmodi vilia Officia præ-
 stare iuberetur: ad quæ vt se magis mortifi-
 ficaret, potius quàm ad alia propendebat.
 Sæpe etiam ipsemet offerebat se aliqui-
 bus diebus festis ad partes coci in culina

obeundas ut cocum ipsum subleuaret. Cum diē quodam rudera ex Collegio eueheret ad ripam fluminis, occurrit ei: fore sibi aliquo modo graue, si absque veste, in solo thorace id faceret: Sed quoniam non licebat ei extra domum exire sine tali veste: hoc iniit consilium, ut coram P. Rectore sine tali veste transiret: cumque Pater Rector non iussisset vestem induere, existimauit illam facultatem sibi sufficere, & ita tota die rudera euexit tantum in thorace. In his & similibus occasionibus, in quibus existimabat, se posse mortificare, absque lésione Obedientiæ, ita studiosè id faciebat, ut nullam prætermitteret.

§. I.

SED multò libentiùs & hilariùs occasionibus illis utebatur, quas Obedientia offerebat. Quodam die festo mane, in poenam aliquius incuriæ, iusserat P. Rector, ne comederet: & postea P. Minister misit illum ad prædium, nec voluit accipere quicquam secum; quòd comederet; redijt vesperi benè esuriens, sed iuit ad sanctissimum Sacramentum; ubi orans; voto se obstrinxit, Obedientiam sibi iniunctam ita explendi: ut, nisi iuberetur, non comederet: & quamuis pulsaretur ad coenam, ipse mansit in suo cubiculo, donec Deus ita prospexit, ut cum P. Rector omnium vltimus ad coenam se conferret; interrogaret, an aliquis superesset, qui coenam non sumpisset, cui cum diceretur: Ximenum non venisse ad mensam, quia missus esset ad prædium; iussit, illum Vocari, & interroganti, cur non venisset ad coenam

pam, ille respondit: quia R. V. prohibuit comedere. Ex hac adeo exacta Obedientia ædificatus Rector, iussit eum coenare. Alia die veniens ex prædio, ut aliqua necessaria pro familia acciperet, dixit quidem Superiori, cur venisset; sed is tacens, fingebat se non audire, ut illum mortificaret: Ximenus, quod festinaret, bis, ter repetijt, quod petebat, & nihilominus Superior per integram horam stantem ibi detinuit, nec respondit. Postea existimans ipse Ximenus, se deliquisse, quod toties repetijffet, quid quæreret, promisit Deo, si aliquid simile alia vice sibi occurreret, se contentum fore, vel semel dicendo quid quæreret, relinquendo Superiori, ut faceret, quod luberet. Redijt sequenti die propter eandem causam, dixitque Superiori: Venio Pater pro rebus necessarijs, & ita conticuit; & responsum per tres horas expectavit: vacans toto tempore Orationi coram crucifixo ibi existente, donec P. Rector, videns eius resignationem & patientiam, iussit accipere, quod quærebat. Hunc in modum multa alia valde memoranda ei acciderunt: & quod P. Balthassar in suis literis reddidit, cum iuit ad Iberum fluvium cum mulo, fuit ab omnibus pro miraculo habitum: quod ipsemet Ximenus tenerrimè recolebat, suavitatem agnoscens providentiæ Divinæ, succurrentis in huiusmodi pressuris & angustijs, ijs qui suam fiduciam in illa ponunt, ut Superiorum iussa exequantur. Et ut appareat, quanti Dominus noster faciat hunc Obedientiæ modum, referam quod quædam die ei accidit oranti in Ecclesia coram imagine Beatissimæ Virginis, singulari enim affectu eam rogans, ut ipsum iuaret,

atque ita dirigeret, ut salutis viam rectam teneret: vocem audiuit dicentis: perge, Ximene, per istam cœcæ Obedientiæ viam, quam tenes; nam rectà pergis. Post hanc vocem valde sensit se adiutum, & in eadem virtute proficere. Cùm suæ conscientiæ rationem Superioribus redderet, & interrogaretur, an sentiret se ad perfectionem assequendam excitatum, respondebat: ab eâ nocte, quâ beatissima Virgo me est allocuta, ita benè, ut nesciam quid ampliùs desiderem; hoc ipse dixit P. Balthassari, qui ea nobis communicavit.

Sed quid dicemus de ingenti eius erga paupertatem amore? nam quæ vilissima domi erant sibi accipiebat, in cibo, vestitu, & reliquis; sæpiùs etiam dormiens in ipso stabulo super stramentum: quò se conferebat sub prætextu dandi mulo pabulum. Sed multò tamen pluris faciebat paupertatem spiritus, sine qua parum exterior valet. Fratri cuidam ei dicenti, quàm ineptas vestes habes charissime, & quàm exactè paupertatem colis! Ximenus respondit: ineptas vestes habere non est paupertas: quid igitur? ait alter: paupertas, inquit, est pax animæ & corporis, quâdo omnia desunt: cùm enim quis assuescit ineptas gestare vestes, & calceos, & malè comedere, ita ut quidvis illi satisfaciât, & boni cōsulat, imò se etiam illis indignum iudicet: hæc est pax corporis & animæ, quam non habet, qui non est contentus ijs, quæ illi dantur, etiam cum bona sunt; sed potius conqueritur & murmurat de eo, qui dedit: eò quòd palato suo non arrideât. Idem aliàs multò melius significavit, adhibito exemplo, cuidam interroganti quid esset paupertas? si quis, inquit,

quit, hortū aliquē varijs arboribus alijsq; elegantibus plantis conſeuiſſet, & poſtquam optimè conſuiſſet, & in bonum ordinem redegiſſet, ſequenti die euulſas omnes arbores, & plantas deſtructas inueniret, nec tamē propterea turbaretur, aut pacem ſuam amitteret: iam hic eſſet veſtigiū aliquod paupertatis. Paupertas igitur ſpiritus eſt, quod quis exuat ſe ab omni eò quòd non eſt Deus: quod ſi quid amet aliud, aut moleſtiam illi adferat, niſi quod non ſeruiat Deo propter ſe ipſum; aut quod idem qui adeò bonus eſt, ab aliquo offendatur: non eſt in eo vera ſpiritus paupertas.

EXCELSAM hanc Philoſophiam didicerat Ximenus non in libris, ſed in Oratione cum vñctione ſpiritus ſancti, docentis præclariffimas veritates abſque argumentorum ſtrepitu: & multæ tales ab illo audiebantur: optimè enim & magna cum voluptate loquebatur de Deo, & ſpiritualibus, cū erat inter eos qui vellent ipſum audire. Cū P. Balthaſſar Viſitator eſſet in prædio, cui nomen Iſvs de Monte cum P. Prouinciali & alijs Patribus, voluit, vt Ioannes Ximenus tempore menſæ loco lectionis, quæ haberi ſolet, cancionaretur, aut diceret quòd ſentiebat circa vnum caput Thomæ de Kempis. His autem adeò exacto rationum ordine, tanto ſpiritu, & affectu locutus eſt, vt omnes auditores, viri alioquin valde ſpirituales, obſtupelſcerent ſanctam Idioræ illius Fratris ſapientiam: Nec finis fuit menſæ ſine lacrymis, quòd Pater Balthaſſar prædium ingreſſus, futurum prædixerat non de futuras ſcilicet lacrymas ad menſam. Audiui (non ſatis ſcio an ipſum met, Patrem Balthaſſarem, an aliquem alium).

Ximenum inter alia vnum dixisse valde ad rem pro ijs, qui eruditionem habent sine spiritu. Occurrit, inquit, proximè mihi currus hordeo oneratus, quem duæ mulæ in specie satis magnæ & robustæ trahebant: sed hæsitabant in luto, nec poterant progredi, donec ego & alij transeuntes, rotis aliquantulum eleuatis, eas iuuimus; auriga ipso clamoribus & baculis eas impellente. Tandem ex luto exiuerunt, interrogauì aurigam, qui fieret, vt mulæ adeò magnæ & robustæ non possent currum ex volutabro illo attrahere? respondit ille, causam esse: quod essent macræ, & parum comederent. Cum ego vrgerem, cur non comederent? respondit, non esse defectum hordei, siquidem currus eo erat plenus: sed quòd illis non daretur. Tunc (inquit Ximenus) occurrit mèti meæ quòd aliquibus viris doctis, præclaris cõcionatoribus, & Magistris euenit: qui etiam solent in via perfectionis hæsitare, ita vt nec passum progrediantur, eò quòd valde sint macri ac debiles in spiritu. non quòd desit illis spirituale alimentum, siquidem currus intellectus eorum spiritualibus veritatibus est plenus, quas docent alios, & pro concione proferunt; sed quòd eas non comedant, nec sibi ipsis in meditatione applicent, vt corda sua permoueant ad feruenter reformandam vitam suam. Hæc dixit cum tanta spiritus vehementia, vt similitudo, quæ initio videbatur ridicula, post applicationem factam fletum excitaret.

* *

*

§. II.

ALIAS quoque particulares habebat Ximenus deuotiones, indices eius feruoris & sanctitatis, adeo erat aquæ benedictæ piè addictus: vt, cum in reparatione templi laboraret, quoties prope aquæ benedictæ Oratorem, etiam vectabulo oneratus transiret, ibi hæreret, vt aqua benedicta piè valde se aspergeret; & quando pulsabatur ad Ave Maria, et âsi valde esset occupatus aut oneratus in eodẽ labore, statim omnia dimittebat, genuq; flectebat, vt oraret. Et voluit semel Deus ostendere, quã sibi esset pias hæc accepta edito quodam miraculo. Nam cum templum illud Cæsar-Augustanum ædificaretur, & Ximenus cum quodam alio, Fratře socio ingens saxum quadratum per erectos præcipientes pontes sursum vertentes impellerent, cumque illud prope finem iam esset, non super partem planam iacens, sed super singularem hærens, signo ad Ave Maria audito, Ximenus statim saxum dimisit, vt oraret: quod idem socius Dominicus Clauetus, eius exemplo motus, fecit: quamuis existimaret, saxum per pontem adeo decliue præceps ruiturum: sed etiam si aliàs adeo esset graue, vt vix vterque illud vertendo sursum promouere posset: hæsit tamen super suum angulum: Oratione autem finita, ad illud accedentes vno impetu ad locum suum impulerunt; non sine stupore eius quod acciderat. Post Sacram communionem in prædio aliquoties exhibat ad campos, quasi cum non caperet domus, vt liberius ibi cor suum refibularet, & suspirijs exclamationibusq; in cœlum spiritum relaxaret.

Cum ex prædio ad Collegiū rediret, secū portabat Ludolphum Carthusianum, librum adeo magnū, ut in ipso itinere legere posset; & cum dormi tres aut quatuor lineas legisset, dicebat: eamus nunc ad ruminandū: ouis enim, nisi ruminaret, nō pinguesceret. Paucis libris contentus erat. nā toto tēpore quo vixit in Societate, septendecim scilicet annis, duos tantum libros legit: & primis quidem septem Epistolas S. Catharinæ Senensis; reliquis vitam Christi prædicti Ludolphi: & P. Balthassar vno mense ante eius obitum, ei tradidit libellum qui inscribitur Contemptus Mundi, cum iam ipse totum in suam animam transfudisset.

ERAT quoq; animabus Purgatorij valde additus, pro quarū suffragio ac refrigerio multa bona opera & nominatim Sacra ipsam cōmunionē, quæ ex se est opus omniū maximum, offerebat. Præter dies Dominicos, quibus Coadiutores in Societate ex Regula cōmunicāt solebat facultatē petere, ut etiam in festis cōmunicaret: sed, antequā illā peteret, rē cum ipsomet Domino corā sanctissimo Sacramento conferebat, dicens intra se: Superior ex hoc dubio me educet: si, n. facultatē dederit: signū est, Deum id velle; si negauerit: signū erit, Deo non placere: sed in omnē euentū antequā facultatē peteret, cōmunionē illam pro animabus Purgatorij offerebat, quarum necessitatē existimabat esse valde magnam. Hæc eius pietas valde creuit ex eo, quod die omniū Sanctorū existēti in templo Collegij corā imagine cōceptæ Virginis incidisset illi scrupulus ob exiguam cōpassionem animarū, quæ erant in Purgatorio: quæ dum cogitat, audiuit vocem apertē dicentē: Ximene, memor esto animarū
Purga-

Purgatorij: cui ipse prôptissimè respondit: faciam Domine. Et ab eo tempore vsque ad suum obitum, per octo scilicet annos obtulit omnia bona opera sua externa & interna mortificationis ac deuotionis in suffragium earum animarum.

Ad particulares actiones, & occupationes particulares etiam considerationes adhibebat. laborans die quodam in vinea cum alio fratre, qui valde diligenter ac celeriter opus faciebat, iudicauit Ximenus eum deuotionis & spiritus obliuisci; ideoq; illū demissè admonuit: ille præferēs suam dili entia tarditati Ximeni (erat enim aliàs natura phlegmaticus) dixit ei: & charissimus Frater quā deuotione laborat, qui adeò tardè procedit. cui ille: quando ascendo, inquit, sequor Beatissimam Virginem & S. Iosephum, eūtes in Aegyptū, quibus me offero, vt opera mea in re aliqua vtantur; quādo autē descendo, redeo cū eisde in Nazareth. Et hac ratione piā semper aliquā considerationem inueniebat, suis occupationibus accōmodatam.

ALIA quædam valdè memoranda euenerunt P. Balthassari cum Ximeno ex occasione cuiusdam Fratris, qui simul cum ipso manebat in prædio, ad illud colendum. Is enim aliqua fortè inuidiola motus (quæ solet interdū etiam inter bonos & in rebus officij ipforum suboriri) accessit ad P. Visitatorē, dixitque: nō expedire, vt Ximenus curā currus haberet: nam interdū adeò mente eleuari, vt nō satis attendat, quomodo eū dirigat; ac propterea semel rotam transiisse super quandā puel-
lulam: offerebat autē se ipse ad currus curā habendam, ad quod P. Visitatori persuadendum aliquas alias adferebat rationes. Pater iussit vocari
Xime-

Ximenum, quem de casu puellulæ interrogauit, qui respondit, se non scire quomodo res accidisset, sed licet rota super eam transisset, nullum tamen intulisset detrimentum: nam se Domino Deo illam commendasse, dicendo tantum: *I n s u s t e* adiunet. Intellexit ergo P. Visitator: casum fuisse prodigiosum. & paulò post vocato ad se alteri Fratri, dixit: geras in posterum currus curam, ut perebas; sed scias, me non liberare Ximenum ob eius in ea cura defectus, siquidem, quos tu retulisti, tales non sunt: quare peras ab illo veniam; & caue, ne te Deus puniat, permittens infortunem aliquem casum tibi euenire. Postquam autem P. Visitator Prouinciam illam reliquit, elapso integro anno & aliquid fortè plus, opus fuit, ut Frater ille cum curru iret ad vehendum aliunde sal pro Collegio; & in reditu, medio à Cæsar-Augusta milliari propè S. Amberti coenobium, circa Solis occasum mulus, relictâ rectâ & satis lata via, impetu quodam ascendit quendam collem, non valente Fratre eum detinere: in quo ascensu currum euertit, & Fratrem ipsam deiecit in terram: ex quo casu statim mortuus est: & quoniam serò iam erat, nullus propè fuit, qui iuuare illum posset. Manè venerunt ad Collegium quidam rustici id significantes, ac dicentes, se illum iam mortuum inuenisse absque vllò aliàs vulnere. Ut sic, quòd Pater Visitator prædixerat, impleretur. Est autem valde credibile, eam poenam fuisse tantum temporalem: nam Frater ille tum bonus & pius erat Religiosus; tum pridie confessus erat & communicauerat. Nec mirum est, etiam in huiusmodi leues aliquos defectus inueniri,

niti , qui purgatorio igne postea expurgentur.

DENIQVE absoluta sua visitatione Pater Balthassar, ostendit spiritum prophetiæ, quem acceperat. nam in ipso suo Cæsar-Augusta discessu dixit illis Patribus , vt attenderent charissimo Ximeno ; cui breui esset moriendum. eodem autem die redijt Ximenus ex prædio ægrotus ex vehementi febris ; nec ampliùs è lecto surrexit : sed totò ægritudinis tempore raram conseruauit patientiam , qualis facîle ex prædictis deducitur. Qui præuidens , breue sibi superesse tempus merendi , & comparandi sibi diuitias nunquam perituras , maiorem in singulis rebus diligentiam adhibebat: adeò enim erat ad sua interiora collectus , & cum Deo coniunctus: vt videretur ad nihil aliud attendere, neque morbi accidentia eum à tali attentione impedire ; sed excitare potiùs ; & ad id iuuare. Nunquam est locutus , nisi interrogatus ; quòd si interrogatio esset de Deo ; respondebat præclarissimè. Interroganti Patri Prouinciali Petro Villaluio: num desideraret tunc ire ad cælum ; & an id à Deo peteret ? respondit : Pater ; simus nos boni , Deoque vt par est , seruiamus : & deponamus curam & sollicitudinem de reliquo : relinquentes illud in eius manibus ; qui cum sit infinite iustus & bonus , remunerabit nos pro meritis. Addidit verò : quòd petere cælum ; poterat prouenire ex amore proprio. Infirmario porrigente ei cibum ; adfuit alius quidam Frater , qui dixit : charissimè Ximene ;
cui

cur nihil mihi dicis? cur non es hilaris? cui Ximenus, Afellus est defatigatus, & iam ad discessum intra octiduum præparatus. Et ita euenit: nam cum hoc ille feria tertia dixisset, eadem tertia feria post octo dies obiit. Cum sexta feria ante mortem idem Frater apud ipsum vigilaret, anxiumque ac defatigatum videret, ab eo quæsiuit, quid haberet: cui Ximenus respondit, se nihil tunc sentire: sed paulò post illi dixit, certè charissime, præ omnibus hominibus, qui sunt in mundo, sum ego iam consolatus. Die autem Dominico visus est ad extremum peruenisse: ideoque P. Prouincialis & reliqui præsentés ei illi dicebant, quæ tali tempore erant opportuna, cogitantes, illum ad noctem non peruenturum: & quidam Pater ei dixit: an non expediret charissime, vt Christi passionem iam tibi legeremus? cui respondit: adhuc non est tempus; ego R. V. tempestiuè monebo: & replicanti Patri, præstare tunc legi, cum ipse adhuc sensibus polleteret, quorum vsum fortè postea non haberet: respondit: habebo, Pater. Feria secunda nocte idem Pater apud ipsum vigilauit, cui Ximenus iam satis tardè, dixit: iam tempus est Pater passionem Christi legendi. Congregatis ergò aliquot alijs Patribus postquam passionem legissent, medio circiter horæ quadrante post mediam noctem cum iam feria tertia incepisset, spiritum Deo reddidit cum tanta pace, tranquillitate, & suauitate, vt vix, qui aderant aduerterent, donec mortuum viderunt.

MULTI Patres & Fratres, qui aderant, ad pedes eius se proiecerunt, & magna cum veneratione, &

ne, & sanctitatis eius opinione illos osculabantur. suprà cubiculum, in quo ille mortuus est, iacebat grauis quidam Pater dormiens in lecto; *Petrus Iu-* qui eodem momento, quo Ximenes exspirauit, *stus.* ex improviso cum aliquo dolore excitatus, magnam in suo cubiculo vidit claritatem, quæ breui euauuit. Obijt die 24. Feb. Anni 1579. à quo tempore ad hodiernum vsque diem conseruatur valde recens & fragrans sancti huius Laici Fratris memoria, tanquam exemplaris perfectionis omnibus nostris Coadiutoribus, & etiam reliquis. Eodem die foelicis eius obitus aut paulò post apparuit P. Balthassari Aluario in quadam pressura, in quam incidit dum iter faceret; vt in proximo capite dicetur.

CAPVT XLVI.

NOMINATVR PROVINCIALIS
Peruanus, & reuertenti Villagartiam prodigium quoddam accidit.



VM P. Balthassar adhuc in A- **ANN O**
 ragonia versaretur circa finem 1579.
 suæ visitationis, & cum iam nauem conscendisset vt in Maioricam transfretaret; (quæ Insula ad eandem pertinet Provinciam) adeò malè illum excepit mare, vt sensuum vsu quasi priuatus coactus

coactus fuerit iter illud omittere : & tunc voluit Deus D.N. illum probare quodam nuncio, quod esset nominatus Prouinciæ Peruanae Prouincialis, id petente, & pro eo obtinendo instante P. Balthassare Pinnio, qui illius prouinciæ Procurator venerat Romam, acturus de eius negocijs cum Patre nostro Generali, à quo P. Aluarium impetrauit: sibi persuadens, eum magno suo spiritu ac Zelo promoturum illic nostrorum fernorem, & occupationem in Conuersione Indorum. Hanc Superioris ordinationem cum magna animi tranquillitate & voluntatis suæ resignatione & conformitate cum Diuina, acceptauit. Et quamuis expertus esset, quàm malè illi succederet in mari, & quod sentiret recens aliquod vrinæ impedimentum, à quo grauiter premebatur : non tamen propterea voluit repugnare, aut conqueri; quod non prius actum secum esset de perfectione ad Regiones adeò remotas; sed remisit se totum prouidentia Dei, gubernantis nos per nostros Superiores, vt constat ex literis Cæsar Augustæ ad prædictum P. Pinnium datis, quæ sunt huiusmodi. Si ex Deo est consilium hoc, non poterit dissolui. Exitus acta probabit. Quod si vocatus sum in Indiam, nihil hæc vocatio apud me amittet; eò quod non mihi, sed capiti meo ea sit proposita: hic siquidem est stylus cælestis curiæ. Quando voluit Deus, populum suum exire ex Aegypto, & migrare ad terram sibi constitutam, non quidem ei cælauit hoc concilium, non tamen eidem immediate illud reuelauit, sed Moyse: *a notas*, inquit scriptura. *fecit vias suas Moysi, & per eum populo; & filii Israel voluntates suas.* Quàm grauiter

me mare tractauerit, potuiffen proponere; fed R. V. id faciet, fi iudicauerit alicuius effe momenti. Quod fi id audiens Pater noster Generalis, adhuc perfliterit in fentētia: b *odoretur Deus facrificium.* bi. Reg. 16.
 Laboribus R. V. per mare & per terram, hunc cō- 19.
 patior; inde inuideo. Qui R. V. strenuum adēd ac
 potentem efficit, poterit & mihi vires addere.
 Idem R. V. diuinas augeat, & humanas, fitque tua
 lux & vita Amen. Hæc P. Balchaffari & quōd in fe
 fuit, in eadem voluntate perfeuerauit, c *fortitudi-* c Ifaia 30.
hem fuam (vt ait Propheta) *in silentio & in fpe* po- 15.
 nens, omnibus, qui illum nouerant, admiranti-
 bus, & profectiōem illam grauitē ferentibus.
 Et cum ipfe D. Ioannam Vellaffiam Gandiæ Du-
 ciſſam, propter hanc cauſam valdē contriſtatam,
 conſolaretur, dixit: multi ſunt anni, ex quo in ne-
 gotijs & rebus me contingentibus, nihil loquor;
 ſed plus temporis Orationi tribuens, permitto
 Deo, & Superioribus meis eius nomine, vt de me
 diſponant. Sed idem Dominus ita huic negotio
 proſpexit, vt pro tacente alijs loquerentur, præci-
 puē D. Magdalena Villoia domus Villa-Gartiēſis
 Fundatrix, cuius domus ille erat Rector, cūm mit-
 teretur in Aragoniā. Illa igitur adēd inſtanter
 apud P. Generalem egit, vt pro conſolatione ſua,
 & animæ vtilitate Patrem ibi relinqueret, vt non
 potuerit eius petitioni non adnuere: accedenti-
 bus etiā rationibus, quas huius prouinciæ Pa-
 tres ad eū retinendum attulerunt.

Sed non negligam perpendere, quā occultā
 ſint Dei iudicia, & quā tutum nos diuinæ eius
 Prouidentię committere! nam eodem ipſo anno
 mors, quam ex nauigatione timebat, aggreſſa il-

lum est in terra, ex qua illum abstulit. Quod si illi Superioris Ordinationi restitisset : dixissemus, hanc fuisse poenam eius culpæ; ut in idem incidere incommodum, quod fugiebat: & sic meritum suum amisisset; diemque suum, non sine remorsu conscientiæ, ob repugnantiam præteritam, obijisset. Sed, quod se permiserit à Deo & occulta eius Prouidentia gubernari, omnia illi feliciter cesserunt: quia retinens meritum voluntatis in idiastraijciendi, mortuus est in loco & tempore à Deo constituto cum magna animi sui pace & tranquillitate.

Sed redeamus ad nostram historiam. Imposuit P. Balthassar Aluarus visitationi suæ Aragonicæ finem cum tanta totius prouinciæ satisfactione & approbatione, ut de eius discessu valde dolerent, eumque primo loco cum magna instantia Prouincialem suum peterent. Cum omnibus vale fecisset, & Patrem Prouincialem Petrum Villalium (qui eum comitatus est Agredam usque oppidum in finibus Castellie situm) cum multis lacrymis dimisisset: profectus est iter suum cum socio, & transiit per Cerueram patriam suam, ubi ad paucos dies hæsit; inde discessit versus Burgos. In quo itinere, sicut in alijs; paternam Dei D. N. prouidentiam expertus est in se, & in ijs, qui ipsum comitabantur, inter quos tunc erat Frater eius germanus nomine Gaspar Aluarius, (vir non vulgaris momenti) qui decreuerat cum famulo pedite Patrem Burgos usque comitari. Tempus erat valde molestum ob pluuias & niues; & itinera quæ in locis aliquibus planis, paludes potius, quam viæ ad proficere.

scen-


scendum apte, viderentur: sed vltima dies fuit multò importunior, eò quòd continuè tota ipsa die pluerit. peruenerunt autem tempore prandij ad quoddam hospitium, vbi quidam homines ludebāt, & vt moris est, sanctū Dei nomē ad singula verba peierabant. A quibus vir sanctus, propter Dei amorem petijt, ne iurarent. Sed illi toti lusui immerfi, eius admonitionem non admittentes, peiora faciebant: ex quo tantum dolorem Pater concepit, videns, Deum suum ita grauiter; & sine causa offendi, vt sine vlla mora, nec mulabus quidem quiescere permisis, nec vllò ab ipsis cibo sumpto, ipsemet stabulum ingressus mulam suam eduxerit, eamque conscendens ex hospitio exiuerit, alios hoc exemplo impellens vt ipsum sequerentur. Perrexerunt per aliquot milliaria copiosissima semper pluuia descendente: nec inuenientes oppidum, aut pagum, nec personam vllam, à qua dirigerentur. Præcedebat Sanctus Pater communiter reliquos, ad iactum lapidis, vt recolletior esset ad orandum. Sed cum ad quandam planitiem peruenisset, adeò aquis redundantem, vt flumen aliquod videretur, cum iam nox inciperet, nec posset viam inuenire, qua eundum esset: oportuit reliquos expectare. qui cum accessissent; omnes hærebant, eò quòd circum circa aduerterent ingentes lamas. Exhortatus est eos Pater, vt se Deo commendarent, eiq; confiderēt, & auxiliū ac directionē ab eo sperarent. Omnes id seridè & ex animo fecerūt: & postquā aliquātulū cōstitissent, & clamasent, si fortè aliquis opilio audiret, aut peregrinus veniret, qui deduceret: cum nullus omninò

compareret, adfuit Dominus noster cum oportuno subsidio. Viderunt enim repentè comparere quendam Equitem in albo equo, qui accedens, interrogabat, quò iter suum dirigerent; & cùm responderent, se tendere Burgos, dixit ipse valde suauiter: pergamus ergo omnes, sequimini me, ego enim optimè teneo viam; & qua parte ego perrexero, tutò potestis sequi. Præcedebat ille in albo suo Equo, quem ob illum colorem etiam noctu meliùs poterant distinguere. Inuenerunt inter eundem iumentum lignis oneratum, iacens in via sub onere; & puerum propè valde afflictum, qui illud ducebat, sed iuuare non poterat: eques, qui præcedebat, nihil hærens tactu solo iumentum è terra in momento erexit. Dubitabant interdum ipsi, an deberent duci illi fidere, eumque sequi, cùm viderent, se per medias aquas deduci, nulla apparente via: nihilominus sequebantur, quia securos eos reddebat, & animum eis continuò addens, dubitationem ac metum repellebat. Postquam ex illis lacunis & laminis euaserunt, coniunxit se eques ille P. Balthassari, & simul longo fatis tractu à reliquis, iucundis quibusdam colloquijs colloquentes præcedebant. Frater P. Balthassar, videns eos ita festinare, & famulum peditem non posse ita properare, ob defatigationem itineris difficultate: clamauit ad Patrem, rogans ne ita properarent, & vt compaterentur famulo pediti, imò omnibus, quos celeritate suâ quodammodo raptabant. Vix loqui cessauerat, cùm vidit propè se & famulum equitem illum, etiamsi fatis procul aliàs esset, vt diximus; & famulum per manû accipiens, tanta facilitate super equum

equum retrò locauit, atq; si fuisset fasciculus aliquis straminis. & statim redijt eques ad inceptam cum Patre colloctionem: donec decima hora noctis Burgos peruenerunt. Voluit tunc P. Balthassar suo Duci valedicere, vt Fratri suo dicere posset, quæ illic esset factururus: at Dux id non admisit, dicens: se velle illos vsque ad Collegij portam deducere, per quam essent ingressuri; & inde se discessurum: & ita præcessit eos deducens, famulo super equum retrò insidente: & cum ad portam peruenerunt, iussit eum descendere; posuitq; campanulæ funiculum in manu, vt pulsaret; & in momento eques disparuit ita vt nullus nec ad vnam nec ad alteram partem eum discedentem viderit, quamuis famulus attentè id obseruaret; neque qui retrò veniebant satis propè eum etiam videre potuerunt: adeò vt P. Balthassar's frater aduerterit, eum disparuisse: attendebat enim, vt accederet, & pro tanto beneficio gratias ageret: & cum Patrem ipsum interrogaret, vbi eques ille esset: respòdit, eum discessisse, quia haberet quòd ageret, & ita Pater ingressus est Collegium; eius verò Frater contulit se ad domum Doctoris Ioannis Moralis Salcedij affinis sui: vbi tanquam prodigium narrauit, quod acciderat: asserens, non potuisse esse nisi Angelum, qui illos deduxisset, nullum enim alium etiam itineris benè peritum potuisse ipsos per vias adeò aquis plenas & iniurias deducere; nec cum tantà celeritate ad locum peruenire, vbi famulus erat, eumque tanta facilitate retrò super equum collocare, absque alio adiutore, nec adeò repente disparuisse, nisi qui Angelus esset. Idem famulus affirmabat: Frater au-

tem Ioannes Nauarrus, socius Patris Balthassaris occultè insinuabat, equitem illum album fuisse Fratrem Ioannem Ximenum, de quo proximè diximus: cuius obitus eodem hoc tempore euenit; fuit verò à Deo missus ad illos deducendos: & Patri dixisse: quoniam me in vita honorasti, misit me Deus, vt ex hoc periculo te deducerem. Et quamuis vir sanctus sua humilitate hæc tegere volebat, & hoc miraculum imminuere: nō tamen potuit euertere quod alij tres tam verè & asseueranter promulgauerant. Estque valde credibile, Deum Dominum nostrum voluisse, Beatum illum Fratrem hac ratione reddere bonum, quòd à Sancto illo Patre acceperat, faciendo illum participem gaudij sui in longa illa familiaritate & colloquio, quod cum illo in itinere habuit; & erueno eum ac socios à prædicto periculo.

PAUCIS diebus Burgis hæsit, fouendo animas illas, quas ad viam perfectionis alias deduxerat: & ita se contulit ad charum suum Villa-Gartiensem angulum, vt quiete quam aliàs ibi habebat, potiretur: in quo valde lubens per totam vitam mansisset, si fuisset illi concessum.



CAPVT XLVII.

*QVID FECERIT VILLA
Gartia cum iis qui studiis absolutis ter-
tiam probationem agebant: &
quadam alia notatu
digna.*



ENIENS P. Balthassar Villa-ANNO
Gartiam, redijt cum vſicato 1579.
ſuo ſeruore ad munus Magiſtri
Nouitiorum & nominatim eo-
rum, qui, Theologiæ ſtudijs ab-
ſolutis, tertium ſux Probatio-
nis annum habituri erant, iux-

ta Societatis conſtitutiones: quod ipſum, vt fieret,
ſeriò omninò conſtituerat, qui recens fuerat miſ-
ſus Viſitator à Patre noſtro Generali, eò quòd
magni ſit momenti ad ſpiritum reparandum,
qui literarum ſtudijs & exercitationibus ſolet
debilitari; & ad diſcendum, aptè coniungere
ſcholasticam Theologiam cum myſtica ſpiritus
ſcientia, & familiaritate cum Deo; & ſe-
riò attendendum ad proprii iudicii & vo-
luntatis mortificationem; & propenſionum,
quæ recens eruperunt, aut ſtudioſorum tem-
pore apparuerunt, cùm priùs quaſi extin-
ctæ & tectæ fuiſſent. Et quoniam qui huius-
modi literaria exercitia peregerunt, aperue-
runt oculos, quos Tyrocinij tempore clau-
ſos habebant; ac multa viderunt, quæ priùs

non intelligebant, aut non aduertebant; ij multò magis proficere possunt tertio hoc anno, quàm duobus illis primis; & si seriò, & ex animo ei attendatur, est optimum tempus, quod sit in religione. Et si loquendum mihi est iuxta commune proverbium, de foro aut nundinis, sicut in eis mihi euenit; affirmo, ad gloriam Dei, quòd in quadraginta annis, quibuscum hæc scribo in Societate maneo, non habuerim annum meliorem & fecundiorum quàm illum. Tunc enim Dominus mihi oculos aperuit, vt cuperem valde seriò ei seruire; ad quòd plurimum me iuuat, quod talem sortitus fuerim Magistrum, Patrem scilicet Balthasarem, quod valde fuerat mihi in votis. Cum enim illo anno 1579, circa festum S. Lucæ sexdecim, qui studia nostra absolueramus, ad tertiam Probationem ituri essemus, octo Metinam, & octo Villam-Gartiam; valde ego optaui, & egi, vt irem Villam-Gartiam, vt maiori quiete, & solitudine, ac multò ampliùs, vt tali Magistro vterer, cuius spiritum & excellens Magisterium expertus eram in multis rebus, quas suprà retuli. Ad quorum confirmationem referam alia de modo & ratione, qua deducebat agentes tertiam Probationem, distinctam ab ea, qua ipsos Tyrones. Hos enim exercebat & mortificabat cum aliqua seueritate, tanquam spirituali hac cælatura magis indigentes: antiquos verò illos blandiùs tractabat, constituens eos in ipsa via mortificationis, vt ipsi sead illam offerrent: qui valde exstimulabantur, cum exemplo ipsorum Tyronum, qui egregiè illam sequebatur; cum vt ipsi bono illis essent exemplar, & ita Probatio peragebatur eo feruore, quem suprà

infi.

insinuauimus fuisse Metinz. Et quoniam Villa-Gartia est paruum Oppidum, & ferè rusticorum, petebant facultatem eundi Metinam de Rio-Se-co, (qui locus & propè est, & magnus, quò in diebus Fori magnus populus confluit) vt suas ibi publicas mortificationes exercerent, quibus mundi huius honorem conculcarent, & se ipsos vince-rent.

Qv i magis excelluit in his mortificationibus, fuit P. Franciscus Cordubensis, (cuius mentionem fecimus capite 30.) qui semper in feruore fuit Nouitius; venitq; eò, vt inter eos moretetur, agēs nunc tertium suæ Probationis annum, vt ex ea bene probatus migraret in cælum. Cuius mors occasionem accepit ex quadam insigni mortificatione, quam, vt se humiliaret, fecit. Intellexit enim quendam Fratrem mitti Viennam, vno miliari à Villa-Gartia, emptum aliquos nefrendes, siue porcellos, domi postea nutriendos. Statim ipse ad hoc onus se obtulit, dicens, se huius rei magnam peritiam habere: (quod semper dicere solebat, cum materia erat vilis ac contemptibilis) petijt ergo facultatem, Fratrem illum comitandi; & in reditu, cum vnus ex porcellis defatigaretur, Pater illum super humeros ad collum accepit, quemadmodum pingi solet Pastor ille Euangelicus, qui perditam ouem inuentam, ad caulam portauit: & quemadmodum fecit Carlomannus monachus in monte Casinate, dum conuentus gregem custodiret, omnibus obstupētibus, quod qui adeò magnus fuisset in mundo, eò se demitteret, vt ouem super humeros portaret; cum igitur porcellus sit res adhuc vilior, non paruam adfert ad-

*P. Franciscus
Cordubensis.*

mirationem, quod vir adeo aliàs nobilis, & qui fuisset Salmaticensis Vniuersitatis Rector, & inter nos ipsoſ Sacerdoſ, qui tanti fieret: illum in humeris portaret. Statim atque ad Collegiũ peruenit, cœpit ex nō coctis lateribuſ haras exſtruerē, in quibuſ eoſ cuſtodirēt; dabatq; illiſ cum magna cura certis horiſ ad comedendum. Et quia tēpus erat valde calidũ, Sol eiſ caput læſit, ex quo febres ſunt ortæ, quæ valde illum vrebant: & vt ipſe mihi dixit, abſq; vlla cōparatione, maior erat æſtuſ internuſ, quàm exteriùſ appareret. Morbuſ ita creuit, vt die vndecima vitam finiret, Sacramentiſ omnibuſ magna pietate ſuſceptiſ, mortēq; ipſam accipiēſ cum magna ſuæ voluntatiſ cum diuina conformitate, quam ſemper habuit toto tempore, quo vixit in Societate. Et quamuiſ non fuerint multi anni; fuerunt tamē multa & magna valde eiſ merita, ob continuuſ & extraordinariuſ feruoreſ in ſuiſ humiliatiōibuſ, mortificationibuſ, & ſanctiſ aliſ operibuſ, quæ ſuprà retulimur: ideoq; copioſuſ valde præmiuſ procul dubio pro eiſ acceperit; & videtur voluiſſe, in morte magiſtruſ ſequi, quem ſecutuſ fuerat in vita. nam eodem meſe Iulio Anni 1580. vterque obiit, licet Magiſter paucis diebuſ ante diſcipuluſ, vt ſtatim dicemus.

MAGNO etiam ſtudio inſignis hic vir curabat, vt, qui in tertiā præbatione verſabantur, viri fierent valde ſpiritualeſ, valdeq; afficerentur ad Orationem & familiaritatem cum Deo: & quos videbat ſpecialē ad id propenſionē & aptitudinem habere, & à Deo præueniri, eoſ ampliùſ

iuua-

inhabat ac delectabatur, diutiùs cum eis agere, & versari. Et hoc nomine sæpius tunc agebat cum Patre Christophoro Gonzaluo, tunc etiam ter-
 tiam Probationem agente, cui Deus valde excellen- *Christopho- rum Gonzal-*
 sæ Orationis donum communicauerat. Et quo- *niam*
 niam insignes quoque alix dotes locum in eo ha-
 bebant, eruditionis, Prudentiæ ac Zeli, eum in-
 struebat, vt posset agere Magistrum Nouitiorum,
 quòd breui post factum est Metinæ: quamuis bre-
 ui suum cursum absoluit. Cum hoc Patre frequen-
 ter ego tunc egi: quemadmodum enim tempore
 studiorum de solis rebus literarijs agebamus;
 ita nunc solùm de rebus spiritualibus. Quæsiui
 ab eo, quando, & qua ratione Deus illi tam ex-
 cellen- sæ Orationis donum communicasset? respon-
 dit: cum statuisset viriliter, firmoque animo ope-
 re exequi, quoddam desiderium, quod ei Domi-
 nus idem suggerebat, mortificandi scilicet in-
 nam gloriam in materia literaria. Incepit e-
 nim studia philosophica cum magna opinione
 ingenij, & magnæ capacitatis indicijs. Cumque
 valde vexaretur ab spiritu vanitatis, dabat ope-
 ram, vt non negligens ipsa studia, quantum meri-
 to debebat, occasiones quæreret, ex quib. alij exi-
 stimarent ipsum parum scire, & parum esse ingenij.
 Quærebat sæpe, quòd sciebat benè; sed quasi illud
 nò intelligeret; ad primam sui argumèti respõsionem
 tacebat, quasi nihil haberet, & ampliùs opponeret
 nò cõtèdebat, quòd alij; vt vicisse videantur, facere
 solent; nec proteruè se opponebat aliorum dictis &
 sententijs; libenter videbat illustriores & maioris
 honoris Actus alijs deferri; sibi autè ipsi accipie-
 bat, quòd min⁹ erat honorificum. His & similib. alijs
 morti-

mortificationibus dexterè factis, alijs non aduertentibus, ex industria fieri : amisit aliquid opinionis , ingenij , & eruditionis suæ : apud Deum tamen magnum sibi religiosi viri nomen comparauit; quod remunerauit admittendo illum ad suam dulcem familiaritatem, seque illi in Oratione varijs modis communicando cum magna sua quiete, & solatio, Huiusmodi colloquia de Deo valde vtilia esse solent inter eos, qui proficere cupiunt: modò cum humilitate & sancto zelo dicantur: nam quòd vnus sentit, est instructio & calcar alterius: quare hæc cum illo Patre consuetudo multum mihi profuit : coepi enim meam deceptionem deponere; & credere, non esse adeò difficile, atque ego existimabam , ludibria amare & contemptus ; & hanc esse viam ad proficiendum & crescendo coram Deo.

Sæpè vltèriùs progrediebatur P. Balthassaris industria, qui ne in materia Orationis & spiritus in illud extremum incideremus, vt nimium addicti quiete & recollectioni nostræ negligeremus agere cum proximis de spiritali animarum bono, ad hoc nos in suis exhortationibus etiam exstimulabat: eò quòd adeò esset proprium nostræ vocationis munus: ideoque dicebat, nimium hoc studium recollectionis in hominibus Societatis non esse spiritum Dei: cùm nobis cõstet, diuinam eius maiestatem contrarium velle , ad quod nos vocauit: nec illud est tutius: nam securitatem non dat angelus , sed protectio Dei , qui etiam in cubiculo potest nos deferere , si propria voluntate ad illud nos recipiamus; & proteget etiam in medio foro, si ex eius Obedientia eò nos conferamus; nec est vtilius;

vtilius: nam tali nimis amanti quietem, Deus sub-
 trahit portionem spiritus tanquam otioso & inu-
 tili seruo. In eundem finem alia adferebat, quæ su-
 perius retulimus, de excelsis eius internis sensis.
 Sed nominatim perpendebat, quòd cùm Christus *Mat. 26. 40.*
 D.N. ter in eadem nocte Orationem suam inter-
 ruperit, vt suos tres discipulos dormientes exci-
 taret: non adeò sit mirum, si nos interrumpamus
 aut omittamus nostram, quando id exigit necessi-
 tas, ad excitandas animas somno peccatorum, aut
 corporis oppressas. Neque valet excusatio, quòd
 alijs ex obligatione incumbat, illis necessitatibus
 attendere: pius enim *Samaritanus* non passus est *Luce 10. 30.*
 elabi sibi occasionem, eò quòd alij eam neglexe-
 rint: nam licet Sacerdos & Leuita præterierint
 absque compassione eius, qui inciderat in latro-
 nes, & vulneratum reliquerant: ipse tamen suum
 iter interrupit & substitit, vt eius necessitati sub-
 ueniret. Non itaque negligendæ sunt huiusmodi
 oportunitates, quando illas Deus nobis manife-
 stat. Si inuenis (inquit) frustum auri in terra: statim
 te ad illud accipiendum demittis, non quærens,
 cur ille, qui præcessit, non acceperit. Quodnam
 igitur aurum est preciosiàs aliqua anima? & quis
 thesaurus magis te potest ditare, quàm si illam lu-
 creris? cùm idem Dominus dixerit: *si separaueris* *Iere. 15. 19.*
pretiosum à vili quasi os meum eris. Sed, ne in hoc
 alterum extremum incideremus nimium cum
 proximis agendi, cum propria nostra iactura, in
 memoriam nobis, cum magno interno sensu illud
 Christi Domini dictum reuocabat: *quid prodest* *Mat. 16. 26.*
homini si mundum vniuersum lucretur, anima verò
sua detrimentum patiatur? Et hac occasione dice-
 bat

bat aliqua exijs, quæ suprà cap. 7. ad idem propositum retulimus.

Ex quo fiebat, vt vellet per modum probationis exercere nos eo tempore in ministerijs iuuant di proximos, vt disceremus ea cum spiritu coniungere. Eos, qui talentum habebant, iubebat concionari in templo nostro; reliquos diebus Dominicis mittebat pedites singulos cum singulis socijs Nouitijs per pagos vicinos, vt pueros docerent Christianam doctrinam, aut concionarentur illis; & qui apti ad id erant, etiam Confessiones audirét libèter etiam aliquas Missiones ad breue tempus institui videbat, non solum, vt Societas experientiam haberet de qualitatibus suorum Operariorum hoc anno; sed etiam ob ingentem fructum, qui ordinariè ex eis percipitur, ex conuersione & remedio multarum animarum, valde hoc subsidio indigentium: & quos nouerat, talentum habere ad huiusmodi Missiones, cupiebat, vt se ad illas applicarent. Habuit aliquo tempore Collegij Ministrum P. Iacobum Vella, D. Christophori Vella Archiepiscopi Bargensis cognatum, quem, cum valde dispositum videret ad proficiendum in spiritu eum exercebat, mortificabat ac calabat, quasi aliquem Nouitium: & ille adeo se eius directioni aptabat, vt præcellens euaserit; nouit Pater Balthassar in eo magnum talentum, & ad huiusmodi Missiones applicationem: ideoque paulò post cœpit se exercere in varijs locis, magnis, & paruis, præcipuè in mōtib; Legionis & Astorgæ, concionando cū magno zelo & fructu, de salute animarum: adeoque erat infatigabilis & feruens in huius generis laboribus, vt vix esset socius, qui sequi illum posset.

posset. Et cum per annos aliquot in illis ministerijs fuisset occupatus, voluit Deus eum reducere Villa-Gartiam, ut finem ibi laboribus eius imponeret, accedente felici morte. Nam cum finita quadam Missionem, per Collegium hoc Abulam iturus transiret, inuasit eum lateris dolor, qui statim iudicatus est mortem allaturus. Eo tempore aderam ego, & placuit Deo D. N. ut in ea presura illi adesse, eumque iunare possem. Erat hic Pater timoratae valde conscientiae, & non nihil scrupulosae; ita ut interdum à faciendo sacro se subduceret, nisi Superior, ut faceret, ei praescriberet. Initio statim huius morbi adeo horruit rationem, quam erat coram Deo in eius iudicio redditurus, ut valde anxie & sollicitè à Deo peteret, produci sibi adhuc ad annum vnum vitam, ut ampliorem posset facere poenitentiam. Ego magnae eius puritatis, & sanctitatis bene conscius pro viribus eum consolabar, & animabam, eramque valde sollicitus, videns, quam anxie cuperet vitam sibi produci, quem morbus cum magna celeritate ad mortem deducebat, ideoque conatus sum hominem ab ea anxietate liberare; dicens etiam Deum profundissimis suis iudicijs non minùs nobis vtilibus, quam in se iustis, nobis satis ostendere, nolle ipsi vitam producere; ideoque ut cum diuina eius voluntate suam conformaret: hoc enim vtilius multò ipsi futurum, quam longiorem vitam, etiam ad poenitentiam agenda, petere, cum multà eò usque ipse fecisset. Placuit itaque Deo, tunc fidelis eius ac diuturna seruitia remunerare, remouendo ex tempore omnes timores, quibus antea angebatur, cum tanta salutis suae

fuæ spe & fiducia, vt habens Crucifixum in mâni-
 bus ingenti cum feruore diceret, *gratias Deo qui*
 1. Cor. 15. 57. *dedit nobis victoriam per I E S V M Christum.* Et
 cum hac fiducia & animi lætitia sexto die foelici-
 ter obiit: obtinuitq; gloriæ coronam propter ob-
 tentam victoriam: & ego cum magna pace & con-
 solatione tam foelicem eiustransitum vidi. Deum
 laudās, quod ita in morte corroboret & consoletur
 feruientes ipsi cum timore & tremore per to-
 tam vitam: præcipuè in ea occupatione, qua ani-
 mæ iuuantur: vt is plures secum deducat ad cælos,
 iuxta illud Apostoli ad suum discipulum Timo-
 theum: *attende tibi, & doctrinæ; insta in illis: hoc e-*
 1. Timoth. 4. *nim faciens, & te ipsum saluum facies, & eos qui te*
 16. *audiunt.* Hæc tria sunt præcipua quæ P. Balthassar
 valde commendabat tertiam agentibus Proba-
 tionem, optans illos excellentes euadere in Ora-
 tione, Mortificatione, & zelo animas iuuandi; &
 coniungere Theoriam praxi, quæ perficit opus. A-
 lia prætermitto, quæ adferre potuissem, conten-
 tus quod hæc insinauerim, non solum vt, quod
 ad P. Balthassarem pertinet, referrem; sed etiam,
 vt intelligamus, quàm fuerit cæleste consilium
 Patris nostri S. Ignatiij, quod constituerit in So-
 cietate tertium hunc Probationis, & recollectio-
 nis annum, post absoluta studia. Et vtinam eadem
 ratio in alijs quoque Religionibus, quæ in litera-
 rijs studijs occupantur, constitueretur vt studio
 hoc Orationis accedente repararetur feruor spi-
 ritus; qui, dum illis seridè dant operam, debilita-
 tur & hebetatur. Ad quod plurimum iuuat, quod
 qui aliquot annos in scientijs comparandis po-
 suerant, iterum fiant infantes, vt verè magni eua-
 dant

dant; & agant secum tanquam stulti & ignari, vt euadant perfectè sapientes in scientia spiritus, quæ dat esse vitam & robur Scholasticæ. Quod si vel vnum annum cum diligentia ponant in hac spiritus facultate: hic sufficiet, ad reddendos ipsos contentos, & ad proficiendum in tota vita; & vt ipsorum labores erga proximos splendorem suum habeant, & vtilis fructus proferant, ad maiorem Dei gloriam, suæque Religionis & Ecclesiæ totius honorem.

CAPVT XLVIII.

NOMINATVR PROVINCIAE

Toletana Præpositus Prouincialis, ad quã se per exercitia preparat; in quibus ingentia percipit sensa de Paupertate, contemptibus, ac Doloribus.

Christi Domini.



VM Patri Nostro Generali innotuisset, quàm exactè & vtiliter P. Balthassar Aragonicam Prouinciam visitasset, nec succederet profectio eius, vt esset Prouincialis Peruanus, constituit eum Anno 80. Prouinciale Toletanæ Prouinciæ, vt omnes Hispaniæ Prouinciæ talis viri doctrina & spiritu fruerentur. Ostendit autem P. Generalis quanti illum faceret, cum ijs, qui eam de re cum ipso agebant, annueras, dixit vobis optimum quod habeo, pro vestra Prouincia, cum P. Balthassarem vobis assigno. Hoc nuncio accepto in quadragesima, statim se recepit

N n

per

per aliquot septimanas ad spiritualia Exercitia facienda, vt diutius in oratione recollecta hæret, & à Deo impetraret id, quo indigebat ad tale onus ferendum, quod omnibus præcedentibus grauius iudicabat. Et quasi præuideret, quadragesimam illam fore sibi vltimam, & ipsum annum etiam vltimum vitæ suæ, & munus sibi iniunctum, extremum esse suorum laborum; ita cum maiori, quam vnquam antea feruore ad id se præparabat, exercens se, pro vt tempus illud exigebat, in contemplandis sacræ passionis mysterijs, vt in corde suo viuam Iesu Christi crucifixi imaginem renouaret, cum tribus eius perpetuis comitibus, Paupertate, Contemptu, ac Dolo. Et quemadmodum de eisdem tempore Quadragesimæ alias solebat, ad Nouitios exhortationes habere, vt suprâ diximus: ita in hac, in qua profundiora percepit sensa, feruentiores etiam habuit exhortationes circa illa verba, quæ David nomine ipsius Saluatoris dixit: *a pauper sum ego, & in laboribus à iuuentute mea: exaltatus autem, humiliatus sum & conturbatus*; in quibus verbis via proponitur, quam Christus Dominus Noster tota vita sua tenuit, quæ fuit Paupertatis, cruciatuum, & Contemptus, qui fuerunt semper eius indiuidui comites: & quæ ætate crescebat, eò magis serio illum comitabantur, ita vt & ipsi cum eius ætate crescerent vsque ad ipsam mortem, vbi ad summum, quod poterant, peruenerunt: & ita audeo etiam dicere de sancto hoc viro. (qui ab ipsis initijs valde piè fuit tribus his Seruatoris nostri comitibus addictus, vt tertio capite supra coepimus insinuare) quod quemadmodum ipse in ætate sua crescebat, ita eius sensus & amor erga illos

a Psal. 87.
16.

augebatur : & in hac quadragesima, quæ fuit vltima, peruenerit ad summum quod potuit.

Utrum autem huius rei lumen aliquod habeamus, referam hic summatim, quæ tunc ipse de heroica Christi D. N. paupertate nobis proposuit, tres eius distinguens gradus, magnum, maiorem, & maximum siue perfectissimum : in quibus etiam continentur, contemptus & dolores, heroica humilitas, patientia, & resignatio, quam in eis ostendit. *Primus* Paupertatis gradus fuit, quo omnibus rebus huius mundi temporalibus earumque memoriæ, & affectibus, qui illas quasi umbræ corpora sequuntur renunciavit. Ita ut neque campos, neque agros, aut vineas, aut huiusmodi aliqua propria habuerit : neque id fuit, quod non posset ea habere; sed quod non voluerit. Quare ex omnibus rebus temporalibus huius mundi usum tantum accepit, eumque valde parcè & solum ad subueniendum extremæ vitæ corporalis necessitati, dans locum fami, siti, æstui, frigori, duriæ, & asperitati; nulla usus singularitate, aut exceptione, prospiciens sibi non de cibis alijsque rebus delicatis, sed communibus & crassioribus, quales, ubicumque erat, inueniebantur; non habens domum, aut rem aliquam propriam, sed tanquam pauper & mendicus.

Secundus gradus fuit, Paupertatis amicorum & consanguineorum; familiaritatis cum magnis & potentibus; omnisque amicitiae temporalis cum Regibus, viris eruditis, ac prælatis; & cum alijs, quorum respectu & intuitu ipsi parcerent, aut desinerent iniurias inferre, aut dicere. Potius nasci voluit ex matre paupere, & nutrirī ac educari in domo pauperis cuiusdam

fabri; & pauperes habere discipulos; nec dedignabatur cum publicanis & peccatoribus agere, ut eos lucraretur, & ad bonam viam reduceret; & cum quibuscunque amicitiam aliquam contraheret, etiam cum propria matre, semper cor suum seruauit ita liberum, & expeditum ab omni proprietate: ut nullius intuitu omitteret facere, quod intelligeret magis gratum esse, magisque conforme æterni sui Patris voluntati: hac ratione nos docens, ut exuti, & à creaturis omnibus auulsi viuamus, & cum libertate spiritus creatori nostro seruiamus.

TERTIUS gradus fuit, quo se ipso ita sese exspoliauerit, ut ostenderet se pauperem in potentia, sapentia, sanctitate, dominio & libertate: cum tamen hæc esset occasio patiendi innumeros & grauissimos contemptus, iniurias & dolores: eò quod ab hominibus haberetur pauper, & his omnibus vacuus. Primum enim ostendit, se pauperem in potentia, cum esset omnipotens: nam & viuere & videri voluit in hoc mundo tanquam homo sine vlla potestate, imbecillis, & egenus; subiiciens se miserijs infantia, defatigationibus itinerum, & reliquis humanis imbecillitatibus, quas omnes, excepta culpa, pro nobis suscepit. Subiecit se in sensibilibus Elementis, frigori, æstui, alijsque creaturis, potestatem occultans, quam in illas habebat, ita ut hominum iudicio nullam in illas haberet. Dedit autem potestatem spinis, ut sacrum ipsius caput penetrarent; funibus, ut ligarent; velo, ut tegeret; flagellis, cruci, clauis, lanceæ, felli, & aceto, & reliquis passionis suæ instrumentis, ut ipsum cruciarent; Iudæis,

vt accusarent, ac blasphemarent, Iudicibus, vt condemnarent; carnificibus, vt flagellarent & crucifigerent; militibus, vt illuderent & iriderent; ipsi etiam Dæmoni, vt eum ex vno loco in alterum ex deserto deduceret, & per sua membra, hoc est, peccatores persequeretur: nec vlli horum restitit, quamuis vel vnico verbulo omnia potuisset auertere: nec tamen id voluit; sed ostendere se egenum talis potestatis, idque cum tanto sui contemptu: vt cum eius miracula indubitata facerent suæ omnipotentiae fidem; ea ipsa tamen pacto cum Dæmone inito tribuerentur.

S P O L I A V I T se quoque se ipso, ostendens se pauperem & indigentem sapientia: nam cum esset illa plenus, noluit tamen ingenio, & subtilitate scientiarum uti, nec eloquentia humana; sed ita sincere, ac simpliciter conuersari, vt à plurimis haberetur simplex, ignarus, & quasi non habens cerebrum; veritatem suæ doctrinae docuit verbis planis & simplicibus, volens eam virtutibus potius & miraculis confirmare, fugiens mundanum honorem sapientis, ad nostrum exemplū.

E O D E M modo renunciauit famæ suæ sanctitatis; ita sequens iustitiæ viam, vt à multis haberetur non sanctus, sed peccator & peccatorum amicus; deceptor, & blasphemus; Barabba deterior & latronibus ipsis, morteque dignus adeo infami, qualis est crucis. Et quamuis potuisset hanc sanctitatis famam facile inter omnes obtinere, sibi que eam accipere, sicut eam dedit S. Iohanni Baptista, alijsque seruis suis: id tamen non fecit; sed ea voluit se spoliare, vt superbiam & hypocrisim nostram confunderet.

SPOLIAVIT seetiam dominio & principatū sibi debito, quem tanquam Rex Regum & Dominus Dominantium habere potuit, sed potius, cum turba vellet ipsum Regem facere, fugit ab eis; & obediuit potius ipse Regibus & Iudicibus etiam impiis & crudelibus in ijs, quæ ab ipso petebant; reddens eis etiam tributum; & eorundem iudicio se subiiciens vsque ad mortem. Pauperi quoque matri suæ, & S. Iosepho se subiecit, seruiens illis vsque ad annum trigesimum. Et inter paucos suos discipulos non tanquam Dominum, sed tanquam ministrum se gerebat, & tanquam aliquem famulum, eis seruientem, eorumque pedes lauantes. Ita enim dixit illis: quod non venisset ministrari, sed ministrare: vt ad eius imitationem dignitates fugerent, subiectionem verò diligerent; ac se in omnibus tanquam pauperes gererent. Denique ita verbis, operibus, & prodigijs diuinitatem & maiestatem suam simplicibus & humilibus suis discipulis manifestauit; vt eandem absconderet & occultaret potentibus & superbis, sapientiam & prudentiam sibi arrogantibus. Quamobrem opinionem de eo conceperunt ipsi veritati valde contrariam: qualis autem fuit opinio, ita etiam cum illo egerunt: cum ausi sunt temerè illum persequi, & grauissimis iniurijs & cruciatibus, ita male mulctare, vt nullus vnquam fuerit hominum magis à suis hostibus contemptus, nec maiores dolores sustinuerit, quam ipse: qui infinito quodam amore, & vt illis beneficeret, eosque ab æternis contemptibus, & cruciatibus liberaret, ea omnia sustinere voluit.

Hæc ratione meditabatur, & colloquebatur P. Balthassar de suprema continua, & perfectiss-

ma Saluatoris nostri paupertate, coniuncta cum excellentissima humilitate, & potentia in opprobrijs ac doloribus sustinendis, qui ex illa oriebantur. Et aliquoties audiui eum seorsim loquentem de tribus his Iesu Christi comitibus, cum tanto sensu & Spiritus feruore, vt obstupescerem, & accenderer desiderio feruorem illum imitandi, & curam, quam in sancta illa societate complectenda ponebat, vt Magistrū suum imitaretur. Et certò mihi persuadeo, Dominum Deum nostrum per huius Patris Orationes hanc mihi gratiam tunc fecisse, vt deceptionem meam in hac materia retexerem. Cum enim de iisdem tribus comitibus meditarer, tantamque difficultatem in diligendis opprobrijs, & contemptibus libenter admittendis sentirem, vt attēta mea imbecillitate, id quasi impossibile iudicaret: orans quodam die coram sanctissimo Sacramento, sensi repentē quendam lucis radium, tanquā fulgur transeuntem, mihiq; ostendētem, valde possibile esse, contemptum & opprobria ita seriò & cupidē amare atque homines sæculares honorē; meq; animauit, vt id quærerem, cum spe obtinendi. Et ad hoc punctum nominatim dirigebat P. Balthassar suarum rationū globos: quia aduerteat, Religiosos & nominatim studijs deditos, & ministerijs erga proximos occupatos ex nulla re tantum accipere detrimentum, quantum in ex inordinato amore honoris; quem sequitur etiam amor commoditatis temporalis: quem tamen illi pallio Religionis regūt, sub prætextu cōsulendi bono nomini, quod ad eius & officij sui auctoritatē multū refert: cū cōtrā in conculcando vano honore, & quod in ipsis est, diligēdo contēptu ex profunda sua humilitate

te, positum sit eorum augmentum & profectus: quemadmodum idem Pater expertus est in euentis supra positis.

CAPVT XLIX.

*AD PERFECTIIONIS CVLMEN
in Dei amore per gradus suos peruenit; &
quas precipuas virtutes ille in se con-
tineat: insinuantur interna ali-
qua eius sensa circa hunc
amorem.*



VM AD VLTIMVM annum
& postremos felicitatis vitæ P.
Balthassar's menses perueneri-
mus, operæ pretium erit, vlti-
mum etiam eius in spiritali vi-
ta perfectionis, quam professus
est, proponere: procul dubio e-
nim per opera, exercitia, officia, & ministeria,
variosq; euentus, prosperos, & aduersos iam pro-
positos, quasi per gradus quosdam ascendit ipse
ad culmen perfectionis in omnibus virtutibus,
& amore Dei, quæ omnium est suprema, in quo
impletum est illud Dauidis: *a Beatus vir, cuius
est auxilium abs te: ascensiones in corde suo dispo-
suit, in valle lacrymarum in loco, quem posuit. Etenim
benedictionem dabit legislator: ibunt de virtute in vir-
tutem: videbitur DEVS Deorum in Syon.* Vir fuit ve-
rè Beatus P. Balthassar, quem cœlestis legislator
præuenit in benedictionibus dulcedinis; tantaque
dedit

a Psal. 83. 6.

dedit adeoque continua auxilia ; vt cum eis dis-
 sposuerit semper in corde suo nouas ascensiones,
 & augmenta in omnibus virtutibus, ab alijs in al-
 lias fortiter ascendendo : donec peruenit ad vi-
 dendum per contemplationem Deum suum ; &
 amandum cum ea perfectione , qua ipse vult a-
 mari *b ex toto scilicet corde, anima, mente & viri-* *b Matth. 22.*
bus. Nec vacat mysterio in hoc præcepto, in quo *37.*
 perfectio nostra consistit, mentionem fieri qua- *b Lucæ 10.*
 tuor rerum, quas Deus in hoc amore sui exigit, eò *27.*
 quod aliæ quatuor sint in quibus amor ipse præ-
 cipue augetur ac perficitur : quas omnes largitus
 est viro huic sancto, cum quadam excellentia: vt
 in omnibus esset perfectus. Nam *primum* ma-
 gnum posuit studium in Orando & familiariter
 agendo cum diuina eius maiestate: applicans to-
 tum cor suum, animam, spiritum, & omnes suas
 vires, donec in diuino conspectu gratiam inue-
 niret, & eius spiritus cum diuino coniungeretur,
 semperque in eius præsentia ambularet, explens
 quod ipse Deus dixit Abrahamo : *c ambula coram*
me, & esto perfectus. Quis autem dubiter, hoc esse *c Gen. 17. 1.*
 magnum diuini amoris indicium, & causa magni
 in eo progressus ; quamuis enim contemplatio
 (teste S. Thoma) essentialiter consistat in nobilif-
 simo intellectus actu, in cognoscenda scilicet su- *2. 2. q. 180.*
 prema veritate, quæ Deus est, visione quadam *art. 1.*
 simplici, valdeque perfectiones eius penetrante :
 simul tamen complectitur præstantissimos ac-
 tus charitatis, ex qua tanquam ex fonte ipsa con-
 templatio fluit, & ad quam tanquam ad finem
 tendit. Quamobrem S. Gregorius vitam con- *Homil. 4. in*
 templatiuam dicit esse ex toto corde seruare cha- *Ezechiel.*

ritatem Dei, & inardescere ad eius pulchritudinem videndam. Et in hoc P. Balthassar disposuit, ut vidimus, continuas ascensiones & accretiones, d *precedens, quasi lux matutina, vsq; ad perfectam diem; & ascendens de hoc deserto delitiis affluens, & innexus super dilectum suum*, cui erat semper vnitus. Valde etiam excelluit in perfecta sui ipsius mortificatione; crucifigens vitia omnia & passiones ac voluntates proprias in omni materia; contendens omnia impedimenta remouere, quæ accidere poterant in corde suo, anima, Spiritu & viribus: ut se & omnes suas facultates liberè Deo, perfectòq; eius amorì, & explendæ sanctissimæ eius voluntati traderet; in quo etiam, ut supra est dictum, disposuit continuas ascensiones, quam diu vixit in hac lacrymarum valle: *ascendens sicut virgula fumi ex aromatibus myrrhæ & thuris*; ignis enim amoris diuini impellebat ad ascendendum & crescendo in hac abnegatione sui: ac proinde etiam in ipso amore & contemplatione. Nam (ut S. Augustinus dixit) diminutio cupiditatis est augmentum charitatis: & quò amor proprius magis minuitur, eò ascendit crescitq; diuinus. Et Cassianus ait, animam nostram esse instar plumæ, à qua si pulueres aut lutum, quæ in terra illam detinent, auferatur: statim sursum ascendit: ita sublati impedimentis Spiritus liberiùs ascenditur ad Deum. Et hac ratione ascendit & progressus est ad *tertium* quoque gradum, in quo etiam excelluit, studens plenè ac perfectè præstare omnia, quæ ei iubebat & comittebat Deus, tam in rebus status & officij sui, quàm in ministerijs & operibus misericordiæ & charitatis in proximos: quorum animas, ut iuaret, nullo;

d Prouer. 4.
18.

e Cant. 3. 5.

f Cant. 3. 6.

Lib. 83. 99.
q. 36.

nullos labores refugiebat; & quæuis solatia corporalia & spiritualia facilè intermittebat, vt voluntatem Dei in iuuandis proximis exequeretur: quod excellentis valde charitatis est indicium; mediumque efficacissimum ad proficiendum in ea. Nam (vt S. Gregorius dixit) probatio amoris est exhibitio operis, & ipse Christus Dominus ait: *gsi quis diligit me, sermonem meum seruabit: & si diligitis me, mandata mea seruate: & eius dilectus discipulus ait: h qui seruat verbum eius, verè in eo charitas Dei perfecta est.* Quis autem perfectionem illam habet, quam, qui vitam suam, solatium, sanitatem, & honorem offert pro suis amicis, proximis scilicet, quos amat in Domino? cum igitur sanctus hic vir in his omnibus præluxerit, vt vidimus; Signum est, perfectam illum habuisse charitatem: quamuis, quod nunquam se perfectum iudicaret, nouas semper ascensiones in ea disponebat, nouos semper aggrediens labores in vtilitatem animarum.

Homil. 30. in
Euang.

1. Ioan. 14.
23. 15.

1. Ioan. 2. 6.

Ex quo *quartum* etiam ortum habuit, in quo valde eminuit, in tolerandis scilicet ijs omnibus, quæ Deus mittebat, aut euenire ei permittebat, cuiuscunque ea generis essent siue corporis, siue Spiritus, ægritudines, dolores, desolationes, internæ desertiones, opprobria, & cōtemptus: hæc enim omnia tanquã à manu Domini missa amplectebatur, ac beneficia eius reputabat, ac media maioris sui profectus spiritualis agnoscēs in eisde suauē & paternā Dei prouidentia, siue oportunè eū ex eis eriperet; siue consolaretur, vt proficeret: quod sine dubio indicatiū est adhuc certius perfectę charitatis, quę *i patiens est & omnia suffert: & eo usque*

1. Corint. 13.
pro- 4. 7.

k Rom 8.35. progreditur, vt cum Apostolo dicat: *k quis nos separabit à charitate Christi? tribulatio? an angustia? an fames? an nuditas? an periculum? an persecutio? an gladius? nihil horum poterit nos separare à charitate Dei, quæ est in Christo Iesu Domino nostro: l Cant. 8. 6. Fortis enim est vt mors dilectio*: crescitque aduersitatibus, & calamitatibus, quas patitur; & quòd persecutiones grauiores sunt, eò maiores patientia emittit splendores, sicut in occasionibus superius insinuat P. Balthassar fecit, quo vltimam quasi posuit manum, quatuor illis præcipuis rebus, in quibus accensi sui in Deum amoris perfectionem ostendit, tanquam quatuor fluminibus fluentibus ex paradiso charitatis, & vniuersam cordis sui terram irrigantibus, vt copiosos sanctorum operum fructus, & pretiosissimos clarissimarum virtutum lapides proferret.

S E D quoniam hoc totum ex ijs, quæ in huius historię decursu adduximus, satis sunt manifesta, solum nunc addemus profundissima quædam sensa, quæ Dominus noster, vt eum in diuino suo amore per gradus suos perficeret, cõmunicauit. *Primum* enim fecit eum internè cognoscere, ac sentire præcipuum religiosi viri in statu suo studium debere esse circa feruentem Dei amorem: nam cognoui, (inquit) Religiones esse sanctitatis officinas; Xenodochia vulneratorum ab amore Dei; & fornaces in quibus diuinus hic ignis accenditur in arte amandi Deum; & calcariæ, in quibus ignis facit lapides tanquam massam mollescere. Ideoque studuit cum dulci hoc vulnere viuere, dicens cum sponsa vulnerata charitate ego sum, nec volo ex hoc vulnere sanari: nam,

nam, cum illud habeo, est verè mea sanitas. In hac calcaria studebat P. Balthassar sese accendere, emollescere, ac dealbare, viuxque petrae, qui Christus D. N. est, per continuum amorem & imitationem coniungere.

SECVNDVS fuit sensus, ex diuinis beneficiis ignem diuinum fouentibus; quæ enim omnibus erant communia, accipiebat atque si essent propria; & quæ propria erant, in recenti semper memoria seruabat; vt gratum se illi ostenderet; & pro eis redderet amorem & obsequium, quod meritò ipse pro eis exigit, & hoc nomine in suo libello elenchum quendam eorum habebat sub titulo: *miser cordia Domini mihi facta.* & statim eas incipit recensere, dicens ostendit mihi tenebras, in quibus fui circa omnia tam in me ipso quàm in agendo cum proximis; dedit etiam mihi cor, vt animæ meæ vlcus aperirem; desiderium humiliationis, & abiectionis; mortificationem sensualitatis; desideria sincerè & in veritate ambulandi: quod non adferat mihi tædium cura No-uitiorum; prouidentiam, qua mecum semper est vsus. Et eadem ratione aliqua alia ibi refert, quæ iam superius sunt posita, quæ omnia erant in *l-*
gnâ, quibus fidelis hic *Sacerdos* Altissimi *nutrie-*
bat quotidie amoris *ignem*, qui in corde suo arde-
bat, vt magis, ac magis eum amaret, à quo tot be-
neficia accipiebat. Et quoniam nullum est effica-
cius amatorium, vt quis ab alio ametur, quàm sit
illum amare: id, cuius habuit sublimiorem sen-
sum, fuit magnus amor, quo suos Deus prosequi-
tur: quem hac ratione explicabat. Quod Deus a-
liquem amet, est benè illi velle & optare; & cùm

in *Leuiti* 6.

12.

Dei

Psal. 113. 3.

Dei velle sit etiam facere, iuxta illud Psalmographi: *quacunq; voluit fecit*: ita quod Deus animam aliquam amet; est continua quædam misericordiarum eius scaturigo; & magnorum eius beneficiorum pluuia; quasi Deus picturam aliquam formare incipiat, nec à depingendo desistat. Ex quo oritur, vt in eadem anima solida ferueant desideria, vt occasio & materia occurrat obsequium Deo præstandi: & quoniam voluntatem efficacem Deus loco obsequij re ipsa præstiti accipit: aduertit anima magna lucra ad suas rationes reposita: quia desideria, & oblationes ipsius plurimæ sunt & continuatæ. Et ex eodem fundamento oritur, vt in benedictionibus dulcedinis nos præueniat, & ipsa eius dona fiant merita nostra: non enim acceptat, nisi quod ipsemet donat: qui magnus est thesaurus & solatium: siquidem etiam pauper magnam ex eo consolationem haurire potest, quod libenter det modicum illud, quod habet, & prius accepit; & quod se ipsum omniaque sua offerat, quæ magna est oblatio; & quod voluntatem ac desiderium habeat ipsum Dominum in sanctissimo Sacramento suscipiendi, vt habeat quotidie, quod offerat.

3. Aug. 1575. Hoc totum sanctus hic vir offerebat, vt sic ostenderet amorem, quem erga eum gerebat, qui adeo ipsum amabat: quare ita in suo libello ait: Die quodam, cum post Sacrum gratias Deo agerem, hunc circa modum diligendi Deum habui sensum; quod deberem ei omnia mea tradere, meum tempus, meas delicias, amicos, & reliqua omnia & optima, & me ipsum cum illis: siqui-

dem

dem ipse omnia sua, maxima, & minima tradit, nullo excepto, & se ipsum optat libentiùs dare. Remansit cor meum valde molle, & ad eius ma-
lestatem cum iucundo quodam sapore propen-
sum: quod reputavi magnum in me eius studium.
Et cum alio quodam die essem in Oratione, cum *10. Martii*
huius amoris auiditate: dixi Domino nostro cum *1569.*
magno quodam interno sensu, ô Domine, si cum
nullo alio, quàm tecum agerem; aut de solis re-
bus ad obsequium tuum, & bonum animarum
pertinentibus, quod tibi tantoperè placet! ô si
vel nunc inciperem opus illud, quod tu in tuo à
nobis discessu perfecisti! ô si casus ille eueni-
ret, quo cogerer à te non separari; nec dere vlla
agerem, quæ ex tua obedientia non esset! & cum
fuerit hæc oratio ex inspiratione, spem mihi fecit
Dominus gratiæ huius obtinendæ. Et sine dubio
ei indulgit: quia summè contendit exuere omnem
creaturarum amorem, qui sui creatoris amorem
relaxaret. Et quoniam hoc ipse fuerat expertus,
exhortabatur alios ad eandem amoris rationem,
dicens: tanti Deum facite; vt semper vobis vi-
deatur modicus omnis, quem habetis amor, vt
illum ei tradatis. Quod vt exactiùs præstetis,
colligite totum illum, quem in creaturas di-
spersum habetis: non solum quando illæ par-
ui vos faciunt; sed etiam quando vos depe-
reunt; ne videamini illas retinere, quia vos illæ
repellunt; sed ob summam æstimationem, &
reuerentiam, qua Deum prosequimini; nec
tristemini, quòd eas deseratis: Siquidem,
quod illis addicti essetis, id vos procul à
Deo separabat: Postea experiemini nullam
in

in eis causam fuisse lætitiæ; nec nunc esse, nisi in solo Deo. Quare expedit vobis, non quærere eorum amicitiam; aut familiaritatem; imò spontè ab eis oblatam repellit: & sic commodum vobis iudicabitis; quod eam etiam quærentibus deneget: tunc liberiùs ac plenius debitum Deo amoris & obedientiæ tributum reddetis; vestrumque cor totum in eo ponetis, qui est totus thesaurus vester. Et eadem ratione iudicatur: totum vestrum tempus, modicum esse; vt Deo illud tribuat: cum dicat S. Augustinus perire illud tempus, quod non in amando Deo expenditur. Et eadem ratione; quidquid vobis libet ac placet, cogitationes omnes, verba & opera, oculos, aures & reliqua omnia expendite in hoc tributo Domino reddendo.

In MANUA:
C. 4.

AD hunc perfectionis gradum amoris dicit, multum sibi contulisse quod suam de ipsis creaturis deceptionem deposuerit; cum enim interior quædam querela in mente obuersaretur, de quâdam persona, quod non satis responderet amoris, ad quem suo iudicio ille tenebatur, hæc habuit interna valdeque vtilia sensa:

30. In lib.
3575.

AGNOSCE; quomodo Deus tuas partes agat: grauis ac difficilis conflictus tibi fuisset: si pro voto tibi euenisset. Prouidencia Dei, magnæque misericordia erga te est, quod creaturæ te à se repellant; & mittant ad creatorem, facientes, quod ipse iubet; & hoc (inquit) stupendis tribus modis præstant. *Primus*, quia non satisfaciunt; nec, cum possidentur, desiderium tuum satiant. Sicut S. Augustino respondebant: non ego sum Deus tuus, nec tua quies & solatium. *Secundus*, quod

quòd modicum illud bonum, ac dulce, quod habent, non semper tibi communicent; sed pro suo libitu, & cura tot mutationibus, atque sunt in capite capilli, quia nunquam in eodem statu permanet; à quibus omnibus dependere debet, qui illas sectabitur. *Tertius* est, quòd statim atque in aliquo alio tantillum boni, vtilis, aut delectabilis plus, quàm in nobis inveniunt: nos planè deserant: & quamvis hanc veritatem sæpius in nobis experti simus, quàm pilos in capite habeamus: nunquam tamen stultitiam nostram agnoscimus, qua ipsas creaturas sequimur, Creatoris obliti. Ex quo prouenit, vt neque Creatorem esuriamus, neque creaturis satiemur. Illud est ergo remedium: vt illas præueniamus, inde incipientes, vbi illæ desinunt: statim illas deferentes; ne vel tempus cum eis amittamus; & ad Creatorem transeuntes, in quo requiem, pacem, & saturitatem inueniemus, cum æterna stabilitate, quam nemo possit mutare, aut impedire. Quid quietius eo, qui nihil desiderat? & quid eo ditiùs, qui res omnes huius mundi magnas, & splendentes, tanquam superfluas reputat? habere Deum: & nihil vobis deerit.

HÆC & alia sensa Deus illi communicabat, vt eum ab omnibus creaturis auelleret, quibus sensus, vt responderet, ita se gerebat, vt nullus in eo aduerteret affectum aliquem aut oblectationem cum re aliqua particulari, etiam minima, nec cum vlla persona, quæ ipsius libertatem & ingenuitatem, qua eius anima Dominum diligebat, interturbaret, aut impediret. Longo tempore in eo laborauit, vt à corde suo obtineret, ita à creaturis omnibus se expedire, quasi in Africæ deser-

*Vide S. Aug.
in id Psal.*

*40. Vniuersum
stratum
eum versasti
in infirmis
te eius.*

tis vitam suam duceret: donec tandem cum diuina gratia id obtinuit. Aduertebatur verò talis eius dispositio & animus ex tenero affectu, quo cupiebat vitam suam in aliquo angulo finire: licet multi Magnates optarent, illum apud se habere; & ipse dotes, ac talenta haberet, etiam ad loca & stationes sublimiores. Et hinc ad vltimum & supremum culmen peruenit, de quo in proximo capite dicetur.

CAPUT L.

PERFECTAM OBTINET RESIGNATIONEM, & cum diuina voluntate conformitatem in rebus prosperis & aduersis: & quadam eius de eisdem sensa.



VM VITA P. Balthassaris, vt ex his, quæ hæcenus diximus, apparet, contexta fuerit varijsseuentis, prosperis & aduersis in omnigenere rerum: omnes illi tanquam alæ, aut gradus fuerunt, per quos ad supremum perfectionis culmen in amore diuino perueniret, in quo locum habuit sententia illa Apostoli: *a scimus: quoniam diligentibus Deum omnia cooperantur in bonum*, siue prospera sint, siue aduersa. Nā quoddam maius bonum, quàm eiusdem amoris & dilectionis augmentum? Et quando tale augmentum ad vltimum suum punctum in hac vita peruenisse censebitur, nisi cum quis id assecutus est, vt idem cum Deo habeat velle & nolle in rebus omnibus corpora'ibus & spiritualibus, magnis & paruis; neque eligere velit, aut propendere magis ad

ad vnā, quā ad alterā: donec voluntatē
 Dei nouerit, cuius executionem in rebus omni-
 bus querit? Et ita dicit, quod cū semel aliquid
 peteret à Deo, quod pro ipsius obsequio cupiebat:
 intellexerit: omnem perfectionem consistere in
 faciendā voluntate Dei; & maximum omnium
 sacrificiorum esse, cum eadem conformari: est e-
 nim ipse suæ gloriæ zelans, nouitq; quid ad ean-
 dem promouendam magis expediat. Et cū die
 alia dubitaret, de Sacro celebrādo, propter quod-
 dam impedimētum, quod acciderat, hunc ei sen-
 sum Dominus communicauit. Non parum refert
 rectè cognoscere, quid Deus velit, aut in eo deci-
 pi & errare: nec paruus sed magnus, imò maximus ^{27. tam} 1569.

consensus est error, aut recta cognitio in tali ca-
 su. Si enim Deus aliquid vult: temerariū est, quod
 vilis vermiculus idem non velit; & quod ille nō
 vult, stupēda stultitia est, si homo audeat illud vel
 aspicere. Quod si hoc verum est in rebus omnibus
 etiam minimis, quas Deus vult, aut non vult; quid
 erit, rectè facere, aut errare in accessu altaris: vn-
 de ingens adē bonum, aut malum euenire tibi
 potest; si rectè venias, aut veniendo aberres? Hinc
 etiam (inquit) intellexi: non esse sine dolore & la-
 crymis ducendā eam vitam, in qua tanta est i-
 gnorantia; & ita hallucinamur in re adē graui:
 remedium verò illud nobis superesse, vt continuè
 insistamus orationi, iuxta illud Scripturæ: *b cum*
ignoramus quid agere debeamus, hoc solum habemus ^{b 2. Paral.}
residui, vt oculos nostros dirigamus ad te. Qui igitur ^{26. 12.}
 intentionē suā rectificās humiliter Deū orauerit, *Vide S. Ber-*
 sperare poterit ab eo directionē: de quo dicitur, *nard serm.*
 quod ipse *c dirigit consilium iusti*; quod si cōtingat ^{30. in cant.}
 aliquādo errare, licebit confidenter sperare ve- ^{c Eccles. 9.}
 niam: 10.

niam: eò quòd nolens & in tenebris impigerit.

Qua propter magno studio attendebat, ut voluntati Dei suam conformaret; seque totum eidem resignaret, etiam in rebus spiritualibus: in quibus contentus erat sorte sibi à Deo data, etiam mediocri; aut parua. Et cum in initijs nonnihil esset inquietus, ob nimium desiderium sui in oratione profectus: tandem etiam in hoc sese subiecit, ac resignavit, accepto à Domino interno quodam sensu; dicens ei: Cùm tu, Domine, in quadam mediocritate me constitueris: mediocris esse volo, & talis videri; me deijcere, & ex tua obedientia omnibus maioribus subijcere: & malo in hac statione ab omnibus despici, modo tibi satisfaciam; quàm in aliqua alia adorari, non placendo tibi, nam statim superest mihi quod defleam præcedentem meam inquietudinem; & propterea gratias agam, quòd me supra multos extuleris. Idem ei evenit, cùm videret, se multis externis occupationibus premi; & proponeret Deo D.N. teneras quasdam querelas, quòd sibi tempus deesset ad manendum cum ipso seorsim. Factum

9. Maij. 1575. (inquit) est hoc verbum Domini in me: Satis tibi fit, quòd tua opera utar: quamvis te non habeam mecum, ex quo mansi iucundus & lætus. Alio die circa eandem materiam hoc sensit. Fieri quidem potest, quòd multis Societatis hominibus tempus desit liberum, explendæ suæ voluntati; sed non deerunt occupationes, & opportuna occasiones ad explendam diuinam. Quòd si ut granum frumenti fructum proferat, necesse est, ut moriatur; quæ melior, & maior fœlicitas? quæ verò maior stultitia, quàm dolere de tali occupatione?

tione?

rione? Si Deus electionem mortis nobis permis-
 sisset: quamnam iucundiores inuenire potuisse-
 mus illa, in qua neque cauteria, neque oppro-
 bria adhibentur? quid autem sunt aliud homi-
 num Societatis occupationes, quàm stationes,
 in quibus Deus illos ponit; spatia quædam ipsius
 obedientijs plena; venæ apertæ ex quibus totus
 sanguis effluit propriarum voluntatum: quæ ma-
 gis in oculis Dei splendent, quàm lapides pretio-
 si: aptissimæ, ac ditissimæ viæ ad perfectio- 4. Regum. 7.
 nem, nec illæ ex Samaria vsque Iordanem, ex fu- 15.
 ga Assiriorum adeò refertæ erant eorum spolijs
 & rebus pretiosis! aperi Domine oculos meos, &
 videbunt mirabilia legis tuæ. Hos gubernat lex Ioan. 4. 34.
 Domini immaculata, pura ac munda; horum *cibus*
est, sicut nostri Saluatoris, *vt faciant voluntatem*
Patris, qui in cælis est: cuius valde sunt egeni ac
 ieiuni propriæ voluntatis amatores. O à quot
 hominibus dulcis hic bolus ignoratur! pauco-
 rum est hoc ferculum ab omni proprio commo-
 do lucroque expeditum: vnus Christi, vnus A-
 postolici Collegij post aduentum Spiritûs san-
 cti, vnus Pauli Apostoli dicentis: Siue absentes
 siue præsentés simus, illi placere cupimus; ac vni, Psal. 61. 2.
 Dauidis dicentis, *nonne subiecta erit anima mea Do-* Psal. 53. 2.
mino? & in alio loco ait: *voluntariè sacrificabo tibi.*

HÆC est suprema & perfectissima pars re-
 signationis & conformitatis cum voluntate di-
 uina: in qua summè perficitur scopus & inten-
 tio amoris, in quo sanctus hic vir plurimùm ex-
 celluit, diligens Deum suum, non respiciens ad
 lucrum & præmiũ, adeò vt etiam affectum depo-
 neret solationum & deliciarum, quæ in oratione

haberi solent : ita se Dei voluntati resignando , ut eius amore eisdem carere contentus esset , ut ex subiectis sensis apparebit.

Ita , quæ tu Deus constitueris , omnis creatura acquiescere debet ; & facere quod iusseris. Sed nullus , cui tu fauorem hunc præstiteris , ut adiutum ad te habeat , & præsentia tuæ dulcedinem , & vocis , ac doctrinæ tuæ internæ solatium experiatur ; poterit non dolere , quando huiusmodi delicta sibi subtrahuntur , ideoque dixit David : d
Psalm. 38. 13. *auribus percipe lacrymas meas , & ne sileas.* Ingens hic thesaurus latet , cum eò peruenit anima , ut experiatur , se non posse sine Deo , eiusque fauore vivere. Sed num propterea quod tenera interna sensa cordi meo desint , eidem deerit directio Dei ; & quod propria mihi sensa desint deerunt Ecclesiæ communia , quæ sunt fidei > his igitur splendoribus , hac luminis claritate , illustrandus sum ego. Quæ veritas , ut etiam in Magis appareret , cum illi Hierosolymam peruenierunt subtraxit se illis stella , ut sapientes , iuxta sacram Scripturam , locum Natiuitatis Christi eos edocerent ; & postea
c. Mat. 2. 10. iterum sese illis ostendit , cum ipsorum *egaudio magno valde.* Nam particularia sensa sæpe se occultant , quasi flumina in aliquibus locis subtus terram fluentia , veniuntque ac redeunt ad nutum ipsius Dei ; ut fides autem , Dei verbo , non verò i-
S. Bonan. process. 4. Religios. c. 1. ipsius sensis innitatur , permittit Deus , hæc aliquando abesse. Et iterum (ait ;) intellexi : Deum parcius consolationes spirituales largiri , eò quod ad ipsius obsequium ita expediat. Nam eo anima est melius præparata ac disposita , quò magis assimilatur suo Redemptori , qui in hac vita fuit cala-
 mita-

mitatibus plenus, eiusque anima multis desolationibus ac tristitijs. Solatium autem simile debet esse refrigerio, & leuamini, quo viator in hospitio est refectus: non vt in eo maneat, sed vt maiori animo & robore pergat vltteriùs; & loquens cum ipso Domino solebat cum quadam resignatione valde plena ac perfecta dicere: Domine, qui hoc me beneficio affecisti, vt me totum & quidquid in me est, tibi offerens, requiescam: hanc quoque largire gratiam, vt in eo quoque quietem inueniam, quòd me pro tuo libitu tractes. Nec altiorem finem quæro, nec minus apta media; non ampliores fauores, nec pauciores dolores; non maiores delicias, nec pauciores labores: qualem Deus me fecit, & ego sum promeritus: talis haberi volo; sicut Deus fecit & ego peccaui, ita volo tractari: nec plures tenebritates volo nec pauciores desertiones ac stupores.

IXTRA hoc beneficium, quod accipiebat à Deo, docebat eos, qui cùm Spiritui se dedant, anxij sunt, eò quòd existiment, se Deum non amare feruenter; docebat, inquam, eos, vt vel in eo statu, quo sunt, incipiant illum amare. *Primum*, tolerando eum, si iudicant, malè se ab eo tractari. *Deinde*, vt contenti sint ijs, quæ ipse largitur: magnum & singulare donum, quicquid dederit, reputando. *Tertio*, vt contenti etiam sint eius moras expectare, nec longas eas iudicantes; sed breues ac opportunas; & tanquam diuites thesauros: cùm hi pro animabus puris non in eo consistant, vt ipsius Dei bona habeant; sed in eo, quòd ille sit cum ipsis contentus.

Quarto, ut faciant & offerant, quo plura poterunt obsequia, pura soli ipsi placendi intentione. Quemadmodum enim honestissima quædam vxor amorem suum erga virum ostendit, faciendo quæcunque potest, ut illi placeat; quòd si se exornat & comit, id facit, ut ei soli placeat; nec ulli alteri; ita ut, si viro suo placeret, ut omnia illa ornamenta deponeret, libentissimè id faceret: etiam si ab alijs non compta & ornata, deformis & vilis haberetur; contenta eo solo, quòd viro suo placeat, cum illo maneat, & iucundum lætumque illum reddat: ita anima verè & seriò Deum amans, omne suum solatium in eo collocat, ut ille benè sit cum ipsa contentus: quòd si virtutum ornamenta, scientias, & alias gratias desiderat: id non facit, ut hominibus placeat, & ab eis magni fiat; (id enim genus quoddam adulterij reputaret;) sed solum, ut Deo suo magis placeat; aliosque iuuet ad idem præstandum. Ideoque; si Deus illi solatia, & fauores subtrahit, nec gratias gratis datas largitur; & quamuis calcetur, & contemnatur, æquè ipse est pacatus: eò quòd id velit Deus, in cuius beneplacito omnia sua bona constituit: *& sic placens Deo, erit dilectus*. Et qui hac ratione Deo gratum se exhibuerit, diligetur ab ipso; sibi que comparabit amoris eius præstantiam, ac diuitias ab eo prouenientes.

AD huius rei confirmationem dicebat: præcipuum omnis bonæ Orationis finem, & optimum fructum ex ea colligendum, esse: dare Deo quidquid à nobis petierit; magna que cum conformitate ei acquiescere in omnibus, quæ de nobis statuere velit, in agendo ac deducendo nos,
quibus

quibus vijs ipse voluerit; siue auferat sanitatem, honorem, commoditates, aliasque res naturales, siue circa interiora & spiritualia subtrahat pristinos fauores, subducatur se à nobis, aut occultet; frigidos nos deferens, & quasi in tenebris; & simul patietur, nos tentationibus, timoribus ac desolationibus oppugnari: vt ita ipsi maior gloria deferatur, & nos magis proficiamus; nam hoc est, quod ipse querit; & quod reuera sequetur, si nos erimus fideles, & perseverantes; nec ad creaturas conuertamur, ad externa querenda solatia; etiam cum ex ipsius Dei rebus radio magno afficiamur; ac videamus, quasi nos ab ipso deferi; nec ipsam crucem fugiamus, nec ipsas Probationes, quas nobis mittit: si enim fideles in eis fuerimus, reuertentur priores gratiæ, meliores & potiores. Quemadmodum S. Iob redierunt greges: cuius verba semper in ore habeamus, dicentes in huiusmodi euentis: *f Dominus dedit, Dominus abstulit*: idem enim Dominus, qui dederat hoc mihi donum, illud abstulit, *fit nomen eius in æternum benedictum*: nam siue det, siue auferat, vtrumque ex amore facit; & in meum commodum. Et Sacerdos Heli dixit: *g Dominus est, quod bonum est in oculis eius, hoc faciat*: Nam idem etiam erit in meis, quomodocunque ipse disposuerit. Ex quo fit, vt qui huiusmodi habet resignationem; & quæcumque aggreditur, in eum dirigit finem: quamuis faciat, quidquid potest, ac debet; exitum tamen, quem querit, ita Dei dispositioni remittit; vt quietior sit, & pacatior ex Euentu, quem Deus mittit; etiam si solatio suo aduersetur; quàm si ex voto suo eueniret; ita Ioab belli

f Iob. i. xi.

g 1. Reg. 3. 18.

h Paral. 19.
13-

dux fratri suo dicebat: *h confortare & agamus viriliter pro populo nostro & pro vrbibus Dei nostri: Dominus autem, quod in conspectu suo bonum est, faciet.* Hæc omnia docebat P. Balthassar eos, qui orationi studebant; quæ & ipse cordi suo valde affixa conseruabat. Quare cùm huiusmodi resignatione ac fiducia præclara aggressus est, vt vidimus, in bonum animarum, facinora cum foelici ac prospero euentu.

CAPVT LI.

*GRAVES ALIQUAE SENTENTIAE
circa resignationem, ac de prouidentia di-
uina fiduciam, ex literis eius ad ægro-
tos & afflictos, quibus illos con-
solabatur, excerptæ.*



VAMVIS P. Balthassar gratia & prudentia valeret, vt suprâ est dictum, in scribendis literis ad reuocandos lapsos, & exstimulandos torpentes & pusillanimes: non tamen minùs valebat ad consolandos & animan-

dos ægrotos & afflictos, vt qui experientia didicerat, quid esset ægrotare, & tribulari; ex qua experientia deducebat monita & consilia, quæ reliquis daret. Hæc autem præcipuè erant, (vt suprâ est dictum) resignatio, & conformitas cum voluntate Dei, & suauissima eius prouidentia, in qua torum solatium suum constitutum habebat, cùm ægrotaret, aut aliàs tribularetur: & eadem ratione consolabatur suis literis ægrotantes & afflictos, varijs valdeq; iucundis modis, quorum
bonos

Cp. 27.

bónos aliquos bolos hic proponemus, ad maius nostrum solatium & commodum.

§. I.

CUIDAM nobili personæ tertianæ feбри labo- *Salman. 19.*
ranti has scripsit sententias: Sancta Gertrudis in *Aug. 1574.*
quadam exstasi, diuinitùs fuit edocta Deum D.N.
qui summa est bonitas, eodem amore, quo homi-
nem condidit, dispensare, ac disponere, quæcunq;
illi mittit, tam aduersa, quàm prospera, in vtrisq;
respiciens maius illius bonum. Ex quo sancta illa
deducebat: valde cæcos illos esse, qui non dele-
ctantur, ac se valde foelices iudicant, cùm talia i-
p̄sis ex amore adedò intenso proueniunt. Tu autē,
bone Domine, non ex illis cæcis es; sed (quæ ma-
gna est Dei bonitas) ex benè ab ipsomet edoctis;
v̄t ex hac tantæ lætitæ materia intelligas, te ab i-
p̄so amari, & amicè ac beneuolè tractari; & seue-
ras hæc febres argumentum reputes teneræ gra-
tiarum actionis: siquidē habet aliquid eius amo-
ris, quem S. Laurentius ostendit erga Deum, cum
ipsam craticulam, in qua vrebatur, conuertit in
laudes Dei, dicens: *affatus, Domine, tibi gratias a-*
go. Ago & ego illas infinitæ charitati: quòd te ita
præuenerit in benedictionibus dulcedinis, v̄t in
hac probatione fidelis inueniaris. Cuidam alteri *Salman. 1.*
valde illustri in eundem sensum scripsit. Magnū, *Martij 1576.*
inquit, indicium, quòd statio ista tua Deo placeat,
est pax & tranquillitas, quam ipse in ea tibi dat,
adeo continuatam, v̄t quasi centrum tuum esse vi-
deatur. Gratissimus nuncius fuit mihi, opranti, te
in omnibus gubernari regula adedò infallibili:
quod si hanc stellam tanquam polum sequaris, ex
omnibus calamitatibus foeliciter licebit exire:
ne

ne possint vlla aduersa solidum tuum solatium diluere, idque merito: nam, cui Deus oculos aperit ad discernendum, quantum bonum in ipso habeat; etiam aperit, vt eodem lumine, videat, quantum valeant & æstimari debeant omnia poenalia & aduersa; & agnoscat, ea esse instar velocium Postarum, quibus ingentia spatia, quæ inter animas & ipsum interiacent, velocissimè percurruntur; & eum, qui dicat ea esse impedimenta ad progressum retardare; iniuria afficere diuinam prouidentiam, si quis enim proficere cupit, ei quæ placere, quem meritò debet plus quàm se ipsum amare: meritò etiam occasiones illas desiderabit, in quibusei placere possit: quæ occasiones cum sint euentus illi, quos cæcus mundus infelicitates, infortunia, & onera appellat; ea ipse talia non iudicabit; sed Dei studia & fauores in se reputabit, & quidem eo maiores, quo illa grauiora erunt.

C V I D A M Religioso hæc scripsit: corporis laborem & maiorum adhuc animæ sustinet R. V. vtrumq; à Dei dulcedine ita ordinatum, vt ipsum met Deum tecum habeas. Memini Christum D. N. S. Gertrudi aliquando dixisse: quando animam quampiam virtutibus vacuum videbat, se ad eam deduci, eò quòd eius delitiæ sint esse cum filiis hominum, quos in corpore doloribus & tribulationibus; in spiritu verò turbationibus repleret, & quidem interdum multò grauioribus, quàm essent priores, vt viam venturo ipsi sternant; & ad afflictam animam vocent, excitatis ad ipsum Deum clamoribus, cum antea nec voces essent, nec

a Psal. 33. 19 sensus; ait enim Scriptura: *a prope esse Dominum*

q̃s, qui tribulato sunt corde, & ipsemet dixit: b cum ^{b Psal. 90.}
ipso sum in tribulatione. Hæc est pressuræ tuæ cau- ^{15.}
 sa, non odium; non abiectio est benevolentia
 Dei, sed eius dulcedinis amplexus; qui eò maio-
 ri debet esse venerationi, quò strictior est, & com-
 pressior: hoc enim indicium est, quò ipsæ crea-
 turæ inter se mutuum amorem manifestant. Si tua
 crescit ærumna; crescat & fides in Deum, quæ ad-
 feret sanitatem: ita enim Apostolus de alijs infir-
 mis benè credentibus: *c fide conualuerunt de in-* ^{c Hebra. 11.}
firmitate: Non volet Dominus botrum ad eò im- ^{34.}
 maturum decerpere, quem pro sua oblectatione
 condidit. Quod si purè ob ipsius obsequium viue-
 re optas: turò potes id desiderare, ac petere: non
 enim ex eo offenditur Dominus, sed complacet
 sibi. Eidem quoque sanctæ Gertrudi dixit: quòd
 pietas amoris sui, quo animarum salutem deside-
 rabat, ipsum cogebat, tãquam obsequium ipsum-
 met quærendi, acceptare iustorum desideria, qui-
 bus non inordinatè aliqua propria bona quære-
 rent: & si qui corporis morbis aut spiritus deso-
 latione, aut similibus alijs pressuris grauati, sa-
 nitatem desiderant, aut eiusmodi calamitatibus
 liberari: ego, vt iuxta magnitudinem amoris, quò
 illos prosequor, copiosissimè remunerem eorum
 desideria, reputo, quasi me ipsum quærant. O ver-
 ba cordialis verè consolationis, pro eo qui sentit
 in se, quod ab ipso audiuit! compatio, quod in
 isto sis statu, expertus sum enim, quanta sit ho-
 minum imbecillitas cum Deus illos proprijs vi-
 ribus relinquit, vt clarissimè deprehendant,
 quàm parum sine eo possint, quem, vt sibi ipsis
 ignitantur, deserunt: Cùm igitur ego ad portas
 mortis

Gen. 22. 10.

mortis peruenerim, sicut tu, uiuo tamen: readeas & tu ad te ipsum, uiueque confidens, quod poteris esse sicut ego; & vires habere adhuc maiores: respira & te ipsum consolare, sciens ad sanitatem & alia, quæ desideras, citius, & cum maiori tua voluptate impetranda, illud esse aptum medium, ut cum Deo te geras reuerenter, liberaliter & ingenuè te liberæ eius voluntati ac nutui tradens: nam donec DEVS id à te obtineat, scito, ipsum permissurum, ut ad mortis portas proximè accedas; quem si resignatum viderit, & promptum ac paratum: audies ipsius Dei responsum sicut Abraham audiuit Angeli, cum *extendit manum & arripuit gladium, ut immolaret filium suum*: cum dixit: *non extendas manum tuam super puerum* non enim aliud quærebat DEVS, quàm tuam probare fidelitatem, quam cum iam videt, iubet, filio prætermisso, victimam offerre ex ariete, quem coram te habes. Nouerat benè Deus, absque tali probatione, quo usque Abrahami fidelitas esset progressura; sed ipse non sciuisset, an tantam haberet virtutem, nisi Deus ad extremum illud perduxisset; nec tantum fuisset ipsi ex filio solatium, si parcum se tardumque erga Deum exhibuisset; & aliquid ex parte sua prætermisisset, quod ad eius obsequium facere potuisset, qui adeò benignè ac liberaliter filium ipsi superstitem, & cum tanta gloria sua reliquisset. Nul- lum, mihi crede, aptius inuenies compendium, quo ab ista pressura expediaris; nec magis ad tuum palatum, quando sanitas redierit. Projicias te clausis, ut dicitur, oculis in manus Dei, in quibus

quibus tutus omnino eris, quod non tibi male cedit: siquidem illæ, ut temporaneam & æternam tibi requiem promererentur, voluerunt cruci configi.

§. II.

BINAS alias scripsit valde pias de eodem 22. Maij. argumento ad duas nobiles Dominas. Ad al- 1572.
teram hæc dicit: In tuis literis legi multas ærumnas, quibus premeris; & credidi plures adhuc esse ac grauiores, quàm illæ sint, quas insinuasti: si enim exprimi potuissent, non censerentur valdè graues. Memineris: dulcedinem, quam à Deo speras, hanc & similes alias habere qualitates, quæ eius magnitudinem præstantiamque ostendant. Spectaculum (ait S. Augustinus) sperant iusti se visuros, tantam in se continens dulcedinem, ut licet magnam esse cogitari possit: quàm tamen magna sit, assequi non liceat. Nescio, quid dicam de tot ærumnis, quas Deus in te accumulat: nisi illud Dauidis, qui de eo dicit: *a congregans sicut in vtre aquas maris: ponens in thesauris abyssos.* Sicut enim tantam aquarum multitudinem in vtre, vas adedò paruum, infundit: ita ingentem rerum multitudinem in animam; singulas ex se quidem insipidas; sed alteram altera amariorem: & in his ait ponere **D E V M** abyssos thesaurorum suorum. Thesauros vocat consilia sua, arcana sua, & dispositiones non satis à nobis intellectas, quibus utitur ad nos promouendos in bonum, & animas nostras perficiendas, & merito talia consilia vocantur earum thesauri: quia ab
eis

a Psal. 32. 7.

eis omnes earum diuitiæ, omnis felicitas, & quidquid eas docet, & subleuat proueniunt. In huiusmodi igitur thesauris, (ait David) Deum ponere abyssos: quando multas ærumnas & calamitates congregat in aliqua anima. Stupendum hoc verbum est! quod, nisi ipse legat & explicet, obscurum valde manebit. Pulsa ad eius fores, quas non aperit absque mysterio: & interim donec aperiantur, venerare in silentio arcanum, quod mens tua assequi non potest, magno desiderio tenetur Deus videndi in nobis filij sui imaginem ad viuum depictam. Quod si nos videre vult solos, & ærumnis contritos & oppressos, non aliò tendunt eius curæ & cogitationes, quàm vt illa imago in nobis perficiatur. Postquam eius filius (in quo valde sibi complacet) insignia illa induit, quæ Fides nos docet, ac prædicat; non potest illi placere, quòd nos eisdem indui non studeamus; & quod, cum ipse nos eis induerit, nos genua non flectamus, & cum magni amoris ac reuerentiæ significatione gratias non agamus. Non sunt hæc vt solum ita dicantur; sed vt verè sentiantur, & ex eis nostri cordis solatium hauriatur. Siquidem Deus noster, qui non bis punit id ipsum: cum semel id facit, expurgat desolatione temporali, quod fuisset æterno igne puniendum; & abluit aquâ rosaceâ, quod fuisset sanguine crudelibus cruciatibus effundendo, purgandum. Ei, qui Dei amorem habet, & per eum sentit diuinam maiestatem huiusmodi mittere excitatores; non sunt aliæ considerationes necessariæ, vt eosdem amet & adoret. Omnes illos reputat gratias, omnes nuncios celerrimos, ignitos carbones, ingenua

gentia lumina, ipsius Dei in se benevolentia; omnes accipit tanquam amoris eius sagittas, quæ quantumuis ipse sit durus, non tamen sicut esse saxum. Eò te Deus noster dirigit; quare, nisi eius amore inflammaberis, timeas. Eò ipse hasce tuas dirigit ærumnas, & calamitates. In quibus, nisi aduersitas eius fauores ac delicias; gemas tua peccata; quæ vela sunt super oculos tuos, & impediunt videre felicitatem ac diuitias mediorum aptorum adeò & commodorum, quibus vititur Deus, ad altissimum finem suorum consiliorum. Quousque hæc intelligas, Deus te faciet vacillare; donec hoc tibi sapiat, Deus te amaricabit; donec magni hoc facias, Deus attendet, vt te amplius humiliet; donec eius consilia ac dispositio tibi placeant, quæcumque desideraueris, euanescent; quidquid acciderit, displicebit; omnia tibi contra votum, & palatum euenient; omnia tibi deerunt: quia tu ipsa in ea re deficiis, quæ sola sufficit satiare, honorare, ac docere possidentem. Hinc S. Augustinus in illa verba Davidis: *b exquisivi Dominum, & exaudivit me*, ait: qui non exaudiuntur, non Deum ipsum, sed alia ab ipso bona quaerunt: & quoniam iniuriam Deo inferunt, volenti se in amore suis donis præferri, illi ita puniuntur, vt illa non consequantur, & à familiari eius amicitia repellantur. Tali poena meritò punitur talis temeritas. Fusior hic est discursus, sed studio feci, vt in alijs breuior sim; & quòd cupiam in te perficere quod coepit Deus. Doleo, quòd tot obruaris molestijs; sed plus illud sentio: quòd, licet scribas, te ex parte earum thesauros agnoscere, ea pars adeò sit parua, vt mihi satis non sit. Ardes

quidem, sed parum; luces, sed modicè: hæc enim ita accipere videris, quasi parum in eis positum arbitreris. Cum bona tua venia; videris mihi, nec tuam paupertatem agnoscere; nec diuitias, quas Deus tibi offert, intelligere; ex quo prouenit, vt non tanti facias, pro vt par est, quod Deus mittit; neque cum eo amore, quo ille id mittit: ac propterea vereor, ne hac via ipsum Antidotum conuertatur in venenum; & parum proficiat is, de cuius vita agitur: nisi, quod iam obtinuit, magni faciat.

Metina vlt.

Mart. 1572.

*c Prov. 20.
30.*

ALIAE literæ tales sunt: Deo sit laus, quòd tui non obliuiscatur. Qui oculos habet ad videndum, (vt ait S. Augustinus) postarios Dei cursores reputat ægritudines, per quas celeri cursu ad eum curritur: nam, vt animas ad meliora promoveat, studio illas mittit, arguens & *castigans quos amat*. Nec volo te ignorare, conceptum animo meo solatium, ex cognitione consiliorum Dei circa res tuas, non fuisse imminutum ex recentis tui vulneris cognitione: vt ex hoc intelligas, quali te amore prosequar. c *Liuor vulneris* (ait Spiritus sanctus) *abstergit mala*. Intellige sententiam, & experieris Dei studium & fauorem. Est enim sensus: iliacus morbus & dolor; & animæ sanitas: non censentur caro pretio haberi animæ bona, quæ corporis doloribus & incommodis comparantur. Perge in bene circa tuam renunciationem coeptis: hæc enim lectio tibi nunc prælegitur. Cum igitur initio statueris, Deum solum sine alio adiuncto comite querere, eumque inuenieris: noli nunc alium adiungere, ne iniuriâ eum afficias. Hoc ipse vt impediatur, te præuenit, decorem aufe-

auferendo. d *Nolite* (inquit sponsa illa sancta) *me d Cant. 1.6.*
considerare, quod fusca sim: quia decolorauit me sol.
 Nec alius eius loco; nec cum ipso alius simul quæ-
 rendus: nam primum falsitati & fraudi; secun-
 dum impuritati tribueretur. Ne hanc illi iniu-
 riam aut notam inuras vt alium quempiam si-
 mul mensæ cum illo assidere facias. Petas ab eo
 obnixè vt in anima tua requiescat. & si fortè du-
 bitas, quomodo id facies: ipsum interroga: quod
 si reuerenter ac demissè feceris, internum hoc re-
 sponsum accipies: sine, filia, me agere circa te
 quod ego volo: plarisque illud facias, & præfe-
 ras omnibus alijs donis, quæ tibi largiri potest, si-
 ue temporalia, siue æterna: sic enim & ille con-
 tentus tecum erit, & tu ditior euades, magisque
 proficies. Discas amplè de rebus eius sentire, cre-
 dens de omnibus eius operibus, quod seruus eius
 Moyses dixit: quoniam e *Dei perfecta sunt opera,* & *Deut. 32.*
& omnes via eius iudicia recta & iusta. Cumque il- 4. 19.
 le in filiam te suscepit: noli eius iram irritare:
 nam id obseruabit, teque ad viuum punget, ac pu-
 niet: quemadmodum de alijs refert Scriptura sa-
 cra: *Vidit Dominus, & ad iracundiam prouocatus*
est: quia prouocauerunt eum filij sui, & filia. & simul
 attende: cum quanto rubore audienda sint ver-
 ba, quæ paulò inferiùs subiecit: *Insidiales filij.* &
 quò ampliùs in huius Domini seruitio, & am-
 plectenda eius voluntate profeceris: eò maior
 tua erit apud me opinio, & æstimatio maior:
 quamuis & nunc non sit parua.

H V I V S M O D I rationibus utebatur sanctus
 hic vir ad consolandum suauiter, & efficaciter
 infirmos & afflictos; vt prouidentia diuinæ fide-

rent; suamque voluntatem diuinæ semper accom-
modarent; à qua didicerat experienciâ, nostrum
dependere remedium & solatium; & eandem so-
lere aduersa in prospera commutare; quemad-
modum in seipso expertus est, vti iam vidimus.

C A P V T LII.

*PROFICISCITVR TOLETVM,
vbi prouincialis Officium auspiciatur,
& quarto mense vltimum diem
obiit Belmontij.*

1580.



VM P. Balthassar adeo esset be-
nè probatus, ac resignatus, & in
eo perfectionis gradu, quem
vidimus: voluit Deus D.N. fru-
ctum iam maturum, adeoque
grati saporis pro mensa cæ-
lesti, decerpere. Nam quemad-
modum laborem Peruanæ profectio-
nis, vt ibi
Prouincialis munere fungeretur, tanquam me-
rendi materiam ei obtulit: (siquidem, quod in se
fuit, prompta ac generosa voluntate eam acce-
ptauit) ita voluit eiusdem merita multum augeri
ex illa promptitudine, qua se obtulit ad idem
Officium per triennium in Prouincia Toletana
obeundum, acceptan- eius laborem paulò plus
quàm trium mensium, vbi mortuus est tanquam
bonus miles in ipso conflictu, fideliter munere
suo fungens.

ELAPSA igitur quadragesima Anno 1580. di-
scessit Villagarcia cum ea præparatione, quam
reçu-

retulimus cap. 48. cum Christo scilicet crucifixo in corde suo, (vt ipse dicebat,) & tribus eius fidelibus comitibus, paupertate, contemptu, ac dolore: magnas repurans diuitias, honorem, ac delicias, amabilem hunc & pretiosum dulcis sui Iesu comitatum. Venit Vallis-Oletum, vt Collegij sui Fundatrici, alijsque nobilibus personis, quibus singulariter erat obstrictus, valediceret. Accidit autem, vt ego tunc ibi essem: factus enim fueram Sacerdos in Sabbatho **SITIENNES** siue ante Dominicam Passionis die scilicet gloriosissimi sancti Iosephi, habuique primitias meas die Annuntiationis Beatissimæ Virginis in Collegio sancti Ambrosij: retinuerunt autem me per totam hebdomadam sanctam, & sequentem in domo professa, vt iuuarem in excipiendis confessionibus. Cum igitur ego P. Balthassaris subditus essem, accepit me socium, ad Visitationes & alia negotia peragenda: quod meæ tribui foelicitati, tunc enim adhuc magis expertus sum spiritum, feruorem, ac verborum & rationum eius vim: cumque ex abundantia cordis, os loquatur, videbantur mihi *labia eius* sicut cælestis sponsi *lilia* a Cant. 5. 13. *distillantia myrrham primam*: non enim solum suauia & iucunda erant; sed spirabant etiam fortem quendam, & acutum, valdeque penetrantem odorem; & omnia distillabant primam illam & electam myrrham paupertatis, contemptuum, ac dolorum diuini huius sponsi, quo adedò occupatum & repletum habebat cor. quare apud eos, quos visitabat, tanto spiritu ac feruore de tribus his rebus loquebatur, vt illorum corda penetraret, & inflammaret; excitaretque desiderium non

modò de eisdem meditandi, sed eadem etiam imitandi; & adhuc inter ambulandum prodibant ex eius ore aliqua verba de hoc argumento, quæ me, valde alioquin frigidum, quasi ignem accenderent. Optassem ego sanè sanctum virum ad Prouinciam Toletanam vsque comitari, vt eius dulci sanctaque Societate fruerer; & aliquid de tribus illis bonis comitibus, quos in suo corde gerebat, mihi adhæresceret; sed non fuit mihi concessum, quare redij Villagartiam, vt quod audieram, alta mente retinerem, ac ruminarem. Intra octo igitur dies Vallis-Oleto discessit, & ad suam Prouinciam peruenit. vbi aliqui, qui eundem in suis initijs asperiores, ac rigidiores erga se & ad alios nouerant, credentes eum adhuc in feueritate sua permanere, timorem aliquem alijs incusserant: sed breui deceptionem hanc deposuerant, coepit enim humilitatem, suauitatem, & humanitatem, qua erat à Deo exornatus, omnibus ostendere. Quare cùm primùm ad Toletanam domum peruenit, insignem ostendit senioribus omnibus Patribus animi submissionem, iuit enim ad cubicula P. Francisci Stradæ, & aliorum Patrum antiquiorum, qui ibi erant: flexisque genibus petijt ab eis manum, vt oscularetur: & tunc P. Strada dixit: Prouincialis, qui tam demissè genua flectit, bonus erit Prouincialis; nam *b vbi est humilitas, etiam est sapientia cælestis*, vt dixit Sapiens; & Christus D. N. qui ad eò charos habet humiles, cælestem lucem prudentiamque eis communicat, ad rectam gubernationem: quem admodum sancto huic viro datam esse ostendit in ipso Visitationis exordio, ita res totius Prouinciae

b *Prov.* 11. 2.

ciæ prudenter ac maturè disponens, vt magnum omnibus adferret solatium: cuius rei fama cùm ad alia Collegia perueniret: vnumquodque Collegium cupiebat ad se citius peruenire.

S O C I V M Officij, sui habuit. P: Alphonsum Montoium, qui postea Officiū illud in Prouincia Castillæ gessit, postquam fuerat Domus Professæ Præpositus, vir sanè magnæ religionis, scientiæ ac prudentiæ, qui ordinem referebat, quem P. Balchassar in itinere ipso seruabat. Mane enim tres aut quatuor horas orationi tribuebat; cum ad hospitium perueniebat, faciebat Sacrum, gratias agebat, & particulare examen: & tunc sumebant cibum, & post breue temporis spatium, (nam cum esset ver ad omnia suppetebat) spiritualem aliquam lectionem habebant, & horas suas persoluebant: postea vsque ad vesperam toto itinere ordinariè vacabat orationi; nocte verò legebat Matutinaum, seruato in omnibus ordine, quem habebat in Collegijs. in quorum Visitatione eodem exemplo & omnium ædificatione procedebat, quem in Prouincia Aragonia seruauerat. Sed cum maximè videretur in suo Officio feliciter progredi, voluit Deus eius progressum intercipere intra quatuor menses, felici quadam morte, qualis fuerat sancta eius vita.

C V M enim Toletanam domum Professam, Complutense Collegium, & Domum Probationis Villareiensē Fontanam visitasset, faciens magno seruore exhortationes suas tam domesticis, quàm sæcularibus in templo; vt omnes, quoad posset, diuino amore inflammaret, cœpit Villareij diligentias præscriptas adhibere, ad obtinendum

nendum magnum Iubilæum à Gregorio XIII. pro foelici rerum Ecclesiæ progressu concessum. ieiunauit ergo cum magna seueritate vtraque septimana à Iubilæo præscripta, nemine potente illum impedire; quamuis ob suam debilitatem satis esset excusatus. Ieiunio illo debilitatum est valde corpus; quamuis sensim spiritus ad id, quod illi imminabat, disponderetur. Accessit temporis illius magnus æstus, & quem in ipso itinere mense Iulio sustinuerat: quare cum ad Collegium Belmontense peruenisset, incidit in febrem: quam nec medici, nec domestici magni faciebant: at sanctus Pater intellexit horam suam peruenisse: & ita se ad mortem coepit præparare. Confessus est generaliter socio suo P. Alphonso Montoio; communicauit magna cum deuotione; petijtque valde tempestiuè, & accepit extremam vñctionem, editis magnis indicijs, reuerentiæ, amoris, & æstimationis Sanctorum horum Sacramentorum; & gratiarum, quæ per illa sibi communicantur; ac beneficij, quod accipiebat à Deo, volente ipsum ad se vocare. Nolebat Visitationes admittere: vt eo esset expeditior ad orandum, & agendum cum Deo suo. Et cum ei socius diceret, vt aliquem constitueret suo loco, respondit: ne, quæso, de negotijs mecum agas, non est enim tempus. Medicus volebat ei periculum indicare, & quam prope finem, eius esset vita; coepitque aliquid per ambages quasdam insinuare, nolens apertè id dicere: quem cum sanctus Pater benè intelligeret, dixit valde expeditè, & sine vlla hæsitatione: non est cur timeas, apertè mihi dicere, imminere mihi mortem; quia nihili facio viuere,

nec

nec doleo quòd moriar. Quidam alius Pater videns pacatum animum, quem ostendebat, ad ex-
eundum de carcere huius corporis, interrogavit:
an gauderet, & libenter moreretur? cui respon-
dit: si in aliquo tempore: cur non iam? quo re-
sponso bonæ suæ conscientiae testimonium, & sa-
lutis suæ fiduciam indicavit. Sed quid mirum,
quòd eam habuerit in fine tam Sanctæ vitæ: cùm
in eius medio simili periculo affectus ea dixit,
quæ supra cap. 28. retulimus? præcipuè cùm (ut
etiam superius est dictum) revelationem habue-
rit, se esse ex numero electorum ad cælum. Acces-
serunt omnes, qui in Collegio erant, ad hunc eius
testamentum, multis profusis lacrymis. Et quamvis
omnes optarent, in ea hora aliquid ædificationis
ex eius ore audire: vir tamen Sanctus, noluit eo-
rum orationem interrompere; nec suum inter-
num cum Deo colloquium: in cuius præsentia
cum magno silentio & quiete finem imposuit suæ
peregrinationi, reddens spiritum suum Deo, se-
ptimo die suæ ægritudinis, hora quinta vesperti-
na, die 25. Iulij, sancto Iacobo Apostolo sacro, cui
ipse erat valde piè addictus, Anno 1580. ætatis suæ
47. & Societatis 25. Valde omnes senserunt, se pri-
uatos tali virtutum exemplari, & utilitate, quam
ex eius gubernatione in ea Prouincia sperabant.

Cum eius obitus in Oppido innotuisset, plu-
rimi famam eius sanctitatis permoti, accesserunt,
ut saltem mortuum viderent, de quo non potuis-
sent aliam notitiam habere. Et quoniam Domi-
nus noster voluit, seruum suum ad eò sibi in vita
charum, post mortem honorare: inspirauit toti
Collegiatæ illius Ecclesiæ capitulo, ut etiam non

Vocatum, solenniter ad eius funus accederet. Fuit autem & funus ipsum & exequiæ cum magna solennitate celebratæ; & corpus eius in testudine repositum, vbi solent aliorum Religiosorum corpora collocari.

QUANDO in Castilliam peruenit nuncius de eius morte magnus fuit omnium sensus ac dolor, tam Societatis, quàm sæcularium grauissimarum personarum, præcipuè Ducissæ de Frias, quæ statim atque intellexerat de eius ægritudine, miserat ex Villalpando mulam vnā rebus multis ad eum subleuandum & conforrandum aptis oneratam, quando autem nuncius de eius morte peruenit, tantus fuit Dominorum illorum, qui illic aderant dolor, ac sensus, vt consolationis alicuius causa P. Rectorem Villa-garcensem statim accerferent. Nec minor fuit dolor D. Magdalenz Villozæ Fundatricis Collegij Villa-garcensis, ex quo ille in alteram Prouinciam discesserat, cuius Capellani solennissimum ibi fecerunt Officium Vigiliarum & Sacri musicè cantati; idemque fecerunt illius Collegij Patres, vbi recens valde erat Rectoris ac Patris sui memoria. &, quamuis plurima Sacra in diuersis partibus pro eo dicerentur, maximus fuit tamen numerus personarum (inter quas valde multæ erant nobilissimæ, & valde doctæ) quæ eius Orationibus, tanquam viri Sancti, & multum in cælo potentis, sese commendarent. Ego obstupui & veneratus sum occulta iudicia Dei, quòd voluerit talis viri vitæ filum abrumpere in tali ætate, & oportunitate: cum scilicet, iuxta naturæ cursum, diu adhuc superuiuere potuisset; secundum gratiæ verò oportuni-

runitatem habebat aptam & commodam ad magnos fructus in Dei Ecclesia in sua Religione, & extra illam proferendos. Sed quoniam ipse est huius vineæ Dominus, eam plantat, putat, & palmites abscindit, quando & quo modo vult; ita ut nullus ei dicere possit, *c. cur ita facis?* non enim à *c. Iob. 9. 12.* Deo exigenda ratio est eorum, quæ facit; sed id solum pro ratione & quidem iustissima omnibus sufficere debet, quod ipse fecerit; ut omnes, sese subijciant, & tanquam bonum rectumque accipiant, & amplectantur, quod ipse fecerit. S. Antonium Paduanum in minori adhuc ætate, quam P. Balthassarem ad se vocavit; etiam si fructus, quem in animabus faciebat, esset extraordinarius; & paulò maioris ætatis erat sanctus Franciscus, & S. Thomas Aquinas, alijque Sancti, cum eos ex hac vita deduxit; non habita ratione, quod libros, aut insignia alia facinora inchoassent, nec perfecissent. Deus enim numeratos habet dies Iustorum, & meritorum, ac præmiorum gradus; quare cum eius dispositio & consilium locum iam habuit, eos vocat, ut in cælesti gloria in loco proprio collocet: & eadem operâ remanentes adhuc in hac vita monet, ut in hoc itinere festinemus, simusque vigiles, & benè parati ad hanc vitam deferendam: nam, nobis minimè cogitantibus, veniet filius hominis, ut vitæ nostræ rationem accipiat; & vel diligentiam nostram in eius obsequio remuneret; vel puniat incuriam in eius legis observatione admissam.

CAPVT LIII.

*ALIQVAE REVELATIONES
de fœlici eius morte & gloria: & auxi-
lia spiritualia ab ipso etiam post
mortem præstita.*



QVONIAM mors Iustorum pretiosa est in oculis Dei, quorum vult perpetuam esse memoriam; ideo rem ita dirigit, vt fidelibus innotescat, quàm præclarus locus in æterna gloria sit illis datus. idque facit modò per particulares reuelationes; modò per miracula, aut insignia alia opera, quæ eiusdem rei sint indicia: & ita diuina eius Maiestas voluit Sancti huius viri mortem; & quàm illa in ipsius oculis fuerit pretiosa, reuelare eodem, quo obijt, die.

§. I.

AD id faciendum elegit idem Dominus ciuitatem Burgensem, ex qua facilè potuit in tota Prouincia Castiliæ diuulgari, in qua adeò erat notus, tantique fiebat. Ibierat, quædam ancilla Dei (ex ijs quas Beatas sancti Francisci appellant) insignis poenitentia, & magnæ Orationis, in qua magnos à Deo accipiebat fauores, etiam rerum futurarum reuelationes, quæ ita omnino eueniebant, sicut illa dicebat; & interdum vocem quandam audiebat, iubentem aliqua per se ipsam facere, quæ semper erant valdè vtilia, & quorum magnam habebat coniecturam, quod à bono

bono spiritu iuberentur. Hæc ergo, cùm die quodam Orationi vacaret, audiuit sibi dici: veni, vt intersis morti cuiusdam fidelis mei serui. Et tunc rapta fuit in spiritu ad quendam egrotum; vbi vidit circa eius lectum multos viros Ecclesiasticos, magnum splendorem ex se ipsis emittentes, & cum illis magnam Angelorum multitudinem. Postea ingressi sunt quinque alij in habitu Ecclesiastico, sed cum maiori gloria & splendore, quàm priores; quorum vnus claram adèò & splendentem habebat lucem, vt ipsa cogitaret, eum esse Christum D. N. sed monita est, non esse. Hic ægrotum per manum dexteram accepit, & erexit; alij verò quatuor ad eius latera, & reliqui circumcirca: qui simul cum Angelis animam eius in cælum magno cum gaudio & musica deduxerunt; duo verò ex Angelis apud corpus remanserunt, vngentes, & thurificantes illud. Quæ Beata, cùm solennes adèò exequias vidisset, animæ quæ adeo gloriosum ascensum, existimauit esse quendam Episcopum in Italia, magnum Dei seruum, quem illa valde reuerbatur ac diligebat: sed reuelatum eidem est, non illum esse, sed Prouincialem Societatis Iesu Prouinciæ Toletanæ. Statim autem post hanc visionem, (quam vt diximus eodem die habuit, quo P. Balthassar obiit Belmontij,) venit illa, vt eam suo Confessario referret, Patri, scilicet Christophoro Riuerio viro verè Sancto, prudenti, magnique spiritûs, qui & postea fuit huius Prouinciæ Præpositus Prouincialis, qui sollicitè examinauit, quæ illa retulerat; & quando nuncius venit de morte P. Balthassaris, facta omnium circumstantiarum collatione inuenit,

uenit, de eodem esse accipiendam hanc reuelationem. Et cum eadem illa Beata post annos aliquot Vallis-Oleti, (quò se contulerat) interrogata à P. Francisco Salcedio, è nostra Societate, eiusdemque S. Patris ex Fratre nepos: quomodo res gesta esset? illa respondit: se id in quodam suo libello scripssisse, in quo alias notabat gratias & fauores, quas Christus D. N. exhibere illi consueuerat, quarum rationem suo Confessorio reddebat: & postquam accepisset hanc, in qua vidit animam illam cum tanta gloria ad cælum ascendisse, se non posse eius obliuisci: quin quotidie eidem se commendaret; & postea se intellexisse, illum fuisse P. Balthassarem Aluarium. Quare, benè perspectis omnibus huius reuelationis circumstantiis, sanctaque eius, cui illa facta est, vitâ; cui similes gratias Deus aliquando faciebat; & quæ postea aliam etiam habuerit de morte & gloria sanctæ matris Theresæ de Iesu; & denique quòd ille felicem habuerit suæ peregrinationis exitum; meritò haberi potest certa talis reuelatio; & quòd sancti de cælo, & Angeli ipsi, quibus Sanctus hic vir in hac vita piè valde fuit addictus, venerint, ut illum in morte honorarent. & siquidem vir ille magni splendoris non erat Christus D. N. piè credi potest fuisse Patrem nostrum sanctum Ignatium, cuius Pater ipse Balthassar erat filius; aut gloriosus Apostolus sanctus Iacobus, in cuius die festo diem suum ille obibat; aut aliquis alius, erga quem specialem habuisset deuotionem.

S. MATER THERESSA de IESU cum Metinæ intellexisset sancti huius viri mortem, non se po-

se potuit continere præ dolore à lacrymis ultra horam integram fundendis; nec ullus potuit eam consolari, quæ interrogata, cur, quæ reliquas huius mundi restam parui faceret, adeò hanc sentiret? respondit, fleo propterea quod sciam, quantum noceat ac porro nocebit Ecclesiæ sanctæ Dei huius eius serui mors; & post hæc mansit in raptu siue ecstasi ultra duas horas: quid eo tempore viderit aut gestum fuerit, non dixit; scimus tamen, illam sæpius retulisse reuelationem, quam vndecimo capite posuimus, de excelso sanctitatis gradu P. Balthassaris in terra viventis; ac de ingenti gloria, ad quam erat prædestinatus in cælo. Et ego intellexi ex quadam fidei famula Dei eidem Sanctæ matri valde deuota, nostræque Societati piè adhiæta (de cuius veritate ac virtute magnam habeo certitudinem ac securitatem) quòd cum ipsa esset valde semel afflicta, apparuerit sibi gloriosa & sancta illa mater, multis annis post suam mortem: quæ, ut ipsam in sua afflictione solaretur inter alia multa, hæc verba consolationi ipsius valde accommodata, dixit: & ego sum filia Societatis, habuique in ea Confessarium, quem nunc in cælo & agnosco & veneror. Est autem certum, illam intellexisse P. Balthassarem Aluarium: nam etsi prius alios habuerat: hic tamen diuturnior fuit, ipsaæque magna cura præ alijs iunxit, ad præcella sua desideria executioni mandanda; & de quo ipsa gloriabatur, quòd confessarium & Magistrum eum haberet. Cum igitur dixerit, se illum nunc in cælo recognoscere, ac venerari: signum est, eum occupare ibi locum & sedem adeo eminentem, atque

que ipsa vidit, cum adhuc in terra degeret.

ET quamvis hæ reuelationes magnum adferant solatium: quod tamen certiores ac securiores nos reddit, quod illæ sint veræ, est quidquid hæcenus in huius historiæ progressu retulimus. Talia enim opera; tales virtutes, quales retulimus; talis charitas erga proximos; talis humilitas in opprobrijs; talis patientia in calamitatibus; talis conformitas cum Dei voluntate in rebus omnibus; talisque modus orationis adeò continuatæ, testimonia sunt in eo gradu certitudinis, quæ in hac vita de lege ordinaria haberi potest certa & firma, quòd fruatur Deo, qui talia fecit; in quibus vsque ad mortem perseuerauit. præcipuè cum multo plura facere, ac pati optasset, quàm fecerit, & passus fuerit. propterea S. Ioannes ait, se vocem de cælo audiuisse dicen-

Apoc. 14. 13. tem: *Scribe: Beati mortui, qui in Domino moriuntur. Amodo iam dicit spiritus, (cuius verba idem sunt atque facta) vt requiescant à laboribus suis, opera enim illorum sequuntur illos.* Hæc ipsum coram Deo, Angelis, & sanctis eius honorant: & licet miracula desint, opera tamen ipsa, quæ prodigiosa satis sunt, eorum vicem suppleant; suntque testimonia Sanctitatis certiora, quàm alia miracula, quæ etiam improbi ad confirmandam fidem, quam profitentur, licet non ad ostendendam virtutem & sanctitatem quâ carent, edere aliquando possunt. Nec tamen desunt in hac historia res aliquæ raræ, ac prodigiosæ, ita viro huic sancto concessæ ad utilitatem aliorum, vt simul fuerint quasi præmium suorum laborum, & media ad maiorem in virtutibus progressum: qua-

quale fuit donum Contemplationis, cum fructibus ad id raris, ac exquisitis, atque superius sunt narrati, scientia illa spiritus ei infusa; & Theologia ad Officium suum præstandum necessaria; cognitio occultorum cordis; prophetia & revelatio rerum futurarum & absentium, quibus donis Deus illi indulget, & honoravit in terra: hæc inquam omnia certa satis sunt signa & pignora bonorum æternorum, quibus nunc etiam eum honorat, ei que indulget in cælo.

§. II.

SEd præter hæc voluit Dominus noster, eundem Patrem post mortem suam talia facere opera, quæ confirmarent ea quæ vivens præstiterat; & sanctitatem ac gloriam, quam pro eis obtinuerit. nam (vt ex Sacra scriptura deducitur) sancti, qui in cælo sunt, non deponunt curam eorum, quos sibi commissos habuerunt in terra: sed potius, cum habeant puriorem charitatem, sint que semper in Dei conspectu, eum pro illis orantes; suis orationibus pro ipsis impetrant gratiam, & auxilia, quibus indigent, vt constantes esse, & crescere in bono possint, quod illis in hac vita persuaferant. Ad quod confirmandum facit, quod secundo libro Machabæorum refertur de duobus ^{2. Machab.} Illustribus Sanctis antiqui Testamenti, *Onia* summo Sacerdote, & *Jeremia* Propheta, quod eleuatis manibus multum orarent pro populo Israël; & sanctus Petrus Apostolus fidelibus, ad quos ^{2. Pet. 1. 15.} scribebat secundam Epistolam, scripsit: *dabo autem operam, & frequenter habere vos post obitum meum, vt horum memoriam faciatis*, quæ scilicet <sup>Ita O Ecu-
menim &
Græci, Bel-</sup> sermo-

*Iarm. lib. de
cultu San-
ctorum c. 18.*

sermone eis prædicauerat, vt inuisibiliter continuaret Officium, quod præsens & corporaliter erga illos fecerat. Hoc autem idem disposuit diuina maiestas, vt faceret P. Balthassar, cui adeò cordi erat zelus adiuuandi animas sibi commissas, vt etiam post mortem idem præstiterit officium, illas adiuuans in earum tribulationibus, & animans ac exstimulans ad perseuerandum in bene cœptis.

INTER has personas primum locum dabo D. Annæ Enriquez, cuius suprâ facta est mentio, Domina nobilissima & valde spiritualis, & aduersis rebus valde exagitata, æquè vidua, atque cùm eius vir esset superstes. Hæc eò quod esset sancto illi viro valde piè addicta; postquam intellexit eius mortem, & experta est auxilia, quæ tunc per ipsum accipiebat, scripsit quandam omnium relationem his verbis, (aliquibus tamen omissis breuitatis causâ.)

CUM intellexissem morbum P. Balthassaris Aluarij Vallis-Oleti, contuli me in die Transfigurationis Domini ad Professam Societatis Domum Confessionis & Communionis causa; & vt intollererem aliquid de eius Patris morbo; cumque mortuus iam diceretur; adeò graue mihi id fuit, vt exprimere non possim; eò quòd multum de meo solatio, & leuamine amiserim, quod ab eo habui tempore, quo recens relicta sum vidua, valdeque afflicta: & quamuis aliquæ personæ, huius rei consciæ, conabantur me consolari: nihil me earum rationes mouebant. Incubui illa nocte ita tristis: manè verò satis tempestiuè euigilans, Sancti huius Patris fui memor: ex cuius
memo-

memoria statim diffusa est magna in animam meam lætitia, quæ res valde fuit mira: tum propter meam ordinariam constitutionem, tum propter talem occasionem, & tam repente, & me nihil ex parte mea adhibente; sed interius tamen multis rationibus mihi persuadebatur, vt non essem adeò tristis ac desolata; quæ persuasio fiebat cum quadam suauitate & iucunditate maxima: & breuissimo tempore multa mihi innotuerunt, quæ faciebant obmutescere defectus illos, qui ob eius absentiam in mente mea versabantur: quos intellexi reparari velocioribus ad cælum cursoribus, quàm sint qui in terra cum magna festinatione mittuntur; & expeditiores ab omnibus periculis: simul enim significabatur, etiam seruos Dei, in terra non sine magnis periculis & incommodis inter se inuicem communicare. Nec satis assequi possum, qua ratione, me tam prope esse viderem ei, quod sensui adeò procul esse videbatur: vt mirum omnino esse videretur. tantam autem concepì consolationem, antequam è lecto surgerem: vt quamuis tristis esse vellem, non possem. Ea consolatione & animi tranquillitate toto illo mane in templo Societatis, & tribus proximè diebus potita sum. Et ab ea hora videbar mihi, Patrem illum ad latus meum habere, non solum imaginariè, sed quodam alio modo dissimili. Tribus his diebus elapsis, licèt ego cuperem idem sentire, non tamen poteram: sed interiùs valde eius memoria delectabar, sicut etiam dum viueret & absens esset, aliquoties comitem se mihi exhibebat iucundissimum & purissimum, magis, quàm si præsens omnino fuisset; quam-

uis hoc non erat, quoties ego optabam.

POST annos aliquot 17. Nouemb. Anni 1587. pridie sancti Gregorij Thaumaturgi, cum in magnis internis angustiis fuisset, coepi quadam nocte aliquos Psalmos oraret & quauis versus aliqui, quandam cordis teneritudinem in me excitarent, grauis mihi tamen erat solitudo; dolebamque quod non haberem aliquam personam, cui sensa mea, interna iuxta votum ac desiderium meum, aperirem: & sic hæsi, quasi stupore affecta, facie ad parietem versa. Dixeram ego ante paucos dies cuidam familiari animæ meæ, quæ P. Balthassarem nouerat. O quanti ego facerem, si possem nunc cum isto Patre colloqui! cumque hoc adeo esset procul, ut accideret; ex inopinato inueni me apud illum: quem licet corporis oculis non viderem, sentiebam tamen propè ad dextrum latus meum comitem mihi se præbentem iucundissimum. Experiebar in eo maiestatem quandam cum familiaritate & humanitate coniunctam; & occurrebant menti meæ multa eorum, quæ dum viueret mecum loquebatur, idque tam clarè & apertè atque cùm viueret; & simul sentiebam eius spiritum: loquuta sum de rebus præteritis & præsentibus tenerrimè. Quod cum illo tunc transegi, & rationem ac modum eius colloquij non potero, nec sciam exprimere. Videbatur, non loquens mihi respondere; meque consolari, ac docere, & offerre se ad me iuuandam. Loquutus sum de meo Confessario, & alijs rebus: & experiebar illum erga me valde benignum; & eius conspectu tranquillitatem redire, cessante tempestate illa, quæ me valde cruciabat. Plurimarum

rum rerum lucem nihil loquens mihi adferebat, & explicabat spiritualem familiaritatem, & amicitiam, quam mecum habuerat: & videtur mihi, quod ipse videret, & lustraret totam animam meam. Dixi ei, mi Pater, nihil mihi dicis? & visus mihi est, signum quoddam versus cælum fecisse, quasi me eò impelleret, ac statûs illius amplitudinem mihi innueret: & hoc me plurimum permouit. Cognoui eius sanctitatem, & quàm seriò Deo D.N. seruiisset: dixi quæ illi, aliarum personarum vitas editas esse, & publicè haberi; & quid esset, quod eius vita in silentio maneret? respondit mihi non verbo, sed modo, quem benè intellexi; non refert. Hoc insinuans, quod ex tunc usque ad diem, quo omnia essent in lucem proditura, modicum esse tempus, cùm essent temporalia; & hac ratione magnum quendam odorem, & opinionem æternitatis mihi communicauit.

IN die etiam S. Andreæ fui in magnis tristitijs angustijs, ob aliquod verbum mihi significatum; & cum hac afflictione ad sacram Communionem accedens, sensi sanctum hunc Patrem ad latus meum dextrum eodem modo quo nuper: & quamuis nec corporis oculis illum viderem, nec loquentem audirem, eum tamen sentiebam, & intelligebam. Loquuta sum illi; & ex tempore statim euauit nebula illa, quæ animam meam obnubilauerat; & sensi me tranquillitati restitutam, & animatam, videbar mihi tanquam patrum eum habere, me docentem; & quando sacra hostia in Missa eleuabatur, eam quæ adorabam: sensi illum prope me magnam sanctissimo Sacramento reuerentiam exhibentem. Hæc omnia cer-

ta mihi visa sunt indicia ac testimonia, quod multum apud Deum valeat; eiusque maiestati placere per eum quasi visibiliter me adiuuare. Cumque ego gratias ei agerem, quod mihi adeo tempestiuè adfuisset; fecit, ut intelligerem, id totum Deo deberi. Ex quo aduerti eius erga Deum fidelitatem, quam semper seruauit.

ALIA quoque valde fidelis Dei famula, satis nota, & pro tali habita, retulit, quod cum internam quandam in anima sentiret desolationem, recordata fuerit P. Balthassaris: & cum magno sensu ei dixerit: Pater, adiuua me: & paulò post visione imaginaria vidit eum ad latus suum dextrum iucundum ei exhibentem comitatum; & tunc ei dixisse: Pater mi, possibile ne est, ut cui tot bona præstitisti, beneque voluisti in terra; nunc in loco meliori existens mihi non subuenias? adiuua, quæso, me. Mærebat nihilominus anima illa in sua tristitia ac desolatione, donec duo hæc verba interius audiuit, quæ ipsius esse iudicabat: *enitere ad perfectionem*: quibus illa leuamen sensit: & agnoscens necessitatem suam, sancti verò illius præstantiam, brachium extendit in eam partem, in qua eius præsentiam sentiebat, dicens: Pater, porrige mihi manum: & sanctus Pater illam porrexit; & vidit ipsa mediam brachij partem, eodem modo indutam, quo, dum viueret, esse solebat: arripuit illa Patris manum, & cognouit ipsa: hoc pignus esse fiduciæ, quam habere deberet, quòd esset voluntas Dei in ipsa, iuxta eius votum ac desiderium implenda. Et sic dulcis illa, iucundaque præsentia Patris euanuit, non tamen viuax medij brachij vestiti imago: cu-

go: cuius manum, vt dictum est, illa arripuerat.

QVIDAM Societatis Pater grauis, valdeque doctus P. Balthassari valde in vita familiaris, retulit, se in magnis ac paruis necessitatibus suis, tam spiritualibus, quàm corporalibus Deo D. N. per merita huius sancti eius ferui commendantem, inuenisse remedium ac leuamen, idque aliquoties: & præcipuè in re quadam, quæ valde ipsum premebat, quasi miraculum fuisse credidit remedium, quod accepit. Et in alia afflictione, cùm se eidem Patri commendaret, internum accepit responsum, quòd in similibus necessitatibus deberet ad beatissimam Virginem recurrere; quod cum fecisset, se magnum sensisse adiumentum. Et iterum Belmontij, cùm idem faceret, submissam quandam eius vocem audiuit; & quidem sententiæ, quam proferebat, initium fuit vox externa; sed finis, interior, quasi inspiratio quadam. Nec sine causa voluit Deus D. N. omnia hæc signa & indicia fuisse ad subueniendum & subleuandum personas afflictas; sed vt eadem opera manifestaretur, quantum donum & gratiam habuerit in vita ad huiusmodi consolandas; & quam Deus eidem communicauit, ad eos per eius intercessionem consolandos, qui in suis afflictionibus id ab eo petiuerint.

CAPVT LIV.

TRANSLATIO OSSIVM EIVS
ad Collegium Villa-gartiense.

In Psal. 115.



DEO est in conspectu Dei pretiosa mors Sanctorum eius: vt, teste sancto Basilio, quemadmodum olim, qui tangebant ossa corporis mortui contaminabatur: ita nunc contrà, qui ossa corporis alicuius sancti

Orat. in 40.
Martyr.

Serm 93.

tangit, recipere possit virtutem, qua sanctificetur: ideoque idem Dominus vult, eiusmodi ossa in varia diuidi loca, vt in omnibus sint ornamentum, propugnaculum, ac defensio aduersus hostes nostros; & vt fidelibus eius honori sint. si à me quæras (ait sanctus Ambrosius:) quid ego in huiusmodi Ossibus ac Reliquijs Sanctorum venerer? respondeo, me in corpore illius sancti venerari vulnera, quæ pro Christo suscepit; memoriam eius, qui vitam duxit colendo semper virtutem; venerari cineres confessione Domini Dei sui consecratos, & in ipsis cineribus sementem æternitatis; venerari corpus, quod me docuit Deum amare, eidem placere, mortem non horre-re. Et cur fideles non honorent corpus, quod ipsi dæmones venerantur? quem enim cruciatibus afflixerunt, eundem in sepulchro venerantur. Denique illud corpus ego veneror, quod Christum D. N. in hoc mundo honorauit; & est cum ipso in celo regnaturum. Hi tituli, motiua & commodum ex veneratione & cultu Reliquiarum Sanctorum

pro

prouenientia: & propterea statim atque aliquem defunctum, sanctum esse iudicamus: cupimus reliquias aliquas, aut rem eius aliquam habere, ex quo prouenit, vt qui P. Balthassarem Aluarium nouerunt, tantam de eius vitæ sanctitate opinionem habuerint, vt aliquas corporis eius Reliquias, aut rem aliam eius secum habere optauerint; vt eum venerarentur, & eidem se commendantes, per huiusmodi aliquod pignus copiosam Dei misericordiam impetrarent.

• Qv i præ alijs in hac re deuotionem suam ostenderunt, fuerunt duæ Illustrissimæ Dominæ: Prima D. Iohanna Castellæ, Fundatorum Collegij nostri Villareij Fontani Neptis: quæ, cum quatuor tantum diebus cum illo egisset, quibus in transitu ibi hæsit, adeo fuit in suis interioribus difficultatibus subleuata, adeoque stupuit vim, & efficacitatem, qua ad cor loquebatur: vt optauerit habere secum post mortem, quem non potuit diutius habere in vita: & ita petijt à P. Prouinciali eius Prouinciæ (qui tunc erat, P. Franciscus Porrius) vt curaret tradi sibi caput S. Patris, quod spiritualis solatij causa secum retineret. Cui post paucos dies illud fuit concessum: tum quòd Societas valde illi esset obstricta, tum quod magna cum deuotione id peteret. Ad illud tollendum misit quendam Patrem illius Collegij cui tradidit arculam pulchrè exornatam, & pannos elegantè elaboratos, vt inuolutum & arculæ inclusum ad ipsam portaretur. Habebat caput capillos multos valde adhuc recentes, & aliquid intus ex cerebro, quod necdum fuerat consumptum: & nihilominus nullus aderat ingratus odor, sicut

nec ex toto sancto eius corpore, aliquid tale exhalabat, quando ipsa ossa in cistam vnam collegerunt: cum tamen necdum caro tota esset consumpta: ideoque aliquid etiam calcis cum ossibus posuerunt, ut caro illa citius consumeretur: & quamvis in hac re non modicum temporis posuerint: nunquam tamen odorem aliquem ingratum perceperunt, cum tamen aliorum corporum in eadem cripta manentium foetorem ferre non possent. Acceptum sanctum caput pijsissima illa Domina posuit cum magna reuerentia, ac veneratione, in quodam Oratorio ad id solum destinato, præter alterum quod habebat; & illud pulcherrimè exornauit in testimonium amoris ac venerationis erga sanctum Patrem.

ALTERA fuit D. Magdalena Villoia, hæc cum cogitaret sepeliri in Collegio Villa-gartiensi, voluit sancti P. Balthassar's corpus ibidem habere, quem habuerat Confessarium & Magistrum, fueratque Rector, & primus Nouitiorum Magister in eo Collegio. Petijt ergo illud, à Patre nostro Generali, qui iam erat P. Claudius Aqua Viva, qui non potuit non annuere petenti. Ad ossa transferenda missus est P. Franciscus, Salcedius, nostræ Societatis, & eiusdem Patris ex sorore Nepos, cuius in præfatione nostra mentionem fecimus, attulitque illa occultè Vallisfæ-inclusa vsque Villa-gartiam, & transiens per Vallis-Oletum, vbi hæc Domina manebat: dedit ei dentem ex capite Sancti extractum, ut secum illum gestaret: quod valde gauisa est tali munere accepto. Aliqui tres graues, ex domo nostra Professa cupiebant ipsa ossa videre, ac venerari: & P. Iosephus A

stius, qui vnus erat eorum, tantam percepit suauissimi odoris fragrantiam, vt interrogaret, an aliquid inter ossa posuissent, quod tam suauiter redolerent: cumque responderent, nihil esse positum, quamuis comparata quædam fuissent, vt ponerentur: respondit ille, ne id facerent: nam non deesse in illa domo, qui magnam fragrantiam percepisset. Solet enim Deus D. N. sanctorum corporibus suauissimum odorem tribuere, quamuis non omnes illum percipiant. Conuenerunt Villa-gartiam P. Gonzaluus Abulensis Prouincialis, & P. Ioannes Montemaiorius illius Collegij Rector, & P. Franciscus Galartius Domus Professor Vallis-Oletanæ Præpositus, P. Ioannes Suarius, Antonius Padillius, & multi alij graues eius Prouinciæ Patres: accessit & Inquisitor, D. Ioannes Morales Salcedius, affinis sancti Patris, & D. Iacobus Lopez Salcedius eius ex Fratre Nepos, qui tunc erat Collegialis in insigni sanctæ Crucis Collegio Vallis-Oletano, quorum superius facta est mentio. Sarcophagum siue cistam cum sacris ossibus deposuerunt in quadam illius Oppidi Parochia, quæ dicitur S. Boalis, in quodam tumulo ad id præparato. Die autem sequenti instituta est ex templo nostro ad illam parochiam solennis processio, ad sacra ossa ad illud deferenda. Præcedebant quadringenti Studiosi, & Clerus cum choro Cantorum, qui seruiunt nostro templo; & hos sequebantur Patres & Fratres Societatis, sacris vestibus indutus incedebat prædictus Inquisitor Salcedius, vt Sacrum celebraret, & faceret Officium. Cistam ipsam acceperunt P. Rector illius Collegij, & P. Præpositus Vallis-Oletanus & Pa-

& Patres alij graues, & ad certum tractum manebantur: quia omnes cupiebant eum honorare sancta sua vita ac doctrina adeò prius ipsos norasset: collocatum fuit corpus in magno tulo, quod fuit in medio summi facelli erectum quenti die mane fuit solenne Sacrum, & ex lens concio habita à P. Roderico Cabredio, tunc erat socius P. Prouincialis, & postea fuit iam Prouincialis, Visitator & Superior in diuincijs Peruana, & Mexicana cum magna gloria, & vtilitate animarum tam Hispanorum quam Indorum. Sacro finito, posita sunt flosa in Capella Reliquiarum prope altare, in seruator sanctissimum Sacramentum, ad l epistolę: volente Deo D. N. ita eum honorare adeò seriò ipsius honorem in terra quæsiuisset quoniam ipse procurauerat, vt prædicta Donna Fundatrix facellum illud adeò insigne ædificaret, in quo tantum sacrarum reliquiarum nuntum & varietatem poneret ad honorem Sanctorum: ideo voluit Deus, eius corpus proprium ter illos haberet in terra locum, cuius animæ ter eosdem in cælo locum habebat.

Et quoniam concio, quæ in hac Reliquia collocatione fuit habita, præterquam quod edita valde sit, spiritalis, & curiosa, habet et breuem quandam summam, & iucundum Elogium vitæ huius sancti viri, quam retulimus visum mihi est, eam hic subijcere ad
 (foelicem huic historiæ finem imponendum,

CONCIO

HABITA IN
TRANSLATIONE OSSIVM

PATRIS BALTHASSARIS ALVAREZ
pijsimæ memoriæ ad Ecclesiam Socie-
tatis IESV Villa-gartiensem.

SALVTATIO.

*MEMORIA IOSIAE IN COM-
positione odoris facta opus pigmentarij.*

*In omni ore quasi mel indulcabitur
eius memoria, & ut musica in
conuiuio vini. Eccli. 49.*

I. &C.



ONVENIMVS hodierna die
in Ecclesiam hanc, ad recens
celebrandas exequias celebris
illius viri & gloriosæ, ac fœ-
licis memoriæ P. Balthassaris
Aluarij, Religiosi Professio-
næ Societatis IESV: etsi e-

nim eam spem habeamus, quòd felix eius anima,
diu iam fruatur æternis gloriæ bonis: (quod no-
bis pollicentur rara virtutis exempla quæ nobis
in vita sua dedit) Nihilominus, vt sanctę Ecclesię
matris nostrę constitutionibus pareamus, no-
stręque obligationi satisfaciamus, Defunctorum
Officium persoluimus. In quo ego minimus &
indi-

indignissimus omnium eius filiorum, sermonem de tali viro & in tali occasione habiturus, ad rem esse existimaui Sapientis verba initio proposita: Memoria Iosif, &c. quibus omnes sui populi filios exhortabatur, vt memores essent gloriosi sanctique illius Regis Iosif, qui à Deo in bonum suæ gentis electus, excellentia aded & stupenda opera in suis diebus fecit, ideoque Sapiens illis dicebat: memoriam hanc debere esse compositionis instar ac mixturæ ex varijs odoriferis, & aromaticis rebus per manum præstantissimi alicuius artificis conditæ, quæ suauissimum odorem continuè exhalet: eritque hæc memoria in ore omnium hominum, qui de ea loquentur, quasi mellis fauus sapidissimus illis ac dulcissimus; & quasi suauissima & ordinatissima musica in auribus existentium in deliciosissimo conuiuio. Aptantur autem hæc verba pulcherri-
mè excellentissimo huic viro, cuius ossa in Sarcophago illo inclusa habemus. Quèmadmodum enim apprimè illi competit nomen Iosif, quod in hebræo *ignem Domini* significat: ita etiam facta, & quæ de altero illo Iosif dicebantur, aptantur illi commodissimè. Ignis enim Domini fuit iste magnus eius seruus: siquidem ignem verbis suis ignem suis operibus, & ignem tota vita sua in alijs accendebat. Bene itaque ei aptantur verba quæ de altero illo Iosif sunt dicta, & quidem nominatim hodierna die in hac exequiarum, quæ hodie persoluimus, solennitate: id autem est hac concione à nobis ostendendum, & ad id tamquam ad propositum scopum illa dirigenda. quod tamen præstandum diuinâ gratiâ no-

opus est, pro qua impetranda recurramus pro more ad Virginem sacratissimam, cui felix hic vir fuit pijssimè addictus, & per quam singulares gratias, & fauores ab ipso Domino accepit. Ave Maria, &c.

INTRODVCTIO.

MEMORIA IOSIAH, &c. stupendum est strictum illud vinculum vnionis & amoris, colligatio illa & amicitia, quam Deus in omnibus creaturis aliquam similitudinem, conformitatem, ac mutuam aliarum ab alijs dependentiam habentibus posuit; admirandus quoque ille quasi naturalis affectus, quem omnes habent, vt sint simul, nec alia ab alijs separentur: Ad cuius rei probationem omittamus creaturas illas, quæ sensu carent; imò & eas, quæ sensu quidem vtuntur, sed sunt irrationales: & loquamur solum de ijs, quæ ratione ducuntur, in quibus id quod diximus, eminenter apparet: nisi deprauata voluntas id impediat. Nam quemadmodum Ratio iuuat ad similitudinem, conformitatem, ac mutuam aliarum ab alijs dependentiam cognoscendam: ita etiam conducit plurimum ad hanc vnionem conseruandam. Hinc affectus ille naturalis ad eò vehemens oritur, quo filius cupit esse apud suum parentem, & parens apud filium; frater apud fratrem; amicus apud amicum; & conterranei cum suis conterraneis; fidelis seruus cum suo hero, & subditus cum humano & clemente suo Domino; ac denique quicumque maiorem inter se habent conuenientiam, & aliorum ab alijs subordinationem: & eo vsque affectus

affectus huius vis peruenit, vt cum tales non possumus apud nos superstites habere; optemus simul nobiscum aut propè nos etiam mortuos habere, quos dileximus, eorumque ossibus quasi adhærere; demusque operam, vt etiam in ipsa morte conueniant, & simul sint in vna Ecclesia, in vna Capella, imò in vno sepulchro; ita vt amor hic, & naturalis affectus videatur, cum ipsa morte contendere, & par illi esse, ita interpretans illud

a Cant. 8. 6. Canticorum: *a fortis est vt mors dilectio, dura sicut infernus amulatio*; & per verbum *inferni* sepulchrum intelligens. quasi dicat: non est mors potens, nec ipsum sepulchrum ad amorem hunc, & affectum naturalem eorum, qui se in vita dilexerunt, impediendum: nam etiam in ipsa morte, & sepulchro volunt eorum ossa simul conuenire.

Quoties nec sine mysterio (ad naturalem hunc affectum cordibus hominum ab ipsa natura innatum ostendendum) repetunt diuinæ scripturæ in libris Regum & Paralipomenon desiderium, quod Reges Iudææ tenebantur, vt in sepulchris Patrum suorum sepelirentur; & ita fieri post mortem illorum consueuisse, dicitur enim: *sepultus est in ciuitate David cum Patribus suis, & sepelierunt eum in sepulchro Patrum suorum*: & in eisdem libris contrà scribitur de aliquibus, quod non fuerint sepulti cum Patribus suis, nec ossa cum ossibus coniuncta, in pœnam & quidem magnam: euenit Ioram, & Ioas, & temerario illo Ozias. Hunc naturalem affectum insinuat sanctus Augustinus, cum ait, matrem suam S. Monicam desiderium ingens habuisse moriendi in Africa, vt posset in sepulchro viri sui sepeliri: quamuis ad

1 Paral. 21.

24. & 26.

Lib. 1. Conf.

sess. 6. 9.

tens, Dei voluntatem esse ut ad ostia Tiberina moreretur; sanctæ eius voluntati libenter acquieuit. Mille possemus huius rei exempla ex omni antiquitate adducere: sed satis sit dicere: adeò affectum hunc in hominibus vixisse, ut Cicero in eleganti illa Oratione; quam habuit pro Sexto Roscio Amerino, ut miseriam eius extolleret, in quam aduersarij eum coniecerant; non habuerit efficaciorẽ rationem, quam ut diceret: *cui de tanto patrimonio, ne iter quidem ad sepulchrum Patrum relictum est: Ut scilicet illud videret: quasi dixerit: adeò cupiunt homines sepulchra Patrum suorum propè se habere, & posse ad illa ire, & sæpius inuisere, ut non potuerit magis exaggerari miseria, in quam Roscium eius hostes coniecerant, quàm dicendo, quod accessum impediuerint ad sepulchrum illud. In ipsis etiam sacris literis duo huius rei habemus exempla singularia: alterum est sanctæ illius mulieris Ruth, quæ cum amorem & affectum erga Socrum suam Noemi etiam si alienigenam in naturalem iam conuertisset, cupiens nec viuam nec mortuam ab illa separari ei dixit: b *quocunque perrexeris per-* b Ruth 1.16:
gam; & ubi morata fueris, & ego pariter morabor: quæ te terra morientem suscepit, in ea moriar, ibique locum accipiam sepultura. Alterum est magni illius Patriarchæ Iacob, (ut proprius iam ad nostrum propositum accedamus) qui, cum iam esset propè mortem & in terra aliena, cupiens ossa sua cum suorum parentum ossibus coniungi, mandauit valde serio filiis suis, ut corpus suum transferrent in terram Chanaam, ubi Pater eius Isaac; c *Genes. 49.*
& Auis Abraham sepulti erant: c *Sepelite;* in- 79.*

Rr

quit;

quit, *me cum Patribus meis in spelunca duplici, quæ est in agro Ephron Hetai.* In qua re duæ fuerunt circumstantiæ, quæ satis ostenderunt naturalem

Genes. 50. 5. hunc affectum, de quo agimus. Prima fuit ipsum desiderium & præceptum patris; secunda, cura & amor boni eius filij Ioseph, qui præcipuè negotium illud in se receperat; & non solum tanquam filius obediens, & cupiens exequi mandatum Patris, corpus eius curauit in terram Chanaam deferri; sed etiam affectu ipso naturali, de quo loquimur, ductus: nam cupiens & ipse in patria sua
Gen. 50. 24. sepeliri (quod in suo testamêto cõstituit, & post-
Exod. 13. 19. ea Moyse impleuit) noluit ossa sua separari ab ossibus sui parentis. Quare statim corpus eius ad Auorum suorum sepulchrum detulit, vt omnia ibi simul essent. Et licet ipsius Ioseph ossa postea reposuerint in parte illa terræ promissionis, quæ
Ios. 34. 32. vocabatur Sichem, (ob reuerentiam fortè sepulchri trium illorum sanctorum Patriarcharum) non tamen illud reposuerunt præcul ab illo, vt affectum illum ac desiderium naturale, de quo agimus explerent.

TOTVS hic discursus est effigies quædam valde ad rem eius causæ, quæ nos hodierna die ad hanc Ecclesiam conuocauit, vt ossa Patris Balthassaris Aluarij, loculo illo inclusa, videremus; quæ ex Prouincia Toletana ad Castellanam allata sunt, & in hoc Villa-gartiensi Collegio collocata, est enim hoc opus ortum ex affectu illo & amore, quo filij tenentur simul manendi cum suis parentibus, tam in vita quàm post mortem; & imitatio quædam valde ad viuum eius, quod fecit Ioseph cum corpore Patris sui Iacob: quamuis

uis enim ibi adfuerit parentis morientis mandatum, hic autem non: adfuit tamen amor & cura fidelis ac beneuoli filij, qui ad imitationem Ioseph id fuerit exsequutus. Nec dubito, magno solatio dilecto huic Patri nostro futurum fuisse, vt in hac Prouincia vltimum suum diem obiret; suaque ossa simul essent cum ossibus Patrum, ac fratrum, totque filiorum suorum: sed existimauit fortè, etiam in Prouincia Toletana se inter eodem vitam suam finire: non solum, quod Societatem ingressus fuerit in præcipua eius parte, Vniuersitate scilicet complutensi; & per aliquot annos ibidem vixerit; & quod tempore mortis suæ esset totius Prouinciæ Præpositus, & Pater: sed, quod etiam simul sciret singularem charitatis, & vnionis spiritum, quo Deus vult coniunctos & colligatos esse omnes, quicunque sunt in Societate, cuiuscunque nationis sint, & in quacunque mundi parte conueniant; & in viginti tribus prouincijs, quas hodie habet Societas, distributas fere in omnesterræ regiones, omnes qui in ea sunt habere cor vnum, & animam vnā: propter has, inquam, rationes, crediderim, illum nec dixisse, nec petijisse, vt ossa sua in hanc Prouinciā deferrentur: sed quamuis hæc non adfuerint, non tamen defuit amor ac desiderium Ioseph filij dilecti, huius, inquam, Prouinciæ, & nominatim huius Collegij, filij ipsius valde dilecti, quod cupidum habendi apud se dilecti sui patris ossa, ea petijt, & obtinuit per piam suam matrem, Donam, ac Fundatricem D. Magdalenam Vllloiam, & nunc simul sunt, vt videtis in illo oculo: vt inter plurima & insignia opera ac beneficia, (ob

quæ tota Societas, & peculiariter hæc Prouincia, & in ea maxime hoc Collegium eidem sumus obstricti, vt eius memoria in cordibus nostris perennetur) non sit hoc minimum; sed valde singulare: quodd curauerit foelicissima ista ossa huc adferri, vt Collegium hoc tanti voti ac desiderij sui compos euaserit. Cuius desiderij causa non tantum fuit naturalis ille affectus, etiam si adeo ille sit vehemens, qualem diximus esse vnionis, aliarum rerum cum alijs, præcipuè quam filij cum parentibus habere desiderant; sed alia quoque excelsior ratio de cælo allata: vt hac ratione, recentiorem conseruantes memoriam talis Patris, imitemur rara virtutum eius exempla. Magna quidem fuit memoria, quam tota hæc Prouincia, & maximè hoc Collegium habuit semper de benedicto hoc Patre suo; & magnum solatium, quoties eius absentis recordabatur. Hoc testata sunt corda, lingua, & colloquia omnium, qui illum nouerunt; hoc muri eius Ecclesiæ, ipsius tempore erecti cum Rector esset, & Tyronum Magister; hoc cubacula & pergula, siue transitus huius Collegij, in quo suauissimus sanctitatis eius odor remansit; hoc huius Oppidi plateæ, per quas transiuit aliquoties, & vestigium virtutum suarum reliquit. Sed ab hodierno die in posterum solatium hoc erit magis commune omnibus eius filijs, huic Collegio, ipsi Oppido, toti quæ Prouinciæ: siquidem illum præsentem iam habent, eiusque ossibus fruuntur, quæ tanquam fragrantissimi balsami vasa suauissimum odorem exhalant, eiusque memoriam cum tam propè sint, efficacius renouant. Quamobrem magni huius serui Dei memores iure opti-

re opti-

OSSIVM P. BALTHASS. ALVAREZ. 619
re optimo dicere licebit : *memoria Iosia*, &c.

PVNCTVM I.

VT autem hoc distinctius & in particulari
magis declaretur obseruandum est: tribus
modis excitari posse in nobis rei alicuius
memoriam: aut sola imaginatione interna ab
alijs internis speciebus, quas in se habet, excitatas:
quæ ad talis rei memoriam eam deducunt, eius-
que speciem & figuram repræsentant; aut sermo-
ne & colloquio de eadem re, cuius memoriam
ipsum colloquium sensim reddit viuaciorem; aut
denique tertio ex auditu eorum, quæ alij loquun-
tur, & agunt de eadem re: tunc enim auditus tan-
tum sufficit, vt interiùs rei memoria excitetur.
Nunc igitur dico, omnibus his tribus modis dice-
re nobis prædicta verba, etiamsi metaphorica,
qualis esset memoria, quæ in populo hebræo de
pio illo Rege Iosia haberetur: ac proinde eisdem
significari, quam de bono P. Balthassare Aluaria
habere debeamus.

AD explicandum primum, hoc est, quâ ratio-
ne memoria debeat internè ab imaginatione ex-
citari, vsus est Sapiens aptissima metaphora, cum
dixit: *memoria Iosie in compositione odoris facta
opus pigmentarij*, &c. quasi diceret, eum in mo-
dum, quo excellens ac compositionum & fra-
grantium mixturarum conficiendarum peritissi-
mus quispiam res varias miscet, muscum, balsa-
mum, succinum, storacem, & similia, ex quibus
globum componit fragrantissimi odoris: ita me-
moriam sancti huius Regis esse debet, sicut ipsa
inaginatio, quæ in se conseruat species alicuius

Dei serui, eiusque virtutum, quæ imaginatio, quasi prima Magistra in huiusmodi mixturis, & specierum compositionibus conficiendis, coniungeret species aromaticas omnium virtutum ipsius Iosæ, & globum componeret suauissimi odoris ex eis omnibus, quibus odoratui suo valde indulgeret eoque frueretur vnusquisque filiorum eius populi, de eisdem cogitans & memor eius, qui illis erat exornatus. Hoc igitur imaginatio nostra impofterum faciet diligentissimè, vt bene infixas habeat aromaticas excellentium virtutum species magni huius Dei serui; easque coniungens, compositionem conficiat, siue mixturam & globum vt suauis suo odore semper memoriam ipsam excitent. Iussit Deus Moysen ponere in tabernaculo inter alias res altare ex incorruptibili cedri ligno, laminis aureis cooperito, quod appellabat altare thymiamatis: quia in eo offerebatur mixtura & compositio rerum *suaue fragrantium*, quod ita ex verbo græco θυμίαμα deducitur, quod significat suffire, siue afflare odorem, cum accendebatur; in illo enim altari accendebatur compositio illa rerum suaueolentium, & ascendebat ad Deum quia suauissimus ille odor ingrediebatur Sancta-Sanctorum. Et Iosephus ait mixturam & compositionem illam fieri solitam ex tredecim rerum odoriferarum speciebus, ex varijs mundi partibus allatis. Ita igitur in altari memoriæ nostræ faciat phantasia nostra mixturam & compositionem virtutum omnium, quæ in hoc Dei seruo eluxerunt, in diuersis locis, in quibus fuit: quas ostendit in Proincia Castiliæ, in qua fuit Rector Metinensis, Salma-

Exod. 30.

Lib. 6 de
bello Iudai-
co cap. 6.

Salmaticensis, & Villa-gartienfis; & Vice-Prouincialis; quas ostendit in Italia & Romæ missus Procurator huius Prouinciæ; quas ostendit in Aragonia, cum esset eius Prouinciæ Visitator; ac denique quas Toleti, cum illic esset Prouincialis. Et vt omnia cohæreant, coniungat etiam in particulari, faciatque compositionem tredecim illarum virtutum, quæ præ alijs omnibus in eo splenduerunt.

ET *in primis* charitatem & amorem Dei ac proximi, quem habuit vehementer inflammatum: nam in amore Dei videbatur quodammodo consumi, & exhalari: aded enim erat in actibus amoris eius occupatus, vt semper & continuè accensam haberet fornacem amoris Dei in pectore suo: nam in quacunque occasione, & quocunque tempore quis ad eum accederet, emittebat ex se huiusmodi amorem Dei: amor proximi in eo tantuserat, vt nullus non inueniret in eo viscera amoris plenissima in omni tempore & in omni occasione. quam nam curam ægrotantium? quod nam solatium desolatorum ac tentatorum? aliquando etiam ægrotus ex lecto surrexit, periculo exponens vitam suam; vt rogatus accederet ad alium ægrotum consolandum, consiliumque præbendum: item veniente quodam fratre tentato & afflictò media nocte ad ipsius cubiculum, surrexit Pater & iussit sibi assidere & consolatum, quietum, & pacatum ad proprium cubiculum dimisit.

CONIUNGAT & *secundam* speciem aromaticam profundissimam scilicet eius humilitatem: qui cum magni fieret ab omnibus, qui illum no-

uerant & cum illo agebant, magnis & paruis; tanta eius erat humilitas, vt coram patribus senioribus & suis superioribus esset quasi aliquis infans, quanta humilitate audiebat loquentes de aliquo argumento spirituali, etiam proprios discipulos? & cum quanta ipse quædam interrogabat in materia literaria, quasi ipse non studuisset? denique nullum in eo iudicium propriæ æstimationis apparebat; sed magnæ gratitudinis ob accepta de manu Domini beneficia: quare cum in Sacro licebat orationem aliquam dicere *ad libitum Sacerdotis*, ipse ordinariè illam dicebat, quam Ecclesia assignat pro gratiarum actione: *Deus cuius misericordia non est numerus*, &c. Sic enim ostendebat, se in ea oratione magnum inuenire solatium.

TER TIA species aromatica fuit rara eius Obedientia, cuius plurima possemus exempla referre, sed illud sufficiat, quòd, vt absque replica superiori suo obediret, non dubitauit honorem & nomen suum conculcare, agendo cum grauissimis quibusdam personis. maluit enim per omnes difficultates irrumperè, quàm suæ Obedientiæ deesse: cum tamen esset quædam grauis, aut etiam maxima omnium mortificationum, quas in sua vita obiisset.

QVARTA fuit celsissima eius oratio, in qua Deo donante ad eò est progressus, vt integra concione, imò pluribus opus esset, ad agendum de ea. S. ficiat nunc, quod ipse ex Obedientia scripsit cuidam suo superiori, iubenti, mitti sibi breuem summam viæ & rationis, quâ Deus ipsum deduxisset, ac etiam tunc duceret in oratione. Inter
alia

alia aurem, quæ in ea summa refert, ait: quòd
 transactis sexdecim annis, postquam esset Socie-
 tatem ingressus, inuenisset cor suum ex tempore
 mutatum; & mutationem fuisse talem, quæ post-
 ea perdurauerit tota vita: Ex quo orta est interior
 illa Dei D. N. præsentia adèd continua ac bene-
 uola; fenestra illa cælestis aperta; ad quam ille
 statim atque vigilaret se collocabat, in qua hære-
 bat, nullis diei occupationibus aspectum illum
 impedire valentibus. Quoties non solùm cum in
 suo cubiculo, aut recessu esset; sed etiam in me-
 dijs plateis & populi tumultu vocabatur ipse in-
 ternè; & corporis oculis clausis, aperiebat ani-
 mæ; eratque in altissima contemplatione? Quo-
 ties inter ambulandum adèd erat in Oratione ab-
 sorptus, ut etiam transiens per pagos & oppida,
 id non aduerteret, sicut sanctus Bernardus diu
 ambulans propè quemdam lacum? Denique per
 excellentiam fuit vir orationis, in qua ingens à
 Deo donum accepit.

QUINTA fuit continua interior & exterior
 passionum ac sensuum suorum mortificatio. Sta-
 tim in eius actionibus aduertebatur, quàm sibi
 præsens esset, & quale illud fuerit interius mar-
 tyrium propriarum voluntatum, quod Deus so-
 lus videbat! Exteriora stuporem omnibus adfere-
 bant: nam ordinariè semel tantùm cibum in die
 sumebat, parum vesperi, aut nihil: & cibus ipse
 nihil habebat singulare, sed planè ordinarius, &
 totius communitatis: cui conatus est seruus hic
 Dei semper eminenter se accommodare, nec ali-
 quid singulare habere. Somnus erat modicus, &
 non continuatus; disciplinæ prolixa, & adèd ve-

hementes, vt quasi tremere faceret latus illud domesticum, in quo illas faciebat; & quidem in toto corpore, vt vehementiùs doleret. Denique vt vir erat orationis, ita fuit mortificationis: sunt enim hæ duæ virtutes singulariter quasi duæ inseparabiles sorores: & ita continuè in ore habebat; quòd religio esset schola mortificationis; & quòd veniremus ad eam, vt scientiam disceremus faciendi crucifixos.

SEXTA fuit eius puritas & castitas, quæ tanta erat, vt ex solo eius aspectu; compositione oculorum; vultûs modestia, & moribus eius viderentur excitari huius virtutis desideria. Fuit in ea valde excellens: & aliquando accidit ei, vt tota omnino nocte nihil dormiret, positus in oratione, vt attentus esset, beneque præparatus ob quandam vehementem valde tentationem, quæ in hoc genere occurrit.

SEPTIMA fuit extrema eius paupertas. Quàm pauca curiosa in eius cubiculo sunt inuenta? quàm pauca in vestibus? mundus quidem, & benè compositus: sed pauper. Rarissimè vestem aliquam nouam induit; sed ordinariè, qua priùs alij vsi fuissent. Si quod Breuiarium, aut Diurnale pulchrum & elegans ipsi dabatur: statim alteri illud tradebat, præferens in omnibus quod vilius & abiectius esset.

OCTAUA fuit insignis eius patientia, & tolerantia: ærumnas & pressuras magnas habuit exteriores & interiores, easque plurimas in vitæ suæ decursu: in quibus omnibus vultus eius fuit semper Serenus, absque querelis & murmurationibus: loco insignis beneficij & gratiæ valde singula-

gula-

gularis accipiens, quòd innocens aliquid patere-
 tur. Ordinariè debili utebatur valetudine, nec ta-
 men aut querebatur, aut cupedias petebat; sed ita
 dissimulabat, atque si integrâ vteretur. Præcipuè
 verò dum ægrotabat hanc virtutem singulariter
 ostendebat: eratque res stupenda, videre illum
 amarissima pharmaca sumentem, quorum nec
 guttam in poculo relinquebat, & ultimas guttas
 diu expectabat, vt nulla in eo remaneret. Dice-
 bat ipse valde se prodere perfectionem in feren-
 dis patienter aliorum ingenijs & moribus, &
 ipse valde studebat in hoc eminere.

NONA fuit magna animi fortitudo ad egre-
 gia pro gloria & seruitio Dei facinora aggre-
 dienda. Constituit ordinem in Probationibus hu-
 ius Prouinciæ cum tanta disciplinæ obseruatio-
 ne, vt omnes mirarentur, quod homo in specie
 externa non seuerus, nec præ se ferens morosita-
 tem, auderet possetque ad eò intra limites conti-
 nere in probatione actyrocinio Metinensi homi-
 nes iam formatos, Collegiales Salmaticenses,
 Professores, Doctores, & viros valde illustres, in
 magnis delitijs in sæculo educatos; ita vt omnes
 in eius conspectu tremarent, tacerent, subiecti
 essent; adeoque prompti & parati, vt, cùm maxi-
 mè illos premeret, non scirent aliud quid face-
 rent, quàm vt ipsum venerarentur. Accidit semel,
 vt secularis quidam esset in Collegio Metinensi
 tanquam hospes, & nescio quomodo gladium in
 suum cubiculum intulerat, qui incidens in quod-
 dam delirium, surrexit media nocte, & ex cubi-
 culo exiens nudo gladio parietes hinc inde per-
 cuteret; & ingressus ipsius P. Balthassar's cubicu-
 lum,

lum, coepit etiam à dextris & à sinistris temerè percutere: Pater hoc aduertens, clamauit, vt quiesceret: statim enim intellexit quid haberet. Surrexit ergo, & furiosus homo ad vocem eius cessauit; Pater illum per brachium accepit, fecitque sibi in scamno assidere, & paucis rationibus dictis, eum dimisit quietum & pacatum ad suum cubiculum.

DE CIMA fuit insignis in Deum ac diuinam eius Prouidentiam fiducia cum qua valde eos consolabatur, quibuscum agebat; eosque ad calamitatum tolerantiam animabat. Satis notus est casus ille, qui redeunti ex Prouincia Aragoniæ vno die itineris ante ciuitatem Burgensem ei accidit, cum nocte quædam ipse & socij eius in magnis versarentur periculis ob occurrentem multitudinem aquarum; nec scientes, quam viam tutò tenerent: repente enim venit ad ipsos iuuenis quidam in albo equo, & rectà duxit Burgos vsque: scitur etiam Patrem ferè toto illo itinere cum illo iuvene seorsim collocutum, donec peruenerunt ad nostræ domûs Burgensis portam, vnde iuuenis ille omnino disparuit, vt nunquam sciuerint quis esset. Admiranda fuit huius Patris in eo casu fiducia, omnes enim suos comites ad benè sperandum animabat, donèc euenit quod diximus; & iudicatum fuit, iuuenem illum fuisse Angelum aliquem à Deo missum, vt illos duceret; aut sanctum illum fratrem Ioannem Ximenum qui paulò ante obierat.

VNDÉCIMA fuit indefessa eius perseuerantia in omnibus actionibus virtutum. quanta illa fuit eius constantia, cum per sexdecim annos
(quem-

(quemadmodum ipse in relatione sua dixit, quam ex obedientia fecit) dicat, se semper laborasse, quasi terram arantem, nec fructum colligentem. & eodem tempore maiorem adferebat stuporem eius perseverantia in Oratione, disciplinis, ieiunijs, vigilijs, & in omni genere mortificationis. viginti quinque annis fuit in Societate, nec tamen occupationes, officia, aut profectioes impedimento illi fuerunt, quo minus in cœptis virtutum operibus progrediretur; sed pergeret pertinaciter; & ita constanter, vt admirationem adferret. Quamvis ad profectioem aliquam necesse esset, summo mane etiam hora prima post mediam noctem, se accingere, ita ipse tempus præueniebat, vt integram suam ordinariam orationis horam semper præmitteret; & propterea solatium hoc ex profectioibus accipiebat, quod in eis tota die posset Orationi vacare.

DVODECIMA fuit insignis aded renuntiatio, & quasi auulsio cordis sui ab omnibus creaturis, etiamsi cum omni hominum genere versaretur; magnique ab omnibus fieret. Dicebat ipse, ea ratione cupere se cum proximis agere, eos iuare, & ad Deum deducere; vt id non impediret internam suam recollectionem; nec magis cordi suo adhrerent, quàm si in Africæ aut Aegypti desertis habitaret! ideoque singulares omnes amicitias horrebat.

DENIQVE accedat decimatertia species aromatica, singularis scilicet Prudentia, & magistrum à Deo sibi datum, ad agendum cum animabus tam religiosis, siue Societatis, siue aliarum religionum; quàm sæcularibus cuiusvis generis & statûs.

statûs. Fuit hoc Dei donum in P. Balthassare adeò excellens, vt etiam viri antiqui, graues, valdeque religiosi huius Prouincię optarent in eòdem cum ipso Collegio habitare: & ita, qui poterant recurrerant ad ipsum, tanquam discipuli, vt à tali magistro instruerentur. Res erat magna admiratione digna, quomodo ipse iuxta personarum, temporum, & euentuum qualitatem, & varietatem, rigorem coniungeret cum clementia; seueritatem cum affabilitate; grauitatem cum lætitia; & oportundè annuere nosset, ac renuere. Fuit denique Magistrorum Magister, qui singulariter excitauit in hac Prouincia, & stimulauit nostros homines ad familiaritatem cum Deo in Oratione habendam; & in praxim deduxit recollectionem nostrorum ad antiqua Societatis Exercitia per octo saltem, aut quindecim dies, singulis annis peragenda.

HÆ sunt tredecim suaue-olentes virtutum species, quæ singulariter in admirando hoc viro splendebant: quas phantasia nostra coniungere debet, vt compositionem & thymia ma suaue frangrans conficiat; illudque desiderio accendat, has virtutes imitandi: vt sic Deo illud offerat, petatque sibi concedi: quare non sistat in sensitiua memoria, sed transeat ad intelligentem, incorruptibilem facultatem immortalis animæ nostrę, in qua tanquam in altari se collocet, aureisque laminis tegat. Hoc est vt anima ipsa in gratia sit, & amore Dei, vt hæc oblatio ei placeat non solum, quod compositio ex huiusmodi virtutibus sit confecta; sed etiam quòd in tali altari offerantur. Hunc igitur in modum excitanda est, &
con-

conseruanda primùm magni huius Dei serui memoria.

PUNCTVM II.

DE B E T secundò hæc memoria excitari à lingua & verbis, quibus de eo, quem memoria retinere volumus, sermonem habemus: *In omni, inquit, ore quasi mel dulcabitur eius memoria:* quasi dixerit: quemadmodum mel sapit, estque gustatui non deprauato dulcissimum: ita colloqui de viro iusto, eiusque virtutibus redere debet eius memoriam dulcissimam. & re ipsa experientia hoc docuit, postquam seruus hic Dei mortuus est. nam omnibus, qui illum nouerunt, & cum eo egerunt, cum sermo de illo incidit, memoriam adeò dulcem, suauem, & utilem in eis renouauit: vt efficacia excitauerit desideria magis seriò seruiendi Deo, ei que placendi; & euadendi in viros orationis & mortificationis; ac procurandi, vt Deus adoretur, agnoscat, ei que seruiatur: quemadmodum ipse Pater, cum eisdem agens, efficere conabatur: idque adeò seriò, vt quamuis de illo tanquam iam defuncto colloquium non potuerit non adferre colloquentibus sensum ac dolorem magnum: memoria tamen eius affectum prædictum dulcem & utilem effecit, & in posterum adhuc efficiet amplius. Cùm Dauid loqueretur de Ionatha, magno amico suo: verbis & rationibus, quas adferebat, memoriam suam excitabat: quem cùm mortuum intellexit, magnum ei sensum, desolationem, & lacrymas adferebat, dicebatque: *d Doleo super te, d 2. Reg. 1. frater mi Ionatha, decore nimis, & amabilis super 26.*

amo-

amorem mulierum: sicut mater vnicum amat filium suum, ita ego te diligebam. simul verò eadem memoria dilecti amici sui, dulcedinem & suauitatem ipsi adferebat, recordanti insignium eius virtutum, & optanti eas imitari; & ita dicebati: *sagitta Ionathæ nunquam rediit retrorsum, &c.* Et quod ad rem nostram spectat, meritò memoria nostra efficiet, vt ita de bono P. Balihassare Aluário sentiamus: cui etiam ipsum Ionathæ nomen, eiusque gesta aptè conueniunt. Nomen quidem: quia Ionathas hebraicè nobis significat Dei datum, Dei donum. Quia verè fuit vir iste donum Dei, & à Deo datum in remedium, instructionem, & solatium multorum; à Deo datum in magnum huius Prouinciæ bonum. eiusdem quoque Ionathæ egregia facinora ei conueniunt: si enim meministis, Ionathas fuit ille, qui Philistæorum agmini impeterritum ostendens vul-tum, & volens eos ex confinibus terræ illius Dei repellere, cùm reliqui exercitus Israel sine vlla cura requiescerent, exijt ipse cum solo suo armigero, e *manibus ac pedibus reptans ascendit* ad hostes suos per prærupta, petrarum, & ita eos inuasit vt omnes disturbaret: ita igitur magnus hic Dei seruus quoties in campum exijt, vt cum dæmonibus pugnaret, vt quos sibi commissos à Deo habebat defenderet, ne hostes illis nocerent? quot difficultaribus & laboribus in hac causa se se exposuit: cùm illi, quorum curam ipse gerebat, sine cura & sollicitudine requiescerent, hoc faciebat, cùm multò post alios cubitum se conferret; citiùs verò quàm illi surgeret, vt Orationem suam haberet, se ipsum verberaret, & hac ratio-

ratione pro illis pugnaret. Media ipsa nocte sa-
pius surgebat, ut hos iniret conflictus, cum alijs
profundo somno tenerentur ne, quid ipse face-
ret, aduerteretur: licet tales eius erant ictus, ut
etiam dormientes excitaret, sicut ictus Ionathæ,
& pugna, quam fuit aggressus, excitauit pro-
prium exercitum dormitantem & requiescen-
tem. Aptè igitur ei competunt facta ipsa Ionathæ,
ac propterea etiam ad rem nostram pertinet; ut
doleñtes, quod viuentem Patrem nostrum amise-
rimus: dicamus cum Dauide: *doleo super te, frater
mi Ionatha*: sed simul solatium nobis & iucundi-
tatem adferat memoria eius virtutum, excitetque
eas imitandi desiderium, dicentibus: *sagitta Io-
natha nunquam redijt retrorsum*, quàm enim sa-
gittam P. Balthassar est iaculatus, quæ retrorsum
rediret? sagittæ erant eius verba, & quidem sagit-
tæ acute, quæ corda traieciabant. Interrogate om-
nes, qui cum illo agebant, & præcipuè Illustres
Dominos & magnates, in quibus talis effectus ob
eorum grauitatem, & reuerentiam, quæ cum illis
est agendum, erat difficilior? est autem res mirà
quòd si vel semel cum illis Pater loqueretur, sen-
tiebant se mutatos, & coràm paupere Religioso
pendebant ab ore eius tanquam infantes. Quid
quæso erat exhortationes eius & conferentias
spirituales audire? immittebant sanè ignem; &
acutarum sagittarum instar videbantur ad intima
cordis penetrare. Accidit ei aliquando, ut ingres-
sus ad cuiusdam monasterij religiosos, breui tem-
pore cum illis agens, ita omnes permutaret, ut se-
riò desiderarent Deo se totos dedere, Exercitia
facere, & ipsum per duodecim dies apud se reti-
nere,

nere, vt ea illistraderet. Et hac ratione tantam opinionem & æstimationem virtutis suæ ac donorum à Deo acceptorum apud omnes, qui illum nouerant omnis generis personas, obtinuerat: vt stuporem adferret. Prælati eum venerabantur: & inter eos præclarus ille & excellens vir D. Franciscus Blancus apud S. Iacobum Archiepiscopus, qui quam de P. Balthassare opinionem & æstimationem haberet, & verbis & operibus ostendit: & nunceriam superstites sunt. D. Christophorus Vela Archiepiscopus Burgenfis, D. Teutonium Bergantius Archiepiscopus Eborensis, D. Santius Abulensis, Episcopus Cartagenæ: qui omnes sensum & opinionem suam de P. Balthassare manifestè aperuerunt. Magnates & personæ illustres eundem Patrem reuerabantur, dixisset hoc apertè Illustrissima illa Domina Christianarum Dominarum exemplar, Ducissa de Trias mater Comesstabilis Castellæ, adhuc hodie superstitis, quæ tanta reuerentia P. Balthassarem Aluarium prosequeretur, vt in suis ad eum literis hanc poneret superscriptionem: Domino meo & Patri Magistro P. Balthassari Aluario Patri meo. Idem dixisset Dux Gandiæ, paulò ante defunctus, qui ad exhortationes & conferentias P. Balthassaris tanquam Nouitius aliquis accedebat; diceret etiam hoc D. Magdalena Villoia, siquidem veneratio, quam erga hunc Dei seruum semper habuit, adeo viuam in ipsa hætenus permansit, vt propterea in animum induxerit, curare eius ossa ad hoc suum collegium deferri. Idem etiam diceret aliquis, qui propè est ipsi Regiæ Maiestati, & multi alij, quos longum esset referre. Personæ raræ virtutis &

tis & sanctitatis, quæ eiusdem Patris tempore in Hispania floruerunt, hanc etiam de P. Balthassare opinionem & existimationem habuerunt. Admirandus ille vir in Betica P. Magister Auila, licet P. Balthassarem nunquam vidisset, quod tamen per literas mutuas se noscerent, optimè de eo eiusque virtute sentiebat. Sancta illa mater Maria Diatia Abulensis, quæ rarò cum exaggeratione loquebatur; cum de donis cælestibus P. Balthassari à Deo communicatis, deque excellenti eius virtute sermonem faciebat, non poterat absque magna exaggeratione de eis loqui. Et illustis illa adeoque iure optimo celebris mulier, quam Deus tanquam instrumentum adhibuit ad duplicem recollectionem virorum scilicet & mulierum instituendam, sancta, inquam, Mater Theressa de Iesu cum tanta exaggeratione loquebatur de P. Balthassare Aluario, ut audientibus stuporem adferret. Cuidam suæ Religiosæ, ipsam interroganti Salmanticæ, an existimaret ipsi expedire, agere cum P. Balthassare, tunc ibi existente; respondit illa: magni beneficii loco à Deo accipere deberes, quòd tibi liceret cum eo agere: est enim is, cui anima mea plurimum in hac vita debet, & qui me maximè adiuuit ad perfectionem. Viuit adhuc Salmanticæ Mater Anna de Iesu, quæ Monasterij illius fuit Priorissa, quæ testatur, se à Matre Theressa de Iesu audiuisse, quòd existimaret, P. Balthassarem Alarium esse in altiori gradu, quàm tunc esset vllus homo in terra, &c.

PATRES Generales Societatis, qui eum nouerunt boni sunt testes æstimationis ac venerationis, qua illum prosequabantur. Pater noster Frâciscus

Borgius rari ipsius talenti ac Magisterij conscius, cupiebat eum Romæ manere, ut illius Tyrocinij ductor esset ac Magister: sed, ne hanc Castellanam Prouinciã contristaret, illum ei restituit: sed constituit tamen, ut per sex menses maneret in Tyrocinio Metinensi, & sex alios in Villagartiensi: ut vtrunque rectè institueret. Pater noster Euerhardus constituens illum Tolerañæ Prouinciæ Præpositum dixit P. Alphonso Montoio, illius Prouinciæ Procuratori hæc verba: optimum, quod pro vestra Prouincia habeo do, cum P. Balchassarem Aluarium vobis assigno. Longum denique esset referre, quanti omnes illum facerent, quod si huius rei causam quæras, illa præcipue fuit, Magisterium illud à Deo ipsi communicatum, ob verborum vim & efficacitatem: cum enim ipse adeò excelsè, quæ dicebat, in se ipso sentiret: quadam quasi violentia quodcunque dicebat, auditorum cordibus infigebatur. Bene igitur illi competit nomen & gesta Ionathæ; & quod noster de illo sermo dulcem in nobis renouet memoriam. Nec minus illi competit Illustris illius Ducis Abner memoria, principis Exercituum Israel, quam ipsemet Rex Dauid alijs verbis tum doloris teneris, tum prædulcibus, ac iucundis excitabat ac renouabat. Tenera verba ac dolorem adferentia erant, quod conuersus ad plebem diceret: *f Scindite vestimenta vestra; & accingimini saccis, & plangite ante exequias Abner. An ignoratis quoniam Princeps & maximus cecidit hodie in Israel?* &c. quæ verba verè erant excitantia memoriam quandam tristem ac dolentem, quam de morte Abner Rex tunc haberet, sed

sed neque oblitus est aliorum, quæ solatium ac iucunditatem adferunt: quare memor fortitudinis ac robusti eius pectoris accedens ad eius tumulum dixit: *nequaquam ut mori solent ignavi, mortuus est Abner: manus tuae ligatae non sunt, & pedes tui non sunt compedibus aggrauati, &c.* Hanc igitur memoriam dico non minus aptè, quàm præcedentem piè nostro defuncto competere. Primum, quod ei aptè conueniat nomen *Abner*, quod hebraicè significat *Patris lucernam*, magni inquam illius cæli Domini. Fuit enim P. Balthassar Alvarez verè lucerna, quam in Religionis Societatis Iesu candelabro positam voluit Deus præhucere, in magnum plurimorum bonum, &c. benè illi conuenit, quod magna fuerit, & nunc sit causa, iacturam hanc & mortem eius deplendi, eò quod in eo amiserimus præcipuum nostræ Religionis virum: non solum, quod talis fuerit in munijis, ac officiis quæ gessit; essetque in eo, quod re ipsa gerebat Præpositi scilicet Prouincialis, in quo vitam suam finiuit; sed nominatim ob excellentiam in virtute & Religione, quam ei Deus dederat: quare aptè ei competit, ut & tunc diceretur, & nunc de eodem dicatur: quoniam *Princeps & maximus cecidit in Israel.* Sed nec minus eidem competit id solatiij, quod in alijs verbis ad nostram memoriam continetur: *nequaquam, ut mori solent ignavi, &c.* nam reuera ita est, quod P. Balthassar Aluarius nec vixit, nec mortuus est, tanquam ignauus aliquis. Non vixit quidem ut talis, si enim verum est, quod dixit Euripides: *nullus Euripides. ignauus in celebrem virum euasit*; & Sallustius: *Sallust in ignauia nemo immortalis factus est*, &c. Qui fuit bello Iugurt.

vir aded celebris in vita sua; qui immortalem ad
 eo sui memoriam posteris reliquit: quomodo di-
 cemus, ignaum eum fuisse? imò aded ab ignauia
 fuit alienus, vt eius verba ad eā eliminandā, & ab
 omnibus qui ea laborarent, & qui in via Dei non
 progredierentur detestandam, tendere videren-
 tur. Ex hoc enim verba illa sæpius ab ipso repeti-
 ta profluxerunt; *ne quis ab excelsis filiorum Dei co-
 gitationibus degeneret.* quæ, cū vnus ex eius Ty-
 ronibus in sensu, quo ducebantur, accepisset, cor-
 dique suo infixisset: & postea in Brasiliam nauiga-
 ret, essetque vnus ex quadraginta nostræ Societa-
 tis Martyribus, qui in mari ab hæreticis Marty-
 rium sunt passi: hisce boni sui Patris ac Magistri
 verbis, quæ in corde suo perpetuò infixæ gerebat,
 reliquos comites exhortabatur ad Martyrium a-
 lacriter obeundum, dicens: *ne degeneremus ab ex-
 celsis cogitationibus filiorum Dei.* Non igitur igna-
 uus fuit P. Balthasar, sed potius ignauiam, graui-
 ter increpauit: quemadmodum strenuus Dex Io-
 sue, qui cum septem Tribus non accessissent ad
 accipiendam possessionem terræ, quæ illis obrin-
 gebat, dixit eis: *g vsque quo marcetis ignauia, &
 non intratis ad possidendam terram, quam Dominus
 Deus Patrum vestrorum dedit vobis?* quoties P.
 Balthasar in suis Exhortationibus, & Conferen-
 tijs mentionem hac de re, & præmio quod spera-
 mus faciebat; de terra, inquam, illa viuorum; de
 robusto pectore, & animo forti, quo difficultates
 quines sint peruincendæ: vt aditus ad eam pateat
 quantam vim in verbis illis Saluatoris: *h Regnum
 celorum vim patitur, & violenti rapiunt illud!* &c.
 nec vixit, nec mortuus est quasi ignauus aliquis:

mor-

g Iosue 18 3.

h Matth. 11.
12.

mortuus est, dum in suo Officio laboraret, consumptus & exhaustus, eò quòd semper vigilans fuerit tanquam strenuus Societatis miles, cum hasta in manu, bombardà in humeris, clypeo in brachio, lorica indutus, & galea ad caput imposita. Hoc dico: quòd cùm illud Officiũ adeò laboriosum fuerit superimpositum corpori adeò debilitato, sanitati imbecilli, ob longas vigilias, ieiunia, verberationes, cilicia, & continuam interiorem & exteriorem passionum, ac sensuum mortificationem, quæ omnia in Officio adeò graui & laborioso ita continuabat, vt nihil remitteret: quare intra paucos menses fuit expeditus: nequaquam vt mori solent ignaui. O verba solatij plena! ò quàm dulcem talis Patris memoriam renouant!

PVNCTVM III.

TERTIO hæc talis Patris memoria excitanda in nobis est ex ijs, quæ ab alijs de eo dici audiemus, sicut ipse Sapiens dixit, hoc tertio modo renouandum esse in populo hebræo memoriam Iosifæ Regis: id enim verba illa vltima insinuant: & vt *musica in conuiuio vini*: quæ est etiam pulcherrima Metaphora. quasi diceret: quemadmodum in splendido aliquo conuiuio, etiamsi intentum valde sit palatum comedentium ad ciborum saporem: eosdem tamen excitat trahit quæ ad se dulcissima ac suauissima Musica: ita vt simul cibus sit palato sapidus & gratus, auribus verò musica dulcis ac iucunda: ita Sapiens volebat, vt Iosifæ memoria populum illum ad eundem cogitandum adduceret, vt sermonem de eo audire, illi esset, quasi suauissimam audiret musicam, dum

in conuiuio aliquo hilari & iucundo versaretur, Hæc igitur est tertia memoriæ ratio, quæ hæcenus fuit, & in posterum erit de Patre Balthassare Aluario in medijs colloquijs spiritualibus, quæ instar sapidissimorum ciborum animas valde recreant, quæ illis vesci solent; cùm ad agendum de Deo, de virtutibus, de Oratione, de Mortificatione, & alijs conueniunt, quanto maiori voluptate afficitur aliqua ex illis animabus, quæ P. Balthassarem nouerunt, dum de illis agunt, si in medio colloquio occurrat occasio, mentionem illius sancti faciendi, dicentes: quomodo ille Pater hoc faciebat? quomodo hoc docebat? quomodo loquebatur? mirum certè est, quanto afficiantur solatio; & afficientur in posterum ex huiusmodi memoria, quasi iucundissimam aliquam musicam in medio splendidissimo conuiuio audirent. Peruenerat Dux ille Holofernes Bethuliam, eo animo, vt totam terram Israel sibi subijceret: sed totus populus Dei, dediderunt se Orationi; ad quam mutuò se exhortabantur, & ad poenitentiam agendam; erantque illis hi sermones in ea pressura magno solatio; & eos tanquam iucundum conuiuium, quo se inuicem inuitabant, accipiebant, in quibus dum versarentur, Sacerdos Heliahim cupiens maius adhuc illis solatium, & animum addere, circumiuit totam terram Israel exhortans eos, vt in eo, quod coeperant, constanter perseuerarent: quibus eius verbis magnum solatium acceperunt, magnaque cum voluptate eum audiebant; ipse verò, vt solatium illud adhuc magis augeret, adiecit dicens: *i Memores estote Moysi, serui Domini, qui Amalec confidentem in vir-*
tute

tute sua & exercitu suo, & in clypeis suis, & in curribus suis, & in Equitibus suis, non ferro pugnando, sed precibus sanctis orando deiecit, &c. Fuerunt illis hæc verba instar iucundissimæ Musicæ in conuiuio vini suauissimi exhortationis Sacerdotis Eliachim; talis itaque nobis fuit, & futura in posterum est boni P. Balthassaris memoria Propterea enim eius ossa huc sunt allata, & manebunt in hoc Collegio; vt meritò dicere ei possimus, quod quidam Iob amicus ei dicebat; *k cum te consum- k Iob. 11. 17.*
ptū putaueris, orieris vt lucifer. O corpus, quamuis videaris consumptum; o ossa, etsi videamini mihi esse confRACTA: viuetis tamen in nostra memoria; & splendebitis tanquam lucifer mane oriens, ex consideratione exemplaris vestræ vitæ in omnibus filiis vestris huius Præuinciae, & in omnibus eorum successoribus. Illic videamini esse occulta; & quasi iam dissoluta; sed vult Deus, vt hodie hęc tanquam recens lucifer compareatis. Hoc modo viuere debent hæc ossa in nostra memoria; sic lucere debent, donec vltimus ille & gloriosus perueniat dies, in quo & viuant & splendeant altiori alio modo in se ipsis; nunc lucet anima, & vt existimare licet, viuit in cælo in magna gloria, Cuius rei habuit reuelationem testis illa valde fide digna, quam paulò ante insinuauit, Sancta Mater Theressa de Iesu, quæ asseuerauit, adhuc viuentem ipso P. Balthassare, & aliquot ante eius mortem annis, ostendisse sibi Deum gloriam, quam ipsi in cælo præparasset, valde excelsam, Omitto alias, tempore mortis magni huius serui Domini (quæ non defuerunt) factas; quæ simul cum ijs, quæ aliunde nouimus, & in hac concione

insinuauimus de exemplari eius vita, quæ meri
 faciunt nos id, quod iam dixi, existimare de gl
 ria, qua eius anima fruitur in cælo. Sed eius o
 nunc viuunt & splendent in memoria nostra, qu
 in loculo illo mortua, & corporis oculis non l
 centia manent: sed dies veniet, qua & ipsa v
 uent, & magno splendore lucebunt. quanta
 lux erit, quam hæc ossa diffundent cùm gloriâ i
 duta resurgent gloriosa? an non de omnibus, q
 se tanquam bonos ministros Domini animaru
 conuersioni dediderunt, dictum est: *I qui ad ius
 tiam erudiunt multos, quasi stella firmamenti fulg
 bunt in perpetuas aternitates?* Quid ergo de eo c
 gitabimus, qui tantâ curâ & sollicitudine, cu
 stupendo aded & copioso fructu id præstitit: n
 quod in illa die apparebit tanquam stella, & pe
 cherrimus lucifer? fruamur nos eo interim, pe
 fidentes eius ossa; viuat, luceatque in nostra m
 moria, vt qui non habemus eum in loculo illo
 uentem; gaudeamus saltem, quod in eo quide
 mortuum; sed in memoria nostra viuentem t
 beamus. Sentiebat gloriosus sanctus Bernard
 mortem Fratris sui Gerardi & cōuersus ad Deu
 dicebat: *Gerardum tu dedisti, Gerardum tu absti
 listi: & si dolemus ablatum, non tamen obliuiscimur*
quod datum fuit; & gratias agimus, quod habuimus
illum meruimus. Ita igitur nos dicamus: be
 dictus sit Deus, quod excellentem adeo virum
 uentem habuerimus; sed & mortuum restitue
 m moriatur anima mea morte iustorum: *stanti
 uissima mea huius similia.* n Ingrediatur putred
 ossibus meis, & subter me scateat, vt requiescam
 dię tribulationis, vt ascendam ad populum acc
 &

I Dan. 12.3.

Serm. 26. in
 Cant.

m Num. 23.
 10.
 n Habac. 3.
 16.

ctum nostrum, &c. vbi sanctum hunc virum vide-
bimus, qui suas passionēs, suos sensus, suasque vo-
luntates adeo accinctas habebat. Hæc interim
nostra memoria repetat: vt quod eius recorde-
mur, sit nobis suauissimorum odorum globus, fa-
uus mellis gustatui nostro dulcissimus, musica
auribus nostris gratissima, qua vocem illam, di-
gnam quæ de cælo veniret, audiamus: o *Beati* o *Apo. 14.*
mortui, qui in Domino moriuntur: Beati enim sunt ^{13.}
in suis animabus; & beati in suis corporibus; bea-
ti in sepulchris; beati in suis ossibus; beati in vi-
ta; felices in morte; felices dum vixerunt in ter-
ra; & felicissimi dum æternis gloriæ præmijs
fruuntur in cælo. Quam gloriam mi-
hi & vobis Deus, &c.

* * *

*Laus Deo Beatæque Virgini
Mari.*



INDEX

INDEX CAPITVM

HVIVS LIBRI.

- CAP. I.** **O**rtus & Educatio P. Balthassar: eim in Societatem Iesu Ingressus, & rocinium, & studia literaria pa
- CAP. II.** Ingens eim ab ipso Tyrocinio propensio ad Otionem & familiaritatem cum Deo: ac diligentia ab adhibita, ad eam perfecte consequendam 12. §. 1. 15 §. 2.
- CAP. III.** Meditationes suas à mysterijs Humanita Christi capit: singulari ad eam deuotione semper affecti & fructus inde perceptus 26. §. 1. 27. §. 2.
- CAP. IV.** Ab ipso Tyrocinio sui ipsius mortificationem rebus omnibus magno studio exercuit; totoque vitæ cursu cum multis penitentia operibus est prosecutus 38. §. 40. §. 2.
- CAP. V.** Emisit tria Vota; Castitatis, Paupertatis, & Obedientia: quæ perfecte semper custodiuit 51. §. 1. Eim Castitas 53. §. 2. Paupertas 56. §. 3. Obedientia
- CAP. VI.** Sacerdos factus, piè Diuinum Officium orat & quotidie Sacrum Missæ celebrat 67. §. 1. 68. §. 2.
- CAP. VII.** Incipit exercere ministeria erga proximos habetque auxilia & monita à Deo Domino nostro, simul in propria perfectione crescat 78. §. 1. 79. §. 2.
- CAP. VIII.** Prudentia, ac dexteritas eim in iuuant animabus; & quibus medijs vniuersim ad id utebatur
- CAP. IX.** Magnum fructum facit Abula in multis personis insignis virtutis
- CAP. X.** Abula iuuat Mariam Diatiam in heroicis ei virtutibus; & fuit mutua quedam & utilissima inter e conferentia circa quinque patiendi fontes 100 §. 1. 106. §. 2.
- CAP. XI.** Matrem Thereßam de Iesu idem Pater plurimum iuuat: & illa habuit reuelationem de prædestinatione P. Balthass. 116. §. 1. 117. §. 2.
- CAP. XII.** Mittitur Metinam de Campo, & Anno 156 Præfessionem edit quatuor Votorum, quam seruanit 118

INDEX CAPITVM.

- CAP. XIII. Quomodo hoc ipso anno largitus eſſet Deus
Orationis & Contemplationis donum 133. §. 1. Relatio,
quam de modo ſue orationis ad P. Generalem Societatis
miſit 135. §. 2. 142
- CAP. XIV. Amplius prædictum orationis modum, eiuf-
demque cauſæ declarantur 148. §. 1. 149. §. 2. 154 §. 3. 159
- CAP. XV. Diuinitus modum hunc orationis adiit, & in-
ſignia dona accepit ad ſui perfectionem, & proximorum
auxilium 163. §. 1. 166. §. 2. 173
- CAP. XVI. Orationis ſue efficacia Metina, & alibi
multa fecit in proximos admiratione digna 176. §. 1. 175.
§. 2. 183. §. 3. 187
- CAP. XVII. Suis exhortationibus magnum fecit fru-
ctum in multis ſecularibus, ac Religioſis perſonis 189
- CAP. XVIII. Charitas eiſ explicatur, itemque labores
& pericula, quibus in gratiam animarum ſe expoſuit
200. §. 1. 202. §. 2. 206
- CAP. XIX. Probationis ordinem Metina conſtituit. eiuf-
dem talenta ad Novitios inſtruendos, eorumque ſub ipſo
feruor 211
- CAP. XX. Aliqui valde inſignes Metina Tyrones. Et re-
cenſentur quedam notatu digniſſima fratrum Franciſci
Godoij, & Antoni Padilij 222. §. 1. Frater Franciſcus
Godoim 224. §. 2. Pater Franciſcus Padilius 228
- CAP. XXI. Quæ ratione ſe ad exhortationes præpararet,
pro Tyrorum informatione 237. §. 1. 239. §. 2. 242
- CAP. XXII. Plura eiſ ad eandem argumenta 247.
§. 1. 248. §. 2. 253
- CAP. XXIII. Præclare geſſit Reſtoris munus Metina, &
in alijs Collegijs; & inſignes eiſ ad gubernandum dotes
250. §. 1. 259. §. 2. 263
- CAP. XXIV. Eiſ zelus & ſolicitudo in promouendis ſtu-
dijs humanioribus, & pia inſtitutione tradenda 269.
§. 1. 270. §. 11. 277
- CAP. XXV. Proſectio eiſ Romana cum Dei fiducia
Angelorumque cuſtodia 279
- CAP. XXVI. Viſitat domum Laktetianam; & fert ſecum
Exem-

INDEX CAPITVM.

*Exemplar Imaginis à S. Luca depictæ; magnæque eius e-
ga Virginem SS aliosque deuotio* 29

CAP. XXV I. Manet ipse loco Prouincialis Romam cu-
duobus alijs Patribus proficiscentis: qui capti fuerunt.
Hæreticis, pro quorum redemptione multum ille labor-
uit 25

Litteræ P. Ioannis Suarij ad Patrem Balthassarem Alu-
rium 31

Litteræ P. Aegidij Gonzalij ad Patrem Balthassarem A-
uarium 308. §. 1. 3

CAP. XXVII I. Graues morbos hoc tempore patitur,
quibus insignem patientiam & perfectionem ostendit
315

CAP. XXIX. Fit Rector Collegij Salmanticensis, datq;
operam vt litteræ cum spiritu coniungantur; magnumq;
in Fratribus nostris studiosis feruorem excitat 324. §.
326. §. 2. 3

CAP. XXX. Notabilia exempla duorum Fratrum st-
dioforum valde feruentium, Ioannis Orsuni & Fran-
cisci Cordubensis 3

Frater Ioannes Ortunius 3
Frater Franciscus Cordubensis 3.

CAP. XXXI. Valde attendebat ad Professorum per-
fectionem: & insignis virtus P. Francisci Kibera, qui tu-
sacras litteras profitebatur 3

CAP. XXXII. Magnum fructum facit in multis illi.
Vniuersitatis virum, & alijs præcipuis secularibus 31

CAP. XXXIII. Monita eius circa colloquia de reb-
Spiritalibus contra deprauatas phrasas Illuminatorum
qui tunc temporis surrexerunt 3

Tractatus de modo loquendi de rebus Spiritualibus 3;
§. 1. de oratione ibid. §. 2. de sensis Spiritualibus 38

§. 3. de Mortificatione Ecclesiastica & vera 383. §. 4.
Obedia 337. §. 5. de Confessione & Communionem 3.

§. 6. de Matrimonio 110. Castitate, ac Religionibus 31

CAP. XXXIV. Quo zelo literis suis absentes inuenit, al-
quot exemplis docetur 393. §. 1. 395. §. 2. 399. §. 3. 40

CAP

INDEX CAPITVM.

- CAP. XXXV.** Factum est Rector Collegij Villa-gartien-
sis, vbi plurimum iuuat D. Magdalenam Vllouiam eius
Fundatricem ad grandia illa, quæ in Dei obsequium fe-
cit 409. §. 1. 417
- CAP. XXXV L P** Balihassar *litteris* suis eandem Do-
minam iuuat, quam Deus ad insignem perfectionem eue-
xit 424. §. 1. 425. §. 2. 430
- CAP. XXXV I L** Fructum quem P. Balihassar in quibus-
dam præcipuis personis fecit, quarum vni duas præclaras
dedit meditationes de Providentia diuina 437
§. 1. 440. §. 2. 444
- CAP. XXXV I I L** Hoc tempore profectus est Bugos, ac
duabus personis suis cognatis modum quendam vite val-
de ordinatum tradidit 448
- CAP. XXXIX.** Profunda eius Humilitas in Officijs ho-
noratis, & prosperis euentibus: & insignes sensus circa
eandem virtutem 451. §. 1. 455. §. 2. 462. §. 3. 464
- CAP. XL.** Oritur magna tempestas ob eius Orationem; in
qua humi iter tulit contemptum 467 §. 1. 468. §. 2. 474
- CAP. XL L** Occasiones huius tempestatis, & responsio ad
difficultates contra Orationem quietis & silentij propo-
sitas, & viriusque exitus 478. §. 1. 461. §. 2. 490
- CAP. XL I L** Efficacissimum esse modum Orandi per Me-
ditationes, Affectus, & Colloquia cum Deo 494
- CAP. XL I I L** Homines Societatis eum orandi modum
sequi debent, qui in nostris traditur exercitijs; eorum
excellencia, atque ad ea exhortatio 503. §. 1. 504.
§. 2. Exhortatio P. Ioannis Suariz ad modum Orationis
in exercitijs nostris præscriptum 509
- CAP. XL I V.** Constituitur P. Balihassar Visitator præ-
uinciae Aragonie, vbi magnam nostri Fratris Ioannis Xi-
meni virtutem cognouit, eimque relationem confecit
517
Littera P. Balihassaris Visitatoris ad *Patres* & *Fratres*
Collegij Societatis Iesu Cesar-Augustæ 523
- CAP. XL V.** Quædam alia Ioannis Ximeni memoranda
circa P. Balihass. 530. §. 1. 532. §. 2. 537
- CAP.

INDEX CAPITVM.

CAP. XLVI. Nominatur Prouincialis Peruanus, & <i>uerbeni</i> Villa-gartiam prodigium quoddam accidit	543
CAP. XLVII. Quid fecerit Villa gartia cum ijs qui studijs absolutis tertiam probationem agebant: & quedam aliorum notu digna	551
CAP. XLVIII. Nominatur Prouinciae Toletanae Praepositus Prouincialis, ad quam se singulari modo preparat, variaq. & sensa experitur	561
CAP. XLIX. Ad perfectionis <i>culmen</i> in Dei amore per gradus suos peruenit insinuantiq. interna aliqua eius sensa circa hunc amorem	568
CAP. L. Perfectionem obinet resignationem, & cum diuina voluntate conformitatem in rebus prosperis & aduersis: & quedam eius de eisdem sensa	578
CAP. LI. Graues aliquae sententiae ex literis eius ad egrotos & afflictos, quibus illos consolabatur, excerptae	586.
§. 1. 587. §. 2.	591
CAP. LII. Proficiscitur Toletum, vbi Prouincialis Officium auspiciatur, & quarto mense vltimum diem obiit Belmontis	596
CAP. LIII. Aliquae reuelationes de felici eius morte & gloria: & auxilia spiritualia ab ipso etiam post mortem praestita	604
CAP. LIV. Translatio ossium eius ad Coll-gium Villa-gartiense	615
Concio habita in translatione Ossium Patris Balhassaris Aluarez pijsimae memoriae ad Ecclesiam Societatis Iesu Villa-gartiensem	621
SALVTATIO Memoria Iosiae in compositione odoris facta opus pigmentarij: In omni ore quasi mel indulcabitur eius memoria, & vt musca in conuiuio vini. <i>Eccli. 49.</i>	<i>ibid.</i>
<i>L&c.</i>	
INTRODVCTIO.	623
PVNCTVM I.	629
PVNCTVM II.	639
PVNCTVM III.	647

F I N I S.



